

652
1960/3

ქართული
ბიბლიოთეკა

5
1960

საქართველოს

საქართველო



ლიტერატურულ-მხატვრული და
საზოგადოებრივ-პოლიტიკური
შუქნალი

საპარტფელოს საბჭოთა მწერლების
კავშირის აზარის განყოფილების
ორბანო

შ ი ნ ა ა რ ს ი

ბ. სალუქვაძე—ლექსები	3
ა. უმრავაძე—მემელი (მოთხრობა)	6
ჟ. ჯაქელი—მოდრეკილი სატევარი (პოემა)	11
ბ. სანაღირაძე—ყველაზე ლამაზი ზღა- პარი (მოთხრობა)	14
ვ. აბრამიძე—ლექსები	19
ძ. მუხომიძე—ლექსები	20
ნ. მოღვაძე—ის იწვედა მალღა, მალღა... (მოთხრობა)	22
შ. როშვა—ლექსები	27
რ. ართილაძე—ლექსები	29
ბ. კაკიბაძე—უსახელო ბარათი (მოთ- ხრობა)	31
გ. თევზაძე—ხომალდი (ლექსი)	34
ა. ბააზოვი—ისევ გამოიღარა (ლექსი)	35
ს. ხელაძე—დაბადების დღე (მოთხრობა)	36
ძს. ჩიქვილაძე—ლექსები	38
აღ. კუპრინი—სპილო (მოთხრობა, თარგ- მნა მ. ჭიჭინაძემ)	39
ჰ. მანი—სტერნი (მოთხრობა, გერმანული- დან თარგმნა გ. კეჭელმაძემ)	47
ჟ. კ. ჯეგორიძე—როგორ დაკარგა ჰერისმა ცოლი (ინგლისურიდან თარგმნა მ. ჩიჯავაძემ)	53
ა. მიცკევიჩი—ძალი და მგელი (იგავ- არაკი, თარგმნა ს. ვარდო- შვილმა)	56

8074

5

1960

საქართველო
ქვეყნის

მოგონებანი

აღ. ჩავლიფვილი—საუბრები იოსებ
გრიშაშვილთან . . . 58

კრიტიკა და პუბლიცისტიკა

შ. ქუჩიძე—ნამდვილი და ყალბი
განძი 64
შ. ნიშარაძე—ზოგიერთი შენიშვნა „ჩაისა“
და „მეფელუდის“ მხატ-
ვრული ენის შესახებ . 74

ხელოვნება

ქ. კომისაროვა—შინაარსიანად და საინ-
ტერესოდ 79

წიგნის თარო

ნ. თალაკვაძე—სიცოცხლის სიმღერა . 81
ქ. ლლონტი—საქართველო-ამიერკავკასი-
აში კაპიტალიზმის განვი-
თარების შესახებ . . . 81

სატირა და იუმორი

შ. შუბლაძე—იგავ-არაკები 83
აღ. სამსონია—სტუდენტობა და სიყვა-
რული (მოთხრობა) . . . 85



რედაქტორი შოთა ქუჩიძე

სარედაქციო კოლეგია:

ბ. ახვლედიანი, ნ. გვარიშვილი, პ. ლორია, გ. სალუქვაძე (პემგ მდივანი),

აღ. ჩავლიფვილი, ფრ. ხალვაში.

გიორგი საღუჟაძე

სიზღერა ბათუმზე

როცა ქუჩებში მიწყდება ხმაური,
როცა მზე ჩადის ყაყაჩოს სადარი,
ზღვისპირა ბაღებს ჩაუვლის ზღვაური,
რომ უთხრას ლურჯი ტალღების ზღაპარი.
თავზე გვევლება ფრთათეთრი თოლია,
თოლიეზივით დაჰქრის ნავები.
შენზე ლამაზი არავინ მგონია,
გიმღერ, ბათუმო, გელოლიავები.
ფერად-ფერადი ვარდებით ენთები,
ბაღებს გიქარგავს პალმების ჩრდილები.
მიყვარს მე შენი მოლურჯო ქედები,
შენი ლაყვარდი და შენი წვიმები.
როცა გშორდები, გნატრულობ, ვღონდები,
შენკენ ვიჩქარი და მომიხარია,
მესალმებიან მიმოზის ტოტები
და გულში ისევ მზიანი დარია.

გაზაფხული

გაზაფხულის ელვარება
ატმის ტოტებს მოსდებია.
ცისარტყელს მთებისათვის
ხელი გაუწოდებია.
ვარსკვლავებად მოციმციმე
დაცვარული ფოთლებია.
განა თოვლის ფიფქებია —
ალუჩების ტოტებია.
ნაირფერად დახატული
ველები და სერებია.
მოიმღერის გაზაფხული,
ყელი მოუღერებია.

გულდია და ხელგაშლილი
სტუმრებს რომ ელოდებიან,
ჭერმაღალი სახლები და
წითელქუდა ოდებია.
ხალისით რომ მამღერებენ,
ძილშიც რომ არ მშორდებიან,
საქართველოს მთებია და
საქართველოს კორდებია.
კრიმანჭულით რომ მხვდებიან,
ძმებია და მოყვრებია...
საქართველოს სიყვარული
ხანძარივით მომდებია.

მ ა რ ი

მოვარდა ქარი ამ შუალამით,
რომ ერთხელ კიდევ ძალა ეცადა.
გადმოუყრიდა დედაჩემს კრამიტს
და მუხას ტოტებს დაუღუღავდა.
პატარას მუდამ ოფლში მწურავდა,
ქარი გრიალით სახლს რომ უტევდა,
დედა თბილ საბანს დამახურავდა
და მაგრად, მაგრად ჩამიხუტებდა.
შეწუხებული ეტყოდა მამას:
„რამ ამოაგდო ამალამ ქარი,

ალბათ, ხეხილი დაღუწა ქარმა“...
დაიძინეო, ეტყოდა ქმარი.
ალბათ, საბანში ტრიალებს დედა:
„როდის ჩადგება ნეტავი ქარი“...
მაგრამ ოთახში დარჩენილს კენტად
დაიძინეო, არ ეტყვის ქმარი.
აყვავებული ატმები სწუხან,
მონატრებიანთ დილა და დარი.
ქარში კაცივით ტორტმანებს მუხა
და შფოთავს, ვიდრე ჩადგება ქარი.

ტბას გაეკრა ჩრდილი...

ტბას გაეკრა ჩრდილი —
გადუფრინა წერომ,
და დამფრთხალი შველი
შეეფარა ჩეროს...
თელას უნდა ღრუბლის
ქულა შეაჩეროს,
მთვარეს უნდა სხივით
ნისლის კაბა კეროს,
ირემს — დაცვარული
ფშანი გადათქეროს,

შენ კი — ყველას ჯობდე,
ყელი მოიღეოო,
რომ შემხედავ, მზერა
გაიღამაცერო,
რაც არ უნდა ვითხრა,
რაც არ უნდა ვწერო,
აღარ დაიჯერო...
ტბას გაეკრა ჩრდილი —
გადუფრინა წერომ...
როგორ მომენატრა
შენი ტანის ჩერო.

მ ა ტ ა რ ე ბ ე ლ შ ი

ჩვენ თბილისამდე ვიმგზავრებთ ერთად,
ვისაუბრებთ და არ დავიძინებთ.
დიდხანს გაგრძელდეს ეს ღამე ნეტა
და დილა ნულარ შეღებავს მინებს.
გათენებამდე თუმცა შორს არის,
დასასრული აქვს გზასაც, სურვილსაც...
მგონია ახლა შენ ხარ შრომანი,
მე — ნიაღვარი გაზაფხულისა.

* * *

გამგზავრებამდე შეგხვდები დილით...
ჩემივე გულის ფართქალი მესმის.
როდის ვეწვევი ხელახლა თბილისს,
რომ მოგიტანო ახალი ლექსი!

* * *

ილაპარაკეთ, გვედრებით... ოღონდ ქართულად...
ოღონდ ქართულად ილაპარაკეთ...

გალაკტიონი.

შენ ოქროყანის ნიაგი გზრდიდა,
შხეფი გესხურა ქართულ წყაროთა.
მზე გიღიმოდა თბილისის ციდან,
შარლოტა!
როგორ მხიბლავდა შენი ქართული,
გისმენდი, თითქოს ჩიტი ვალობდა.
ქართველ ქალივით წარბშემართული
მასლაათობდი ჩვენთან, შარლოტა!
შენც ჩვენებური სილალე გშვენის,
შენც სილამაზის ღმერთი გწყალობდა,
ჩვენი მკვიდრი ხარ, მოკეთე ჩვენი,
შარლოტა!
...მაგრამ მე რაღამ წამართვა ენა,
გული სიტყვებად დაღვრას ლამობდა.
ვინ თქვა ქართველის ამდენი თმენა —
უსიტყვოდ ვიდექ შენთან, შარლოტა...

* * *

მოღერებული შველივით ყელი...
ნაპერწყლით სავსე, წყლიანი თვალი...
თექვსმეტი, მხოლოდ თექვსმეტი წელი
და სული ლურჯი იეზით მთვრალი...
შენ საყვედურით მიცქერი თვალში —
წყენა გადუფლის სახეს ჩრდილებად...
ბავშვობის დღეებს იგონებ ბავშვი,
მე მიხარია და მეცინება.

* * *

ბაღის კარებთან დაფნა და პალმა...
უცნობი ქალი, შვენება სრული...
იგი ჩემს გვერდით სხვას მიესალმა
და აღარ ვიცვი, რად დამწყდა გული.

* * *

ფერდობს ანათებს იელი,
ფუტკარი ნექტრით მთვრალია...
გოგოს შინ დედა მიელის,
მიეჩქარება ძალიან.

ბიჭი უსიტყვოდ გაბრუნდა
გულში იმედის გავლებით:
„თუ ჩემთან მოცდა არ სურდა,
უკან რად დარჩა თვალები?“





ამიან შიკაშია

მ მ მ მ ღ ი

1918 წლის მარტის მიწურული იყო, მაგრამ ზაფხულივით თბილოდა. სასტუმრო „ენი დუნის“ ყავახანა ისევ ქუჩის პირას გამოეფინა. ზღვიდან მონაბერი ნელი სიო ოდნავ არხევდა პალმების შტოს. ყავახანის მუშტრები ბაასითა და თურქული ყავის სმით, ზოგი გაზეთის კითხვით, ზოგი ნარდის თამაშით და ზოგიც ნარვილეს ქაჩვით ირთობდა თავს. უცებ, ყველას ყურადღება ახლად შემოსულმა ოსმან აღამ მიიპყრო და თითქმის ყველა მათგანი თემენას წესით მიესალმა:

— სალამ ალეი ქუმ!

— ალეი ქუმ სალამ! — საერთო სალამი უთხრა ყველას ოსმან აღამ და თავისუფალ მაგიდას შემოუჭდა, აჭარულად შემოხვეული ყაბალახი მოიხადა, გაოფლიანებული შუბლი ბაღდადური ცხვირსახოცით მოიწმინდა, ყაბალახი სკამის ზურგზე ჩამოკიდა და ცალი თვალთ ახედა მომტანს, რომელიც სალდათივით გამოეჭიმა დაკვეთის მოლოდინში.

— კახვე! — ძუნწად ისროლა ერთადერთი სიტყვა ოსმან აღამ და „ბაღდადური“ ერთხელ კიდევ გაატარ-გამოატარა შუბლსა და გაოფლიანებულ კისერზე.

— სულთანური, თუ?....

— თურქული! — ისევ მოკლედ მოუჭრა ოსმან აღამ.

— ამბობენ, მალე ყველაფერი თურქული იქნებაო. — გაუბედავად წამოიკნავლა მომტანმა.

— შენს პირს შაქარი! — ღიმილით მიუგო ოსმან აღამ მას, რომელიც იმ წამშივე თითქმის ხტუნვით გაეშურა ყავის მოსატანად.

სულეიმან ეფენდი შეუმჩნევლად გამოჩნდა ყავახანის მაგიდებს შორის. იგი ფრთხილად და მოწიწებით ეკითხებოდა რაღაცას ხან ერთსა და ხან მეორე მუშტარს, მერე კი თამამად მივიდა ოსმან აღასთან, რომელიც ამ დროს სიამოვნებით მიირთმევდა თურქულ ყავას და, როგორც ეტყობოდა, რაღაც ფიქრებში იყო გართული.

— მე მითხრეს ოსმან აღა თქვენ ბრძანდებით!

— მე კი ვარ ოსმან აღა, მაგრამ თქვენ ვინ ხართ?! — თითქმის გაკვირვებული შეეკითხა ოსმან აღა ახალმოსულს, რომელმაც იმ წუთშივე პაროლით უპასუხა:

— სტამბოლში კარგი დარია...

— ჩვენთან წვიმა მოდის! — მიუგო ოსმან ალამ და მაგიდასთან მჯდომი ტიყა სულეიმან ეფენდი.

— ლა-ილახ-ილ ალლაჰ, მუხამედუნ რესულ ულა, — შვებით წარმოთქვა ოდნავ ხელაპყრობილმა სულეიმან ეფენდიმ და მის სიტყვებს ორივეს ფრიად თავაზიანი თემენა მოჰყვა.

— დაბრძანდით... მაშ, სულეიმან ეფენდი თქვენ ბრძანდებით? — სიამოვნებით წარმოთქვა ოსმან ალამ, ხელები კმაყოფილებით დაისრისა და სულეიმან ეფენდის სკამი მიუჩოჩა.

— მე გახლავართ, ფაშა ბატონო! — დაუდასტურა სულეიმან ეფენდიმ გვერდით მჯდომ ოსმან ალას, მერე უბიდან წერილი ამოიღო და დიდმნიშვნელოვნად გადასცა ნას.

ეტყობოდა, წერილი ფრიად სასიამოვნო იყო. მის კითხვას რომ მორჩა, კმაყოფილმა ოსმან ალამ სულეიმან ეფენდის მხარზე ხელი დაადო და ალერსიანი თვალებით შეხედა:

— დედება ალლაჰს, ამასაც ველირსე... როდის ჩამობრძანდით?

— ტრაპიზონიდან გუშინ გამოვედი. ამ დილით უკვე აქ ვიყავით.

— თან გახლავთ ვინმე?

— ორი კაცი... თვითონ ენვერ ფაშას დავალებით... მაგრამ ისინი ტრაპიზონელი ლაზები არიან და უსინდისოდ გვიდალატეს... მხოლოდ ახლა გავიგეთ მემედ ბეგ აბაშიძის კაი კაცობა და ხელს არ ვახლებთო.

— სად არიან ახლა ისინი? — ხმამალა იკითხა ოსმან ალამ და სახეზე სიბრაშემ გადაურბინა.

— მაშინვე უკან გაბრუნდნენ და ხვალ, ალბათ, ისევ ტრაპიზონში იქნებიან.

— გიაურები!.. — ბრაზით სავსე ხმით წამოიყვირა ოსმან ალამ, — მაგრამ არა უშავს, მოღალატეებს თავისას მიუზღავენ. თქვენ რას ფიქრობთ? იქნებ, თქვენც აიცრუეთ გული? — და პასუხის მოლოდინში ჩვეულებისამებრ ცალი თვალი ბასრი ისარივით გაუყარა სულეიმან ეფენდის თვალებში.

— მაგ შემთხვევაში მეც უკან გაგბრუნდებოდი. მე ჭეშმარიტი მუსლიმანი ვარ და შარიათის, ისლამის, ჩვენი ფადიშახის, ფეიჰამბერისა და თვითონ ალლაჰის მტერს სათანადოდ გავუსწორდები!

— ალლაჰ ხეირ ვერსუნ, კარდაშ! — სიხარულით წამოიძახა ოსმან ალამ და სკამი უფრო ახლოს მისწია სულეიმან ეფენდისთან.

— სანამ დავალებას შევასრულებ, მე მაინც მაინტერესებს გავიგო რა კაცია... ზოგი აქებს, ზოგი აგინებს! — იკითხა სულეიმან ეფენდი.

— შესახედავად თქვენც მოგეწონებათ, მაგრამ ვაი, რომ ავი კაცია... ბეგი მაინც არ იყოს... გიაურია, ნამდვილი გიაური! მთელი აჭარა არია და ხალიფის გზას აცდინა. ვითომ თვითონაც მუსლიმანია, მაგრამ სინამდვილეში მთელი სამუსლიმანოს მტერია. თუმცა მუსლიმანობა თურქებმა ძალად მოგვახვიეს, მაგრამ ისლამსა და შარიათს არას ვერჩიო... სინამდვილეში კი საქართველოსაკენ უჭირავს თვალი და აჭარასაც ქართველებისაკენ მიექაჩება. მოსაკლავია, ნამდვილად მოსაკლავია და თქვენ, ალბათ, თვითონ ალლაჰის მოგზავნილი ხართ, ეს შეითანი გზიდან რომ ჩამოვიშოროთ!

ოსმან ალას ნათქვამით წაქეზებულმა სულეიმან ეფენდიმ რევოლვერი ხელში შეატრიალა და მუქარით სავსე სიტყვები გადმოაფრქვია:

— უჰ, გიაურ-ოღლი გიაურ, შვიდსავე ტყვიას შიგ შუბლში მივარტყამ.

ოსმან ალამ თავის ძეწვევიან საათს დახედა, მოსმენილი სიტყვებით ნასიამოვნებმა სულეიმან ეფენდის ღიმილით გადახედა და დამრიგებლური ტონით მიმართა:

— სადაც არის გამოჩნდება... ამ დროს იცის მოსვლა და აი იმ მაგიდასთან ჯდება, — თვალით ანიშნა, ყაბალახს ხელი წამოავლო და ასადგომად მოემზადა. — მე წავალ, ჩემთან ერთად რომ დაგინახოს, მოგერიდებათ... აბა, თქვენ იცით, სულეიმან ეფენდი. ჩემი სახლი ხომ იცით?

— უკვე ვიყავი, მაგრამ არ დამხვლით.

— ახლა კი საგანგებოდ დაგვლოდებით!

ოსმან ალა დინჯად წამოდგა, სულეიმან ეფენდი კი მოწიწებით წამოიწია, მერე ერთმანეთს ღრმა თემენა მისცეს და ოსმან ალა ნელი ნაბიჯით გაუღდა გზას.

სულეიმან ეფენდიმ თვალი გააყოლა ოსმან ალას, მერე ისევ ჩამოჯდა სკამზე, ოსმან ალას ნაჩვენებ მაგიდას მიაპყრო თვალები და ფიქრს მიეცა. უცებ, თითქოს მიწიდან ამოძვრნენო, მაგიდებს შორის დატრიალდნენ გაზეთის გამყიდველები, რომლებიც ახალ-ახალ გაზეთებსა და ტელეგრაფებს ატრიალებდნენ ხელში და ჩახლეჩილი ხმით გაჰკიოდნენ:

— ტელეგრამა... კლემანსოს სიტყვა... პუანკარეს აზრი...

— ვილსონის გამოსვლა... ლოიდ ჯორჯის მოთხოვნა.

— სედაი მილეთი ენვერ ფაშას ჩამოსვლის შესახებ.

— ენვერ ფაშა ზეგ ბათუმში იქნება.

— აბა, ცხელ-ცხელი გაზეთები, ტელეგრამები...

როცა ყველა მსურველმა შეიძინა გაზეთი და ტელეგრამები, მეგაზეთები სწრაფად მოშორდნენ მაგიდებს და მხიარული სიმღერა წამოიწყეს:

გეგეჰკორი კარტი იგრალ,

ბატუმ პრაიგრალ,

ა ჩხენკელი ვ ეტო ვრემია

კარსომ ტარგავალ.

ყავახანის მუშტრების ყურადღება ახლად მოსულმა ახოვანი აგებულეზის შუახანის კაცმა მიიპყრო. ფეხზე მას წაბლისფერი კრაგი ეცვა, ათლეტურ ტანზე კი გალიფე და ინგლისური ფრენჩი ემოსა. თავზე მუქი ქარვისფერი ბუხრის ქუდი ეხურა. ქუდს ქვემოთ მოჩანდა ღია წაბლისფერი მოხუჭუჭო თმა. მოსულს ძლიერ შევენოდა ოდნავ კეხიანი ქართული ცხვირი და შეტყვევლი ლამაზი თვალები. იგი ყველას თავაზიანად ესალმებოდა და ყველა უდიდესი პატივისცემით აძლევდა საპასუხო სალამს.

ახლად მოსული სულეიმან ეფენდისთან შეჩერდა და, ტელეგრამების კითხვით გართულმა, იგი ვერც კი შეამჩნია, ისე ჩამოჯდა მის მაგიდასთან. სულეიმან ეფენდი ცნობისმოყვარეობით უცქერდა მას და თან გულში ფიქრობდა, ვილსონი, ეტყობა, უბრალო ვინმე არ არისო. უცნობს თითქოს ტანმა უგრძნო, კითხვას თავი მიანება და უცებ გადახედა სულეიმან ეფენდის, რომელიც თითქმის პირდაღებული მიშტერებოდა მას.

— მაპატიეთ, რომ უკითხავად დაგვექი თქვენს მაგიდასთან! — დარბაისლური თავაზიანობით მიმართა უცნობმა სულეიმან ეფენდის და თან გულლიად გაუღიმა.

— როგორ გეკადრებათ... მე მოხარული ვიქნები მასპინძლობა გაგიწიოთ! — სწრაფად უპასუხა სულეიმან ეფენდი და იმ წამსვე მომტანისაკენ გაიხედა, მაგრამ მას უცნობისათვის უკვე მოჰქონდა თურქული ყავა.

— რას ბრძანებთ, ეფენდი!... გატყობთ, აქაური არა ხართ და მასპინძლობა ჩემი ვალია, საიდან ბრძანდებით?

— ტრაპიზონიდან გეახელით.

— რა ამბავია თქვენში?

— იქ არა უშავს, ყველაფერი წესრიგშია, მაგრამ აქ, როგორც ვატყობ, ძალიან ურევენ.

— სამწუხაროდ, რაც ახლა ჩვენს მხარეში არეულობაა, თურქების ბრალია! — უკმაყოფილოდ წარმოთქვა უცნობმა.

— თურქების?! — გაიკვირვა სულეიმან ეფენდიმ. — ალბათ, ძალიან გძულთ თურქები!

— რატომ?!.. მე მხოლოდ ჩემი ხალხის მტრების მტერი ვარ და მათ შორის თურქი მოძალადეების მტერიც. თურქ ხალხს კი დიდ პატივს ვცემ.

— თქვენ თურქების პატივისმცემელი ხართ?! — თითქმის ხმამაღლა წამოიძახა განცვიფრებულმა სულეიმან ეფენდიმ და ეჭვით საესე თვალებით მიაშტერდა უცნობს.

— დიახ! — მტკიცედ უპასუხა უცნობმა და განაგრძო: — სადაც თურქებსა და ქართველებს შორის ჩამოგდებული შუილი სიკვდილს სთესავდა და სისხლი იღვრებოდა, მე მინდა იქ ძმობისა და მეგობრობის წყარო ჩუხჩუხებდეს, რომ იქ ქართველებსა და თურქებს შორის ძმობისა და მეგობრობის ხიდი გაიდვას!

სულეიმან ეფენდი სულგანაბული უსმენდა უცნობს, თვალებში უცქერდა ამ უცნაურ ადამიანს და ყურებს არ უჯერებდა მოსმენილს — ძლიერ ესიამოვნა უცნობის გულწრფელი სიტყვები, მაგრამ ბოლოს მაინც ეჭვის თვალით გადახედა...

— ქართველებისაგან ეს შეუძლებელია!

— პირიქით, — შეედავა უცნობი, — მიუხედავად იმისა, რომ თურქები ყოველთვის დამნაშავენი იყვნენ ქართველების წინაშე, ჩვენ მაინც არა ვართ თურქებთან მეგობრობის წინააღმდეგი.

— ნუთუ თქვენს შორის ბევრია, ასე რომ მსჯელობს?! — კვლავ გაკვირვებული თვალებით შეხედა უცნობს სულეიმან ეფენდიმ.

— უმეტესობა! — მოკლედ მოუჭრა უცნობმა.

— როგორც ვატყობ, თქვენ კარგად იცნობთ თურქებს და თურქული ენაც ჩინებულად გცოდნიათ!

სულეიმან ეფენდის სიტყვებმა ღიმილი გამოიწვია უცნობის სახეზე და ალერსიანი ხმით უპასუხა:

— ამას ყველაფერს ჩემს სიმდიდრედ ვთვლი. სულზე უფრო მეტად მიყვარს ჩემი ტკბილი ქართული, მაგრამ დიდ პატივს ვცემ საამო თურქულ ენასაც. ნამუჯ ქემალის „სილისტრია“ მე ვთარგმნე თურქულიდან ქართულ ენაზე, აგრეთვე სეფეთ ნეჰიზისა და გუზიდე საბრის ნაწარმოებები. ახლა ქართული მწერლობის რამდენიმე ნიმუში მინდა ვთარგმნო თურქულად, რომ ჩვენმა ხალხებმა ერთმანეთი კარგად გაიცნონ და მეგობრულად დაუახლოვდნენ. უკვე დროა ბოლო მოეღოს ერთმანეთის სიძულვილსა და უნდობლობას და ჩვენ, კარის მეზობლებმა — ქართველებმა და თურქებმა, უკვე დროა ერთმანეთს მეგობრობის ხელი გაუწოდოთ!

სულეიმან ეფენდი ფეხზე წამოდგა, უცნობს ხელი გაუწოდა და აღტაცებით უთხრა:

— თქვენისთანა კაცის გაცნობა ჩემთვის სწორედ რომ ბედნიერებაა.

ამიერიდან მეგობრად მიგულებთ... მწამს, თქვენც გამიწევთ ნეტავი და ერთ საქმეში ძმასავით გამომადლებით... იმედი მაქვს უარს არ მეტყვიო!

— სიამოვნებით! ბრძანეთ... რა გნებავთ?

— მემედ ბეგ აბაშიძეს დავეძებ, დღესვე უნდა შევხვდე, თორემ მერე გვიან იქნება... ამბობენ, ამ დროს იცის მოსკლო... როგორც კი გამოჩნდება, გთხოვთ, მანიშნოთ, თორემ ხელიდან გამიძვრება. მასთან შესახვედრად ჩამოვედი.

უცნობს გაეცინა და მხიარული თვალებით გადახედა სულეიმან ეფენდის.

— მე თითონ გახლავარ მემედ აბაშიძე!

თქვა და გამომცდელი თვალებით შეხედა სულეიმან ეფენდის, რომელსაც ისე აუთამაშდა სახის კუნთები და ისე განცვიფრდა, რომ მუდამ თავდაჭერილსა და თავაზიან მემედს სიცილი წასკდა.

— ნუთუ მართალს ამბობთ?! — ხმამალა წამოიძახა სულეიმან ეფენდიმ და მარჯვენა ხელი რევოლვერისაკენ გააქანა.

— დიახ, მე გახლავარ! — მტკიცედ უპასუხა მემედმა და თვალებში რისხვამ გაუელვა.

— აი, თურმე როგორი ყოფილხართ! — ძლივს წარმოთქვა სულეიმან ეფენდიმ და შიშნარევი და გაკვირვებული თვალებით ზომავდა მემედ აბაშიძეს, რომლის სახე ისეთ სიღინჯესა და სიღიადეს გამოხატავდა, რომ სულეიმან ეფენდიმ ველარ გაუძლო, გატყდა და ადამიანს, რომელსაც მოსაკლავად დაეძებდა, გამოუტყდა: — არა, ასეთ ადამიანს მე თითსაც ვერ ვახლებ!

სულეიმან ეფენდიმ ჯიბიდან ამოღებულ რევოლვერს დახედა და მწარედ გაიციინა.

— რა მოხდა, რა გემართებათ, ეფენდი?! — ჩვეული დარბაისლური ტონით შეეკითხა მემედ აბაშიძე და ფინჯანში დარჩენილი გაცივებული ყავა ბოლომდე შესვა.

— მე დავალებული მქონდა თქვენი მოკვლა, მაგრამ, — სულეიმან ეფენდიმ თავის რევოლვერს დახედა და ისევ ჯიბეში ჩაიდო, — უარს ვამბობ...

ყავახანაში მთვრალი მეზღვაურებისა და სპეკულანტების ჯგუფი შემოვიდა. ისინი ხრინწიანი ხმით, მაგრამ ხმამალა მღეროდნენ:

ჩიკი ჩიკი, პრაპორჩიკი,
ასლანჩიკი და დუხანჩიკი...

სულეიმან ეფენდიმ ყავა მოსვა, წყალი დააყოლა და ფეხზე წამოდგა.

— ამის შემდეგ, ალბათ, სხვას დაავალებენ... გთხოვთ ფრთხილად იყოთ... ახლა კი ჩემი აქ დარჩენა აღარ შეიძლება. მშვიდობით!

სულეიმან ეფენდი თემენას წესით გამოემშვიდობა მემედ აბაშიძეს და თავჩაქინდრული გაშორდა იქაურობას. ღრმად ჩაფიქრებული მემედი კი გაქვავებული ვასცქეროდა ზღვის სანაპიროს, რომელსაც უთვალავი თურქულ ფელუგა და შხუნა მოსდგომოდა. მთვრალი სპეკულანტები და მეზღვაურები კვლავ მღეროდნენ:

ჩიკი, ჩიკი, პრაპორჩიკი,
ასლანჩიკი და დუხანჩიკი.



ჯემალ ჯაყელი

მოღრეპილი საბეგარი

1.

გათენდა. მტრედმა ცისფერმა
ცისკარს მშვიდობა ახარა.
მოჭქუხს ჩანჩქერი —
მშობელის
ჩამონაშალი ჭადარა.
სამზიარ სჭექეს ნადური —
ეჯიბრებიან ძმები ძმებს,
მოხუც ლომანას ამ დილით
სახლში რა გააძლებინებს.
სჭედავს და სჭედავს ნამგალსა,
ბევრზე ბევრია სამკალი.
— ვინც ომის აფრა აუშვას,
ფეხქვეშ გაიგდე, დაჰკალი. —
ეს სთქვა და ხანჯალს გადასწვდა
იღუმალ ზრახვით ამგვართ:
„ისა სჯობს ღველფში გავრიო
და გამოვჭედო ნამგალი“.
შემდეგ შვილიშვილს ანიშნა, —
დაჰბერე მთელი ძალითა.
მაგრამ ფოლადამ უარი
ჰკადრა რიდიტ და კრძალვით
— გთხოვ მაპატიო, ბაბული,
(და დაუკოცნა ხელები)
ისე იოლად მაგ ხანჯალს
ნუ მოდრეკ, ნუ შეეღვევი.
გემუდარები გულითა
სურვილი შეატრიალე,
ეგ შეინახე როგორაც
ბრძოლების მემკვიდრე.
მოხუცს მოსწონდა ნათქვამი,

გულიდან ამომდინარი.
ურო დაუშვა, გადადო
გრდემლთან ფოლადი მღვივარი.
სამფეხა სკამზე ჩამოჯდა,
ფიჭრებს მიეცა შორეულს:
„ჩვენი დღეები წარსულთან
რარიგ გვაშორიშორებენ“.
— მუშა ვიყავი მჭედელი, —
კვლავ იგონებდა ლომანა, —
სიმწარის ოფლმა დამწვარი
ლაწვეები ბევრჯერ მონამა.
ვშრომობდი, მაინც მშვიოდა,
დროება იყო ასეთი.
სად არ ნახავდი დაცემულს,
სად არ ნახავდი დასევდილს.
ოქტომბრის გრგვინვამ მოგვისწრო,
შემძვრელმა ცის და ხმელეთის.
დიდი სინათლის წყურვილით
არ დაგვინდვია ბნელეთი.
იყო ზათქი და ქუხილი,
ძმობა შეკრული ფიცითა.
იქ შემიღებეს პერანგი
შერუჯულ მკერდის სისხლითა. —
თქვა და დახედა მახვილსა
ჩამოღარულსა ცხრა ღარით.
შორით უმზერდა ყრმობასა
განათებული ჭადარით.

2.

ომი ოაიწყო საზარი.
ზეცამ ღრუბლები აშალა,
სამშობლოს მტერი მოუხდა

მუხანათურად, აშარად.
 მოერტყენ ახალგაზრდები
 ოქტომბრის დროშის გარშემო.
 — ბრძოლის დროს უნდა იბრძოლო,
 შრომის დროს უნდა აშენო!
 თქვენი ჭირიმეთ, ლომებო,
 რომ დაგიარახტავთ რაშები.
 თავისუფლების ჩანჩქერო,
 შენ არასოდეს დაშრები.
 მთელი სოფელი აქ არი
 და ბერიკაციც აქ არი.
 — ახლა სჭირდებით ქვეყანას,
 თუ დაჰკრავთ, ახლა დაჰკარით! —
 ასე დუდუნებს ლომანა
 და ხანჯალს სინჯავს ალესილს,
 ხალხში კოცონად ინთება
 ძისი თვალების ნაკვესი.
 — ბიჭო, მომხედე, ფოლადავ,
 რომ დაგიკოცნო თვალები. —
 და გულისპირი გახსნოდა
 ნამეხარ-ნაგრიგალევი. —
 ახლა თქვენშია ძალღონე,
 ვხა-კვალს გილოცავთ გულგაშლით,
 არ შეგრცხვენოდეთ მარჯვენი
 და ვაჟკაცობის უღვაში!
 ვაჰ, დამემართა სიბერე
 (ეშმაკი სატიალეა),
 არ შემიძლია მახვილის
 თქვენებურ დატრიალება,
 თორემ... მეც მახსოვს შერკენა,
 ზუყვია მრჭობია ეკლადა,
 წამოგყვებოდით ურჯულოს
 მოსარჯულ-მოსადრეკადა.
 ცალ მუხლს დაეყრდნო ფოლადა,
 მკერდზე დაიღო მარჯვენა:
 — ერთი გული მაქვს, დავხარჯავ
 სამშობლოს გადასარჩენად.
 შემდეგ წამოდგა ვეფხივით,
 შეგნოდა მხარგაშლილობა,
 უსიტყვო ფიცით ემთხვია
 ლომანას მკერდზე ჭრილობას
 და შემდეგ მისგან ნაბოძებ
 ხანჯალს აკოცა ყმაწვილმა.
 ფოლადა თითქოს სიმტკიცე
 შიგ გულში გაუნაწილა.

3.

— რა განსაცდელი დაუდგათ

მთის არწივების საბუდეებს
 არა, ჩვენს მონაპოვართა
 მტერი ვერ დაისაკუთრებს!
 ვართ მოიმედე შვილების,
 შევარდნებად რომ დავზარდეთ.
 მოკვდეს ის, მამულისათვის,
 ვისაც სიცოცხლე დაზარდეს. —
 დავხარბება მოხუცი
 წერილს, გაკეცილს ორადა.
 თითქოს სტრიქონში იდუმალ
 ტკბილად ჩურჩულებს ფოლადა:
 „ვისლა გავცურეთ მხარულით,
 ბრძოლით, ზათქით და ხმაურით.
 მოძმე მომიკლეს თვალწინა —
 ტანაშოლტილი ჭადარი,
 ფარულმა ცრემლმა დამწვიმა,
 მომედო ცეცხლი, ლადარი.
 თითქო გავსვავდი უცნაურ,
 სისხლი მომწყურდა ძალიან,
 მომხვდურს ვურტყამ და ვეხლები.
 ხანჯალი ამბობს — ძვალაია,
 ძვალაია ბერლინამდისა!..“

4.

ვათენდა დილა სისხამი,
 მთა-ბარმა მკერდი გადიხსნა
 და გამარჯვება გვახარა
 გამარჯვებათა მისმა.
 მოდიან, ბრძოლის ველიდან
 მკერდგარუჯული გმირები,
 ბევრჯერ სიკვდილის თვალებში
 გულცეცხლად შენამზირები,
 და ვაჟკაცური სიმღერა
 მკერდზე ია-ვარდს მიაშლით.
 დედები შვილებს ხვდებიან
 ხალხის ზღვა-ტაშის გრიალში.
 ჭერს დაუბრუნდნენ მერცხლები,
 მზეჭაბუკები — კერიას.
 „სიკვდილი ან გამარჯვება“
 ფიცით მკერდს აწერიათ.

* * *

მკერდზე ვარსკვლავი ციმციმებს
 გმირული ბრძოლის დასტური.
 ფოლადამ უმალ შეისხნა
 ფოლადი მამა-პაპური.
 ლომანას გადაუწოდა,
 ძველი ლომია ქებული.

მზეზე პრიალებს მახვილი
მტრის ძვლებზე დაბლაგვებული.
— არ შეგირცხვინე წამითაც,
არც ყანგი მოვაკიდო.
მოვირტყამ, თუკი ოდესმე

ბრძოლის დრო მოვა კიდევ.
შენ გაგიხვრიტეს გულმკერდი,
მე გამიხვრიტეს მარჯვენა.
შენ — ოქტომბრის მზის ძებნაში,
მე — ამ მზის გადასარჩენად.

მკილოზის მავიერ

— მორჩა, გათავდა, არ იყოს
ომის სსენება ამიერ.
სიცოცხლეს მრავალყამიერ,
მშვიდობას მრავალყამიერ,
ზეცას წიგნივით წაკითხულს,
კაცის ხელს მრავალყამიერ,
კაცის თვალს, მიწის წილში
ჩაწვდენილს, მრავალყამიერ.
მრავალყამიერ კაცის გულს —
მთელი სამყაროს ოდენას,
ხალხთა გულიდან გულისკენ

მშვიდობის გადაწოდებას! —
თქვა და წამოდგა ლომანა,
მზე ჩაფრქვევოდა თვალებსა.
გახედა მწვანე ჯეჯილებს
ზღვასავით მონანავესა.
დაჰკრა გრდემლზე და... ხანჯალი
მოდრიკა როგორც ნამგალი:
— არა თუ ომი,
ამ ქვეყნად
იყოს მშვიდობა სამკალი!



გიორგი სანაღიკაძე

ყველაზე ლამაზი ზღაპარი

როცა მალღობი აიარეს, ერთბაშად ყველაფერი უკან დარჩა — შუქურის კოშკი, ეზოში გაფენილი ბადე, ვიწრო ქუჩა და სახლები. ცა მუქი იყო, ძალზე მუქი და წვიმდა. ატალახებულ გზაზე ბორბლები ეფლობოდნენ. მამა ზრახობდა. დიდრონი, დაკუნთული ხელებით დაყრდნობოდა საჭეს და ბრახობდა. მერე დაღამდა. მაგრამ წვიმა არ შეწყვეტილა. ფარნის შუქზე ზოგჯერ ვერცხლისფრად გაიელვებდნენ მაღალი თხემელები. ისე კი უმეტესად გზა ტრიალ მინდორში გადიოდა. ბიჭი ჩუმად იჯდა. მამამ მოუხედა და მხრით შეანჯღრია.

— იქ, ჯიბეში, სიგარეტებია, — თქვა მამამ.

— აა? — გამოცოცხლდა ბიჭი, ჯიბეები მოქექა, თავი გააქნია. — აღარაფერი დარჩა. — თქვა მან.

„დალახვროს ეშმაკმა, გაუელვა მამაკაცს, გულმავიწყობაც დამჩემდა, აკი ცარიელი კოლოფი წელან გადავადდე?“... ახლა დაბამდე უნდა ითმინოს, იქ კარგი კაფეა, ლეინოსაც იშოვიან. სითბოსა და საწოლის გახსენებაზე ვანოს თვალები ებლიტებოდა. იგი ახლა კიდევ ნანობდა, რომ ასე შორ გზაზე წამოიყვანა ბიჭი. თუმცა ბიჭი არც ისე ცუდად გრძნობდა თავს. ტყავის უზარმაზარ კურტაკში გახვეული, მინას მიყრდნობოდა, გზას გაჰყურებდა.

— მოგწყინდა? — ჰკითხა ვანომ.

— არა, მამა, ქარი ქრის და ქარში ისე კარგია ოცნება!

„იგი თერთმეტი წლისაა და ადამიანი, ალბათ, მის ასაკში სწავლობს ნამდვილ ოცნებას, გაიფიქრა მამამ. ანდა ოცნებას გარდა რაღა რჩება, როცა წინ სველი გზაა და უკუნი ღამე?“

ბოჭმა დაახველა.

— არ უნდა გაგელო სარკმელი, — თქვა მამამ.

— აღარ გავაღებ, — თქვა ბიჭმა.

— აღარ გავაღებ! — გამოაჯავრა მამამ, — ხომ ხედავ, ისევ დაგახველა, იქნებ ტანშიაც გტეხს?

გოჩა შებინდების მერე გრძნობდა უგუნებობას, მაგრამ დამალა. მამამ საჭე გაასწორა, დამატებითი ფარნები ჩართო, მაინც ათიოდე ნაბიჯს იქით

არაფერი ჩანდა. მობტორი ოდნავ ხმაურობდა, ერთხანს ჩუმად ისხდნენ, ქარს ქროდა და უსმენდნენ ქარის შხუილს.

— როცა პატარა გიყავი, — თქვა მამამ, — შენზე უფრო პატარა, დედამ ძალიან ლამაზი ზღაპარი მამაბო. იმ წელს დიდი თოვლი მოვიდა, თოვლმა სახლები დაფარა და დედას ჩემი მარტო გაშვებისა ეშინოდა — დაიკარგებო. დედა დამისვამდა მუხლებზე და ათას რამეს მომიყვებოდა. მაგრამ ყველაზე უფრო ერთი ზღაპარი დამამახსოვრდა, ლამაზი ზღაპარია. იმ წელს ბევრი თოვლი მოთოვა, ბევრი თოვლი, ზღაპარში კი ერთი სიტყვაც არაა თოვლზე.

— როცა მოთოვს, ქუჩებში არ ვირბენ, — თქვა ბიჭმა, — მე ყველაფერს ვაგიგონებ, მამა, ოღონდ...

— ოღონდ რა?

— ოღონდ კანარის ჩიტი მიყიდე, ილოს მამას ოთხი ასეთი ჩიტი ჰყავს, ისე გალობენ, ისე...

— კანარის ჩიტი? — დაეკითხა მამა.

— ჰო, კანარის ჩიტი, მე ყველაფერს ვაგიგონებ, მე ხომ ჯერ არაფერი მითხოვია.

— კარგი. — თქვა მამამ, — გიყიდი, თუკი ასე გინდა. მაშინ ზღაპარი სხვა დროისათვის გადავდოთ.

გოჩა მიხვდა, რომ მამა გაანაწყენა, გაიტრუნა. ახლოს მიიწია, მკლავზე წაებოტინა. მამას მსხვილი მკლავი ჰქონდა.

— მამა, ა, მამა... შეიძლება ახლა მოჰყვე?

— რა, ზღაპარი?

— ჰო, ლამაზი ზღაპარი, აი, დედამ რომ გიამბო დიდ თოვლში.

— აკი არ გაინტერესებდა?

— მე ძალიან მაინტერესებს, მამა, ძალიან, გეფიცები ძალიან, მაგრამ კანარის ჩიტზე ეს უცებ მომივიდა. მამაბობ?

ბიჭმა ისევ დაახველა. „კარგი ზღაპარი იქნება, თუ გაცივდა“, გაუელვა უანოს. საყელო აუწია და ლოყაზე მოუთათუნა ხელი. ბიჭს თბილი ლოყა ჰქონდა.

ამასობაში ხიდი გაიარეს. წინ, გზის შუაგულში, უზარმაზარი მამაკაცი დაინახეს. მამაკაცს ხელი აეწია, შეჩერებას თხოვდა. მანქანის შუქზე ბუნდოვანად ჩანდა იმისი სახე. მაგრამ კარგად ჩანდა რუხი საწვიმარი და ჩექმები. როცა ავტო დაამუხრუჭა, მამამ სარკმელი გააღო.

— შენ რაღა გინდა? — ჰკითხა მამამ. უცნობმა სოფელი დაასახელა.

— შორსაა, — თქვა მამამ.

— მიმიყვანე, — შეეხვეწა უცნობი, — ძალიან გთხოვ, მიმიყვანე, ბავშვი მყავს ცუდად... მაგვიანდება.

მამამ გოჩას გადახედა. იფიქრა არ მისმენსო, მაინც ჩუმად ჩაილაპარაკა:

— თითონაც ხედავ, მანქანის ტარება ჭირს, საბურავებიც ვერ გაუძლებენ.

— რა ვქნა, — მიუხვდა უცნობი, აწრიალდა, — ბევრი ფული არა მაქვს, მაგრამ ვალში არ დავრჩები.

— აა? — გაიკვირვა მამამ, მერე ამოიოხრა. — არაფერი შემოძლია, ძლიერ მეჩქარება, თანაც სხვა გზით მივდივარ, თორემ სიამოვნებით, განა ფულზეა საქმე?

უცნობი კიდევ დიდხანს იდგა კაბინასთან. ალბათ, მანქანის ამუშავებას უცდიდა.

— გესმის, ამაღამ უსათუოდ უნდა მივიდე შინ. ცოლმა დაიწყო ბავშვი... დიდი სიციხე აქვს, ის კი ისეთი პატარაა, ისეთი პატარა...

ვანომ მხრები აიწურა. როცა უცნობს შორს გასცდნენ, ბიჭის მზერა იგრძნო.

— რატომ არ წამოიყვანე? — თქვა ბიჭმა.

— ვინა? ის აყლავდა?

— ჰო, მას ბავშვი ჰყავს ცუდად.

„დაიწყო“, გაიფიქრა ვანომ, „ალარ მომასვენებს კითხვებით“. — მეორე სიჩქარე ჩართო, უნდოდა გოჩას ყურადღება გზისკენ გადაეტანა.

— ძალიან კი იცი, ბავშვი საერთოდ ჰყავს ავად თუ არა. ვიცნობ მაგ ვაჟბატონებს, ყოველთვის რაღაცათი შეწუხებული არიან, თავს გაბრალებენ, იქნებ უფასოდ წაგვიყვანონო

— იგი არ ჩანდა ასეთი და ძალიან ცუდი ვქენით, რომ არ წამოვიყვანეთ, მანქანაში ხომ გვაქვს ადგილი? აკი დილით ხუთნიც ვიჯექით?

მამამ წარბები მოჰმუხნა.

— კარგი, — თქვა მან, — ხომ არ გინდა დავბრუნდეთ?

ბიჭი ღუძღა. წვიმამ იმატა.

„სისულელე ვქენი, რომ წამოვიყვანე“. ახლა უფრო მწარედ ინანა ვანომ, „ამ ღლაპთან ორი კაპიკის შოვნისაც მეშინია, სირცხვილიაო. შვილიც ანეთი უნდა, არაფერს მოგერიდება“. დილინდელი საუბარი გაახსენდა, გული წოფიდა. „არა, აწი არასოდეს წამოვიყვან. ხუმრობაა, ორი დღედაღამე გზაში! მცე გასართობი მოვიგონე რაღა! რომ ჩავრჩე სადმე, მაშინ?“ ბიჭს გადახედა. გოჩას პატარა სანათი ჩაერთო და რომელიღაც ჟურნალს ათვალერებდა.

„ტიალი ღამეა, წარღვნის ღამე, ეს კი ზის, თავისთვის კითხულობს. არჩინე, კარგად ჩააცვი, საკუთარი მანქანით გაასეირნე ბიძასთან, რომელიც ორადლის სავალზე ცხოვრობს. ეს კი, თუ გიხელთა, ჰკუთს სწავლებას დაგიწყებს. რა კეთილია, ა? მაგას რომ ვუყურო, მთელ ქვეყანას მოსამსახურედ უნდა დავუდგე. იიჰ! სიგარეტი მაინც მქონდეს“.

მანქანა ძველი იყო, ოთხადგილიანი, მაგრამ ვანო ძლიერ ამაცობდა თავისი „ბებრუხუნათი“. ომის შემდეგ ნავსადგურში დაიწყო მუშაობა, მანქანაც მაშინ იყიდა. პირველად უკვირდა, როცა შემთხვევითი მგზავრები ფულს აძლევდნენ. მერე შეეჩვია და ამას სავალდებულოდაც თვლიდა. „ბოლოსდაბოლოს მანქანა ხომ ჩემია, ბენზინსაც ტყვილა არავინ მოგცემს, არც მოვლის ხარჯებია მცირე“. ახლა მას ალარ ჰყოფნიდა ყოველთვიური ხელფასი. სამუშაოს შემდეგ გვიანობამდე დააქროლებდა მანქანას. განსაკუთრებით ცუდი ამინდი წყალობდა. ამ დროს შინ ეჩქარება ყველას... რა თქმა უნდა, გოჩამ არაფერი არ იცოდა ამ დამატებით სახსრებზე, მაგრამ დღეს... ვანოს გაახსენდა ბიჭის გაოცებული მზერა, როცა მგზავრს ფული გამოართვა. მაშინ ძლიერ გაუტყურობა თვალი, წაიბურტყუნა: „შენ რა, გინდოდა რამე?“ ბიჭმა თავი გააქნია. იგი თვალს ადევნებდა, როგორ მომუტყა ფული და როგორ შეინახა უბეში...

ახლა ისინი ისხდნენ ჩუმად. ჩუმად ისხდნენ და უსმენდნენ წვიმას. მოულოდნელად მანქანა ჩაეფლო, მაგრამ გადმოსვლა არ დასჭირვებიათ, მანქანამ ერთი კი წაიჯუჯღუნა, მერე თავი აიწყვიტა და გაცურდა. ასფალტი დაიწყო. შორს, ძალიან შორს, ნათურები აციმციმდნენ. ესეც წამით. ასიოდე მეტრის იქით უკუნი სიბნელე ჩამოწვა. „ალბათ, ბორცვი მოეფარა“, გაიფიქრა მამამ,

„აქ ბორცვიანი ადგილებია, ალბათ, ბორცვი მოეფარა“. ცალი ხელით მცირე შეკვრა ამოიღო, ბიჭს გაუწოდა. „ხაჭაპურია, ჭამე“.

— გმადლობ, მამა, არ მინდა.

— მაშინ მე ჩამომიტეხე.

გოჩამ შეკვრა გახსნა, ორ ნაწილად გაჰყო და მოზრდილი ნაჭერი მამას გაუწოდა.

— გემრიელია, — თქვა ვანომ, — დედაშენი მუდამ გემრიელ ხაჭაპურს აცხობს. — წამით იგრძნო — ბიჭი არ უსმენდა. — რაზე ფიქრობ? — ჰკითხა. იმ წუთს მას ძალიან უნდოდა გოჩას ზღაპარზე ეთქვა რამე. მაშინ ადვილად აეწყობოდა საუბარი. ასე არ მოხდა.

— ამ გზაზე ხშირად დადიან მანქანები?

— ისე, ხანდახან, რატომ იკითხე?

— ის კაცი ხომ წვიმაში დარჩა.

ვანოს ტანში შეაქრიალა. „ისევ უცნობზე ფიქრობს, ჰე, ასე თუ ეწყინებოდა, ნამდვილად წამოვიყვანდი“.

— თერთმეტ საათზე ავტობუსი გამოივლის, — იცრუა, რათა ბიჭი დაემშვიდებინა, — მეც იმიტომ არ წამოვიყვანე. მერედა, მისი სახლი სულ სხვა მხარესაა, აი, იქ უნდა გადაგვეხვია, აი, იმ გზისკენ.

ბიჭს არ გაუხედავს.

— მართლა გამოივლის ავტობუსი?

— გამოივლის.

— კარგი კიდეც. მაგრამ ავტობუსი ნამდვილად მიიყვანს სახლამდე?

მამამ ისევ იცრუა. მერე კარგახანს, ვიდრე განათებულ ქუჩაზე გავიდოდნენ, სიტყვა არ დაუძრავს. ქუჩა ზღვასთან თავდებოდა. იქ პატარა კაფე იყო.

— ამაღამ დავისვენოთ, — თქვა ვანომ, — დილით ბიძასთან იქნები, ამინდიც დაწყნარდება.

მანქანა კუთხეში დააყენეს. პატარასა და ზომაზე თბილ დარბაზში თითქმის არავინ იყო. მამამ გოჩა მაგიდასთან დატოვა, თითონ სასტუმროსაკენ გაემართა. სასტუმრო ორიოდე ქუჩის იქით ეგულებოდა. ნახევარი საათის შემდეგ დაბრუნდა.

— დავაგვიანეთ, — თქვა მან, — ხომ გითხარი, დანავსული ვარ-მეთქი. ჰოდა, აი, დავრჩით გარეთ, მგზავრობაც საშიშია.

ბიჭს ისევ დაახველა.


— გაგიციებიათ, — შეწუხდა მებუფეტე, — ახლავე ლიმონიან ჩაის მოგართმევთ. აქ რჩებით ღამით, არა? ეჰე, ეს ძალიან ცუდია, რომ ოთახი ვერ იშოვეთ. ის თქვენი მანქანაა, კუთხეში რომ დგას? აბა, დაალევიანეთ ეს ჩაი მაგ ყმაწვილს, თანაც შეეცადეთ კარგად მოასვენოთ. — მებუფეტე ქალს მაღალი მკერდი და ოდნავ შეჭალარავებული თმები ჰქონდა.

— ამ დაბაში არავის ვიცნობ, — თქვა ვანომ, — ოდესღაც ფრონტელი მეგობარი ცხოვრობდა, მაგრამ მოძებნა არ გინდა?

— ჰო, — თქვა მებუფეტემ. — მან ცხელი ჩაი მოიტანა და გაიღიმა, — ჩემს ოთახში მოთავსდით. მე კი მეზობელთან გადავალ. ბავშვის გულისთვის ყველაფერს გავაკეთებ. მეც დედა ვარ, მესმის. ჰოდა, ნურსად ნუ აპირებთ წასვლას, ბავშვს ტანი დაუზილეთ და მოასვენეთ, თორემ სანამ ბინას მოძებნიდეთ, თავზე დაგათენდებათ.

ვანომ განზე გაიხმო ქალი, რაღაც უთხრა. ქალმა იწყინა.

8074



— შეინახეთ ეგ ფული, — თქვა მან, — ღვთის გულისათვის, როგორც კე
კადრებათ. მე ვხედავ, შორიდან მოდიხართ, ბავშვსაც საშინლად ახველებს,
თორემ... როგორ გეკადრებათ. თუ რაიმე დაგჭირდეთ, მე აქა ვარ, ნუ მომე-
რიდებით, აი, ეს თავშალიც აიღეთ, გამოგადგებათ.

ოთახი პატარა კარით უერთდებოდა ბუფეტს. იგი არც თუ ისე ცუდი გა-
მოდგა. გოჩა კარგად მოთავსდა გასაშლელ ლოგინზე.

— წვიმს, თქვა მან, — საშინლად წვიმს, რა მოუვა იმ კაცს, ავტობუსმა
რომ არ გამოიაროს?

მამა ჩაფიქრდა. რომელიღაც წერტილს უყურებდა კედელზე. უყურებდა
და ნანობდა. მაგრამ არა იმას, რომ ბიჭი წამოიყვანა ამ შორეულ გზაზე, არა,
იმ წუთს თვალწინ უცნობი მამაკაცი ედგა, რომელიც ტრიალ მინდორში დარ-
ჩა ქარში, წვიმაში, როცა ირგვლივ კუნაპეტი ღამეა და ვერსად გადაიყუდრებ.

— დაიძინე, — თქვა მან, — ავტობუსი უსათუოდ გამოვივლის.

— რომ არ გამოიაროს? მას ხომ ბავშვთან ეჩქარება, მას ხომ ბავშვი
ჰყავს ცუდად?!

— არ ვიცი, — თქვა მამამ, — შეიძლება მე მივაკითხო. შენ არ მოგწყინ-
დება უჩემოდ?

— რას ამბობ, მამა! — გაეხარდა ბიჭს, წამოიწია.

— მე ხომ დანამდვილებით არ მითქვამს, შეიძლება-მეთქი. მე მორიგეს-
თან წავალ და გავიგებ, მართლა გამოვივლის თუ არა ავტობუსი.

— კარგი, მამა!

ვანომ შეამჩნია, რომ ბიჭი „მამას“ ძალზე ტკბილად წარმოთქვამდა. გაი-
ღიმა, თავზე გადაუსვა ხელი.

— მე არ დავიძინებ, მამა, — თქვა გოჩამ, — მე დაგიცდი, შენ უსათუოდ
უნდა მომიყვე ღამეაზი ზღაპარი, სადაც ერთი სიტყვაც არაა თოვლზე.

— კარგი!

„როგორ ჩქარა იზრდებიან ბავშვები, — გაიფიქრა ვანომ, — როგორ
ჩქარა“. იგი კარებისაკენ მიაბიჯებდა და ამაცობდა, რომ ბიჭმა მოყვასის სიყ-
ვარული გაუღვიძა. მერედა ეს ხომ უბრალო მოვალეობაც იყო? — იგი მიძი-
მედ მიაბიჯებდა კარებისაკენ. მიაბიჯებდა და გრძნობდა გოჩას მხერას. მაგ-
რამ არ მობრუნებულა. გარეთ ისევ წვიმდა და წვიმდა.

— გესმით, — თქვა ვანომ, როცა ბუფეტში გავიდა. იქ უკვე რამდენიმე
მამაკაცი იჯდა. ისინი რკინიგზელები იყვნენ. — როცა აქეთ მოვდიოდით, იქ,
გზაზე, ვიღაც უცნობი დარჩა, მანქანაში ტევა არ იყო და ველარ წამოვიყვანე.
თქვენ მიხედავთ ბავშვს?

მებუფეტე ქალი დახლს დაყრდნობოდა. ქალი მიუხვდა. მიუხვდა და გაი-
ღიმა. მერე მობრუნდა, ჭიქა შეუესო.

— დალიეთ, — თქვა მან, — მოგიხდებათ.

ვანომ ქული დაიხურა. იმ წუთს იგი ძალიან ღამეაზი იყო და ძალიან მოტე-
ხილი. პიჯაკში კარგად ეხაზებოდა ბეჭები. მიმავალს ქალმა ისევ გააყოლა
მხერა.

— ერთი შეხედვითაც შეატყობ, ნამდვილი მამაკაცია!

როცა მანქანაში ჯდებოდა, ვანოს ღედის ზღაპარი გაახსენდა, ღამეაზი
ზღაპარი გაახსენდა. მამინ იგი პატარა იყო და დიდ თოვლს სახლები დაეფარა.



პოლიო ახამია

ზ ჳ ა ს

არის წუთები, როცა სულაც არ გემდერება,
მაშინაც, ზღვაო, ჩემი ჩანგი შენ გეფერება
და მხიბლავს კენტად მოფარფატე თეთრი თოლია!

როდესაც გიცქერ, გასაოცრად ვნეტარებ მაშინ,
ჩემი გულისტქმა მესმის შენს დიდ მჩქეფარებაში,
თითქოს ძარღვებში მივლის, რაც აქ ქარს უქროლია!

ვმლეღვარებთ ერთად, ვიდრე ზვირთი გარს ეფინება
და მოქანცულებს თბილ ქვიშაზე მიგვეძინება!..

თეთრი აზრები

რა სიწყნარეა, ზღვაზე ღელვის დასცხრა ჯებირი,
ციმციმებს სივრცე, გასარკული დაჰქრის ზეფირი
და საოცარი დარი ღგება — გამოზამორების!..

მიმოფანტულა — საწვიმარი ყომრალი ბური,
ვტოვებ ძველ ბოლახს, უკან მრჩება ის ნაფსადგური,
ლაყვარდებისკენ მიმაქანებს თეთრი აფრები!

წყლის უდაბნოში გადამტყორცნის ანძათ მშვილდები,
მშობლიურ ნაპირს მივადგები და დავმშვილდები!



ქსენია მუჟიკია

ცაცხვეზის ხეივანი

ცაცხვეზის ხეივანი,
ცაცხვეზის ხეივანი,
საამო ჩურჩული ხეთა!..
თითქოს შენ მოგძახის
მსუბუქი ნიავი,
თითქოს შენს ნაკვალევს ვხედავ.
ალბათ, შენც აქედან
გაშლილი ოცნებით
გასცქერდი სურამს თუ ბორჯომს,
სიცოცხლის სიმღერას
გიმღერდნენ ფრთოსნები,
ნიავი გირხვედა ქოჩორს.
აქ გული ხალისით
რამდენჯერ დამტკბარა!
მზე ენთო შინა და გარეთ,

რამდენი ოცნება
ცვარივით ანკარა
ძიანდე ქვიშხეთის ქარებს!
ახლა ეს ცაცხვეზი
კვლავაც შრიალებენ,
კვლავ მესმის ჟღერტული მერცხლის,
შენ გეძებ,
შენ გელი, თვალეზგიშრიანო,
ამანთე სიმღერის ცეცხლით!
არა თქვა,
არა თქვა, არისო გვიანი,
სულის და ფიქრების ერთავ...
ცაცხვეზის ხეივანი,
ცაცხვეზის ხეივანი,
საამო ჩურჩული ხეთა!..

სურათი მტკვრის სანაპიროზე

ხიდთან პატარებს შეეკრათ რკალი,
ერთურთს უქებდნენ ბადეს, ანკესებს.
ხიდქვეშ კი იწვა მღუმარედ მტკვარი
და ისვენებდა გაშლილ ვაკეზე.

არც ბუტბუტებდა, არც მძვინვარებდა,
პირზე სიმშვიდეს არ იცილებდა,
თითქოს ნაბრძოლი ამაყ ქარებთან
იყო დაღლილი და იძინებდა.

წაბლის ხის ნათქვამი

სოფელ ტაშისკარში უზარმაზარი წაბლის ხეა. გადმოცემით ამ ხის ძირას შეასვენა თავისი ლაშქარი გიორგი სააკაძემ, როცა შემოსეულ ყიზილბაშებს ებრძოდნენ ქართველები.

დილა არის თუ ბინდია, მზეა თუ ღრუბლის ქულები,
თქვენი მქუხარე ხმა მესმის საომრად შემართულების,
ომხიანი ძახილით მთები რომ ააცახცახეთ,
არ დავინდოთო მომხდური, ძველქართველურად დასძახეთ.

თქვენი დიდებით გავზრდილვარ, თქვენს სახელს ვეალერსები,
თქვენ გამიფურჩინეთ კვირტები და გამიმაგრეთ ფესვები,
ვერც ქარიშხალმა მომდრიკოს, ვერც ყინულებმა დამაზროს,
საუკუნეებს გავუძელ და არც მოგვედები არასდროს.

საით წასულხართ, სად გძინავთ, განა უკვალოდ წახველით?
დაეცით, მაგრამ ცას შერჩა თქვენი გმირული სახელი,
ღრუბლებთან დანავარდობენ თქვენი მშფოთვარე აჩრდილნი,
თქვენი ხმლის ნაპერწკლებია ჰაერში ელვად გაჭრილი.

თქვენი ფხიანი ვაჟობით მეც გული ამიელვარდა,
თქვენ შემარჩინეთ სახელი, მაქციეთ ცოცხალ ძეგლად.



ნოღა მორეხაჲ

ის იწვედა მალა, მალა...

თამასა 180 სანტიმეტრზეა. ხუთი სპორტსმენი ეცილება ერთმანეთს პირველობას. მოედნის ირგვლივ გულშემატკივრებს მოუყრიათ თავი. ზოგი შარვლის ჯიბეში ხელეზიწყობილი გულგრილად უყურებს შეჯიბრებას. ზოგი მთელი არსებით განიცდის. ისინი ხანდახან კიდევ სტვენენ.

მესამე ნომერი ემზადება გადასახტომად.

— თემურ, — ეუბნება მწვრთნელი, — თავი თავისუფლად გეპიროს. იფიქრე მხოლოდ გამარჯვებაზე, სხვა ყველაფერი დაივიწყე. — და ისევ გაუმეორა: — იფიქრე გამარჯვებაზე, მხოლოდ გამარჯვებაზე.

თემური მოემზადა. გასარბენი ბილიკი თვალით მოზომა, მერე ადგილს მოსხლტა, თამასის წინ მარჯვენა ფეხზე მთელი ძალით აიწია, ჰაერში გასწორდა და... ტაშმა იქუხა.

თემური ერთხანად სილაში იჯდა და თამასას უყურებდა, რომელიც ნელა ირხეოდა.

— როგორ ფიქრობ, პირველ ადგილს აიღებს? — თქვა ერთმა.

— უნდა აიღოს, მას კარგი მონაცემები აქვს. — უპასუხა მეორემ.

— ჯერ ადრეა გამარჯვებაზე ლაპარაკი, — თქვა მესამემ, — მას ცნობილი სპორტსმენები ეჯიბრებიან.

თემურის ამხანაგები, რომელნიც შემთხვევით მოსულიყვნენ, მოფარებით ხალხში იდგნენ. მათ იცოდნენ, რომ თემური შეჯიბრებაში მონაწილეობდა, მაგრამ რამდენადმე გულგრილი იყვნენ. დამარწმუნებლად ამბობდნენ, რომ იგი ვერ გაიმარჯვებდა. საერთოდ უკვირდათ თემურის შეჯიბრებაში მონაწილეობა, ხოლო, როცა მან 180 სანტიმეტრი სიმაღლე დაძლია, გაოცებამ იმატა, ისინი სახტომ მოედანს მიუახლოვდნენ.

— შეხედეთ თემურს, — თქვა გივიმ. — იგი მაღალია, გამხდარი. — ბავშვობაში თემური და მე ერთად ვვარჯიშობდით ხტომაში.

— ხტომა უსწავლია. — გაიღიმა რეზომ.

— ხტომას მე ვასწავლიდი, ახლა კი... — თქვა ისევ გივიმ და ხელი თემურისკენ გაიშვირა, — წარმოგიდგენიათ? ხტომა არ იცოდა, მე ვასწავლიდი-მეთქი.

— ნუ ტრაბახობ! — უთხრა რეზომ.

შემდგომ შეჯიბრებიდან ორი სპორტსმენი გავიდა.

თემურმა გადახედა მწვრთნელს. — „აი, ერთადერთი ადამიანი, რომელიც
მაც დიდი ამაგი დამლო“, გაიფიქრა მან და ადგილზე რამდენიმე მსუბუქი მოძ-
რაობა გააკეთა. ამხანაგები ახლა წინა რიგში იდგნენ. მათ სახეზე ცნობისმოყ-
ვარეობა და გაკვირვება იხატებოდა. როცა თემურმა მათკენ მიიხედა, გვიმ ხე-
ლი ასწია და გამამხნეველად დაუქნია.

თემურმა მას კეთილად გაუღიმა.

— არ ველოდი, — ჩაილაპარაკა გვიმ, — თუ ოდესმე ხტომას ისწავლი-
და ეს გლახა.

რეზომ მხოლოდ გაიღიმა.

— გასხოვთ, ეზოში ბურთს რომ ვთამაშობდით, მეკარედ დავაყენეთ და
ბურთი ზელიდან უვარდებოდა, — თქვა ანზორმა.

თამასა 185 სანტიმეტრზეა.

თემურს თამასა არ შეუტრხევია, ისე გადაეგლო. გულშემატკივრებმა მთე-
ლი ძალით დასცხეს ტაში. თემური ამხანაგებთან მივიდა. ღრმად სუნთქავდა.

— მომილოცავს, — უთხრა გვიმ და ხელი ჩამოართვა, — უნდა გვასა-
ხელო.

თემურმა ცალი წარბი ინსტინქტურად ზე ასწია, როგორც თავის სილა-
მაზეში დარწმუნებულმა ქალმა.

— არ გაჯობონ, — უთხრა რეზომ. — მათზე ნაკლები რითი ხარ?!

• — გარბენაში საჭიროა მთელი სიზუსტე, — უთხრა გვიმ, — ნუ შეეც-
დები გრძელი ნაბიჯით დაიძრა ადგილიდან.

თემურმა თანხმობის ნიშნად თავი დაუქნია.

— უნდა გვასახელო, შენი იმედი გვაქვს. — თქვა რეზომ.

თემურს გრძელი, გამხდარი ფეხები ჰქონდა, პირზეც გამხდარი იყო. სპო-
რტი ბავშვობიდანვე იტაცებდა, მაგრამ იმედი არავის ჰქონია, რომ იგი ესო-
დენ დიდ შეჯიბრებაში გამოვიდოდა. თავად მორიდებული, თავმოახალი იყო.

გულშემატკივრებმა თემურს ცნობისმოყვარე თვალთ შეხედეს. ზოგს
მისი გაცნობა მოუნდა, დალაპარაკება. ზოგმა მის სპორტულ ჩუსტებზე და-
იწყო ბჭობა. მერე ტანი შეუქქეს.

— თემურს უაღრესად ზუსტი გარბენი აქვს, — თქვა ერთმა, — ამას-
თან თამასაზე გადავლებისას ტანით იდეალურად მოძრაობს.

— სპეციალისტები კი სხვას აქებენ, — თქვა მეორემ, მიუხედავად იმისა,
რომ თემურმა ამას წინათ მეტი სიმაღლე აიღო. ნამდვილი სპორტსმენია. იგი
ახალია, თავისებური. იქნებ ამის გამეღვაწება არ სურთ.

— ქება დამოკიდებულია თაყვანისმცემლებზე. ზოგჯერ ასეც ხდება: ავ-
ტორიტეტული პიროვნება თავის საყვარელ სპორტსმენს აქებს. ეს ქება ხალ-
ხში გადადის და ბევრი, რომელსაც არასოდეს არ უნახავს სპორტსმენი, აქებს.
თუ ახლა წარმატებას ვერ აღწევს, იტყვის, რომ ის სულ მალე ყველას აჯო-
ბებს. მაგრამ ეს დროებითია. სპორტში ყველაფერი პირად შესაძლებლობაზეა
დამოკიდებული. ძლიერი დღეს თუ არა ხვალ მინც აღიარებას მოიპოვებს.

იგი შეჩერდა. თემური ამ დროს 190 სანტიმეტრის დასაძლევად გაემართა.
მსუბუქი, ზუსტი ნაბიჯით მირბოდა, მაგრამ როცა გადასახტომად უნდა აწეუ-
ლიყო, ნაბიჯი აურია, განზე გაიქცა.

— ა, ნახავ, ვერ გადახტება. — თქვა გვიმ.

— საკვირველია 185 სანტიმეტრი როგორ აიღო. — დასძინა რეზომ.

— საერთოდ, შეჯიბრებაში არც უნდა გამოეყვანათ, — თქვა ანზორმა.
— რა სპორტსმენი ეგ არის.

თემური მეორედ მოემზადა გადასახტომად. თითქოს შიში დაეუფლარს, სახეზე მოწყენილობა აღებეჭდა. გაახსენდა მწვრთნელის დარიგება „იფიქრე მხოლოდ გამარჯვებაზე“, დაავიწყდა, რომ 190 სანტიმეტრია დასაძლევნი. უეცრად მოწყდა ადგილს, თამასას წინ აიწია და, როცა გამოერკვა, ხალხის ძახილი, ყიჟინა ისმოდა მან კმაყოფილად შეხედა თამასას, რომელიც არ შერხეულა.

შემდგომ შეჯიბრებიდან კიდევ ერთი სპორტსმენი გავიდა.

— ძაღლის იღბალი აქვს, — თქვა გივიმ. — მე მახსოვს, რომ 160 სანტიმეტრზე ძლივს ხტებოდა. ხტომის არავითარი ტექნიკა არ ჰქონდა.

— შენც დაიწყე, ანზორ, ვარჯიში, — უთხრა რეზომ. — თემური თუ ხტება, შენ რა, მასზე ნაკლები ხარ?.. სცადე.

— ჰმ! — გაიღიმა ანზორმა. — მე რომ მევარჯიშა, თემურს მართლაც ვაჯობებდი.

გივის გვერდით მდგომმა გულშემატკივარმა ჰკითხა.

— რა გვარია მესამე ნომერი?

გივიმ გაიღიმა და მისთვის არც შეუხედავს.

— რა საჭიროა გვარი. — თქვა მან.

მაყურებელთა შორის ბევრი თემურის ნაცნობი იყო. ერთმანეთს მხოლოდ ქუჩაში ესალმებოდნენ. ისინი პირველ რიგში იდგნენ. პირხმელმა, დაბალმა ბიჭმა მოიგონა, რომ თემურმა და მან ერთმანეთი გზაში გაიცნეს. პირხმელმა ბიჭმა თემურის ახლოს ჩაიარა, მაგრამ თემური დახრილი იყო და ვერ შენიშნა.

გივი ხმამაღლა ამბობდა:

— მე ვასწავლიდი ხტომას, ახლა კი... სისულელე ჩავიდინე, სპორტს რომ ბლომდევ არ გავყევი. ჰმ, ვინ იმარჯვებს!

— მე მახსოვს შენ საუცხოოდ ხტებოდი. — უთხრა რეზომ.

— ასეა, გლახებებს უმართლებს ხოლმე. — თქვა ანზორმა.

გივიმ მძიმედ ამოიოხრა.

პირხმელი, დაბალი ბიჭი მიუახლოვდა მას.

— შესანიშნავი სპორტსმენია, არა?

— ჰო. — მიუგო გივიმ.

— უთუოდ პირველ ადგილს აიღებს. — მერე დასძინა: — რა ტანი აქვს, თანაც ისე მსუბუქად მოძრაობს, თითქოს ბუმბული იყოს.

ანზორმა ირონიით გაიღიმა.

— არა ვარ მართალი? — იკითხა ანზორის ღიმილით დაეჭვებულმა პირხმელმა ბიჭმა.

— პირველ ადგილს როგორ აიღებს, — თქვა გივიმ, — კარგი სპორტსმენი ხომ არ გგონია? ეს ვინაა... შენ სხვები ნახე. მათთან თემური ბუზია.

— განა ისინი უფრო მაღლა ხტებიან?

— მაგრამ ისინი უკეთესნი არიან. ხტომა მაინც იციან.

პირხმელ ბიჭს გაკვირვება გამოეხატა სახეზე.

— მიწაზე ძლივს დადის და სპორტსმენი! — ჩაილაპარაკა რეზომ.

— არ გახსოვთ? — თქვა ანზორმა, — როგორი მოუხეშავი, ტლანქი იყო. სირბილიც არ იცოდა.

პირხმელი ბიჭი წავიდა და თავის ამხანაგებს უთხრა:

— ვერაფერი სპორტსმენია თემური, სირცხვილია პირველი ადგილი მაგან აიღოს.

— სხვის ნათქვამს უყურებ? — ჰკითხა ამხანაგმა.

— სხვის ნათქვამს რატომ?!

— აბა, ვერ ხედავ, როგორი ტექნიკა აქვს?! თამასას ისე ევლება, პირდაპირ საოცრებაა... შორიდან იოლი გეჩვენება ხტომა. სცადე და მიხვდები, ერთი უბრალო ილეთის დაუფლებსათვის რაა საჭირო... საკუთარი შეხედულება უნდა გქონდეს.

— დღეს ასეა ხოლმე, — თქვა შეჯიბრებიდან გასულმა სპორტსმენმა, რომელმაც 180 სანტიმეტრი ვერ დაძლია. — ვისაც შეუძლია, ის არ ხტება, ვისაც ხტომა არ შეუძლია, ის მონაწილეობს ხოლმე შეჯიბრებაში. რა სპორტსმენია თემური!

— ვინც ხტომა იცის არ ხტება? მაშ, თქვენ ხტომა არ გცოდნიათ, თორემ რატომ ლებულობთ მონაწილეობას შეჯიბრებაში?

ბიჭებმა ბჭობა შეწყვიტეს. არც გივი, რეზო და ანზორი ლაპარაკობდნენ. ყველა თამასას მიაჩერდა.

თამასა 195 სანტიმეტრზე ასწიეს.

თემურის ჯერია. მკვლავები დაუშვა. ერთი ღრმად ჩაისუნთქა და ადგილს მოსხლტა. ერთი, ორი, სამი... გულშემატკივრებმა მისი ნაბიჯები დათვალეს. უცებ ყველა გაიტრუნა და ტაშმა იგრიალა.

— შესანიშნავი სპორტსმენია. — თქვა ერთმა.

— მომწონს მისი ათლეტური აღნაგობა, ტექნიკა. — დასძინა მეორემ.

გივი, რეზო და ანზორი უსიტყვოდ იდგნენ. გივი თვალებმოჭუტული უყურებდა თემურს. სახეზე აღარ ემჩნეოდა დამცინავი ღიმილი. უხილავი, მკაცრი ცვლილება მოხდა მასში. თემურის მოძრაობა უაღრესად დახვეწილია, სპორტული. მაგრამ გივის ფიქრები მაინც შორდება ამ გაგებას. არ უნდა იფიქროს.

— პირველი ადგილისათვის პრიზს მიიღებს. — თქვა რეზომ.

— ამასთან ფულსაც. — მიუგო ანზორმა.

— პირველი ადგილისათვის ბევრი ფულია. — თქვა გივიმ.

— მაშ, ფულიანი იქნება თემური. — ჩაილაპარაკა რეზომ.

— მაგის ფულსაც რა ვუთხრა, — თქვა ანზორმა. — ვინ ნახა მაგის ფული! არ გახსოვთ? სულ დაკერებული შარვალი ეცვა. ჩვენს პურმარილზე ქეიფობდა.

— ახლა ბევრი ფული ექნება. — ჩაილაპარაკა გივიმ და ხელი დაუქნია თემურს.

თემური სახეგანათებული მიუახლოვდა ამხანაგებს. სახეზე ბავშვური გულუბრყვილობა ეხატა. ანზორსა და რეზოს მხარზე ხელი დაჰკრა.

— ყოჩაღ, წარმატება გაქვს. — უთხრა ანზორმა.

— მიდი, მთავარია ნებისყოფა, — ერთი მეტოქე გყავს, არ გაჯობოს. — ეუბნება გივი. — მხოლოდ იცოდე, მარჯვენა ფეხზე, რაც კი შეძლო, აკვრითი მოძრაობა გააკეთე. ჰო, თუმცა ჩემი სწავლა რად გინდა. შენ ისედაც იცი.

თემური ბავშვივით გახარებული იყო.

— მწვრთნელი გეძახის. — უთხრა რეზომ.

ანზორმა თქვა:

— პირველი ადგილისათვის ბევრ ფულს მიიღებ.

თემურმა მოიხედა და მხოლოდ გაიღიმა.

— შენც ერთი, რას აქებ და ამხნეებ! — უთხრა ანზორმა, როცა თემური წავიდა.

— საჭირო კაცია უკვე. — თქვა გივიმ.

თამასა ორ მეტრზეა. პირველი თემური ხტება. მაყურებელი გაიტრუნა, ბევრს ეეჭვება მისი წარმატება. ვილაცამ თემურს ყვავილი ესროლა. თემური ღელავდა.

მსაჯმა ნიშანი მისცა.

თემური ადგილს მოსხლტა. მაყურებელი ტანის მოძრაობით მიჰყვა. ყველამ შენიშნა, რომ მისი ნაბიჯი მძიმე, ტლანქია. თემური მარჯვენა ფეხზე მთელი ძალით აიწია. თამასაზე გადავლებისას ჰაერში მოიხარა, რომ მთელი სხეულით გადასულიყო, მაგრამ მარცხენა ფეხი, რომელიც დახრილი დაურჩა, თამასას წამოსდო. ხალხს ყრუ ძახილი აღმოხდა.

თემურის მეტოქის ცდაც უშედეგო აღმოჩნდა.

თემურმა თამასას გახედა. ორი მეტრი! არასოდეს გადამხტარა ასეთ სიმაღლეზე. იქნებ უკეთესი იყო 195 სანტიმეტრის შემდეგ აღარ ეცადა ხტომა. ახსოვს, როცა პირველად 180 სანტიმეტრი დაძლია, სიხარულით ცას მისწვდა. ორი მეტრი — ფანტასტიკური სიმაღლეა. წარმოიდგინა მთელი წარმატება, რომელიც ამ სიმაღლის აღებისას ელის, მაგრამ ახლა არაფერზე არ უნდა იფიქროს. გაახსენდა მწვრთნელის სიტყვები — „იფიქრე მხოლოდ გამარჯვებაზე“.

— ვერ გადახტება. — თქვა გივიმ.

— რატომ ვერა, დაჰკრავს ფეხს და გადახტება. ყველაფერია მოსალოდნელი. — გაიცინა რეზომ.

ხალხი კვლავ გაიტრუნა. თითქმის არავის დაუნახავს, როდის მოწყდა ადგილიდან თემური და, როცა მიწაზე მოკეცილი შენიშნეს, ყველანი ქარდაკრულ მუხასავით შეირხნენ.

თემურის მეტოქის ყოველი ცდა ამაოა.

ტაშის ხმამ, შეძახილებმა იმატა. ხალხი ესალმებოდა ახალ სპორტის ოსტატს.

მწვრთნელი მშობელივით მოეხვია თემურს. ნაცნობებიც მივიდნენ. ბევრმა შორიდან გაუღიმა, ხელი დაუქნია.

თემური კვარცხლბეკზე იდგა. პიონერები ყვავილებს ესროდნენ. როცა მსაჯმა მისი გვარი გამოაცხადა, ყველამ ტაში დაუკრა. თემურმა მალა ასწია ხელი და პირმცინარე, გამარჯვებით ბედნიერი ყველას ესალმებოდა. გადახედა გივის, რეზოს, ანზორს. იმათაც ტაში დასცხეს. გივი ხელის ქნევით მიესალმა გამარჯვებულს.

— გაიმარჯვა, ხედავთ! — თქვა გივიმ.

— შენ რომ გეხტუნა, მაგას მაინც აჯობებდი. — უთხრა ანზორმა.

— ახლა ასეა ხოლმე, გლახას უმართლებს. — თქვა გივიმ, — კაცს, რომელმაც ხტომა არ იცოდა, ხალხი ტაშს უკრავს.

თემურს კვარცხლბეკიდან ჩამოსვლა უნდოდა, მაგრამ ხალხი გარს ერტყა. კვლავ ყვავილებს ესროდნენ. თემურმა გადახედა ხალხს. ის გრძნობდა რაღაც ახალს, ადიოდა ზევით, უფრო მაღლა, ვიდრე წარმოედგინა, და მას უნდოდა ყველასათვის ჩაეგლო ხელი და ასულიყვნენ ერთად აი იმ სიმაღლეზე, სადაც თვითონ ადიოდა.



შოთა რაყვა

არწივები ტვერის ბულვარზე

სიმონ ჩიქოვანს

წარმომესახა გაშლილი ფრთებით
არწივი, მაღალ მთასა მყივარი,
წარმომესახა ვეება მთები,
ლურჯი ქედი და თეთრი მყინვარი.
კავკასიონის დავლანდე ქედი, —
თურმე სახლებზე თოვლი ყოფილა!
ამ მოჩვენებამ გამიხსნა მკერდი,
გული ყრმასავით ამიფოფინა.
ო, წმინდა იყოს ეს მოლანდება,
დავდექ და სული ამაღლდა უცებ,
წამომემართა ფრთები საფრენად
და მთის ნიავი შემეხო გულზე.
ბულვარი, როგორც თეთრი მდინარე,
აგრძელებს გზას და მიყვება ვაკეს,
მე აშლილ ფიქრებს თავი მივანდე
და წინ ბილიკი ვერ გავიკაფე.
ასე სცოდნია სახეებს მშობლის,

ცის სილურჯეში გაწვდენილ ზოლებს,
შორს მოგაგნებს და ჟრუანტელს
მოგვეგვის,
დაგივლის ტანში და აგათოთოლებს.
ხარბად გასცქერი ფრთაგაშლილ
არწივს,
თვალეები ხდება ცეცხლის მკვესავი,
და უნებურად იფიქრებ კაცი,
რომ არწივების ხარ ნათესავი.
საარწივეზე შორს გიდეგს ბუდე,
იქ ნათობს შენი ვარსკვლავი ცისკრის,
გეძახის შენი მამულის ზღუდე,
შენი მდინარე და შენი ნისლი.
ო, წმინდა იყოს ეს მოლანდება,
ეს ჟრუანტელი გულზე დაკრული,
ეს წარმოსახვა არწივის ფრთებად
ღრუბელის, ცაზე გამოსახულის!

ა ე რ ო ვ ო რ ტ ი

მიდი-მოდიან თეთრ ღრუბლებს ზევით,
აეროგზები იმედიანი,
ღალი ოცნების გაშლილან ფრთები
და ლეგენდების ისმის გრიალი.
ოთხივე კუთხის ყვავილს თუ ფოთოლს
აქ ნახავ ღამით თუ დილით ადრე,
აღმოსავლეთის მშვენიერებას ლოტოსს,
თუ მოელვარე შირაზის ვარდებს.
ფერით ყვითელი, შავი თუ თეთრი,

მოდის მოხუცი, ქალი და ბავშვი,
ხმა მომღერალი, მყდერი და მკვეთრი,
ზუზუნებს, როგორც ფუტკარი სკაში.
როგორც ეპოქას, —
აეროს ღვიძავს,
ღელავს, ხმაურობს პორტი მარადჯამს.
აქ თითქოს ხედავ, რომ ბრუნავს მიწა,
რომ სივრცეები დაპატარავდა...

* * *

„ყველა სიმღერა რასმე გაგონებს“...

ირ. აბაშიძე.

ქარს მიაქვს სადღაც ის სიმღერები,
დაჰფანტა, როგორც ისლის ღერები.
ქარს მიაქვს სადღაც ის გატაცება
და აშრიალებს ძეწნის ტოტივით.

ბავშვობის ხმების, ნაპერწკლიანის,
მინდვრის ბოლოდან მესმის წკრიალი.
რა ლამაზია იმ ხმათა ჟღერა,
რა მახლობელი და შორეული!

ქარს მიაქვს სადღაც ის სიმღერები,
მინდვრის ბოლოში ისმის ბგერები,
ქარმა წამართვა ჩემი ბავშვობა,
ვით მოწყვეტილი ვერხვის ფოთოლი.

ქარი იქედან აღარ დაბერავს
და იმ ხმებს აქეთ არ წამოიღებს...





ჩვენს ატილავსა

ვაჟას სოფელი

იმედად დატოვებული
შენი პატარა ცარგვალი,
ოცნებას დატოლებული
შენი სოფელი ჩარგალი.
შემომეგება ხალისით,
მეც ამან გამახალისა,
ხან მიყუჩდება, ხან ისმის
მთიდან ბლავილი ხარისა,
ყველგან სიცოცხლე მიცინის,
სად დარდი და სად ჩარგალი!
როდის ყოფილა ჩარგალი
დარდისგან დასაჩაგრავი,
მე შევესწარი პირიმზეს
სიცილზე, განა ტირილზე,
თავს რომ უხრიდა ნიავს და
გულს რომ უხსნიდა დილის მზეს.

შენი ლექსების შაირად
მთები მთებს ესიტყვებიან
და გულში ნადებ-ნაფიქრალს
შენსავით ლექსად ყვებიან.
მთის ფერდზე ზვავი შეენიშნე,
მე შენი კვალი მეგონა,
მთა განიერი ფიქალი
შენი მხარ-ბეჭი მეგონა.
მთას ნისლი შემოხვეოდა,
შენი ნაბადი მეგონა,
ჩანჩქერის ჩამონამღერი
შენი ფანდური მეგონა.
ვაჟაუ! შენთან სტუმრობა
ოცნებასავით ამიხდა,
ყველა ოჯახში მასპინძლად
შენი ლექსები დამიხვდა.

გ უ დ ა მ ა ყ რ უ ლ ი

ქორწილში ცეკვა-თამაში,
სიმღერაც უნდა მაყრული,
რომ გაჩაღდეს და გახურდეს
ქორწილი გუდამაყრული.
ნეფემაც ჯამი გასტეხა,
ოჯახში შემო, მაყარო,
თქვენი თვალების ელვამა
მზის სხივი შემომაყაროს.
გახურდა, ცაში აიჭრა

სტვირი და გუდა მაყრული,
გაჩაღდა, ეშხში შევიდა
ქორწილი გუდამაყრული.
გუდამაყრულმა მაყრულმა
მიდამო გადააყრუა.
გაგრძელდა ლხინი, გაგრძელდა,
ჭერში ქუდს ისვრის მაყარი,
და პატარძალი ანათებს,
პირზე ვარდგადანაყარი.

დადიღინებს მეწიქვილე:
ინდი-მინდი, ფერად შიხდი,
მთელი ღამე მე წიქვილში
სიყვარულის ფიქრებს ვშლიდი.
აუ ვერ შევძლო სიყვარული,
გულო, მაშინ გამიქვავდი,
მთელი ღამე მე წიქვილში
სიყვარულის საფქვავს ვფქვავდი.
დადიღინებს მეწიქვილე,
ინდი-მინდი, ინდი-შიხდი...
შენ ღიმილი დამიტოვე,
დამიტოვე, როგორც მინდი.
ინდი-მინდი, ინდი-მინდი,
დრო არ იცდის, დრო კი მიდის,
მე კი გუშინ ოცნებაში
შენს სარკმელში შემოვფრინდი.
მე შენ გული გაგატანე,
შენ ღიმილი დამიტოვე,
წიქვილმა და შენზე ფიქრმა

თმა და წვერი დამითოვეს.
წიქვილში დგას ფქვილის ბული
და თვალებიც მეწვის ფქვილით,
სხვისას რითი ჩაძორჩება,
ნეტავ, გული მეწიქვილის?!
თმას ჭადარა გარევიან,
ეს ხომ ფქვილმა შემათეთრა,
ას გაზაფხულს გაფუძლებდი,
გაფუძლებდი შენთან ერთად.
ინდი-მინდი, ფერად შინდი...
შენს სიყვარულს არ შევშინდი.
ეს სიმღერა ავიჩემე
ხმას შემეწყობს სარეკელა,
ჩემისთანა სიყვარული
თუ შეიძლოთ სცადეთ ყველამ.
ეს სიმღერა ავიჩემე,
მუდამ შინდი, მუდამ ინდი,
მეწიქვილე ვარ და ვიცი —
სიყვარულსაც უნდა მინდი.



გელა კაკიჯაძე

უსახელო გარათი

სამსახურიდან დაბრუნებულმა მერაბ ჩიქოვანმა ფოსტა მიიღო და განცვიფრებით დახედა უცნობი ხელით დაწერილ ბარათს.

— ნეტა ვინ უნდა იყოს? რატომ მისამართს არ აწერს? რაღაც ამბავია. — გაიფიქრა და კონვერტი გახსნა. წერილი მართლაც საინტერესო აღმოჩნდა. ის ასე იწყებოდა:

„პატივცემულო მერაბ! მე, როგორც თქვენს კეთილსა და ერთგულს, მინდა გითხრათ, რომ თქვენი მეუღლე რუსუდანი საქვეყნოდ თავს გჭრით და გიფუჭებთ სახელს. თქვენი თავმოყვარეობა ფართო საზოგადოებრიობის წინაშე შელახულია. ვიცი, ძხელია ორი ბავშვის დედის პატიოსნებაში ეჭვის შეტანა ისეთი მოსიყვარულე ქმრისაგან, როგორც თქვენ ბრძანდებით, მაგრამ ფაქტა ჩიუტია. ის თქვენ გლალატობთ. ამის დასამტკიცებლად გიგზავნით სურათს, სადაც თქვენი მეუღლე და ის „ვაჟბატონი“ ერთმანეთს სიყვარულით ჩასციციუნებენ. მჯერა, სამაგიეროს გადაუხდით უღირს მეუღლეს.

პატივისცემით ა. რ.“.

...მაშ მღალატობ? — დაიკვნესა მერაბმა და სურათს დააკვირდა. იგი ძლიერ ბუნდოვანი იყო. ქოლგის ქვეშ ძლივს გაარჩია რუსუდანი და ვიღაც შუხის სათვალისანი მამაკაცი.

სურათი ხელიდან გაუვარდა. ოთახში ყველაფერი აირია, ამოძრავდა. ერთი თვის გაჩერებული კედლის საათის ისარმაც თითქოს მოძრაობა დაიწყო. ზარის წკრიალი მოესმა. ძლივს წამოდგა. წერილი და სურათი საწერი მაგიდის უჯრაში ჩაკეტა და კარის გასაღებად გაემართა.

რუსუდანს სამსახურიდან საბავშვო ბაღში გამოეწვო. გულზე მიეკრა პატარა გია, თამაზი კი კარებს ფეხს ურტყამდა. რუსუდანმა გაბრწყინებული თვალებით შეხედა მეუღლეს, მაგრამ საპასუხო ღიმილი რომ ვერ დაინახა, შეცბა. წინათ მერაბი ბავშვს ჩამოართმევდა, ბიჭებს მოეფერებოდა, დაღლილ მეუღლეს მაგიდის გაშლაში მიეშველებოდა, მაგრამ მერაბი დღეს ის აღარ იყო, რაც ძველად. რუსუდანმა იგრძნო მეუღლის უგუნებობა, მაგრამ არაფერი უთქვამს. ხალათი გადაიცვა და სადილის თადარიგს შეუდგა.

მერაბს სამსახურიდან ბაზარში გამოეწვო და ბლომად წამოეღო სურათ-სანოვაგე.

— ასე რომ მცოდნოდა, დავითს წამოვიყვანდი, სულ მეუბნება მერაბთან საუბარი მომენატრაო, — ჩვეული გულუბრყვილობით დასცდა რუსუდანს.

— ვინ დავითს? — უხეშად გაეპასუხა მერაბი.

— ჩვენს მთავარ ექიმს.

— ეს-ლა მაკლია! — გესლიანად გამოსცრა მერაბმა.

— მერაბ?! — საგონებელში ჩაეარდა რუსუდანი.

* * *

აირია ოჯახი... დაიკარგა სიმშვიდე... მერაბი დილით გავიდოდა სახლიდან და გვიან ღამით ბრუნდებოდა მთვრალი. რუსუდანმაც დაჰკარგა ხალისი. გახდა. ოჯახსა და ბავშვებს არაფერს აკლებდა, მაგრამ ნაძალადევად. ქმრის უხასიათობა და ახირება ტანჯავდა, მიზეზი კი ვერ გაეგო. ერთი თვის შემდეგ მშობლებს გაანდო საიდუმლო, მე მასთან აღარ მეცხოვრება და თქვენთან გადმომიყვანეთო. გაუტყდათ ძილი, წაუხდათ განწყობილება, გადაწყვიტეს მოლაპარაკებოდნენ მერაბს და მიზეზი გაეგოთ.

* * *

რუსუდანს ხშირად ეუბნებოდნენ მეგობრები, მერაბი, ჩვენი სამსახურის კუთხეში რომ ბაღია, იქ იღვავო და ამ საქმეს ეჭვნეულადაც უყურებდნენ. მაგრამ რუსუდანი ხან რას იმიზეზებდა და ხან რას. ბოლოს, იძულებული გახადეს ფანჯრიდან გადაეხედა და დაენახა თვალეზღავეებული მერაბი. ამ ამბავმა კიდევ უფრო ააფორიაქა ისედაც განერვლებული რუსუდანი. საღარაჯო რა მჭირსო, ფიქრობდა და ბოღმა ახრჩობდა, მაგრამ ამასვე მერაბთან სიტყვა არ დასცდენია. რაკი ასე ფიქრობს, დე თვითონ დარწმუნდეს ჩემს სიმართლეშიო.

ერთხელ მერაბი ჩვეულებრივ გვიან დაბრუნდა შინ. ეტყობოდა, ზომასზე მეტი დაელია. ეძინათ ბავშვებს. რუსუდანი პატარა ვიას მისწოლოდა და უცნაურ ფიქრებს გაეტაცნა. დაერღვა სიყვარულით შექმნილი პატარა ოჯახი და ყველაზე მეტად ის აწუხებდა, რომ მიზეზი ვერ ამოეხსნა.

— მე ერთი უბედური კაცი ვარ ამოდენა ქალაქში, მე ხალხი დამცინის-მე ყველაფერი დაგკარგე. ვინ არის დამნაშავე? ვინ ამირია წმინდა ოჯახი?! ვინ შეურაცხყო ვიასა და თემურის მამა? მიპასუხე, ქალბატონო!

— რა დაგემართა, მერაბ. მეორე თვეა მაწამებ. თუ ვინმე გიყვარს და ჩვენს შორის მესამე პირი ჩადგა, მე რა შუაში ვარ? ერთგულად გემსახურები და სირცხვილი არასოდეს მიჭმევია შენთვის.

— ჰმ... სირცხვილი არასოდეს გიჭმევია? ერთგულად გემსახურები ხომ? ან წუთში დაგიმტკიცებ შენს ერთგულებას. მე მინდოდა ერთად დამენახეთ ორივენი და სამაგიერო გადამეხადა. მორჩა, შენ შენი გზით, მე ჩემი... — გაცეცხლებული მერაბი საწერ მაგიდას ეცა, სურათი და წერილი ამოიღო და რუსუდანს თვალწინ დაუტრიალა.

ყველაფერი მოსალოდნელიაო, გულში გაივლო რუსუდანმა და წერილის კითხვას შეუდგა. ნაწერი შეიცივნო. ეს ხომ მისი სტუდენტობის ამხანაგის გიორგის ნაწერი იყო, რომელიც ერთ ღროს ცოლობას სთხოვდა, მაგრამ მერაბის სიყვარულით გატაცებულს, ყურადღება არასოდეს მიუქცევია? თვალწინ დაუდგა გიორგი მოჭუტული ცბიერი თვალებით. ყურს ჩაესმა მისი გესლიანი სიტყვები: „მამ არ გიყვარვარ, ხომ? ისეთ ღროს გაგამწარებ, რომ არ მოელოდე“. გამოერკვა. მერაბს გადახედა. რა სუსტი ნებისყოფის ყოფილაო, გაიფიქ-

რა და მთელ თავის ცხოვრებაში ჰირველად შეაყრუოლა მეუღლის დანახვაზე. მაგიდის ნათურას მიუახლოვდა. სურათს დახედა. შვებით ამოისუნთქა. კიდევ კარგი, გიორგი ვაჟას არ იცნობდა და მასთან გადამიღო, თორემ, როგორც ჩანს, მერაბისათვის ეს მცირედიც საკმარისი იქნებოდაო, — გაივლო გულში და მძიმედ ამოიხვნეშა. სიტყვა არ უთქვამს. ხალათი გაიძრო და ვიას ფრთხილად მიუწვა.

— მე ამას არ ვაპატიებ! — დაიყვირა მერაბმა.

— ნუ ყვირი. ბავშვებს ძინავთ. — გააფრთხილა რუსუდანმა. და გვერდი იბრუნა.

— როგორ? ოჯახი შემირცხვინე, თავსლავი დამასხი და ხმასაც არ მალე-ბინებ?... მე შენ გიჩვენებ... — დაიქუხა მერაბმა და საწოლისაკენ ფეხარევით გაექანა. ხმაურზე ბავშვები ტირილით წამოცვივდნენ და გულზე მიეკრნენ აცაცახებულ დედას.

— კარგად დახედე სურათს! — მშვიდად შეესიტყვა რუსუდანი გაცეცხლებულ ქმარს და მწარედ აქვითინდა.

მერაბი თვალებს არ უჯერებდა. რამდენჯერმე შეამოწმა სურათი... ბავშვებისა და რუსუდანის ქვითინი გულს უკლავდა. ადგილი ვეღარ ეპოვა... ოთახში წინ და უკან ბორიალობდა და ჩურჩულებდა: „ეს ხომ ვაჟაა, ჩემი ვაჟიკა, რუსუდანის უფროსი ძმა...“

კვლავ გათბა ოჯახი, კვლავ დაუბრუნდა სიცოცხლე დამუნჯებულ კედლებს, მხოლოდ რუსუდანს სტკიოდა გული.





პაღიათა თეზეაქე

ხ მ ა ლ დ ი

დიდი ხომალდი შემოდის პორტში,
თოკით აბამენ და აღრჩობს ბრაზი...
დიდი ზღვების და პორტების მეფეს
ისე, რომ აღარც უხდიან ბოდიშს,
თოკით აბამენ და აღრჩობს ბრაზი...
რას არ შეიძლებს ხელები კაცის!
რას არ მიწვდება გონება კაცის!
როგორ უბრალოდ აბამენ თოკით
დიდი ზღვების და პორტების მეფეს,
ოკეანისა და ზღვების ფსკერზე
როგორ უბრალოდ აბამენ თოკით!..
ასე ანკესით იჭერენ თევზებს...



ასმათ ბააზოვი

ისევ გამოიღარა

ისევ გამოიღარა,
გულმა გაიხალისა.
სიომ შემოიტანა
სიხარული ხვალისა...
მზის ნათელი სხივები,
ღამის შავი თვალეები,
ლურჯი ჰორტენზიები,
თეთრი იასამნები...
ირგვლივ სუნი მწიფობის
ამ სიხარულს ეთვისა,
ტკბილი —
„დილა მშვიდობის!“
ძნელი —
„ღამე ნებისა!“
ყოფნა, არდასვენება
გულს რომ უნდა ნებადეს,
ღამეების თენება
ახალ შეხვედრებამდე.





სოსო ხედაძე

დავადგენის დღე

რამდენჯერ დავფიქრებულვართ და მოგვეგონებია ბავშვობა, უნებლიე დი-
მილით აგვეტოკებია ბაგე. მაგრამ ხომ არის მენსიერებაში ჩარჩენილი ისეთი
რამეც, გულს რომ გაკაწრავს?

და მაინც ტკბილია ბავშვობის მოგონება.

...ჩვენში ხომ ხშირი წვიმები იცის. ჰოდა, ერთ წვიმიან დღეს მომაგონდა
ეს ამბავი.

...სოფლის ბიჭებთან ერთად მე და ჩემი ძმა სიმინდის ღეროებისაგან ორ-
ულულიან თოფს გავაკეთებდით, გრძელ ჯონზე გადავჯდებოდით და ასე შემო-
ვირბენდით მთელ სოფელს. სადამოს ჩაის საწონ პუნქტთან შევიკრიბებოდით.
ჩვენს სიხარულს საზღვარი არ ჰქონდა, როცა დარბიკო დეიდა კალათს მოგვ-
ცემდა. სირბილით მივიტანდით მწონავთან — სიმონ ბაბუა, დამკვრელის
მოკრეფილია, ურიგოდ აწონე.

ლალად, სიხარულით მიფრინავდნენ დღეები სოფელში. ეს იყო მხოლოდ,
არ იქნა და ვერ შევეჩვიე ფეხშიშველა სიარულს. ჩემი ტოლები კი ისე დანა-
ვარდობდნენ ფეხშიშველნი ეკალ-ბარდებში, თითქოს ხალიჩაზე დარბოდნენ.
ერთ დღეს გადავწყვიტე მეც ფეხშიშველა მევლო. ძვირად დამიჯდა. მარცხე-
ნა ფეხში აკაციის ეკალი ღრმად შემესო.

მეორე დღეს დილით ჩემმა ძმამ ძროხები გარეკა საძოვარზე. ბებია და
ბაბუა ჩაის საკრეფად წავიდნენ. სახლში მარტო დავრჩი. კოკისპირული წვი-
მა დაიწყო.

ჯარისკაცის შინელში გავეხვიე, კერიასთან ტახტი მივაჩოჩე და ჩავთვლი-
ნე. ფეხის ტკივილი არ მასვენებდა და ყველა ცალფეხა მელანდებოდა. ვწყევ-
ლიდი იმ დღეს, როცა ფეხშიშველა სირბილი გადავწყვიტე.

წვიმა მატულობდა. პატარა მდინარე, რომელიც ბაბუას ოდას ჩაუდიოდა,
შხუილითა და ღრიალით მორბოდა. ახლა ძმაზე ფიქრი ანეკვიატა. ალბათ,
მთლად გაიწუწა, არ გაცივდეს-მეთქი, შევშინდი.

უცებ ოდის ქვეშ ჩვენმა არაბამ დაყეფა.

— მაინძელო, ეი, მაინძელო! — მომესმა ჭიშკრიდან.

„ვინ უნდა იყოს ამ თავსხმაში?“ — წამოვდექი და კარები გავაღე.

არაბა, ჩვენი ბებერი არაბა ჭიშკართან სიხარულით წკმუტუნებდა. გამა-
კვირდა, ვინ უნდა იყოს-მეთქი.

ჩვენი სოფლის ფოსტალიონი! აი თურმე ვის ელაქუცება არაბა.

— მობრძანდით, ლადიკო ბაბუა, — თავზე შინელი წამოვიხურე და კოჭლობით ჭიშკრისაკენ გავემართე.

— ხომ კაი ამბავია, ბაბუა ლადიკო?

— კაი ამბავია, ბაბუა, კაი ამბავი. მარტუაი ხარ შინ?

— ჰო, მარტო ვარ.

— ხომ არ გეშინია, ბაბუა?

— არა, ოღონდ ფეხში ეკალი შემესო და...

— ეკალი? ძირს უნდა დეიხედო, ბაბუა, ძირს. ა წერილი გამომართვი.

ჩქარა შედი შინ, არ დასოლდე.

— შემობრძანდით, ლადიკო ბაბუა, ცოტა დაისვენეთ, მაგრად წვიმს, გადაიყუდრეთ.

— არა, ჩემო ბაბუა, ახლა სხვაც უნდა გავახარო. ამისთანა ამინდში რომ შეიტან სიხარულს, იგია საქმე... კარგად იყავი, კარგად...

მე სირბილით შევევარდი სახლში. კერიასთან ახლოს მივიწიე, ბარათს დავხედე: ღია ბარათზე მხოლოდ ორი განაწერა იყო — „გილოცავ დაბადების დღეს — 9 ივლისს“. ეს მამაჩემი მწერდა. მაშინ თერთმეტი წელი შემისრულდა. იგი ფრონტიდან მილოცავდა დაბადების დღეს. მარტოდ დარჩენილმა არაბას გავუზიარე ჩემი სიხარული.

— აი ხომ ხედავ, ჩემო არაბა. მამას ფრონტზე მოვაგონდი. — შემდეგ ისევ ბარათს დავხედე. რამდენჯერმე გადავიკითხე იგი. — ახლა, ახლა სად არის ჩემი მამა? იქნებ მტრის ნაღმი სანგარში აფეთქდა, ან იქნებ თვითმფრინავებმა იერიში მიიტანეს მის სანგრებზე, ან... არა, არა; არაბა, მამაჩემს მტერი ვერ მოერევა. გახსოვს შენ მამაჩემი? არ გახსოვს? აი დამთავრდება ომი, ჩამოვა იგი. ბიძაჩემიც — შენი პატრონიც ჩამოვა. სიმონ ბაბუა ისეთ ლხინს გადაიხდის, რომ მთელ სოფელს შეჰყვრის.

სიხარულმა ფეხის ტკივილი დამავიწყა, გულში ჩავიკარი ბარათი, რომელსაც დღესაც მაშინდელი სიხარულის ცრემლები ატყვია, და ტკბილად ჩამეძინა.

* * *

რამდენჯერ დავფიქრებულვართ და მოგვგონებია ბავშვობა, უნებლიე დიმილით აგვტოვებია ბაგე. მაგრამ ხომ არის მეხსიერებაში ჩარჩენილი ისეთი რამეც, გულს რომ გაკაწრავს?

და მაინც ტკბილია ბავშვობის მოგონება.





ქსენია ჩიქვიძე

მშობლიური წყარო

აქ რომ წყარო მორაკრავებს,
პრის ბროლის შესადარი,
ყური უგდეთ მის სიმღერას,
ხომ უღერს როგორც საზანდარი?
მშობლიური წყარო არის,
უკვდავების წყალი ჰქვია,
მიველ, ახლოს ჩამოვჯექი,
ეს ცინცხალი წყარო არის,
ბაგეს ნამი დამეფრქვია...
მოვერცხლილი, ცისკარული,
მომესხურე დროზე, თორემ
დავიწვები სიყვარულით.

ქ ა ზ ი ა შ ა რ ი

მივდივართ მწვანე ტყეში და გვხვდებიან მტრედის გუნდები,
თუ კოცნა მთხოვე, მხედარო, მე ამ გზით შინ დავბრუნდები.
ხელებს გვიწვდიან გზადაგზა ჩვენი ნაცნობი ვერხვები,
ვეაღერსები გვირილებს, ნაზი თითებით ვეხები.
ტყე გაიშალა შრიალა და აჩურჩულდნენ ალვები,
ყელს მომეხვია ვაყკაცი, როგორღა დავემალევი!
ორივეს ცეცხლი გვეკიდა, თან ჰქროდა ქარი აშარი,
სატრფომ ტუჩებში მაკოცა, ქარმა წამართვა თავშალი...



აღქსანდრე კუპჩინი

ს კ ი ლ ი

I

პატარა გოგონა ავადაა. მასთან ყოველდღე დადის ექიმი მიხეილ პეტროვიჩი, რომელსაც გოგონა დიდი ხანია იცნობს. ხანდახან მას ორი უცნობი ექიმიც მოჰყავს ხოლმე. ისინი გოგონას ხან ზურგზე დააწვენენ, ხან მუცელზე, ტანზე ყურს დაადებენ და უსმენენ. თვალის ქუთუთოს დაუწევენ და უცქერენ. შემდეგ მოიღუშებიან, მრავალმნიშვნელოვნად ამოიქშენენ და ერთმანეთში გოგონასათვის გაუგებარ ენაზე ალაპარაკდებიან.

ბოლოს საბავშვო ოთახიდან სასტუმროში გადიან, სადაც მათ დედა ელოდებათ. ყველაზე მთავარი — მალალი, ჭაღარა, ოქროსსათვალიანი ექიმი დედას ძალზე სერიოზულად და დიდხანს უყვება რაღაცას.

კარი ღიაა და გოგონა თავისი საწოლიდან ყველაფერს ხედავს და ისმენს. ბევრი რამ არ ესმის, მაგრამ იცის, რომ მასზე ლაპარაკობენ. დედა დიდი, დაცლილი ნამტირალევი თვალებით შესცქერის ექიმს. გამოთხოვებისას მთავარი ექიმი ხმამალა ამბობს:

— მთავარია არ მოაწყინოთ, შეუსრულებთ ყველა სურვილი.

— ოჰ, ექიმო, მას არაფერი არ სურს.

— ეს არ ვიცი... გაიხსენეთ, თუ რა მოსწონდა ადრე, ავადმყოფობამდე, სათამაშოები... სასუსნავი...

— არა, არა, ექიმო, მას არაფერი არ სურს...

ეცადეთ როგორმე გაართოთ... რაიმეთი მინც... პატიოსან სიტყვას გაძლევთ, თუ მოახერხებთ და გააცინებთ, გაამხიარულებთ, ეს საუკეთესო წამალი იქნება. გაიგეთ, რომ თქვენი გოგონა გულგრილობითაა დაავადებული და სხვა არაფრით. ნახვამდის, ქალბატონო!

II

— საყვარელო ნადია, ჩემო საყვარელო გოგონა, — ეუბნება დედა, — ხომ არ გინდა რაიმე?

— არა, დედა, არაფერი არ მინდა.

— გინდა საწოლზე დაგიჯენ ყველა თოჯინას. დავდგათ საყარძლები, დივანი, მაგიდა, გავაწყოთ ჩაის ჭურჭელი. თოჯინები დალევენ ჩაის და ისაუბრებენ ამინდზე, თავის შვილებზე.

— გმადლობთ, დედა... არ მინდა... ყველაფერი მომწყინდა.

— კარგი, ჩემო გოგონა, არ გვინდა თოჯინები. კატის ან უნჩინკას ხომ არ დაუფიქროს? შენ ხომ გიყვარს ისინი.

— არ მინდა, დედა, ნამდვილად არ მინდა. არაფერი, არაფერი არ მინდა. მომწყინდა და მეტი არაფერი.

— გინდა, შოკოლადს მოგიტან?

მაგრამ გოგონა აღარ უპასუხებს და ჰერს მისჩერებია ნაღვლიანი თვალებით. მას არაფერი არ სტკივა, სიცხეცეც კი არა აქვს, მაგრამ დღითი-დღე ხდება და სუსტდება. რაც არ უნდა გაუკეთონ, მისთვის სულერთია და არც არაფრის სურვილი არა აქვს. წევს ასე მთელი დღეობით და მთელი ღამეები ჩუმად, მოწყენილი. ხანდახან ჩათვლემს ნახევარი საათით, მაგრამ სიზმრადაც რაღაც შემოდგომის წვიმასავით ნაცრისფერს, დაუსრულებელსა და მოწყენილს ხედავს.

როცა საბავშვო ოთახისა და კაბინეტის კარები ღიაა, გოგონა ხედავს მამას. მამა ბოლთას ცემს და პაპიროსს ეწევა. ხანდახან იგი საბავშვო ოთახში შემოვა, ჩამოჯდება საწოლის კიდეზე და ფრთხილად ეალერსება ნადიას ფეხებს, შემდეგ უეცრად ადგება, მივა ფანჯარასთან და ქუჩაში იცქირება, რაღაცას უსტვენს, მხრები კი უცახცახებს. მერე სწრაფად მიიღებს ცხვირსახოცს ხან ერთ თვალზე, ხან მეორეზე და, თითქოს გაჯავრდაო, ისევ კაბინეტში გარბის. შემდეგ ისევ ბოლთას სცემს და... (გამუდმებით ეწევა, ეწევა, ეწევა... კაბინეტი კი თამბაქოს ბოლისაგან სულ ერთიანად ლურჯდება.

III

ერთ დილას გოგონამ ჩვეულებრივზე უფრო ხალისიანად გაიღვიძა. მან სიზმრად რაღაცა ნახა, მაგრამ სახელდობრ რა, ვერაფრით ვერ მოუგონებია და დაჯინებით მისჩერებია თვალებში დედას.

— გინდა რაიმე? — ეკითხება დედა.

გოგონას უცებ მოაგონდა სიზმარი და თითქოს საიდუმლოდო, ჩურჩულთ ეუბნება:

— დედა, შეიძლება... სპილო მიშოვოთ? ოღონდ ის კი არა, სურათზე რომაა... შეიძლება?

— რა თქმა უნდა, ჩემო გოგონა, რა თქმა უნდა, შეიძლება.

დედა მიდის კაბინეტში და მამას ეუბნება, რომ გოგონას სურს სპილო. მამა სასწრაფოდ იცვამს პალტოს, იხურავს ქუდს და სადღაც მიემგზავრება. ნახევარი საათის შემდეგ ბრუნდება ძვირფასი, ლამაზი სათამაშოთი. ეს დიდი ნაცრისფერი სპილოა, რომელიც თავისით აქნევს თავსა და კუდს; სპილოს წითელი უნაგირი აქვს, უნაგირზე ოქროს კარავია და მასში სამი პატარა კაცუნა ზის, მაგრამ გოგონა ისევე გულგრილად მისჩერებია სათამაშოს, როგორც ჰერს, კედლებს და უხალისოდ ამბობს:

— არა, ეს სრულებითაც არაა ისეთი. მე, მე მინდა ნამდვილი, ცოცხალი სპილო, ეს კი მკვდარია.

— აბა კარგად შეხედე, ნადია, — ამბობს მამა, — ახლავე მოვმართავ და იგი ნამდვილად, ნამდვილად გაცოცხლდება.

სპილოს მართავენ პატარა გასაღებით. იგი იქნევს თავს, კუდს, გადადგამს ნაბიჯს და დააბოტებს მაგიდაზე. გოგონას ყველაფერი ეს სრულებითაც არ აინტერესებს და მოსწყინდა კიდეც. მაგრამ მამას რომ არ აწყენინოს, მშვიდად ბუტბუტებს:

— მე დიდი, დიდი მადლობელი ვარ, საყვარელო მამიკო. ალბათ, არავის არა აქვს ასეთი საინტერესო სათამაშო... მხოლოდ გახსოვს... ერთხელ შენ

დამპირდი სამხეცეში წაგიყვან და ნამდვილ სპილოს გაჩვენებო... მაგრამ ერთხელაც არ წაგიყვანივარ.

— მომისმინე, ჩემო საყვარელო გოგონა, გაიგე, რომ ეს შეუძლებელია. სპილო ძალზე დიდია, იცი როგორი მაღალია იგი? ჰერს აწვდება, ჩვენს ოთახებშიაც არ დაეტევა... თანაც სად უნდა ვიშოვო იგი?

— მამა, მე არ მინდა ისეთი დიდი სპილო... შენ თუნდაც პატარა მომიყვანე, მხოლოდ ცოცხალი... თუნდაც აი ამხელა... თუნდაც სპილოს შვილი.

— საყვარელო გოგონა, ყველაფერს სიხარულით გავაკეთებ შენთვის, მაგრამ რაც არ შემიძლია, არ შემიძლია. ეს ხომ იგივეა, უეცრად მითხრა: მამა, ჩამომიღე ციდან მზე.

გოგონა ნაღვლიანად იღიმება.

— რა სულელი ხარ, მამა, განა მე არ ვიცი, რომ მზის ჩამოღება არ შეიძლება, მაშინ ხომ დაგვწვავდა ყველას. მთვარეც არ შეიძლება, არა, მე სპილო მინდა, ნამდვილი სპილო.

გოგონა ხუჭავს თვალებს და ჩურჩულებს:

— დავიღალე, მამატიე, მამა...

მამამაც იტაცა თმაში ხელი და კაბინეტში გავარდა. იქ რამდენიმე ხანს ბოლთას სცემდა. შემდეგ პაპიროსის ნამწვავი იატაკზე დააგდო (რისთვისაც მას ყოველთვის უწყობდა დედა) და მოახლეს უყვირა:

— ოლა! პალტო და ქუდი!

შემოსასვლელში გამოდის ცოლი.

— საით, საშა? — ეკითხება იგი.

მამა კი მძიმედ სუნთქავს და იკრავს პალტოს ღილებს.

— მაშენკა, მე თვით არ ვიცი საით... მხოლოდ მგონია დღეს საღამოთი შართლაც მოვიყვან აქ, ჩვენთან, ნამდვილ სპილოს.

ცოლი აღელვებული მისჩერება.

— საყვარელო, კარგად ხომ ხარ? თავი ხომ არ გტკივა? იქნებ დღეს ცუდად გეძინა?

— მე სრულებითაც არ მძინებია, — უპასუხებს იგი მკაცრად. — ვხედავ, შენ ისიც გინდა მკითხო, ჭკუაზე ხომ არ შევიშალე. არა, ჯერჯერობით არა. ნახვამდის. საღამოს ყველაფერი გაირკვევა. მამა მიიჯახუნებს შემოსასვლელ კარს და ქრება.

IV

ორი საათის შემდეგ იგი სამხეცეში იჯდა, პირველ რიგში, და უყურებდა, როგორ აკეთებენ სხვადასხვა ოინს გაწვრთნილი მხეცები. ჭკვიანი ძაღლები ხტოდნენ, მალაყს გადადიოდნენ, ცეკვავდნენ, მღეროდნენ მუსიკაზე, დიდი მუყაოს ასოებისაგან აწყობდნენ სიტყვებს. წითელ კაბებსა და ლურჯ შარვლებში გამოწყობილი მაიმუნები დახტოდნენ ბაგირზე და დასეირნობდნენ დიდ პუდელზე შესკუპულნი. უზარმაზარი წითური ლომები ხტებოდნენ ცეცხლმოდებულ სალტებში. მოუქნელი სელაბი დამბახას ისროდა. ბოლოს კი სპილოები გამოიყვანეს. სულ სამი სპილო გამოიყვანეს — ერთი დიდი, ორი კი ძალზე პატარა, ჯუჯა, მაგრამ სიმაღლით ისინი ცხენზე მაინც ბევრად დიდები იყვნენ. ეს უზარმაზარი ცხოველები, შესახედავად ესოდენ მოუხეშავი და ტლანქები, ისეთ საოცრად ძნელ ოინებს ასრულებდნენ, რომელთა გაკეთება ძალზე მოხერხებულ ადამიანსაც გაუჭირდებოდა. განსაკუთრებით გამოირჩეოდა ყველაზე დიდი სპილო. ის ჯერ უკანა ფეხებზე დგებოდა, ჯდებოდა, ყირაზე გადადიოდა, ხის ბოთლებსა და კასრზე გორავდა, ხორთუმით

მუყაოს დიდ წიგნს ფურცლავდა, ბოლოს მაგიდას მიუჯდებოდა და გულზე წინსაფარაფარებული სადილობდა როგორც კარგი თავაზიანი ბიჭი.

წარმოდგენა დამთავრდა. მაყურებლები იშლებიან. ნადიას მამა კი ჩასუქებულ გერმანელთან, სამხეცის პატრონთან მიდის. პატრონი დგას ფიცრულ ტიხარს იქით და პირში დიდი შავი სიგარა გაუჩრია.

— მაპატიეთ, გეთაყვა, — ამბობს ნადიას მამა. — არ შეგიძლიათ თქვენი სპილო ცოტა ხნით ჩემს სახლში გამოუშვათ?

გერმანელი გაცეცხისაგან ჯერ ფართოდ აჭყეტს თვალებს, მერე აღებს პირს და სიგარა მიწაზე უვარდება. იგი ხენწეშით იხრება, იღებს სიგარას, ისევ იჩრის პირში და მხოლოდ შემდეგ წარმოთქვამს:

— გამოვუშვა? სპილო? სახლში? მე თქვენი არ მესმის.

გერმანელს თვალებში ეტყობა, რომ მასაც სურს იკითხოს, ხომ არ სტიკვა ნადიას მამას თავი... მაგრამ მამა სწრაფად უხსნის, რაშიცაა საქმე: მის ერთადერთ ქალიშვილს სჭირს რაღაც უცნაური სენი, რომელიც რიგიანად ექიმებმაც ვერ ახსნეს. იგი ერთი თვეა წევს, დღითიღვე სუსტდება, ხდება, არაფერი არ აინტერესებს, მოწყენილია და თანდათანობით ქრება. ექიმები მის გართობას მოითხოვენ, მაგრამ მას არაფერი მოსწონს, მოითხოვენ შეგუსრულოთ ყველა სურვილი, მას კი არაფერი სურს და აი დღეს მან ცოცხალი სპილოს ნახვა მოისურვა. ნუთუ ეს არ შეიძლება?

მამა გერმანელს პალტოს დილზე კიდებს ხელს და აკანკალებული ხმით უმატებს:

— აი... მე, რა თქმა უნდა, იმედი მაქვს, რომ ჩემი გოგონა გამოჯანმრთელდება. მაგრამ... ღმერთო დამიფარე... ვთქვათ, მისი ავადმყოფობა ცუდად დამთავრდა... ვთქვათ, გოგო მოკვდა?... აბა ერთი წარმოიდგინეთ... მე ხომ სამუდამოდ დამტანჯავს იმაზე ფიქრი, რომ უკანასკნელი თხოვნა ვერ შევუსრულე.

გერმანელი იღუშება და ფიქრში წასული საჩვენებელი თითით მარცხენა წარბს ისრესს. ბოლოს ეკითხება:

— ჰმ... რამდენი წლისაა თქვენი გოგონა?

— ექვსის.

— ჰმ... ჩემი ლიზაც ექვსისაა. ჰმ... მხოლოდ, იცით რა, ძვირი დაგიჯდებათ. სპილო უნდა მოვიყვანოთ ღამით და მხოლოდ მეორე ღამით წამოვიყვანოთ უკან, დღისით არ შეიძლება. შეგროვდება ხალხი და მთელი ამბავი დატრიალდება. ამგვარად გამოდის, რომ მე ვკარგავ მთელ დღეს; და თქვენ უნდა ამინაზღაუროთ დანაკლისი.

— ო, რა თქმა უნდა, რა თქმა უნდა... ამაზე ნუ სწუხხართ...

— შემდეგ, პოლიცია თუ დაგვრთავს ნებას, რომ სპილო სახლში შევიყვანოთ.

— ამას მე მოვახერხებ. იგი ნებას დაგვრთავს.

— კიდევ ერთი კითხვა: თქვენი სახლის პატრონი თუ დაგვრთავს ნებას, რომ მის სახლში სპილო შევიყვანოთ.

— ნებას დაგვრთავს. მე თვითონ ვარ იმ სახლის პატრონი.

— ოჰო! ეს უკეთესია. და კიდევ ერთი კითხვა. რომელ სართულზე ცხოვრობთ თქვენ?

— მეორეზე.

— ჰმ... ეს უკვე არ ვარგა. გაქვთ თუ არა სახლში განიერი კიბე, მაღალი ჰერი, დიდი ოთახი, განიერი კარები და ძალიან მაგარი იატაკი. ეს იმიტომ,

რომ ჩემი ტომი სიმაღლით სამი ადლი და ოთხი გოჯია, სიგანით ხუთნახევრად
ადლი. გარდა ამისა, ის ასთორმეტ ფუტს იწონის.

ნადიას მამა ერთი წუთით ჩაფიქრდა.

— იცით რა? — ამბობს იგი. — წავიდეთ ჩვენსა და ყველაფერი ადგილ-
ზე გავსინჯოთ, თუ საჭირო იქნა, გასასვლელს გავაგანიერებ.

— ძალიან კარგი! — ეთანხმება სამხეცის პატრონი.

V

ღამით სპილო სტუმრად მიჰყავთ ავადმყოფ გოგონასთან. თეთრ ჩალითა-
გადაფარებული მედიდურად მიაბიჯებს იგი შუა ქუჩაში, თავს აქნევს, ხორ-
თუმს ხან დაიხვევს, ხან გაშლის. გარშემო კი, გვიანი ღამის მიუხედავად,
უამრავი ხალხი შემოხვევია. მაგრამ სპილო ამას აინუნშიაც არ აგდებს. იგი
ყოველდღე ასობით ადამიანს ხედავს სამხეცეში. მხოლოდ ერთხელ გაბრაზდა
ცოტათი. ვიღაც ბიჭი პირდაპირ ფეხებში შეუძვრა და უქნარების გასართობად
ნანჭვა-გრეხა დაიწყო. მაშინ სპილომ მას დინჯად მოხადა ხორთუმით ქუდი
და მეზობელ ღობეზე გადაისროლა.

პოლიციელი ხალხში გარეულა და ბუზღუნებს:

— ბატონებო, გთხოვთ დაიშალოთ. საოცარია, რას ხედავთ აქ უცნაურს!
მიკვირს სწორედ, თითქოს არასოდეს გენახოთ ცოცხალი სპილო ქუჩაში.

უახლოვდებიან სახლს. სახლში კი, ყველგან, სადაც სპილოს უნდა გაევი-
ლო, ყველა კარი ყურთამდე დაეღოთ, ბევრგან დაეხსნათ კიდევაც.

სწორედ ასე მოიქცნენ მაშინაც, როდესაც სახლში შეჭკონდათ დიდი სას-
წაულთმოქმედი ხატი.

მაგრამ კიბის წინ სპილო შეწუხებული ვაჩერდა და გაჯიუტდა.

— რაიმე სასუსნავი მივცეთ, — ამბობს გერმანელი. — ტკბილი ნამცხ-
ვარი ან რაიმე... აბა ტომი!... ოჰოჰო... ტომი!..

ნადიას მამა გარბის მეზობელ საფუნთუშეში და ყიდულობს დიდ,
მრგვალ არაქისის ტორტს.

სპილოს ძალიან უნდოდა მთლიანად, მუყაოს ყუთიანად გადაეყლაპა იგი,
მაგრამ გერმანელმა მხოლოდ მეოთხედი მისცა. ტომის ეგემრიელა და ხორ-
თუმი გაიწვდინა მეორე ლუკმისათვის. მაგრამ გერმანელი უფრო ეშმაკი გა-
მოდგა. ტორტი ხელში დაიჭირა და კიბეზე ასვლა დაიწყო — საფეხურიდან
საფეხურზე.

სპილომ აღარ დააყოვნა და გაწვდილი ხორთუმით, ყურებგადმოფიჩორე-
ბული თავისდაუნებურად აჰყვა მას.

კიბის ბაქანზე ტომიმ მეორე ნაჭერიც მიიღო.

ამგვარად იგი შეიყვანეს სასადილო ოთახში, საიდანაც წინასწარ გაეტა-
ნათ მთელი ავეჯი, ხოლო იატაკი სქლად მოეფინათ თივით... სპილო ფეხით
იატაკში ჩახრახნილ კაუჭს მიაბეს, თან ახალი სტაფილო, კომბოსტო და თალ-
გაში დაუყარეს. გერმანელიც იქვე მოთავსდა დივანზე. სინათლე ჩააქრეს და
დაწვნიან დასაძინებლად.

VI

დილით გოგონამ ალიონზე გაიღვიძა და უპირველეს ყოვლისა იკითხა,
სპილო თუ მოვიდაო.

— მოვიდა, — უპასუხა დედამ, — მაგრამ ბრძანა, ნადიამ ჯერ ხელ-პირი
დაიბანოს, თოხლო კვერცხი შეჭამოს და ცხელი რძე დალიოსო.

— ბრაზიანი ხომ არაა?

— არა. აბა ჭამე, გენაცვალე, და მერე ვესტუმროთ.

— სასაცილოა?

— ცოტათი. ჩაიცივი თბილი კოფთა.

კვერცხი შეიჭამა, რძე დაილია. ნადია ჩასვეს იმ პაწია ეტლში, სულ პატარაობისას რომ აჯენდნენ. მაშინ სიარულიც არ იცოდა. ეტლით იგი სასადილო ოთახში გაჰყავთ.

სპილო იმაზე გაცილებით დიდი აღმოჩნდა, ვიდრე ნადია ელოდა, როცა მის სურათებს ნახულობდა. სიმაღლით იგი კარებზე ოდნავ დაბალი იყო, სიგანით კი ნახევარი სასადილო ოთახი ეჭირა. ნაოჭებიანი, ხეხეში კანი ჰქონდა. ფეხები სვეტებივით სქელი. გრძელი კუდის ბოლოს რაღაც ცოცხის მაგვარი ება. თავი — დაკორძილი, რომელზეც დიდი პანტურა ყურები ჩამოკიდებოდა. თვალები ჰქონდა პატარა, პატარა, მაგრამ ჰკვიანი და კეთილი. ეშვები — მოჭრილი, ხორთუმი — გველივით გაგრძელებული, ბოლოში ორი ნესტოთი და მათ შორის მოძრავი, მოქნილი თითით. ხორთუმი რომ მთელ სიგრძეზე გაეწვდინა, ალბათ, ფანჯრებსაც მიწვდებოდა.

გოგონა სრულებით არ შეშინებულა. გაუკვირდა კი ცხოველის უზარმაზარი სიდიდე. სამაგიეროდ გადიამ, თქქსმეტი წლის პოლიამ, შიშისაგან წივილ-კივილი ატეხა.

სპილოს პატრონი, გერმანელი, მივიდა ეტლთან და წარმოთქვა:

— დილა მშვიდობისა, ქალიშვილო. ნუ შეგეშინდებათ, გეთაყვა. ტომი ძალზე გულკეთილია და ბავშვები უყვარს.

გოგონა გერმანელს თავის პატარა გაცრეცილ ხელს უწვდის.

— გამარჯობა, როგორ ბრძანდებით? — ამბობს იგი, — მე სრულებით, ერთი ბეწოთი არ მეშინია. რა ჰქვია მას?

— ტომი.

— გამარჯობა, ტომი, — წარმოთქვამს ნადია და მორიდებით თავს უკრავს, რადგან სპილო დიდია.

— როგორ გეძინათ ამ ღამით?

გოგონა მასაც უწვდის ხელს. სპილო ფრთხილად იღებს და უჭერს მის წვრილ თითებს თავის მოქნილ ძლიერ ცხვირა თითს, ამასთან იმაზე უფრო ნაზად, ვიდრე ექიმი მიხეილ პეტროვიჩი. სპილო თან თავს აქნევს. თვალები კი სულ უფრო უვიწროვდება, თითქოს უცინის კიდევ.

— მას ხომ ყველაფერი ესმის? — ეკითხება გოგონა.

— ო, რა თქმა უნდა, ყველაფერი, ქალიშვილო!

— მხოლოდ არ ლაპარაკობს, არა?

— დიახ, აი, ვერ ლაპარაკობს მხოლოდ. იცით, მეცა მყავს ერთი ქალიშვილი, თქვენსავით პატარა. მას ღიზა ჰქვია. ტომი მისი დიდი, ძალიან დიდი მეგობარია.

— ტომი, თქვენ უკვე დალიეთ ჩაი? — ეკითხება გოგონა სპილოს.

სპილო ისევ გამოსწევს ხორთუმს და თბილი ძლიერი სუნთქვით უბერავს გოგონას სახეზე. ნიავი გოგონას თხელ თმებს უწეწავს.

ნადია იცინის და ტაშს უკრავს. გერმანელიც გულიანად იცინის. ისიც სპილოსავით დიდი, სქელი და კეთილია, და ნადია ამსგავსებს კიდევ მათ ერთმანეთს. იქნებ ნათესავებიც არიან.

— არა, მას ჩაი არ დაუღევია, ქალიშვილო. მაგრამ იგი სიამოვნებით სვამს შაქრიან წყალს. თანაც ძლიერ უყვარს ფუნთუშები.

შემოაქვთ ფუნთუშებით სავსე ლანგარი. გოგონა უმასპინძლდება სპი-
ლოს. იგი თავისი თითით მოხერხებულად აიტაცებს ფუნთუშას და რგოლებით
მოხრილი ხორთუმით მალავს მას სადღაც თავქვეშ, სადაც სასაცილო, სამკუ-
თხედი, ხაოიანი ქვედატუჩი უქანქალებს. ფუნთუშა სპილოს მშრალ კანს
ედება და შრიალებს. ასევე მოექცა ტომი მეორე ფუნთუშას, მესამესაც, მეო-
თხესაც, მეხუთესაც, თან მადლობის ნიშნად თავს იქნევს და პატარა თვალები
კმაყოფილებისაგან კიდევ უფრო ეჭუტება. გოგონა კი მხიარულად კისკისებს.

როდესაც ყველა ფუნთუშა შეიჭამა, ნადია აცნობს სპილოს თავის
თოჯინებს.

— შეხედეთ, ტომი, ეს მორთული თოჯინა სონიაა. ძალზე გულკეთი-
ლი ბავშვია, მხოლოდ ცოტა ჭირვეულია და წვნიანს არ ჭამს. ეს ნატაშაა —
სონიას შვილი, მან სწავლა უკვე დაიწყო და თითქმის ყველა ასო იცის. ესეც
ნატრიოშკა, ეს ჩემი ყველაზე პირველი თოჯინაა. ხედავთ, მას ცხვირი აღარ
შერჩა, თავიც მიწებებული აქვს, თმებიც დაცვივდა, მაგრამ მოხუცის სახლი-
დან გაგდება ხომ არ შეიძლება? ხომ მართალს ვამბობ, ტომი? ეს ადრე სო-
ნიას დედა იყო, ახლა კი ჩვენთან მოახლდაა. აბა, ვითამაშოთ, ტომი: თქვენ
იქნებით მამა, მე — დედა, ესენი კი ჩვენი შვილები.

ტომი თანახმაა. იგი იცინის, ნატრიოშკას კისერში ჰკიდებს ხორთუმს და
პირისაკენ მიაქვს.

მაგრამ ეს მხოლოდ ხუმრობაა. თოჯინას იგი ისევ დებს გოგონას მუხ-
ლებზე, მართალია, უკვე შესველებულსა და გამოღეჭილს, მაგრამ მაინც მთელს.

შემდეგ ნადია ტომის დიდ სურათებიან წიგნს ათვალეირებინებს და
უხსნის:

— ეს ცხენია, ეს იადონი, ეს თოფი... აი გალია ჩიტუნიათი, აი სათლი,
სარკე, ლუმელი, ნიჩაბი, ყვავი... ეს კი შეხედეთ, სპილოა! რა სასაცილოა,
სულ არა გგავთ, არა? განა სპილოები ასეთი პატარები არიან, ტომი?

ტომიც თანახმაა, რომ არასოდეს ქვეყნად არ შობილან ასეთი პატარა
სპილოები. საერთოდ მას ეს სურათი არ მოსწონს, თითიც წაატანა გვერდის
კიდეს და გადააბრუნა.

დადგა სადილობის დროც, მაგრამ გოგონა ვერაფრით ვერ მოაშორეს
სპილოს. ისევ გერმანელმა მოისაზრა.

— ნება მომეცით, მე ყველაფერს მოვაგვარებ. ესენი ერთად ისადილებენ.
მან სპილოს დაჯდომა უბრძანა. ისიც თვინიერად დაჯდა, ამას კი ის მოჰ-
ყვა, რომ მთელ ბინაში იატაკი შეინძრა. კარადაში ჭურჭელი ახანზარდა, ხო-
ლო ქვევით მცხოვრებლებს ჭერიდან ბათქაში ჩამოუცვივდათ. სპილოს წინ
გოგონა დასვეს. მათ შორის დადგეს მაგიდა. სპილოს კისერზე სუფრა შემო-
ახვიეს და ახალმა მეგობრებმა სადილობა დაიწყეს. გოგონა მიირთმევს ქათმის
წვნიანსა და კატლეტს, სპილო კი სხვადასხვა ბოსტნეულსა და სალათს. გო-
გონას ერთი ბეწო ჭიქით აძლევენ ხერესს, სპილოს — თბილ წყალს ჭიქა რომით
და იგი სიამოვნებით სვლავს ამ სასმელს ხორთუმით. შემდეგ მათ მიართვეს
ტკბილეული. გოგონამ ჭიქა კაკაო, სპილომ კი ნახევარი ტორტი მიიღო, ამჯე-
რად ნიგვზისა. ხოლო გერმანელი სასტუმრო ოთახში მამასთან ზის და ისევე
სიამოვნებით, როგორც სპილო, სვამს ლუდს, ოღონდ უფრო ბევრს.

სადილის შემდეგ მოდიან მამის ნაცნობები. მათ შემოსასვლელშივე აფ-
რთხილებდნენ, რომ არ შეშინებოდათ სპილოსი. მათ ჯერ არ სჯეროდათ. შემ-
დეგ კი, ტომი რომ დაინახეს, კარებს გაეკრნენ.

— ნუ გეშინიათ, იგი კეთილია! — ამშვიდებს მათ გოგონა. მაგრამ ნაც-

ნობები სწრაფად გადიან სასტუმრო ოთახში და ხუთ წუთსაც აღარ ხვრდებიან, — მიემგზავრებიან.

სალამოვდება. გვიანაა. გოგონას დაძინების დროც მოვიდა, მაგრამ ვერ იქნა და სპილოს ვერ მოაშორეს. ისევ სპილოსთან დააძინეს და უკვე დაძინებული გაიყვანეს თავის ოთახში. არც ის გაუგია, თუ როგორ გახადეს ტანთ. ღამე ნადიას დაესიზმრა, რომ იგი ცოლად გაჰყვა ტომის და მათ ბევრი შვილები შეეძინათ, პატარა, მხიარული სპილოები. სპილოც, რომელიც ღამით წაიყვანეს სამხეცეში, ხედავს სიზმარში საყვარელ, ალერსიან გოგონას. გარდა ამისა, მას ესიზმრება ნიგვზისა და არაქისის დიდი, ჭიშკრის ოდენა ტორტები.

დილით გოგონა იღვიძებს მხნე, სიცოცხლით სავსე და, როგორც წინათ, ავადმყოფობამდე, ხმამაღლა და მოუთმენლად გაჰყვირის ისე, რომ მთელ სახლს ესმის:

— რძე მინდაა!

ამ ყვირილზე დედა მხიარულად იწერს პირჯვარს თავის საწოლ ოთახში. მაგრამ გოგონას მაშინვე აგონდება გუშინდელი დღე და კითხულობს:

— სპილო?

მას უხსნიან, რომ სპილოს საქმე ჰქონდა და სახლში წავიდა, რომ მას ჰყავს შვილები, რომლებსაც მარტო ვერ დატოვებდა, რომ მან დაიბარა მოკითხვა გადაეცათ ნადიასათვის და რომ იგი სტუმრად ელოდება მას, როგორც კი იგი გამოჯანმრთელდება.

გოგონა ეშმაკურად იღიმება და ამბობს:

— გადაეცით ტომის, რომ მე უკვე სრულიად ჯანმრთელად ვარ.

თარგმნა მაყვალა ჭიჭინაძემ.



ჰინკის მანი

ს ტ ე რ ნ ი

ახალმა ამბებმა სულ აუბნიეს თავგზა გერდ გიოცს. 1918 წელს იგი უკანვე შემოუძღვა თავის ასეულს ბერლინში. მართალია, თავი დამარცხებულად არ მიაჩნდა, მაგრამ ყველაფერი არეულ-დარეული იყო და სხვებთან ერთად ისიც მიიმალა. ცოტა ხნის შემდეგ ისევ ამოჰყო თავი და მაშინვე უკიდურეს მემარჯვენეთა გზას დაადგა. მხოლოდ ამ გზით თუ მოხერხდებოდა გერმანიისა და გიოცის პირადი საქმეების მოგვარება. მისი პირადი საქმეები კი, რომელიც ჯრონტიდან დაბრუნებულს საკმაოდ აწეწილ-დაწეწილი დახვდა, ბოლო წლებში მეტად შემაშფოთებელი იყო. მამისეულ ფირმას ხელიდან გაეშვა ომის მიერ ნაწყალობევი ხელსაყრელი პირობები; მოხუცი დროს ჩამორჩა და ბოლოს მიიცვალა კიდევ. გერდ გიოცი იძულებული იყო დედისა და დის სარჩენად ვალი აეღო. მალე ყველაფერი გაყიდა და სულ მთლად ცარიელი დარჩა. ვინ იფიქრებდა ამას!

როგორც შეგეფერება, ისე უნდა იცხოვრო კაცმა — თუ არა და სიცოცხლეს არც ღირს! ნეტავ როგორ ახერხებს ეს ხალხი სპეკულაციას? დიახ, ყველა ეწევა სპეკულაციას, მაგრამ რა ოინებით — ამას არავინ ამყლავნებს. ვერც ერთ საქმეში თავს ვერ შეყოფ! ობერლეიტენანტმა ერთ-ორჯერ ამაოდ სცადა სპეკულაცია, მაგრამ ყველა ხედავდა, რომ ის უუნარო და გამოუცდელი დილეტანტი იყო. ამავე დროს „ნაციონალური საქმეც“ ზედიზედ მარცხდებოდა და სისტემის შეცვლა სულ უფრო და უფრო საეჭვო ხდებოდა. ლისი ლერხეს, რომელსაც გიოცი მუდამ ანუგეშებდა ხოლმე, მდგომარეობა შეიცვლებოდა, უკვე აღარ სჯეროდა მისი.

გიოცმა იგი ერთ-ერთი შვებულების დროს გაიცნო. ლისი ლერხე მაშინ ჰაუბტფოგტაიზლაცზე მალაზიაში მუშაობდა მანეკენად. გიოცს შეეძლო დაეყვედრებინა მისთვის, კარგ ადგილას მოგაწყვეო. მის მუნდირსა და ხარისხს ხომ დიდი ძალა ჰქონდა: გიოცმა ერთხელ შეარხია წარბი და... ლერხე კინოში გადაიღეს. მალე მას შვებულებაც გაუთავდა. გიოცი არასდროს არ ეჭვიანობდა ლერხეზე. ეჭვიანობა მხოლოდ მაშინ დაიწყო, როცა ყველა საქმეში ხელი მოეცარა. გაუბედურებული კაცი ერთგულებას მაინც ეძებს ხოლმე.

1922 წლის მაისის დასასრულს მათ გადამწყვეტი საუბარი ჰქონდათ. ერთხელ, როცა ლისი ლერხე თავის ოთახში კაბებს ისინჯავდა, გიოცმა გადაწყვიტა ყველაფერი გამოეკითხა მისთვის. მეტად ბევრი და მდიდრული კაბები

ჰქონდა ლისის. ყოვლად შეუძლებელია დაიჯერო, თითქოს რომელიმე კინო-
გადამღები საზოგადოება ამ ხარჯებს ასწორებდეს. სანამ მკერავი იქ იყო, გიო-
ცი მალავდა თავის ბრახს და თავაზიანად იქცეოდა. ქერთიან ლისს ძალიან
უხდებოდა ნაირნაირი ყვითელი კაბები. მოხდენილ ფეხებზე აბრეშუმის წინდე-
ბი ემოსა, სამ სარკეს შორის ტრიალებდა და შეღებილი ტუჩებით ტიტიინებდა:
„დიდებულია. დღეს ყველა ჩემს სილამაზეზე ლაპარაკობს“.

დარჩა თუ არა მასთან მარტო, გიოცმა საყვედურები დაუწყო: ძალიან
კარგად ვიცი, რა ფულსაც გაძლევენ იმ კინოში, ვერავის გააცურებ! განა ვერ
ვხვდები მაგ ფულს საიდან იღებო!

„ისევ დაიწყე?“, ჰკითხა ლისმა და თვითონაც შეუტია: ჩემისთანა მომ-
ხიბლავ ქალთან გულუხვი თუ არ იქნები, ხმა მაინც ჩაიკმინდეთო. რაო, ჩემს
გამო დაგეხლართა გზები? სისულელეაო.

ერთ-ორჯერ ბანქოში რისკი გასწია, ცოტაც კოქსით წაისპეკულანტა და
მაინც გაკოტრდა!

„არც კი დაიჯერებს ხალხი, რომ ასე გამოთავყვანებული ხარ“. სადღა
იყო მისი ჭიკჭიკა ენა. მაგრამ ლისს მაინც უყვარდა თავისი მეგობარი და
ამიტომ მაშინვე შეაქო მისი ბუნებრივი ღირსებანი:

„ერთი შეავლე თვალი შენს თავს, რა დახატული ფიგურა გაქვს, რა ყინუ-
ლივით ცივი იერი!“ ისინი ისევ შერიგდნენ და ლისმა, როგორც იქნა, დაიყო-
ლია გიოცი შემდგომ ყველაფერი მისი მითითებებით გაეკეთებინა. არავითა-
რი ეჭვი არ უნდა ჰქონოდა ამის შემდეგ ქალის ნაცნობებისადმი, რომლებიც
გიოცისათვის დახმარების გაწევას მოიწადინებენ!

„სულელო, შენს ღირსებას არავინ შელახავს“, დასკვნა ლისმა და მანი-
კურიანი თითები ლოყაზე მოუცაცუნა. მალე ისინი მოტკმტრასეს გაუდგნენ.

ლუდხანა „ფარშევანგში“ გამოიჩქვია, რომ ლისს ვილაც ბულდოგის ჯი-
შის ჯმუხა ბატონი ელოდა. მას სტერნი ერქვა. გაიგონა თუ არა მისი სახელი,
გერდ გიოცმა მონოკლი გაიკეთა. სტერნს თვალები დაუსისხლიანდა. ორივე-
ნი გაშეშებული ისხდნენ. ლისი გოცდა.

„რა დაგემართათ?“

აჰ, აი თურმე რა, სტერნი რაკოვის ასეულში რიგითი ჯარისკაცი ყოფილა.
ეს მოჰგონებიათ.

„ვინც კი დარბაისელი კაცი გაგაცანი, რათა რაიმე საქმეში ხელი მოგი-
მართოს, ყველა ოდესღაც ფეხისადგილში გყოლია ჩანაკეტი“.

„ფეხისადგილი!“ — ჩაიბურტყუნა სტერნმა. — „იმ ადგილთან შედარე-
ბით, სადაც მე ვიჯექი, ფეხისადგილი პირველი კლასის სასახლეა, ეს ლუდხანა
კი რა მონაგონია“. მან ხელით წრე შემოხაზა. ირგვლივ ხელოვნური მარმარი-
ლო და შიგნიდან გაკაშქაშებული აფალიანი მაგიდები ბრწყინავდნენ.

„ეს დიდებულად მოგსვლიათ“, ჩაურთო ლისმა.

ეს ამბავი პოლონეთში მოხდა, შუა ზამთარში. ობერლეიტენანტ რაკოვის
ბრძანებით ლობის სარზე მიბმული სტერნი მთელი დღე თოვლში იდგა.

„იმის გამო გული ახლაც გაფუჭებული მაქვს“, — თქვა სტერნმა.

რაკოვმა პასუხად ცხვირში ჩაიდუღუნა:

„თქვენ ძალიან გებრალეზობდათ თქვენი ძვირფასი გვამი, ახლა კი, რო-
გორც ჩანს, მშვენივრად ახერხებთ სპეკულაციას“.

„მე იღბლიანი კომერსანტი ვარ. ვინც უუნაროა და გაბოროტებული, ის
სპეკულანტს მეძახის“, მკვახედ მიუგო სტერნმა.

დაძაბული მდგომარეობის შესანელებლად, ლისმა კაპელმაისტერს შიმი

დააკრეფინა და ორივესთან იცეკვა. ამის შემდეგ კავალრები იძულებული გახდნენ ერთად დაეღიათ. ლისმაც დალია, ჩანაფიქრს ასე უფრო ადვილად განვახორციელებო.

სტერნს გერდ გიოცისათვის რაიმე გამოსარჩენი საქმე უნდა მიეცა.

მესამე თუ მეოთხე სამიკიტნოში თვალეზაწყლიანებულმა სტერნმა წამოიკრიშა:

„რაკოვ, აი ხელსაყრელი საქმე — მომყიდე ლისი!“ გერდ გიოცმა, რა თქმა უნდა, ანგარიშის გასწორება მოითხოვა. ლისმა ძლივს დაამშვიდა ისინი. სტერნი და გიოცი შეთანხმდნენ, ხვალ ლისის ოთახში ერთმანეთს შეხვედროდნენ და წესიერად მოელაპარაკნათ.

პირველად გერდ გიოცი მოვიდა. ის შიშობდა, რახან მიამხანაგებს, სტერნს იქნებ რაიმე მალული მიზნები ჰქონდესო. ამან ლისი აღაშფოთა:

„პატიოსან სიტყვას გაძღვე, იმ კაცთან არასდროს არავითარ საქმეს არ დავიჭერ“.

გერდ გიოცმა მტკიცედ განაცხადა:

„მთელ ქვეყანაზე ის კაცი ყველაზე არასასიამოვნოა ჩემთვის და მაშინვე ყველაფერი გათავდება, თუ საქმე იქამდე მივიდა, რომ...“

ამ დროს სტერნიც შემოვიდა. მას უკვე ეშოვნა საქმე რაკოვისათვის.

„ძველი მეგობრის გულისათვის“, — უთხრა მათ სტერნმა და თვალეზი მოჭუტა. მეტად სახიფათო საქმე იყო. სტერნი არაფერში არ უდგებოდა თავდებად. თუ კი ეს საქმე მოგვარდა, გამდიდრდებო, უთხრა მან. გერდ გიოცმა შეაწყვეტინა:

„რაც ჩემს ღირსებას შელახავს...“

„ეს თქვენი საქმეა“, — მოუჭრა სტერნმა.

რადიუმი იყო მოსაძებნი, თანაც საკმაოდ დიდი რაოდენობის. იქნებ როგორმე იპოვონ. თავდაპირველად ის ერთ ჯარისკაცს მოეტაცა რუმინეთში. ჯარისკაცი მალე მომკვდარიყო, რის შემდეგაც ერთ სანიტარს მოუპარავს. მან არც კი იცოდა თურმე, რა იყო ის. ასე გადადიოდა ხელიდან ხელში, ახლა კი არავინ იცის სად გაქრა. სტერნმა დაუხსნელა გვარები და მისამართები, რომლებიც კი ხელთა ჰქონდა. თავად მას არ შეეძლო ყველა კვალს გასდევნებოდა და მთელი დრო ამ საქმისათვის შეეწირა.

„რაკოვ, პირდაპირ გეუბნებით, უნდა ირბინოთ, სანამ არაქათი არ გამოგეცლებათ; ამის გარდა, შეიძლება სადმე კისერიც მოიტეხოთ“.

„ეს სწორედ საჩემო საქმე ყოფილა“, — უთხრა გერდ გიოცმა. მას სურდა მაშინვე გასდგომოდა გზას.

„მოიცათ, ხარჯის ფული მიიღეთ“, უთხრა სტერნმა და ქვითარი გამოუწერა. გერდ გიოცი წავიდა.

„თქვენ უფრო მეტად გყვარებით წესრიგი, ვიდრე მეგონა“, თქვა ლისმა. სტერნმა გესლიანად მიუგო:

„რაკოვი ახლა ქუჩებში დარბის, მე კი აქ ვზივარ“.

„ნურაფრის იმედი ნუ გქვინებათ“, — მტკიცედ მოუჭრა ლისმა. მაგრამ სტერნი უკვე აქ იყო და შეეძლო გაესწორებინა ლისის ახალი კაბების ხარჯები.

„დღეს ყველა ჩემს სილამაზეზე ლაპარაკობს“, — თქვა ლისმა შერიგების კილოთი.

გერდ გიოცი კი დარბოდა. ჯერ პირველ მისამართს მიაკითხა. იქ მას ერთი კაცის ზუსტი მისამართი მისცეს, რომელსაც თურმე თვითონ ენახა რადიუმი. მისგან ყველაფერს გაიგებო, უთხრეს. მივიდა, მაგრამ იქ დამაკმაყოფილებე-

ლი ჰასუხი ვერ მიიღო. ახლა სხვებისაკენ მიუთითეს. ასე რამდენჯერმე განმეორდა. ეს პატარ-პატარა ცნობები გერდ გიოცს ხან აახლოებდა, ხანც უფრო აშორებდა მიზანს. დადიოდა მევახშეებთან, მიკიტნებთან, ლარიბ-ლატაკებთან, რომელთა ბინებსაც გულმოდგინედ ჩხრეკდა ხოლმე. ქალები ჰპირდებოდნენ, ნაქურდალს ჩვენს საყვარლებს მოვპარავთ, თუ ფულს გაიღებო. ჰამბურგის ერთ-ერთ კაფეში ანონიმური პაემანი დაუნიშნეს. იქ ერთ ბნელ კუთხეში მან მეტად საეჭვო კაცი შენიშნა, რომელსაც ხელოვნური წვერი ეკეთა. იმ კაცს თვითონ ჰქონია თურმე... რადიუმი? სწორედ რადიუმი. მაგრამ ეს ტყუილი გამოდგა. გერდ გიოცმა სამჯერ მიაკითხა კაფეს; ერთხელ მაგიდის ქვეშ რალაც შეხვეული შენიშნა, მაშინვე მივარდა, მაგრამ უცბად ვილაცამ ნიკაპქვეშ მძლავრად ამოჰკრა და ძირს დასცა.

ლისმა გიოცი მხოლოდ რამდენიმე კვირის შემდეგ ნახა. გიოცი გამხდარიყო, სახე არეოდა და, პირველად თავის სიცოცხლეში, დაუდევრად ეცვა. ამ დღეებში უფრო მეტი განვიცადე, ვიდრე მთელი ომის განმავლობაშიო, გაიძახოდა იგი. როგორც იქნა, ყველაფერს მიგაგენი, ბევრთან გავაბი კავშირი, უცნობებიც კი ხშირად ძალიან საჭირო ცნობებს მაწვდიდნენო.

„აი, ხედავ ამ გეგმას? ეს მე მეტად ძვირი დამიჯდა. სახლს ეზო აკრავს, ეზოში არხი გადის, არხის ბოლოში კი ერთი ქვა მორყეულია, სწორედ იმ ქვის ქვეშ დევს...“

„რადიუმი?“

გერდ გიოცმა მტკიცე რწმენით დაუქნია თავი.

„უნდა ვიპოვო ის სახლი, თუმცა კაცმა არ იცის მისი ასავალ-დასავალი“.

„იქნებ არც კი არსებობს ქვეყანაზე ეგ სახლი შენს რადიუმთან ერთად?“

გერდ გიოცი ვერაფერს მიხვდა, ლისს კი უფრო გარკვევით არაფერი უთქვამს. მას ეცოდებოდა გიოცი. სტერნი ერთხელაც არ უხსენებია გიოცს, თუმცა მიზეზი კი ჰქონდა.

სტერნთან ლისი უფრო პირდაპირი იყო.

„თქვენ გაიძვერა ხართ. თქვენი რადიუმი მახეა და მეტი არაფერი“.

„თუნდაც აგრე იყოს“, თქვა სტერნმა მშვიდად. ლისი განცვიფრდა.

„რას ამბობთ! ნუთუ ამ რადიუმისათვის, რომლის ამბავი თავიდან ბოლომდე თქვენი მოგონილია, გერდ გიოცი საავადმყოფოში უნდა მოხვდეს?“

„არა“, — თქვა სტერნმა და თვალები მილულა, თითქოს მეტისმეტად დაღლილიაო. „სავადმყოფოში კი არა, საპატიმროში“. სტერნმა თვალები გაახილა და მთლად დაბნეულმა ლისმა იმ თვალეებში შემამძრწუნებელი რამ დაინახა. ეს იყო სიძულვილი. მღვრიე, დაუოკებელი, ბინძური ნაკადი სიძულვილისა იღვრებოდა სტერნის თვალებიდან. ჩანდა საშინლად ტანჯავდა ეს გრძნობა სტერნს. ის თრთოდა, კუნთები ეკრუნჩხებოდა, ფითრდებოდა! და წითლდებოდა. სტერნმა ძლივს მოაბრუნა დამძიმებული ენა:

„რაკოვი მუდამ მდევნიდა და მამცირებდა, ახლა კი მე გავამწარებ, სანამ ბოლო არ მოედება. მას ჩემი ჩაძაღლება უნდოდა, ახლა თავად მოვინელებ“.

სტერნმა გულზე მიიღო ხელი.

ლისმა ნაძალადევად გაიცინა: „შენც საქმე გიშოვია... ნუ ხარ ასე სასაცილო“. ქალი გამომწვევად დატრიალდა მის ცხვირწინ.

სტერნმა მოუერიდებლად უთხრა:

„თქვენ, ჩემო ფროილან, თავდაპირველად მხოლოდ იმიტომ დაგიასხრობდი, რომ რაკოვამდე მიმეღწია. ახლა კი თქვენც ვაგისწორებთ ანგარიშს...“

მან დაიჭირა ლისი, უფრო სწორად, ხელი შეაშველა, რადგან ქალი თითქმის თვითონვე ჩაუვარდა ხელებში; ლისს ეშინოდა მისი და იზიდავდა კიდევაც ეს შემადრწუნებელი სიძულვილით შეპყრობილი ადამიანი. ასეთი მამაკაცი მას ჯერ კიდევ არ ენახა! ლისი თავის თავს მუდამ ფიცს აძლევდა, სტერნს არასოდეს არ დავნებდებო, მით უმეტეს ახლა. თუმცა მისგან ბევრი საჩუქარი ჰქონდა მიღებული, რასაც სტერნი ქალის თანხმობად სთვლიდა. დააღწევს თუ არა თავს? გერდ გიოცს პასუხი მაინც მოეთხოვა მისთვის, რაც ქალს სტერნის ჯადოსაგან დაიხსნიდა. მაგრამ გიოცი აჩრდილებს დასდევდა.

სტერნმა დაიბარა გიოცი. „რაკოვ“, — უთხრა მოუხრიდებლად, — „თქვენ ერთ სახლში უნდა შეიპაროთ“. სტერნი გულგრილად შეჰყურებდა, როგორ აღწვდებოდა და აიფხორა მისი მსხვერპლი.

„თუ თქვენ ამ საქმისათვის მეტისმეტად კეთილშობილი ხართ, მაშინ როგორც ვინდათ... თავისთავად ცხადია, დანახარჯს გადაგახდევინებთ, თქვენ წინასწარ ძალიან ბევრი ფული გამომტყუეთ“.

მსხვერპლმა, რომელიც მთელი თავით მაღალი იყო სტერნზე, ცოტა კიდევ გაიფართხალა და დანებდა. სად და რანაირადო, ჰკითხა მან.

„ვილაცამ დაგვასწრო“, — აუხსნა სტერნმა, — „აპიტალისტი ყოფილა და ფული ბევრი დაუხარჯავს. ჩვენ ვერაფერს გავხდებით... უამისოდ...“ მან თითი დაატრიალა.

„რა გაეწყობა“, — თქვა გერდ გიოცმა. სიხარბისაგან ხმა ჩახრინწოდა. სტერნმა ფოტოსურათი უჩვენა.

„ეს სახლი ჰუნდევლეშია, განმარტოებით დგას. შეპარვა ადვილია. ის, რასაც თქვენ ეძებთ, საწოლ ოთახში დევს. ამ დამით სახლში არავინ იქნება“.

ისიც უჩვენა, თუ სად დაელოდებოდა მანქანა, რომელიც გერდ გიოცს დასჭირდებოდა. სტერნის უკანასკნელი სიტყვები იყო: „საწოლ ოთახში“, თანაც ბოროტად ჩაიხიხითა. უცნაური იყო, მაგრამ, კარი უკვე მოიკეტა და გიოცს მისი ხითხითი არ გაუგონია.

მანქანა მართლაც ელოდა. მძღოლი ზურგშექცევით იდგა. გერდ გიოცი მანქანას მიუახლოვდა თუ არა, მძღოლი გაუჩინარდა. გიოცმა მარტომ წაიყვანა მანქანა და ერთ კუნჭულში შეჩერდა. სახლი აქვეა, ზუსტად ისეთი, როგორიც ფოტოსურათში. ფანჯრები ჩაბნელებულია. გიოცი ეზოს კართან მივიდა და ხანგრძლივად დარეკა; შემდეგ სწრაფად შევარდა მანქანაში. საათი დანიშნა და ოცი წუთი ელოდა, ნეტავ რა მოხდებაო. პირველ სართულზე ერთი ფანჯარა ღია იყო, საიდანაც მთვარის შუქი ოთახში შედიოდა. ხომ არ ინძრევა რამე შიგ? ხეივანი სრულიად განცალკევებული და საკმაოდ ფართოა, ამას გარდა, სახლის წინ ხშირი ტყეა, მაგრამ ხეივნის მიღმა ერთ-ერთ განმარტოებულ ბინაში ისევ ანთია სინათლე. თბილი ჰაერი აკაცების ძლიერი სუნით გაჟღენთილიყო. ვაი თუ ამ სურნელებამ ვინმე ლოგინიდან წამოაყენოსო, შიშობდა გიოცი. მან ყველაფერი გულდაგულ და სწრაფად მოიფიქრა, როგორც ღამის იერიშის წინ. სერიოზული საფრთხე არსად ჩანდა. სახიფათო მხოლოდ მთვარის სინათლე იყო.

სიბნელეში ბალის კარი შეამტვრია. სახლის წინა ხედს მალე მთვარის კამკამა შუქი მოეფინა. ნაცვლად იმისა, რომ სვეტების ჩრდილებს შეფარებული ფრთხილად ამძვრალიყო, უშიშრად ახტა აივანზე. ისე თავდაჯერებულად იქცეოდა, ვინმეს რომ დაენახა, იფიქრებდა, პატრონია და სახლში ბრუნდებო... გიოცმა სწორედ საწოლ ოთახში ამოჰყო თავი. მთვარის კაშ-

კაშა სინათლეზე გარკვევით ჩანდა ფართო ლოგინი. მეორე მხარეს, როგორც აბა იარაღი, მტერი! ვიღაც კედელს აკროდა, მთვარის შუქზე გარკვევით ჩანდა ქალის ფიგურა. ერთი შეხედვით ნახატი გეგონებოდათ. კედელზე უსასოოდ ხელებგაშლილ ქალს თავი დაეხარა. გერდ გიოცმა მისკენ წაიწია.

„ღისი!“

უცრად ბნელში რაღაცას წამოჰკრა ფეხი ნეტავ ვინ წევს აქ? სწრაფად გადმოაბრუნა უცნობის სხეული.

„სტერნი!“ თითქოს გავარვარებული რკინა იყო, გერდ გიოცმა მყისვე უშვა ხელი. ღისი და გიოცი ბრმებივით მიშტერებოდნენ ერთმანეთს. შემდეგ გიოცი სტერნისაკენ დაიხარა.

„გათავებულა“, — მოკლედ მოსჭრა მან.

ახლა ღისისაკენ გაექანა. ქალმა ხელები გაასავსავა.

„ახლავე გაიგებ ყველაფერს. დამაცადე!“

სახლი ღისისაა; მთელი ეს ქონება სახლთან ერთად ღისის სახელზე გაუტარებია სტერს; ფულიც. ქალი კი მხოლოდ დაპირებებით ისტუმრებდა.

„ჩემმა მზემ! მუდამ დარწმუნებული ვიყავა, რომ სტერს ჩემთან არაფერი გამოუვიდოდა და მართლაც არაფერი გამოუვიდა“.

მაგრამ ღისი ამაოდ შიშობდა. გერდ გიოცს სხვა რამე აწუხებდა.

„მერედა, რატომ უნდა შემოვპარულიყავი აქ? შენ გაქვს რადიუმი?“

ღისი ჯერ ვერაფერს მიხვდა, ბოლოსლა მოაგონდა:

„რადიუმი მახე იყო: მას შენი დაღუპვა უნდოდა“. უცბად ღისმა შეჰყვირა: „ახლა კი მივხვდი, აი, თურმე რატომ ვერ ისვენებდა აქ. აქეთ-იქით დარბოდა, ღელავდა და სინათლის ანთებას არ მანებებდა. შენ გელოდა, გერდ გიოც, შემოხვიდოდი თუ არა, შეგიპყრობდა“.

ღისი დაიხარა და მკვდრის ქვეშიდან რაღაც ნივთი გამოათრია. ჩურჩულით განაგრძო: „მისი რევოლვერი: როგორც კი შემოხვიდოდი, მაშინვე დაეახლიდა“.

ღისმა ისარგებლა გიოცის დაბნეულობით და ორივე ხელი მოხვია. — „სამაგიეროდ თვითონ ამოხდა სული. თავისი სიკვდილით მოკვდა... ის შენი დაუძინებელი მტერი იყო, გერდ გიოც... კარგად მოვაწყე არა?“ — ჰკითხა ქალმა, რომელიც ახლა საოცრად მომაჯადოებელი იყო. — „ჩვენ ახლი მდიდრები და ბედნიერები ვართ“. გული კი უცანცახებდა, ვაი თუ ასეთ ბედნიერებასა და სიმდიდრეზე უარი თქვასო. მაგრამ გიოცი არაფერს ამბობდა. ღისმა ნაზად უთხრა: „აქაურობას მოაშორეო“.

გერდ გიოცმა მეორეჯერ აღარ გაამეორებინა. ძლივს საშუალება ეძლეოდა თავისი ვაჟკაცობა გამოემჟღავნებინა და ამ მტანჯველი მდგომარეობიდან თავი დაეღწია.

„ავიყვან და მანქანაში ჩავსვამ. მშვენიერი ღამე. გასეირნება. გულის დამბლა“...

ასეც მოიქცა და უკან დაბრუნებულს კარებშივე შეეგება ღისის ალერსიანი ხელები. ერთმანეთს გადახვეულნი მთვარის შუქით გაკაშკაშებულ კიბეს აჰყვანენ და საქორწილო სარეცლისაკენ გაემართნენ.

გერმანულიდან თარგმნა გიორგი კეჭელმაძემ.



ჯაიკოა კ. ჯაიკოაი

როგორ დაკარგა ჰერისმა ცოლი

ჰერისს, როცა ის ახალდაქორწინებული იყო, ერთი უსიამოვნება შეემთხვა, და ისიც მხოლოდ იმიტომ, რომ კაცს არ შეუძლია დაინახოს, რა ხდება შის ზურგს უკან.

მაშინ ის პოლანდიაზე გავლით ცოლთან ერთად მოგზაურობდა ველოსიპედით. გზა ქვიანი იყო და ველოსიპედი საკმაოდ ხტუნავდა. „მაგრად იჯექი“, — უთხრა ჰერისმა ცოლს ისე, რომ უკან არც კი მიუხედავს. მისის ჰერისმა კი „ჩამოხტო“ გაიგონა. რატომ უნდა ეფიქრა მას ჰერისი ეტყოდა „ჩამოხტო“, როდესაც უთხრა „მაგრად იჯექი“? ამის ახსნა არავის შეეძლო. მისის ჰერისი ამბობს: „შენ რომ გეტყვა „მაგრად იჯექი“, რატომ ჩამოვხტებოდი?“ ჰერისი კი ეუბნება: „მე რომ მდომოდა ჩამომხტარიყავ, რატომ გეტყოდი „მაგრად იჯექი?“

კამათის სიმწვავე განელდა, მაგრამ ისინი ამაზე ახლაც დაობენ.

ასე იყო თუ ისე, ფაქტი ფაქტია, რომ მისის ჰერისი ჩამოხტა ველოსიპედიდან, ხოლო ჰერისმა მთელი ძალით გააქროლა ველოსიპედი, დარწმუნებულმა, რომ ცოლი კვლავ უკან ეჯდა. მისის ჰერისმა პირველად იფიქრა, ჰერისს უნდა თავი მომაწონოს აღმართშიო. მაშინ ისინი ხომ ჯერ კიდევ ახალგაზრდები იყვნენ და ჰერისს ასეთი რამეები სჩვეოდა. მისის ჰერისი მოელოდა, რომ ჰერისი ბორცვის თავს მიაღწევდა თუ არა, ჩამოხტებოდა ველოსიპედიდან, თავმოწონედ დაეყრდნობოდა ზედ და ასე დაელოდებოდა. მაგრამ როცა მისის ჰერისმა დაინახა, როგორ გასცდა ჰერისი ბორცვის თავს და დაეშვა ციცაბო დაღმართში, ჯერ გაოცდა, შემდეგ აღშფოთდა და, ბოლოს, შეშინდა კიდევაც. ბორცვზე ავარდა, დაუწყო ხმამაღლა ძახილი, მაგრამ ჰერისს ფიქრადაც არ მოსვლია უკან მოეხედა. მისის ჰერისი კიდევ ხედავდა მას ერთი მილის მანძილზე, შემდეგ კი ჰერისი ტყეში გაუჩინარდა. მისის ჰერისი დაჯდა და ტირილი დაიწყო. დილით ხომ მათ ცოტა წაიხხუბეს, იქნებ ჰერისმა ეს სერიოზულად მიიღო და ახლა აპირებს მიატოვოს იგი. მას კი არც ფული აქვს, არც პოლანდიურად შეუძლია ლაპარაკი. გამველ-გამომველნი თანაგრძნობით უყურებდნენ მას იგი შეეცადა ყველასათვის გაეგებინებინა თავისი ვასაჭირი. ისინი კი მხოლოდ იმას მიხვდნენ, რომ ამ ქალმა დაკარგა რაღაცა, მაგრამ რა? მისის ჰერისი წაიყვანეს მახლობელ სოფელში და პოლიციელი მოუძებ-

ნეს. პოლიციელმა მისის ჰერისის ქესტ-მიმიკიდან დაასკვნა, რომ დაკარგულ იყო ველოსიპედი.

იმწუთშივე ამუშავდა ტელეგრაფი. მეზობელ სოფლის გზაზე აღმოაჩინეს ერთი საბრალო ბიჭი ქალის ძველებური ველოსიპედით. ბიჭი სასწრაფოდ წიუყვანეს მისის ჰერისის კარეტით, მაგრამ მას არც ეს ბიჭი აინტერესებდა, არც მისი ველოსიპედი. ბიჭი ისევ გაუშვეს და ძებნა განაგრძეს.

ჰერისი კი ამ დროს მთელი მონდომებით მიაქროლებდა ველოსიპედს. ის თითქოს რაღაც მოჭარბებულ ძალას გრძნობდა, ცა ქუდად არ მიაჩნდა და დედამიწა ქალამნად. დარწმუნებულმა, უკან მისის ჰერისი ზისო, თქვა: „რამდენი ხანია ასე მსუბუქად არ მიმგზავრია, შესანიშნავად ვგრძნობ თავს, ალბათ, ჰაერმა იმოქმედა“. შემდეგ დააიმედა, ოღონდ არ შემინდე და გაჩვენებ რასწრაფად შემიძლია მართვად. იგი მთელი ძალით დააწვა საჭეს და გააქროლა. ყველაფერი ელვის სისწრაფით რჩებოდა უკან: სახლები და ეკლესიები, ძაღლები და წიწილები. მოხუცი სოფლელები პირდაღებული მისჩერებოდნენ მას, ბავშვები კი ყვირილით ამხნევედნენ.

ასე გაიქროლა მან დაახლოებით ხუთი მილი. როგორც შემდეგ ჰყვებოდა, უკებ მას უცნაური, გაუგებრობის გრძნობა დაეფულა. მას არ გაჰკვირვებია, რომ უკანიდან არ გამოეპასუხნენ — ძლიერი ქარი იყო და ველოსიპედიც საკმაოდ ინჯღრეოდა, მაგრამ მაინც იგრძნო, რომ მის უკან ადგილი ცარიელი იყო. სასწრაფოდ მოაფათურა ხელი, მაგრამ უკან არავინ იჯდა. ჩამოხტა, უფრო სწორად, გადმოიჭრა ველოსიპედიდან და გამოვლილ გზას გახედა. თეთრი და სწორი გზა დაბურულ ტყეში იკარგებოდა. მასზე არავინ ჰაჰანებდა. ათი წუთის შემდეგ ჰერისი გზაჯვარედინთან აღმოჩნდა, გაჩერდა და დაიწყო ფიქრი, თუ რომელი გზით ჩამოიქროლა მან აქ წელან.

ამ თავისმტვრევაში იყო, როდესაც ერთი ცხენოსანი მიუახლოვდა. ჰერისმა იგი გააჩერა და შესჩივლა, რომ ცოლი დაკარგა. ამ ამბავმა ცხენოსანი არც გააკვირვა და არც შეაწუხა. მათ საუბარში გზაზე კიდევ ერთი გლეხი გამოჩნდა, რომელსაც ცხენოსანმა ჰერისის ამბავი ისე მოუყვა, თითქოს სამწუხარო კი არა, ძალიან სასაცილო რამ ყოფილიყო. გლეხმა ჰერისის მღელვარება სრულიად ზედმეტად ჩასთვალა. ეტყობოდა, არც ერთი და არც მეორე ჰერისის დახმარებას არ აპირებდა. ჰერისის ისღა დარჩენოდა, რომ ლაზათიანად შეეკურთხებინა მათთვის და ალაღბედად დადგომოდა შუა გზას.

დაახლოებით შუა გზაზე მას ორი ქალიშვილი და ერთი ვაჟი შემოხვდა. იქნებ ამათ შეუძლიათ მიშველონო, და შეეკითხა, ხომ არ გინახავთო ჩემი ცოლი. ისინი დაინტერესდნენ, თუ როგორი გარეგნობისა არის იგი. რა იცოდა ჰერისმა იმდენი ჰოლანდიური, რომ წესიერად აეწერა ცოლის გარეგნობა. მხოლოდ იმის თქმა მოახერხა, რომ მისი ცოლი ლამაზი და საშუალო ტანის ქალია. რა თქმა უნდა, ეს ზოგადი აღწერა საკმაო არ იყო. ასე ხომ ყველა კაცს შეუძლია სხვისი ცოლი მიითვისოს! შემდეგ ჰკითხეს, რა ეცვა მის ცოლს. ქვეყანაც რომ დაქცეულიყო, ჰერისი ამას ვერ მოიგონებდა. ვინ აგიწერთ ქალის ჩაცმულობას, რომელსაც უკვე ათი წუთია, რაც დაშორდა!

ჰერისმა ძლივძლიობით მოიგონა ლურჯი ქვედაკაბა, შემდეგ კიდევ რაღაც, რომელიც კისრამდე სწვდებოდა. შეიძლება ის კოფთა იყო. რაღაც ქამრის მსგავსიც ახსოვდა. ნეტა კოფთა რა ფერის იყო — მწვანე, ლურჯი თუ ყვითელი? საყელო ჰქონდა თუ ბაფთით იკვრებოდა? ქულზე ფრთა ჰქონდა დამაგრებული თუ ყვავილები, ან საერთოდ ეხურა კი ქული?

ამდენის თქმა ჰერისმა ველარ გაბედა. შეცდომის დაშვება სახიფათო იყო: ამათაც არ მოეშორებინათ ის თავიდან!

გოგონებს გაეცინათ. ჰერისს ნერვები აეშალა. ახალგაზრდას კი ერთი სული ჰქონდა, როდის მოიშორებდა მას თავიდან. ამიტომ მახლობელი ქალაქის პოლიციაში წასვლა ურჩია. ჰერისიც ასე მოიქცა.

პოლიციაში მას რალაც ქაღალდი მისცეს და უთხრეს სრულად აღეწერა მისი ცოლის გარეგნობა, თან დაწვრილებით მიეთითებინა სად და როგორ დაკარგა ის.

რა იცოდა ჰერისმა, სად დაკარგა ცოლი. ერთადერთი, რაც მას შეეძლო ეცნობებინა პოლიციისათვის, იმ სოფლის სახელი იყო, სადაც ისაუზმეს. ჰერისს ისიც ნამდვილად ახსოვდა, რომ იქ ცოლიც ახლდა თან.

პოლიციაში კი უკვე ორჭოფობა დაეტყუთ. მათ სამ რამეში ეპარებოდათ ეჭვი: პირველი — ნამდვილად თუ იყო ის ქალი მისი ცოლი; მეორე — ნამდვილად დაკარგა მან ის თუ არა; მესამე — რატომ მაინცდამაინც დაკარგა ის.

ეს შეკითხვები ჰერისს ერთმა სასტუმროს პატრონმა განუმარტა, რომელიც თვითონაც ძლივს ახერხებდა ინგლისურად ლაპარაკს.

ამოქმედდა პოლიცია და იმავე საღამოს ჰერისს პოლიციის კარეტით წარუდგინეს ცოლი და მის ძეგნაში დახარჯული თანხების სია.

შეხვედრა, მოგეხსენებათ, უნაზესი არ იქნებოდა. მისის ჰერისი არ გაზღდათ კარგი მსახიობი, ვერასოდეს ფარავდა თავის გრძნობებს და ამჯერად კი, როგორც თვითონ გულახდილად იტყვის ხოლმე, არც უცდია მათი დაფარვა.

ინგლისურიდან თარგმნა მინიკო ჩიჯავაძემ.





ქაე მისკევიჩი

ქალი და გველი ლაფონტანის მიხედვით

მეტად გამხდარი, უილაჯო ძვალტყავა მგელი,
შებინდების ჟამს უგზოუკვლოდ ლასლასით მსვლელი,
მის ბრწყინვალეზას — მსაჯულის ძაღლს გზად შეეფეთა,
ზორბა ბერნადინს, დიდ მუცლიანს და მსუქანს მეტად.
ტანზე ბეწვები უბრწყინავდა თვალის მომჭრელი,
მუხლზე სწვდებოდა დაშვებული ღილაბი სქელი.
— ჩემო ნათლიავ, უმდაბლესი სალამი წრფელი,
თქვენს უნახავად გავატარე რამდენი წელი!
პატარა ლეკვი ვით გაზრდილხარ, გამხდარხარ დიდი,
როგორ ბრძანდებით, თქვენი საქმე ხომ კარგად მიდის?
— არა მიშავს-რა! — ძაღლმა უთხრა
კულის შერხევით.
— ოჰ, ზედ გეტყობა, შენსავ ტყავში ველარ ეტევი!
ვიშ, რა შუბლი გაქვს, რარიგ მკვრივი, მაგარი, სწორი,
დიდი მუცელი — ქონით სავსე, ქეჩო როგორი!
დიახ, მუცელი საოცარი... დე, გავხდე წერა
მშიერ ძაღლების, თუ მენახოს ჯერ მთა და ველად
ასე ვეება მუცლიანი მსუქანი ღორი!
— კარგია, მასხრობ, მაგრამ ნუთუ არ ხარ მსურველი
ჩემებრ იცხოვრო, გაისუქო შენაც მუცელი?
— როგორ თუ არ მსურს!
— მაშ, თუ გინდა ბედი იპოვო,
ტყეები, მთები სჯობს ეშმაკებს რომ დაუტოვო,
მინდვრად ხეტიალს სამუდამოდ ანებე თავი,
მოდო ხალხთან და ემსახურე, მათთან იყავი!
— კი, მაგრამ რა ვქნა, რა სამსახურს მოვიკიდო ხელი?
— როგორ თუ რა ჰქნა! რა ბავშვი ხარ გამოუცდელი!
იყავი შენთვის, დიდ ჯაფასაც არვინ გავალეზს,
ეზო-მიდამოს უდარაჯე და უთვალთვალე,
ყვფით ამხილე სტუმრის მოსვლა; იყავი ფრთხილი,

მთხოვარს ეძგერე, ებრაელსაც გაჰკარი კბილი.
გახსოვდეს ბატონს ელაქუცე, არ ჰკადრო ავი,
მსახურთ წინაშეც კუდის ქნევით დაჰხარე თავი.
ასე თუ იზამ, შენი საქმე არ წავა ცუდად,
მათგან ძვირფასი საჩუქრები გექნება მუდამ:
პურის ნამუსრი, ძვლების გროვა, სხვაც ბევრი რამე.
იცხოვრე ასე არხეინად, ჰამე და ჰამე!
მგელი ისმენდა ნათქვამს პირით, ცხვირით და ყურით,
სიტყვებს ულაპავდა ხარბი მადით ნერწყვმორეული.
წარმოიდგინა ახალ ყოფის სისავსე სრული,
იგრძნო ჰაერში მსუქან კერძის საამო სუნი
და ძაღლს შეხედა: — ეს რა არის, რას გიგავს ყელი?
— სისულელეა!
— მაინც რაა!
— აი, წუხელის
ჯაჭვი მეკიდა და მეტყობა იმისი კვალი.
ლამით მამამენ, რომ მტერს ფხიზლად ვადევნო თვალი.
— მაშ, მართალს ამბობ? გვიან მითხარ, რაც მთავარია!
— რა, არ დარჩები?
— არა, ძმაო, არა მცალია!
მე მირჩევნია თავისუფლად ნაპოვნო ლუკმა,
ვიდრე განცხრომა მონობაში და გდება უქმად. —
თქვა და მოჰკურცხლა, მყის განშორდა ტყესა და ღრესა,
და გარბის დღესაც!

თარგმნა ხარიტონ ვარდოშვილმა.



აღქმისათვის ჩაბრუნება

საუბრები იოსებ გრიშაშვილთან

დიდებული ადგილია ბორჯომი, წარმტაცი ბუნება, განთქმული მინერალური წყალი, მშვენიერი სასტუმრო, მიდით და დაისვენეთ! აქ შეხვდებით სხვადასხვა პროფესიის ადამიანებს. საუბრობენ ნაცნობები და ახალგააცნობილები. ბევრსაინტერესოსა და სასარგებლოს მოისმენს კაცი.

დასვენების დროს ბორჯომში ხშირად ვხვდებით პოეტ-აკადემიკოს იოსებ გრიშაშვილს. მასთან საუბარს ვიწვრდი რამდენიმე წლის განმავლობაში. ჩვეულებრივად ასეთ ჩანაწერებს ავტორის სიცოცხლეში არ აქვეყნებენ, რად ზოგჯერ ერთგვარ გაუგებრობას ქმნის, რადგან მათში შემდეგ ისეთი რამეც აღმოჩნდება, რაც სინამდვილეს არ შეეფერება.

ვაქვეყნებთ რა ი. გრიშაშვილთან რამდენიმე საუბრის ჩანაწერს, დე, თვით პოეტმა განსაჯოს და, თუ რამე არასწორადაა გადმოცემული, გაგვისწოროს.

1.

ავისტოს მზიანი დღეა. დილის 10 საათი იქნება. პოეტი ი. გრიშაშვილი სასტუმროს წინ მდინარის პირას დამდგარა და წყალს ჩაჰყურებს. ერთ ხელში პური უჭირავს, მეორეში კი ყურნალ-გაზეთები. ერთხანს იდგა ღრმად ჩაფიქრებული. ხელი არ შემოშლია. როდესაც წამოსვლა დააპირა, მიგუბლოვდი, მივესალმე და ვუთხარი: რაიმე ახალ ნაწარმოებს ხომ არ ქმნიდით-მეთქი. — არა! — მიპასუხა მან. ყურს ვუგდებდი ბორჯომელას ჩხრიალს. ერთ დროს ჩვენი დიდი აკაკი გაუტაცნია მას:

ჩემი გასართობი მხოლოდ არის შავი ბორჯომელა, მის ჩუხჩუხზე ნაპირ-ნაპირ რომ ავკყვები ნელა-ნელა. მივალ, სადაც მას შეერთვის ჩახრუხა და ჩახრიალა. თითქოს ციდან გადმონაქანს

თან მოჰქონდესტ შნო და ძალა... — მართლაც საინტერესო ლექსია, — დავძინე მე, — ბორჯომელამ და ჩანჩქერმა აკაკის მოაგონა საქართველოს სიძლიერე წარსულში, სამწუხარო აწმყო და ამასთანავე მანვე გამოთქვა მომავლის რწმენა და მოწოდება:

ახლა უნდა მიშველება,
ეჭირვება ხსნა და შველა!
აი რას მღერს მოჩუხჩუხე
შავი წყალი, ბორჯომელა.

ასე დაამთავრა აკაკიმ ეს ლექსი. დღეს ნაშველი და ხსნილია აკაკის ტურფა საქართველო. მწერლები ახლა უმღერიან ამ განახლებულ სამშობლოს და მის ოქროადამიანებს. — ეს მართლაც ასეა. — თქვა იოსებმა. — დიდი ილიასი არ იყოს, პოეზია სწორედ რომ უცნაური მადლია. მწერალი მუდამ ქვეყნისა და ადამიანების ბედით არის დაინტერესებული, უადამიანო ლიტერატურა შეუძლებელია. რაზედაც არ უნდა წერდეს მწერალი, ყოველთვის მისი ჩანგი შეუგნებლად თუ შეგნებულად ადამიანთა ურთიერთობას აქცევს მთავარ ყურადღებას. ზღვაზე წერს, თუ ჩხიკვებზე და შვლის ნუკრზე, საბოლოოდ მაინც ადამიანთა ბედით არის დაინტერესებული, პირდაპირ თუ არაპირდაპირ მუდამ ადამიანურს გვაგონებს.

— სრული სიმართლეა! ეს რომ ასე არ ყოფილიყო, — ჩავუროთ მე, — მცენარეებსა და ცხოველებზე დაწერილი ვაჟას ნაწარმოებები ბოტანიკისა და ზოოლოგიის ობიექტი იქნებოდა და არა ხელოვნებისა.

მგონი იოსებს ეს აზრი მოეწონა და დასტურის ნიშნად პურიანი ხელი ასწია. მე ვუთხარი პურს წამოვიღებ-მეთქი და წავიწიე გამოსართმევად, მან კი ნება არ დამართო და მიიხრა:

— მე უნდა წამოვიყო. მიხარია ხოლმე, როცა რამეს ვაკეთებ. მიყვარს ბაზარში წასვლა სანოვაგისათვის და ასე წამოდება: ერთ ხელში

სულის საზრდო მიჭირავს, მეორეში—უქის. ბაზარში აღრე დილას მივდივარ, სახლში კი გვიან ვბრუნდები, ზოგჯერ იმდენად გვიან, რომ სადილი უკვე მზად უნდა იყოს. ამის მიზეზი ის არის, რომ აუცილებლად წიგნების მალაზიაში უნდა შევიდარო. ვიქექები ბუენისტებთანაც. დაგვიანების გამო ცოლი მესყვიღებდა: წიგნის საყიდლად სხვა დროს წადი, თუ სანოვაგე მოგაქვს, მოიტანე და ამ დროს თავი დაანებე სახელგამის მალაზიებსო. მე კი ვუბნებდი:

— დაანებე შენ თავი პაპიროსის წვევას და მეც დაეანებებ თავს ბაზარში წასვლის დროს წიგნების ყიდვას.

— თქვენი მეუღლე პაპიროსს ეწევა?
— ძალიან ბევრს! მომღერალა. ქეთევან ჯაფარიძე, გაგვგონებთ!
— როგორ არა! სახელგანთქმული მომღერალა.

— ჰოდა, ძალზე ვნებს ნიკოტინი, არ ვიცი რა ვუშველო!

ამ დროს სასტუმროს კიბეს მივუახლოვდით, ზვიდან მსახიობი სესილია თაყაიშვილი ჩამოდოდა. გაიმართა მათ შორის საუბარი. წასვლისას სესილიამ იოსებს ლოყაზე თითები მოუცაცუნა და უთხრა:

უპ, მე შენი სული ვჭამე, იოსებ-ჯან არ შავცივდეს!

იოსებს გაეცინა და თქვა: ალბათ, ახალგაზრდა გოგონას როლი აქვს დაკისრებული და ჩემთან ვარჯიშობს. ახირებული ხალხია ეს მსახიობები. აქ მომაგონა თავისი „ქალი მსახიობი“, რომლის რეფერენი ასე ბოლოვდება: „მაგრამ თურმე მსახიობი ცხოვრებაშიც მსახიობდა“.

დაშორებისას იოსებმა მითხრა: შემოიარეთ ხოლმე ჩვენთან, აქვე ვცხოვრობ მეორე სართულზე, ოთახის ნომერი არ მახსოვს და არც ვიმახსოვრებ. ოთახის კარს ზემოთ მინას ვაზეთი ავავტარებ, რომ დერეფნიდან ღამე ელნათურის სხივი არ შემოსულიყო, სინათლეზე ვერ ვიძინებ. ასეთი ოთახი რომ შეამჩნიოთ, ის იქნება ჩემი ბინა და გთხოვთ მოხვიდეთ. მადლობა მოვასხენე, მაგრამ ბინაში კი არასოდეს ვწვევივარ. ვერიდებოდი, ვშიშობდი დასვენების ძვირფასი დრო არ წამერთმია. შემიმჩნევია, რომ ბინიდან გამოსული ოდნავადაც ვერ ისვენებდა, რადგან აუარებელი ნაცნობი ხვდება, მასთან თითქმის ყველა მიღის, ყველას გატაცებით ელაპარაკება. საერთოდ საუბრის დიდი მოყვარულია. დაუჭდომლადაც კი საათობით შეუძლია ილაპარაკოს. ერთხელ აბაზანის მისაღებად წავიდა დილის 9 საათზე და ორასი ნაბიჯით დაშორებულ აბანოსთან მისვლამდე 3 საათი გავიდა. იქ რომ მივიდა, მისი რიგი გასული იყო და როცა უთხრეს, სამი საათი დავაგვიანდათო, თქვა: გზაზე რაღაც ორ-სამ კაცს გაველაპარაკე, განა ამდენი დრო გავიდაო და უკან ბრუნ-

დებოდა, მაგრამ გრიშაშვილობამ უშველა დიგს გარეშე რიგიანი აბაზანა მიიღო.

2.

როგორც აღვნიშნე, იოსებთან ხშირად მოდიოდნენ ნაცნობები და ზოგჯერ მისი სხვებთან საუბრის მოწმეც ვხვდებოდი. ერთხელ, მაგალითად, პოეტთან მოვიდა ახალგაზრდა ნაცნობი ქალი, რომელსაც ათი წლის ვაჟი ახლდა. იოსებმა ბიჭს აკოცა და დედას უთხრა:

— ეს ბავშვი თქვენი შემოქმედებაა?
— დიახ! ეს ბიჭი ჩემი შემოქმედებაა, რომელიც თქვენი შემოქმედებით არის ვატაცებული.
— აბა, დამიმტკიცოს!

დედამ ბავშვს უთხრა: „ეს არის პოეტი სოსო გრიშაშვილი, რომლის ლექსები ვიტაცებ და ზებირად სწავლობ. აბა, ერთი მისი ლექსი თქვი, ძია სოსოს გაუხარდება“. ბავშვმა ბოთლაც იშვიათი გამომეტყველებით წარმოთქვა პოეტის ცნობილი ლექსი „პოინერის ნატვრა“. სოსო აღტაცებით შეჰყურებდა და, როდესაც ბავშვმა ლექსის ბოლო ტაეზი წარმოთქვა:

ჩემი ოცნება ერთია —
სწავლაში ვიყო პირველი!..

პოეტს თვალები გაუბრწყინდა და თქვა: ბავშვები ჩვენი ცხოვრების ყვავილები არიან. ყოველთვის ხალხისთ მივდივარ მათთან შეხვედრაზე, მახარებს მათი სიტყვების მოსმენა, რადგან ბავშვების გრძნობა და აზრები უშუალო, ყველაზე გულწრფელი, უანგარო და მოუსყიდველია.

3.

ერთ-ერთი შეხვედრის დროს იოსებს ვკითხე: თქვენს ლექსში „ჩემი აღმართი“ არის ორი ასეთი ტაეზი:

შენ რიოშა ხარ, როგორც სადიხა,
და ჩვენს სიყვარულს არ უხდი ღალას.

თუ თქვენ სადიხად გულისხმობთ აღამაჰმადანის მკვლელ სადიხას, მაშინ, როგორ უნდა გავიგოთ მთელი გამოთქმა?

— ძველ ქართულში, — თქვა იოსებმა, — რიოში ნიშნავს „ყალბ მარგალიტს“ და ჩემი სატრფო ამ შემთხვევაში შევადარე ყალბ სადიხას.

— შეიძლება კი სადიხას ყალბი მარგალიტი ეწოდოს? თუ მას ჩვენი ქვეყნის მოსისხლე მტერი მოუკლავს, ეს კარგად ახასიათებს მას და არა ყალბად. ამიტომ თქვენი შედარება აზრობრივად არ უნდა იყოს გამართლებული.

— სადიხას იმიტომ ვუწოდე ყალბი და შერყენილი, რომ მან მიპარეით, დალატით მოჰკლავდა აღამაჰმადანს. ასე მიპარეით მოკვლა კი ვერ არის სასახელო. სიკვდილიც პირდაპირი და ვაჟკაცური უნდა იყოს. ამგვარი გავგებით შედარება გამართლებულად მიმაჩნია.

4.

დილის 10 საათია. სასტუმროს წინ იოსებმ დავინახე, ხელში პირსახოცი უჭირავს და აბაზან-

ნის მისაღებად მიდის. მივესალმე, ჩემი ქალი-
შვილი გაეცანო.

— სწავლობს? — მკითხა იოსებმა.

— სტალინის სახელობის თბილისის სახელმ-
წიფო უნივერსიტეტში, ქიმიის ფაკულტეტზე,
ლიტერატორობა არ ისურვა!

— რას გააწყობ! ყველას თავისი მისწრაფება
აქვს, აი, მაგალითად, მე, პატარაობისას სულ
იმაზე ვფიქრობდი, რომ „იზბოშჩიკი“ გავმხდა-
რიყავი, ვოცნებობდი მყოლოდა კარგი ცხენები
და ეტლი, გრძელი მათრახი, წვერი მოშეებული,
და გამერეკა ცხენები. ეს იყო ჩემი იდეალი,
მწერალი კი გამოვედი!

— ალბათ, წიგნი გიყვარდათ.

— პატარაობიდანვე დამჩემდა წიგნისადმი მის-
წრაფება. „მიყვარდა კითხვა... წიგნს ვსახავდი მე
თვალისჩინად, მიყვარდა კითხვა და ამ კითხვამ
გადამარჩინა“, ზეპირად ჩაურთო მწერალმა ეს
სტროფი და იქვე დასძინა: გამუდმებით კითხ-
ვობდა, მაგრამ სასწავლებელი მაინც ვერ
დავამთავრე, ზოგჯერ კლასში ჩავრჩენილვარ
ზოლმე, და ეს არა იმიტომ, რომ სწავლის ნიჭი
და უნარი არ მქონდა, არამედ იმიტომ, რომ
სახლში ჭკუის მასწავლებელი, მოცემული გაკ-
ვეთილის ამხსნელი და დამრიგებელი არავინ
მყავდა. მასწავლებელი რომ გაკვეთილს აგვიხს-
ნიდა, მე იმას სახლში უმეტესად არ ვსწავლობ-
დი, რადგან თავზე არავინ მადგა: მამა ადრე
მომიკვდა, დედა გამითხოვდა და დავრჩი ობლად,
მარტოდ. ვიყავი ერთ პატარა ოთახში უპატრო-
ნოდ. საგნებს შორის ყველაზე მეტად ანგარიში
მეჭაერებოდა და არც ახლა ვიცი მისი რამე.
არც კი ვკითხულობ რამდენი ჰონორარი მერგე-
ბა და როგორ ვაიანგარიშეს ის. რასაც მაძლე-
ვენ, ვიყრი ჯიბეში, ალალი იყოს! ვინ იცის: იქ-
ნებ მე ვადავყოლე, ან მათ ვადმომყოლე.
ახლაგზარდობაში ყველაზე მეტად მხატვრულ
ლიტერატურას და ჰუმანიტარულ-მეცნიერული
შინაარსის წიგნებს ვეტანებოდი, ყოველდღიუ-
რად მათ ვაგროვებდი. წიგნების შექენა რაღაც
„ლოთობად“ ვადამეჭედა და დიდძალი წიგნები
შევავაროვე, მაგრამ ხშირად ნაცნობ-მეგობრებს
მიჰქონდათ და მეკარგებოდა. ამიტომ დავწერე
ლექსი და ჩამოვიდე ბიბლიოთეკის კარზე (ზე-
პირად თქვა ეს ლექსი. უნდა ითქვას, რომ ძალ-
ზე ბევრი ლექსი ასხლეს ზეპირად). ჩვენი ყუ-
რადღება მიიპყრო ლექსის ბოლო სტროფმა,
სადაც ნათქვამია:

წიგნს შევწირო მე ოჯახი,
გამიჩინა გულს იარა,
მთხოვე რაც გსურს, მთხოვე რაც გსურს,
პერანგს მოცემ, წიგნს კი არა!

— მაინტერესებს, თუ წიგნი რატომ მაინც-
დამაინც პერანგს დაუბირისპირეთ?

— იმიტომ, რომ პერანგი ყველაზე ახლოა
ადამიანის გულთან, იგი უშუალოდ ეკვრის სხე-

ულს. მას და ტანს შორის სხვა არაფერია.
მაგრამ წიგნები პერანგზე ახლოა ჩემს გულთან
ამით მე გამოვხატე წიგნის სიახლოვე, უშუალო-
ბა და მისი დიდი მნიშვნელობა. ამიტომ არ მო-
ცემით, მაგრამ მობრძანდით ჩემთან ბინაზე და
რამდენიც გნებავთ, იმდენი იმეცადინეთ ჩემს
ბიბლიოთეკაში:

■ მე ხომ, ძმაო, ხელს არ გიშლი,
არ გააძრე სიტყვა მწვევე,
აი სახლი გრიშაშვილის —
დაჯექი და იმუშავე.

5.


ერთი შეხვედრის დროს პოეტს ვკითხე: თქვენ
სიყვარულის მგოსანსაც გიწოდებენ. ბევრი ლექსი
სატრფიალო ხასიათისაა და ყველა მათგანი
ხომ არ არის დაკავშირებული რაიმე რომანტიულ
თავგადასავალთან?

— ყველა ჩემი სატრფიალო ლექსი რომელი-
ღაც კონკრეტულ მოვლენასთანაა დაკავშირებუ-
ლი: სიყვარული, სიძულვილი, ექვიანობა და ამ-
გვარი გრძნობები, განცდები ვადმოტანლია
მათში. ერთხელ ერთ ქალს შევესტროდი, ძალ-
ზე მიყვარდა (მახასს! რა ლექსებს ვწერდი!).
როგორც შეყვარებულებს სჩვევიათ, ხშირად
ვიბუტებოდი. მისი დაბადების დღეს (17 სექ-
ტემბერი) ყოველთვის ვესწრებოდი. ერთხელ
იმის დღეობაზე გაბუტვის გამოისობით არ მი-
ვედი. იგი ცხოვრობდა გორაკზე. სახლის პირ-
დაპირ ხე იდგა. ხშირად მიყრდნობილი ამ ხეს
ვუტყუარდი სატრფოს ფანჯარას (ალბათ, ამის
გამო ხე გადახრილად ვაიზარდა) და აი 17 სექ-
ტემბერსაც, რასაკვირველია, იქ ისევ იმ ხეს ავე-
ტუზე და ჩუმჩუმად თვალს ვადევნებდი ვინ შე-
დიოდა იმის სახლში. ექვი მკლავად, რომ მის
თავიანისმცემლებს შორის მეც არ ვიყავი. ის ხე,
ჩემი მესაიდუმლო, ახლაცა დავს ვადახრილი ტა-
ნით. მას შემდეგ დიდი ხანი გავიდა. გეფიცებით,
დღესაც რომ ჩავუვლი იმ ხეს, მოწიწებით ქუდს
ვუხხდი მას. ეს არის ჩემებული პოეტის რომან-
ტიკა. თქვენ რაც გინდათ, ის დაარქვით!

6.

ერთხელ სოსო ყურნალ-გაზეთების საყიდლად
წავიდა და მეც წამიყოლია. ყურნალი „დროშა“
იყიდა (№ 7, 1960 წ.). გადაშალა და წამიკითხა
მისი ახალი ლექსი „მოხუცე სატრფოს“:

გულში სევედამ დაიხანა,
ძველებურად აღარ ბრწყინავ,
წელნაზი და თვალსხვიანა,
შენ ასეთი იყავ წინათ!
მახსოვს — როდი დამიჯერე, —
ტრფობას ვთხოვდი სანეტაროს,
მითხარ: „ლექსი დამიწერე“!
აი გიწერ, მაგრამ რა დროს?
გიხილე და დავრჩი სახტად...
სტყვი: სად გაქრა იგი ხანა,
მტკერის ნაპირას ანჩისხატთან



გამართული არიფანა?
 ცქრიალებდი, ნარნარებდი,
 გიხდებოდა შაროშური,
 მიწას ფეხს არ აკარებდი,
 გიყურებდა ყველა შურით...
 ნუ თუ დასჭკნი ასე მალე?
 ასეთია ყველას ბოლო?
 უ! სიბერევე გამეცალე,
 არ მსურს ლექსი შეაჭრყოლო!

მახსოვს კითხვის დროს თვითვეულ ტაეხს
 თითს აყოლებდა და ყოველ სიტყვას ხმის ცახ-
 ცახით წარმოთქვამდა. აქ მთლიანად იმიტომ
 მომეყავს ეს ლექსი, რომ ამასთან დაკავშირებით
 პოეტმა საინტერესო აზრები გამოთქვა, რომელ-
 თა შორის, ჩემი შეხედულებით, მეტად საგული-
 სხმო და საინტერესოა შემდეგი:

პოეტმა თქვა, ეს ლექსი კონკრეტულ ფაქტზე
 აღმოცენდა, იგი სინამდვილის ერთეულ მოვლე-
 ნას შეეხებო. მაგრამ, როგორც ჩანს, იგი არ ჩა-
 კეტილა ამ ერთეულში, არ მიჯაჭვულა ამ კერ-
 ძოზე. არამედ განზოგადებულა და ამგვარად
 წარმომდგარა როგორც საყოველთაო ტიპური
 განცდა. არავისთვის არ იქნებოდა საინტერესო
 მხოლოდ იმის თქმა, რომ ერთი ჩემი ნაცნობი
 ლამაზი ქალი მოხუცდა და დაჭკნა. მე კი, ამ კე-
 რძოდან მივედი იმ ზოგად დასკვნამდე, რომ ყვე-
 ლა ადამიანს აწინებს ეს წარმავლობის სევედა:
 „სილამაზეა მხოლოდ ნიჭი ხორციელების და ვით
 ყვავილი, თავის დროზედ მსწრაფლად დაჭკნების“
 და ყველა ადამიანს ერთნაირად შეეხება იგი. სი-
 ბერეს ადამიანი ვერ გაექცევა და ამან არ შე-
 იძლება ადამიანი არ ააღუღოს და არ დააღო-
 ნოს. ამასთანავე ამ ლექსით მგონია მკითხველი
 იმასაც იგრძნობს, რომ ამ მოკვდაობის რამდე-
 ნადმე დაძლევა რაღაცნაირად მაინც შეიძლება.
 პოეტი ამას მიადრწევს კარგი ლექსებით, თუ, რა
 თქმა უნდა, ლექსებს სიბერე არ შეეპარება, ამით
 მისი ავტორიც ხალხის ხსოვნაში დარჩება. ამი-
 ტომ არ მსურს სიბერემ „ლექსი შეაჭრყოლოს“.
 ყველას შეუძლია თავისი საქმით რამდენადმე
 მაინც დატოვოს კვალ ხალხის ისტორიაში. ასე
 გადაიზარდა კერძო ზოგადში, ერთეული — სა-
 ყოველთაოში. მე მგონია ამის გარეშე არ არსე-
 ბობს ჭეშმარიტი პოეზია.

— ეს მოსაზრება თქვენ ლექსის დაწერამდე
 შეიმუშავეთ ცნებითი აზროვნების საშუალებით
 და შემდეგ განახორციელეთ სახეებით, თუ ლექ-
 სის დაწერის შემდეგ გაცნობიერეთ იგი?

— შემდეგ გავაცნობიერე! რასაკვირველია,
 როდესაც წერას შევეუდგები, მსურს რაღაც ვუთ-
 ხრა მკითხველს, მაგრამ ეს რაღაც მაშინ ყალი-
 ბდება და ფორმდება, როცა ვწერ და არა წი-
 ნასწარ. რომ ვწერ, მაშინ არც კი ვიცი რა გამო-
 ვა, შემდეგ, დაწერილს რომ წავიკითხავ, ვნა-
 ხავ: რაც მითქვამს, სწორედ ის არის, რაც უნდა
 თქმულიყო, ე. ი. როდესაც რამეს ვწერ, მე იმა-

ზე კი არ ვფიქრობ, რომ რაიმე აზრი ან იდეა ჩემში
 ელო შიგ, არამედ ვწერ და შემდეგში გამოდის
 ეს იდეა და აზრი.

— ბატონო იოსებ! ეს ხომ იდეალისტური შე-
 ხედულებაა? განა შემოქმედების პროცესი არა-
 ცნობიერი აქტია?

— ასე კია და! რაც გინდათ, ის დაარქვით, მე
 სრულ სიმართლეს მოვახსენებთ.

— თქვენ ისე გამოგდით, როგორც აბრეშუმის
 ჭიას...

— მეტად კარგი შედარება მოიყვანეთ! სწო-
 რედ რომ პოეტი აბრეშუმის ჭიას ჰგავს. ჩემი
 შემოქმედების პროცესი მაგონებს იმ აბრეშუ-
 მის ჭიას, რომელიც პარკს ქსოვს. მან ხომ არ
 იცის, რომ პარკს ქსოვს? მას ეს პროცესი ხომ
 არ აქვს გაცნობიერებული? **ქსოვს იმიტომ, რომ
 არ შეუძლია არ მოქსოვოს.** იგი ინსტინქტურად
 მოქმედებს, მაგრამ მეტად სასარგებლო საქმეს
 აკეთებს. მწერალიც ასეა.

— ამაში არ შემოძლია დაგეთანხმით...

— წერის დროს იდეაზე არ ვფიქრობ. ჩემდა-
 უნებურად, შეუქმნევლად, წინასწარ განუზრახ-
 ველად გამოდის იდეურად გამართული ლექსი-
 შეიძლება ეს არაფერ დაიჯეროს, მაგრამ ეს ასეა
 და რა ვქნა! მერწმუნეთ!

— რა გეწყობა! დე, ასე იყოს! მაგრამ მე მა-
 ინც არ მჯერა! მეც მერწმუნეთ!

7.

— პატივცემულო სოსო! როგორც ვიცი, თქვენ
 დაბადებული ხართ 1889 წლის 11 აპრილს ძვე-
 ლი სტილით. ე. ი. 23 აპრილს ახალი სტილით და
 იმიტომ თქვენი დაბადების 70 წლისთავი უნდა
 გამართულიყო მიმდინარე წლის აპრილში. რა-
 ტომ გადადეს იგი სექტემბერ-ოქტომბრისათვის?

— მე გადავადებინე შემოდგომისათვის, რად-
 გან მარტ-აპრილის დღეები იყო ჩვენი ეროვნუ-
 ლი გლოვის დღეები გ. ტაბიძისა და შ. დადიანის
 გარდაცვალების გამო. ყველა მძიმედ განვიციდი-
 ლით ამ სამწუხარო მოვლენას. მაშინ ჩემი იუბი-
 ლეს მოწყობა არ შეიძლებოდა.

— რას იტყვით თქვენს იუბილეზე, კმაყოფი-
 ლი თუ ხართ?

— მაღლობის მეტი რა მეტქმის! ხალხმა, მთა-
 ვრობამ და პარტიამ დიდად დააფასეს ჩემი მცირე
 შრომა. მშვენიერი საიუბილეო ზეიმი მომი-
 წყვეს, სახალხო მწერლის სახელი მომანიჭეს.
 მწერლისათვის ამაზე მაღალი ჯილდო არ არსე-
 ბობს. დიდი ლენინი ამბობდა „ხელოვნება
 ხალხს ეკუთვნის“ და, ალბათ, ჩემი პატარა, მა-
 გრამ გულწრფელი შემოქმედება, რამდენადმე
 ხალხის ინტერესებს ემსახურება, რაც ჩემთვის
 ძალზე სასიხარულოა და დიდი სტიმულის მომ-
 ცემი შემდგომ მუშაობაში.

— სად მოეწყო თქვენი იუბილე „სენსაცი-
 ურად“?

— ქუთაისში! რკინიგზის სადგურში ახალგაზრდებმა ამიტაცეს და ხელში აყვანილი ჩამატარეს სადგურის მრავალსაფეხურიან კიბეზე. შემდეგ ჩამსვეს ძველებურ ეტლში და ასე წამომიყვანეს, გზაზე ადამიანთა ორღობეში გამატარეს, ყველა მესალმებოდა. ეს იყო ჩემთვის მართლაც რაღაც საოცარი მოვლენა, რომელიც მუდამ მემახსოვრება... (აქ სოსოს თვალი ცრემლით დაენამა). მთელმა საზოგადოებრიობამ, ადგილობრივმა გაზეთმა, რედაქტორმა მეფისაშვილმა ძალიან პატივი მცეს. პოეტმა ქალბატონმა ბეროძემ ქუთაისში ჩემი ყოველი ნაბიჯი მხატვრულად აღწერა. თბილისში რომ ჩამოვედი, რუთა ბეროძეს მადლობის ბარათი მივწერე (აქ იოსებმა ზეპირად თქვა ლექსი, რომელიც 24 ტაუპისაგან შედგება. მე მხოლოდ ორ სტროფს მოვიტანე):

ქუთაისმა და ქუთათურ
ხალხის ხმამ ასე ინება:
ჩემი აყვანა ხელში და...
ეტლითაც გასაიწინება!
იზრდება მამულიშვილთა
მემკვიდრე ახალგაზრდობა.
მოხუცის დატყობისათვის
ჩემი ვაშა და მადლობა...

8.

— როგორ წერთ ლექსებს? — ვკითხე ერთ-ერთ შეხვედრისას.

— ზოგჯერ წერის ყინი მომივლის და ერთი ამოსუნთქვით უცებ დაწერ ლექსს. შემდეგ ეს ლექსი ხუთი, ათი და ზოგჯერ ოცი დღის განმავლობაში დევს ხელუხლებლად. მერე მოედგები როგორც რედაქტორი (ეს სიტყვა სამჯერ გაიმეორა) და ვაკვირდები მის იდეას, რიტმს. რითმას, ასე დაწვრივად და შეიძლება 10 სტროფიდან 2-3 სტროფი დარჩეს საბოლოოდ. მაგალითად, ჩემი ლექსი „პირველად 30 ტაუპიანი იყო. ესლა 8 ტაუპისაგან შედგება. მინდოდა რაღაც ახალი, ორიგინალური რამე შეთქვა და ბოლოს მივაგენი: „მიყვარხარ, რომ შენ — ასი წლის კაცი, სოსო ჯულაშვილს ეძახი

მამას!“ ამით შეება ვიგრძენი, განვიცადე ესთეტიკური ტკბობა.

დიდ ყურადღებას ვაქცევდი ყოველთვის ახალი და თავისებური უნდა იყოს. ლექსში მოულოდნელი, კარგი რითმა ქმნის მუსიკას. მე უმეტესად ვწერ ჯვარედინი რითმებით და შოთას შაირით, წინათ კი, განწყობის მიხედვით, ჩემებურ წყობასაც ვქმნიდი („სოსოს კეთიხე“, „ჩემი დედოფალი“, „სანთლების ხეივანში“ და სხვ.).

9.

— რას ვახსენებდი აპარასთან თქვენი ურთიერთობის ისტორიიდან? — ვკითხე პოეტს ერთი შეხვედრის დროს.

— ვანსაკუთრებით მიყვარს აპარა, საქართველოს ეს სახელოვანი მხარე. ბათუმის მოწინავე ინტელიგენცია „საქველმოქმედო საღამოს“ ისე არ გამართა, რომ მე არ მივეწვიე. მეც დიდი ხალისით მივდიოდი იქ. აპარლები ჩვენი ძმები არიან, რომლებმაც სამასი წელი თურქეთის ტყვეობაში გაატარეს, მაგრამ შეინარჩუნეს დედა ენა და დირსეულად დაიცვეს ეროვნული ქართული დროშა.

მახსოვს, 1919 წელს ბათუმში ჩავედი და მონაწილეობა მივიღე ლიტერატურულ საღამოში. წავიკითხე ლექსი „ბათუმისთვის“, რომელიც მიმართული იყო ბათუმში ინგლისელი ინტერვენტების, კუკ-კოლისისა და მისი იმპერიალისტური პოლიტიკის წინააღმდეგ. როგორ! ვფიქრობდი, ის არ კმაროდა, თურქეთმა ბათუმის ქართველებს ისლამის რჯული მიაღებინა, ახლა ვინმე კუკ-კოლისი ცდილობს ჩვენს გადაგვარებას? პატრიოტული ლექსი გამომივიდა. წავიკითხე ომანიანად. ლექსის წერის დროს გაზეთებში იყო, რომ იალბუზის მთა აფეთქდაო. ესეც გამოვიყენე ლექსში. საცენზურო პირობების გამო ეს ლექსი მაშინ არ დაბეჭდილა. იგი ფრანგულად თარგმნა პოეტმა ელისაბედ ორბელიანმა (1870-1942) და დაბეჭდა თავის ფრანგულ ჟურნალში (1919 წ. № 4), რომელიც თბილისში გამოდიოდა. აი ეს ლექსი, რომელიც ქართულად პირველად ქვეყნდება:

რა შურთ ჩვენი? რომ სამშობლოს სხვას არავის ვედავებით,
რომ სხვა ერთა აზატ ჩონგურს ერთ ტუბილ სიმად ჩვენც ავებით,
რომ ვუსინჯავთ ყველა ერსა ხმას, სახის ფერს, კბილს თუ კილოს...
— და ამიტომ საქართველო განა უნდა გაიცილოს?
დღეს ჩვენს ირგვლივ ბნელმა ძალამ დარაზმა და დაამზადა —
ყველა ჯურის მოლაღატე, ვერავი და პარამზადა, —
ყველა მეთქი! ვისაც გულში არ უღვივის წმინდა გრძობა,
ვინც საკუთარ ტვინის ბოვირს ვერასოდეს დაეყრდნობა
და უნდა, რომ საქართველო, — ეს პატარა ნატვრის თვალი, —
კვლავ გახადონ სხვისი მონა მორჩილი და შენამკრთალი.
არასოდეს! ვიდრე ზეცა არ შესწყვეტავს მზის ჩანჩქერებს,
ვიდრე მტკვარი თავის ბუტბუტს არ მოსპობს და შეაჩერებს,
ვიდრე ერთი ქართველიც კი სამშობლოსთვის ასე ზრუნავს —
არ მოჰყვდება საქართველო, მაინც ბრუნავს... მაინც ბრუნავს...

საქართველო კეთილია, უწყინარი, ჩუმი, წრფელი, — მაგრამ თუ მის აზიზ სულში, აფათურეს ბილწი ხელი... საქართველოს ყველა უყვარს, იგი ყველას შეიხიზნებს, მაგრამ თუკი გველაძეებს ჩვენ შეუტყობთ გველურ მიზნებს: ავზავთდებით ისე რისხვით, ისე მწვავედ, ღრმად, საგრძნობლად, რომ მტერს ერთ კაცს არ გადურჩენთ მათი ამბის მოსათხრობლად! არ იცით, რომ იალბუზი შემოსილი ყინვის ლოდით, საიდანაც ცეცხლის ხორბლებს ჩვენ არასდროს მოველოდით — დღეს აზვავდა, დღეს ცეცხლს ისვრის, დღეს ყინული დნება... ქრება... და ყველაფერს, რაც ხელს უშლის, გადალევას ემუქრება! ჩვენც აგრე ვართ! ჩვენს ზღვა გულში ჩუმი ცეცხლი ბუღობს ჯერე, მაგრამ თუ კი გავგახელეს? მაშინ, მტრებო, დაგვიჯერე, რომ დაეანთებთ ცეცხლის კოცონს, გავაჩაღებთ ცეცხლის რკალებს და შიგ ჩაეწვავთ ყველა ერის პოლიტიკურ მაქანკალებს. დე იცოდნენ სხვის სამშობლოს ჩვენ არასდროს შევეხებით და ჩვენსაც არ დაუთმობთ, რომ გაჰქელონ ტლანქ ფეხებით!

10.

— რას იტყვიტ ახალგაზრდა მწერლების შესახებ?

— ძალზე ბევრი ნიჭიერი ახალგაზრდა მწერალი შემოემატა ჩვენს პოეზიას. მოდიან ახალი საიმედო კადრები, რაც ჩვენთვის ძალზე სასიხარულოა, ბარაქალა მათ! შეძლებისდაგვარად ყველას ვეხმარებოდი, ბევრი ახალგაზრდა პოეტის ნათლია ვყოფილვარ (მათი პირველი წიგნის რედაქტორი). ეს ჩვენი, ძველი თაობის ღვიძლი საქმეა, მაგრამ ამასთანავე გულს მტკენს ზოგიერთი ახალგაზრდა დამწყები მწერლის ქცევა და განწყობილება. შეხვდებით ისეთ ახალგაზრდა პოეტს, რომელიც ჰონორარის შეძენის მიზნით სტრიქონებს განგებ ამტვრევს, რომ ამით ჰონორარის რაოდენობა ხელოვნურად გააადიდოს. ლექსის ტაეპი უნდა გატეხოს რიტმის სიმძიმემ და არა ჰონორარის ძალამ. ერთ ჰკვიან კაცს უთქვამს: ფული რომ მწერალს ქმნიდეს, როტშილი შექსპირი იქნებოდაო. მე ჩემს ახალგაზრდობაში, ცარიზმის დროს, გასაბჭოებამდე ჩემს ნაწერებში არასოდეს არ მიმიღია ჰონორარი. ახლაც ძლიერ მეხამუშება იმ ლექსისათვის ფულის მიღება, სადაც ქალს სიყვარულს უცხადებს ვაეი... სიყვარული და ფული? ამას წინათ ერთმა ჩემმა ნაცნობმა თავისი 12 წლის ვაეი მომიყვანა: ერთი ვადახედე ჩემი შვილის ლექსებსო, მითხრა. მე ვერჩიე ერთი ლექსის დაბეჭდვა ეურნალ „დილაში“. მერე ფულს მომცემენო, მკითხა ახალგაზრდამ. მე გავვოცდი!

ამასთანავე, ზოგიერთი დამწყები პოეტი ვერ იქცევა თავზიანად (ნამეტნავად მაშინ, თუ ნალ-

ვინეცია). მაგალითად, შეხვდება რომელიმე მსცოვან მწერალს, მოურიდებლად მივა, შინაურულად დაჰკრავს მხარზე ხელს, შეანჯღრევს და ეტყვის: „სხვა? ჩვენო პოეტოჯან, როგორა ხარ, როგორა?“ ჩემი ახალგაზრდობის დროს სხვაგვარად ვექცეოდით უფროსი თაობის მწერლებს. მაგალითად, როცა აკაკი წერეთელს დავინახავდი გოლოვინის პროსპექტზე, ღმერთაკიცივით ტაატით მოსიარულეს, წინ როგორ გავუსწრებდი, დავინახავდი თუ არა, მეორე ტროტუარზე გადავიდოდი და შორიდან თავაზით შევეცქეროდი...

11.

ერთხელ იოსებს შევეკითხე: „ეკტის“ ბინაში რომ ცხოვრობთ, რატომ საკუთარი სახლი არ აიშენეთ?

— მე ლექსებს ვაშენებ და არა სახლებს. პოეტებს სულის ინეინერი ტყუილად გვიწოდეს? მე სახლში მცხოვრებნი უფრო მაინტერესებს, ვიდრე თვით სახლი. ჩვენს დროში ბევრჯერ მქონდა შესაძლებლობა საკუთარი „სახლ-მუზეუმის“ აშენებისა, მაგრამ არ მქონდა სურვილი მშენებლობისა, რადგან ხელისუფლებამ სრულად დააკმაყოფილა ჩემი საბინაო პირობები. ჩემი მამაბაბუელი ხარფუხის ბინა კი (სადაც დავიბადე) შეაკეთა და ორი სართული დაამატა ქალაქის მთავრობამ...

ახლა იქ მოეწყო იოსების ბიბლიოთეკა და ეწოდება „გრიშაშვილის სახლ-მუზეუმი“. იქ არის გადატანილი ი. გრიშაშვილის ბიბლიოთეკა, რომელიც პოეტმა უანდერძა ქართველ ერს და მფარველობს საქართველოს სსრ მეცნიერებათა აკადემია.



შოთა ქუჩიძე

ნამღვილი და ყალბი განძი

დიდი ინტერესით შეხვდა ჩვენი მკითხველი საზოგადოებრიობა დემნა შენგელაის ახალ მოთხრობა-ამბავს „განძი“. ეს ინტერესი საესებით ბუნებრივი და კანონზომიერი, რამდენადაც დემნა შენგელაია ქართული პროზის საყოველთაოდ აღიარებული ოსტატია და არაერთი მშვენიერი ნაწარმოებით გაამდიდრა მშობლიური ლიტერატურა. ამჯერადაც მწერალმა არ გააწბილა მისი ნიჭის მოტრფიალენი და ერთხელ კიდევ გაახარა ისინი. უდავოა, რომ „განძი“ ერთ-ერთ ფრიად საპატიო ადგილს დაიკავებს ჩვენს საბჭოთა პროზაში, როგორც ჭეშმარიტი ხელოვნების ნაწარმოები, როგორც მომწიფებული მხატვრული ოსტატობის მრავალმხრივ მისაბაძი ნიმუში.

ზოგადად თუ ვიტყვი, „განძის“ ძირითადი თემა ადამიანის დამოკიდებულება კერძო საკუთრებისადმი და ამის გამო შეიძლება მოგვეჩვენოს, რომ იგი არ გამოირჩევა სიახლით. მართლაც, აბა რომელ ქვეყანაში, რომელ ეპოქაში არ უწერიათ ამის შესახებ? ბურჟუაზიულ ლიტერატურას რომ თავი დავანებოთ, იგი იყო საბჭოთა მწერლობის ერთ-ერთი მთავარი და წამყვანი თემა ოცდაათიან წლებში, როცა ჩვენს ქვეყანაში მიმდინარეობდა თავისი მასშტაბით მანამდე არნახული გრანდიოზული პროცესი ადამიანთა ფსიქოლოგიის, მათი ხასიათის მასობრივი გარდაქმნისა. მაგრამ საქმე ისაა, რომ ამ „მარადიულ“ თემას დემნა შენგელაიამ შეხვდა ახალი კუთხით, დღევანდლობის გათვალისწინებით და აღძრა არა მარტო ბურჟუაზიულ ლიტერატურაში სრულიად უცნობი და უჩვეულო, არამედ ოცდაათიან წლების საბჭოთა ლიტერატურისთვისაც რამდენადმე უცხო პრობლემა.

ამ პრობლემის არსი ცხადი გახდება, თუ სწორად გავერკვევით „განძის“ კონფლიქტში, რამაც, აქვე უნდა ითქვას, მნიშვნელოვანწილად განაპირობა ნაწარმოების წარმატება. მართალია,

ერთი შეხედვით შეიძლება მოგვეჩვენოს, თითქოს „განძის“ კონფლიქტი ხელოვნური და არაცხოვრებისეულია, რამდენადაც ემყარება შემთხვევას — საულია ხომ სავსებით მოულოდნელად წააწყდა მიწაში დერგით ჩაფლულ ოქროებს? მაგრამ არ უნდა დავივიწყოთ, რომ აქ კონფლიქტს ქმნის არა თვით განძის აღმოჩენის ფაქტი, რაც თავისთავად არავითარ კოლიზიას არ შეიცავს, არამედ მისი შედეგი, ნაპოვნი განძისადმი დამოკიდებულება. განძს იპოვიდა საულია თუ უეცარი გამდიდრების სხვა შესაძლებლობის წინაშე აღმოჩნდებოდა, სულერთია, ამით მოთხრობის კონფლიქტის არსი არ შეიცვლებოდა, რადგან, როგორც უკვე ვთქვი, საულიას ტრაგედიას (და ნაწარმოების კონფლიქტსაც) ქმნის არა თვით განძი, არამედ მისადმი დამოკიდებულება, საულიას არსებაში შემორჩენილი კერძო საკუთრების სიყვარული. ოქროებით სავსე დერგი საულიას კი არა, სხვა საბჭოთა მოქალაქეს რომ ენახა, თავისუფალ კაპიტალისტური შეგნების გადმონათებისაგან, თუნდაც საულიას მეუღლე ფუნდუს, მაშინ, ცხადია, არავითარი კონფლიქტი არ წარმოიშობოდა, რადგან იგი განძს უყოყმანოდ, დაუყოვნებლივ ჩააბარებდა სახელმწიფოს — მის კანონიერ მფლობელს.

მეორე მხრივ, ასევე სრულიად აშკარაა, რომ „განძის“ კონფლიქტი შეუძლებელია წარმოიშვას კაპიტალისტურ ან სხვა რომელიმე ექსპლოატატორულ საზოგადოებაში, სადაც ყველაფერს კერძო საკუთრება განსაზღვრავს, სადაც ადამიანს აფასებენ არა პირადი ღირსების, არამედ დაგროვილი სიმდიდრის მიხედვით. სიმდიდრეს, ოქროს იქ შეუძლია სასწაულები მოახდინოს, ისე დიდია საკუთრების როლი და მნიშვნელობა. შესანიშნავად წერდა ამის თაობაზე დიდი ინგლისელი დრამატურგი უილიამ შექსპირი ტრაგედიაში „ტიმონ ათინელი“.

ოქროს ყვითელი ბრჭყვიალა ოქროს
საკმარისია იგი რომ იქცეს
შავი თეთრად და გონჯი ლამაზად,
მრუდელ სწორად და მხდალი გულადად,
მოხუცებულ ყრმად, ახალგაზრდად
და სულმდაბალი კეთილშობილად...
საკურთხევლიდან ქურუმს გაიხმობს,
ავადმყოფს ბალიშს აცლის თავიდან,
ღიხს... ცბიერი ყვითელი ოქრო
დასდებს აღთქმას და კიდევ დაარღვევს.
დაწყვეტილს ლოცავს და გააღმერთებს
კეთროვანების სენით შეპყრობილს.
ქურდს აამაღლებს, მისცემს დიდ ხარისხს
და სენატორთან მიუჩინს ადგილს,
ქვრივის დიდხინსას საქმროს უშოვის.

რაკი ოქრო, ფული ესოდენ ყოვლისშემძლეა,
ადამიანებზე ყოველმხრივ ცდილობდნენ ხელთ
ეგდოთ რაც შეიძლება მეტი სიმდიდრე და ამ
გზით საზოგადოებრივი ძალა, რომელიც ფულს
გააჩნია, ცალკეული პიროვნების, კერძო პირის
კერძო ძალად ექცევათ. შემთხვევითი როდია,
რომ მთელი ბუჩქუფაზიული ლიტერატურა სავ-
სეა ნაწარმოებებით, რომლებიც გვიჩვენებენ,
თუ როგორ აღვივებს კაპიტალისტური სინამდ-
ვილე ადამიანებში მესაკუთრულ ფსიქოლო-
გიას, როგორ სპობს იგი მათში ყველა სხვა
გრძნობას, გარდა მისწრაფებისა მოიხვეჭონ
ოქრო და სიმდიდრე, თუნდაც ამისათვის გას-
რისონ სხვები. თავისთავად ცხადია, რომ ასეთი
ფსიქოლოგიის, ასეთი „იდეებით“ გამსჭვალული
ადამიანი, თუ საულისა მსგავსად შემთხვევით,
ნოულოდნულად წააწყდება ოქროებით სავსე
დერგს, დაუყოვნებლივ და უყოყმანოდ, ყო-
ველგვარი სინდისის ქენჯნის გარეშე დაუფლუ-
ბა მას. ან რატომ არ უნდა დაუფლვოს, როცა
კაპიტალისტურ საზოგადოებაში მთავარია არა
ის, თუ როგორ და რა გზით შეიძინე ქონება,
არამედ ის, გაქვს თუ არა იგი.

მაგრამ ასე ვერ მოიქცეოდა საულია. ვერ
მოიქცეოდა, რადგან იგი წლების მანძილზე გა-
ნიცდიდა საბჭოთა საზოგადოების კეთილსახურ-
ველ გავლენას და მის შეგნებაში მტკიცედ მოი-
კიდა ფეხი საკუთრებისადმი ახალმა, სოციალის-
ტურმა დამოკიდებულებამ. ამიტომ, თუ ერთი
მხრივ ოქროს ბრჭყვიალმა საულიას თვალი მო-
სტაცა, კერძომესაკუთრული გრძნობები აუშალა
და განაზრახვინა დაპატრონებოდა დოვლათს,
რომელიც მას არ ეკუთვნოდა, მეორე მხრივ
იცოდა, რომ ეს იქნებოდა აშკარა ქურდობა და,
მაშასადამე, პატიოსანი ადამიანისათვის სავსებით
მიუტევებელი საქციელი. და აი საულია მოუ-
ლოდნულად, უნებლიეთ აღმოჩნდა ძნელი და
რთული პრობლემის წინაშე — რა ექნა, რა
ელონა, დაუფლვებოდა თუ არა ნაპოვნ განძს?
ერთი შეხედვით, საულიას ასეთი ყოყმანი
უსაფუძვლოა, რამდენადაც იგი მოწინავე კოლ-
მეურნეა, ბეჯითი და გამრჩე, რომელსაც არა-
ერთხელ უსახელებია თავი პატრიოტული შრო-

მით და „საერთო საქმეც თავის პირად საქმედ
მიაჩნდა“, „კოლექტივის გამგეობის წინ გამო-
ფენილ წითელ დაფას მისი სურათი ამიტომაც
ამშვენებდა“. ოჯახშიც იგი მოსიყვარულე და
მზრუნველი მეუღლე იყო, ანუ როგორც ფუნ-
დელ ამბობს, „სულზე უტკბილესი კაცი“. მეზობ-
ლებსა და მთელ სოფელსაც უყვარდა ეს
„მშრომელი, ხელმართალი და, ჰირსა და ლხინ-
ში დმერთმა მოგცესო რომ იტყვიან, სწორედ
ისეთი ყაბახი“. მარტო რკინიგზის დარაჯი, ფუნ-
დელს გამზრდელი ოტია ვერ შეუთვისა მას და
თავს შორს იჭერდა, სახლშიც კი არ ესტუმრა,
რომ გაეგო „როგორ ცხოვრობდნენ და ოჯახი
როგორ მოაწყვეს“ მისმა გაზრდილმა და საუ-
ლიამ. მოხუცის ასეთი საქციელი აკვირვებდა
საულიას: „ნეტავი ერთი აცოდინა, — ფიქრობ-
და იგი, — ამ გაუცინარ და კუმტ ბერიკაცს მი-
სგან რა უნდოდა, ან ასე რისთვის ამოიჩენა“.

საულიას მთელი უბედურება ის იყო, რომ
შრომის სიყვარულთან ერთად მას ბავშვობიდან-
ვე ჩაუნერგეს კერძო საკუთრების სიყვარულიც
და ამიტომ, როგორც ყოველი გლეხი, ისიც გა-
ორებული აღმოჩნდა. ვიდრე ერთპიროვნული
მეუბრნე იყო, მასში თითქოს ორი ადამიანი ცხო-
ვრობდა: — ერთი გამრჩე, დაუზარებელი მშრო-
მელი, ხოლო მეორე — კერძო მესაკუთრე, „ერ-
თი მტკაველა მიწის გულისათვის კაცი კინლამ
რომ შემოაკვდა“. დრომ, ახალმა ყოფამ საუ-
ლიას გაუღვივა და გაუძლიერა შრომის სიყვა-
რული, სამაგიეროდ ჩაუკლა კერძომესაკუთრუ-
ლი გრძნობები და, ამრიგად, გაამთლიანა მისი
პიროვნება. მაგრამ მოულოდნელად მასში აღ-
მოჩნდა ბზარი — გამოირკვა, რომ ძველი, ჩა-
მორჩენილი და დრომოქმეული საულიას შეგნე-
ბაში უქვალოდ კი არ გამოქალა, სადაც ბნელ
კუნჭულში მიმაღულა და, როცა ხელსაყრელი
პირობა შეექმნა, მაშინვე გამოცოცხლდა, თავი
წამოყო და ზამთრის ძილისაგან ნაგვიანეად
გაღვიძებული მაისის გველივით ასისინდა —
დაისაკუთრე ნაპოვნი განძი და მისი ძალა შენს
პირად ძალად აქციეო. ამის გამო ისევ განახლ-
და ბრძოლა ძველსა და ახალს შორის, თუმცა
რამდენადმე განსხვავებული შინაარსით. თუ
წინათ, ოცდაათიან წლებში, როცა საულია
კოლმეურნე ხდებოდა, მის შეგნებაში ახალი
იბრძოდა ძველის გასაძევებლად, ახლა, პირი-
ქით, ძველი ცდილობდა განედევნა ახალი და
დაებრუნებინა დაკარგული ადგილი, დაკარგუ-
ლი პოზიციები.

და აი მთელი სიმწვავეთ დგება პრობლემა:
ვის მხარეზეა გამარჯვების პერსპექტივა ძვე-
ლისა და ახლის განახლებულ ორთაბრძოლაში?
ვის ეკუთვნის მომავალი? როგორია თვითონ
ცხოვრების, სინამდვილის ტენდენცია? არსები-
თად ეს არის „განძის“ ძირითადი პრობლემა,
რომელიც, აქვე უნდა ითქვას, დიდი მხატვრუ-
ლი ტაქტიკითა და დამჯერებლობით გადაწყვიტა
მწერალმა. ამაში რომ დავრწმუნდეთ, საკმარის-

სია თვალი გავადევნოთ საულის განცდებს იმ დღიდან მოკიდებული, რაც ნადარბაზეთთან შემთხვევით იპოვა ოქროებით სავსე დერგი.

ნაპოვნი განძის მითვისება რომ განიზრახა, საულის წინაშე, ბუნებრივია; უპირველეს ყოვლისა წამოიჭრა კითხვა: რას მისცემდა იგი მას, რად უნდოდა ამდენი ოქრო? იმად, რომ „ამას იქით სულ არხეინად და უშრომლად იცხოვრებდა“. მაგრამ რას ნიშნავს არხეინად ცხოვრება? საულის აზრით, ეს ისეთი მატერიალური უზრუნველყოფაა, როცა შეგიძლია შეიძინო ყველაფერი, რაც გსურს. მაინც რის შეძენა უნდა და საულის, რა აკლდა მას? ცოლს, საყვარელ ფუნდუსს, ფიქრობდა იგი, „დედოფალსავით გამოაწყობ... ჩიტის რძეს არ მივაყლებ. სახლსაც წამოგვიმივ და მერე...“ მაგრამ ვიდრე „მერეს“ ჩამოთვლიდა, უცბად მიხვდა: „ეს ხომ ისედაც შეიძლებოდა? ამდენი ოქრო და ზინეთი ამას აბა რათ უნდოდა?“ მართლაც, სახლის მასალა უკვე ნაღობს ქვეშ ეწყობოდა გასაქარავად და შემოდგომაზე სამთვლიან ოდის მაღალ ბოკნებზე წამოვადგამდა, ფულიც იმდენი ჰქონდა, რომ თამამად ეყოფოდა ფუნდუსს „დედოფალსავით გამოაწყობ“. მაშასადამე, არავითარი ეკონომიური აუცილებლობა საულის არ აიძულებდა და უფლებოდა განძს, რომელიც მას არ ეკუთვნოდა. მას ყველაფერი გააჩნდა, რაც ადამიანს ესაქიროება ნორმალური ცხოვრებისათვის. მაშ რად დაეხარბა ოქროს? რად უნდოდა იგი? რატომ იკლავდნენ ადამიანები თავს სიმდიდრისა და ქონებისათვის?

საგულისხმოა, რომ საულიამ მიაგნო ძირითად მიზეზს, რაც ოქროს ფასს უკარგავდა და თითქმის უსარგებლოდ ხდიდა მისთვის. თუ წინათ, კაპიტალისტურ საზოგადოებაში, ოქრო კერძს წარმოადგენდა და სასწაულების ჩადენა შეეძლო, ახლა ასე აღარ არის, ახლა იგი უძლეურია, როგორც მიხრწნილი, დაჩაჩანაკებული ღომი. უძლეურია იმიტომ, რომ სოციალიზმის გამარჯვების შემდეგ ჩვენს ქვეყანაში აღარ არსებობს საწარმოო საშუალებათა კერძო საკუთრება და, მაშასადამე, ფულის მოქმედების არე უკიდურესად შეზღუდულია და მისი საზოგადოებრივი ძალა არ შეიძლება იქცეს ცალკეულ პიროვნებათა კერძო ძალად. თუ როგვეფერები, მორგანები, დიუპონები და სხვა მილიარდერები ამერიკის შეერთებულ შტატებში თავიანთ ნებას კარნახობენ მთავრობასაც კი, ეს იმიტომ, რომ მათ ხელშია ფაბრიკები, ქარხნები, მალარობები, რკინიგზები, წიაღისეული, მიწები, ტყე და ქვეყნის ყველა ეკონომიური სადავე. ამიტომ იქ ოქროს ფასი აქვს, ამიტომ იქ დოლარი ბატონობს და მას ყურმოჭრილ ყმასავით ემონებოდა. მაგრამ ასე როდია სოციალისტურ საზოგადოებაში, სადაც საწარმოები, მიწები თუ სხვა სიმდიდრე ხალხის საერთო საკუთრებაა და არავის შეუძლია შეიძინოს ისინი, რაგინდ ბევრი ოქრო არ უნდა ჰქონდეს. მაშ რაღა ძალა აქვს

ფულს? ფულით შეგიძლია დაიკმაყოფილო მხოლოდ ჩვეულებრივი ადამიანური მოთხოვნები, ბანი, და მეწი არაფერი. მისი შემწეობით ვერ შეძლებ გაბატონდვ სხვებზე, ვერ შეძლებ შენი ნება უკარნახო სხვებს, ე. ი. ფულის ძალას ვერ აქცევ პირად ძალად. ამას მიხვდა და სწორედ ამან გააბოროტა საულია: „მიწა! რის მიწა, როცა ფასი სულ დაეკარგა, — ფიქრობდა იგი. — ეს ფული აბა რისთვის უნდა, თუ მიწას, მამულებს ვერ შეიძენს?“

მეორე მხრივ, საულიამ იცოდა, რომ ნაპოვნი განძი მას არ ეკუთვნოდა, იგი მთელი ხალხის, ქვეყნისა იყო და პირად საკუთრებად ვერ აქცევდა, თუ კი, რა თქმა უნდა, სინდისზე არ აღებდა ხელს. ადამიანისა პირადად მხოლოდ ის არის, რაც საკუთარი ოფლით, საკუთარი შრომით მოუპოვებია. ყველა დანარჩენი ხალხისა, ხალხს ეკუთვნის და ცალკე პიროვნებას მასთან რა ხელი აქვს? ის ოქრო, დერგში რომ ეწყობ, ხომ მშრომელთა ნაოფლარია და რა უფლებით უნდა დაპატრონებოდა მის მარტო საულია? სულ სხვაა, ძველი დრო რომ იყოს! მაშინ ყველაფერი შენად ითვლებოდა, რასაც კი ხელთ მოიტანდები. მაგრამ ახლა? ეს მაშინვე გაიფიქრა საულიამ, როგორც კი განძი იპოვა და მისი დასაკუთრება განიზრახა: „არა, ეს რა ჭკუაში მოუვიდა, — ეკამათებოდა იგი თავის თავს, — ამდენ დოვლათს, ქვეყნის სიმდიდრეს ასე ალა-ალად მარტო იმას ვინ სულელი დაანებებდა? ძველი დროება ხომ არ იყო, რომ ეს დერგი ამოეთხარა და შინ არხეინად მიეტანა“. სხვანაირად რომ ეთქვათ, საულია მიხვდა, მან იცოდა, რომ განძის დასაკუთრება, მისი მითვისება აშკარა დანაშაული იქნებოდა მთელი სოფლის, მთელი ხალხის წინაშე.

მიუხედავად ამისა, საულიას ფიქრადაც არ გაუვლია განძი დაუყოვნებლივ ჩაებარებინა მისი ერთადერთი კანონიერი მფლობელისათვის, ისე იყო გამსჭვალული მკვდრეთით აღდგენილი კერძო მესაკუთრეული მისწრაფებებით. იგი იტანჯებოდა იმის მოწყნებით, რომ „ამდენი ქონების პატრონი“ იყო, მაგრამ არათუ ვერ გამოიყენებდა და ვერ მოიხმარდა მას, ვერც კი გაუმხელდა ვინმეს იგი მაქვსო. ასე გაუჩნდა საულიას ყველაზე დიდი საიდუმლო მთელი მისი ცხოვრების მანძილზე, გაუჩნდა და მოსვენება არ მისცა. ეს გასაგებია. დიდი სიხარული აქვს თუ დიდ მწუხარებას, ადამიანი ყოველთვის ისწრაფვის ვინმეს გაუზიაროს იგი, გაუზიაროს და ამით შეება ჰპოვოს. მაგრამ საულია ასე ვერ მოიქცეოდა, იგი ვერავის ვერ გაენდობოდა. არა თუ ვერ გაენდობოდა, იმის გაფიქრებაც კი ელდას გვრიდა, რომ შეიძლებოდა უცაბედად სადმე რაიმე წამოსცდნოდა. მაშინ ხომ დაკარგავდა ამდენ ქონებას?! მართალია, ერთხელ განიზრახა, მოდი, ყველაფერს ისევ ჩემს მეუღლეს ვეტყვი, რადგან „თანაგვარძობას და მეგობრობას ისევ ფუნდუსს თუ გაუწევდა, მხარა

იმედად ისევ ის თუ ამოუდგებოდა“, მაგრამ ეს აზრი ვაფიქრებისთანავე შიშით უარყო: „არა, არა, ვერც იმას ეტყვის — ქალი მინც ქალია“. მაშ რა ექნა, რა ეღონა? და საუღია „მიხვდა, რომ ის თავის დარდის ანაბარა ამიერიდან სულ მუდამ მარტო იქნებოდა“.

ერთი სიტყვით, თქვამ, როგორც ეს მოსალოდნელი იყო, საუღია განამარტოვა, მოწყვიტა, ჩამოაცილა სოფელს და მათ შორის ჩადგა როგორც გამთიშველი ძალა. სხვანაირად არც შეიძლებოდა, რადგან კერძო საკუთრება თოშავს ადამიანებს და ერთმანეთის მტრად აქცევს მათ. თავი წარმოიდგინა თუ არა ნაპოვნი განძის პატრონად, ე. ი. დიდ მესაკუთრედ, მდიდარ კაცად, საუღიასაც მაშინვე დაეუფლა სხვა ადამიანების უნდობლობის გრძნობა და ყველაზე ისე გაუტყდლა გული, რომ „ცოლიც მოისხლო მტრად ეჩვენებოდა“, ხოლო მის სანახავად მისულ მეზობლებს ფეხებში შესიკვროდა, „აქედან როდის წაეთრევია“. მის მარტობა უნდოდა და ამავე დროს სწორედ „ეს სიმარტოვე იყო, რომ ავიყებდა“.

ეს იმიტომ, რომ მარტობა და უსაქმობა საუღიასათვის ერთი და იგივე იყო. სახლში რომ ჩაიკეტა, თავის საიდუმლოს ანაბარა რომ დარჩა, ცხადია, უქნარა გახდა. მაგრამ იგი ვერ ეგუებოდა თავის ახალ მდგომარეობას. წინათ ხომ მან არ იცოდა რა იყო მარტობა, რა იყო უსაქმობა და მხოლოდ შრომაში პოულობდა სიხარულს, ნამდვილ კმაყოფილებას, ახლა კი, მას შემდეგ, რაც განძი იპოვა, საუღიამ უკვე იუკადრისა შრომა, მისთვის მან „არამცთუ ფასი, აზრიც დაკარგა და ახლა ცოლსაც შეუჩნდა, ამდენი ჭაფით წელს რად იწყვეტ, ისედაც დედოფალსავით ვაცხოვრებო“. საბედნიეროდ, ქმრის ამ აბღა-უბდას ფუნდუ ყურს არ უდგებდა და ისევ ისე იკარგებოდა ჩაის საკრფში და საუღია მთელი დღე მარტო რჩებოდა. მაგრამ რა უნდა გაეკეთებინა შინ ამ ვეება, სისხლბორცით სავსე მკლავლონიერ ვაჟკაცს? და უსაქმობით გაბეზრებული, დრო რომ მოეკლა, საკარმიდამო ნაკვეთზე ჯახირობდა — ხან ბოსტანში მიწას ჩიჩქნდა, ხან დობილოში ცოდვილობდა. ასეთი ჩირთიფირთი კი, ცხადია, ვერ აკმაყოფილებდა საუღიას, იგი არ იყო ნამდვილი შრომა, უსაზღვრო კმაყოფილებას რომ გავგრძობინებებს. მერე გართობაც სცადა: „მამისეული ჯაზიერთი ტყე-ღრეშიც ბევრი იწანწალა, ერთი ორჯერ იმ ყავრულა სასადილოშიც შეუხვია, მაგრამ არავის მისთვის არ ეცალა და ბაიყუშვითი მარტო დარჩა“.

აბა ვინ მოიცილიდა ამ გახურებული მუშაობის დროს ნადირობასა და დროს ტარებაში მხარი აება უსაქმო საუღიასათვის? არავინ, და საუღიამ იგრძნო, რომ იგი უცხო და გადამთიელი გახდა, დაშორდა თავის ხალხს, ურომლისოდაც ყოფნა სულ უფრო და უფრო აუტანელი ხდებოდა. იგი ისეთი კაცი არ ყოფილა, რომ სო-

ფელი, მეზობლები არად ჩაეგდო და მათგან განაპირებით თავი ოზლად, მიუსაფრად არ უგრძნო. და რაც დრო გადიოდა, საუღია მით უფრო რწმუნდებოდა, რომ ასე ყოფნა არ შეეძლო, რომ თავისი საქციელით ღალატობდა სოფელს, ღალატობდა ქვეყანას. „მისი დღე და მოსწრება უშრომია, ქვეყნის ჭირის და ღზინის მონაწილე ყოფილა და ეს რა გამოდის? ნამუსისაგან ისე გარეცხილა, რომ ამ ვავანია მუშაობის დროს მხარ-თეძოზე წამოწოლილა და ქვეყანას ატყუებს, ავად ვარო“. ასე ეკამათებოდა საუღია თავის თავს და გრძნობდა, რომ მის უკუღმა შეტრიალებულ ცხოვრებაში რაღაც უნდა შეეცვალა, რაღაც გარდატეხა უნდა შეეტანა, თორემ დაიღუბებოდა.

მაგრამ მინც რა უნდა ეღონა? ყველაფერი ისე აიბურღა-დაიბურღა, რომ საუღიას ვაუჭირდა გაეგნო გზა, ხან ერთს ფიქრობდა და ხან მეორეს, ხან ეს არ უდგებოდა კეუაში და ხან ის. ერთი რამ კი სულ უფრო ცხადი, ნათელი ხდებოდა: საუღიას ცხოვრებას ურევდა „ვინ იცის სად და როგორ მოჭრილი თქრობი“. და მან ერთხელ კიდევ განჭვრიტა ყოველივე, რათა საბოლოოდ გადაეწყვიტა რა გზას დასდგომოდა, რა გაეკეთებინა, როგორ მოქცეოდა ნაპოვნ განძს — ჩაებარებინა იგი სახელმწიფოსათვის, თუ პირად საკუთრებად ექცია?

საუღიასათვის სასიცოცხლოდ მნიშვნელოვანი ამ კითხვის სწორად ვადაჭრაში, როგორც მოსალოდნელი იყო, ვადამწყვეტი როლი შეასრულა საბჭოთა გარემომ. ჩვენი სოციალისტური სინამდვილე ადამიანებს ხელს უწყობს დათრგუნონ საუკუნეთა მანილზე გამომუშავებულ ეგოისტურ-კერძომესაკუთრული ფიქილოგიის ვადმონაშთები, უნერგავს მათ ახალი ადამიანის საუკეთესო თვისებებს, რომელთაგან უპირველეს ყოვლისა აღსანიშნავია შრომის უღრმესი პატივისცემა და სიყვარული. კეთილსინდისიერი ადამიანი, რომელიც შრომაში ხედავს არა მარტო მატერიალური უზრუნველყოფის წყაროს, არამედ მთელი ქვეყნის წინსვლის პირობასაც და საკუთარი ადამიანური ღირსების, თავისი კაცობის საზომსაც, ვერ უღალატებს მას, ხელს ვერ აიღებს შრომაზე. და თუ რაიმე მიზეზით იგი პატიოსან შრომას თავს აარიდებს, ადრე თუ გვიან მისი სიყვარული კვლავ გაეღვიძება და ისევ დაუბრუნდება მას.

ზუსტად ეს აზრი განავითარა მოხუცმა ოტიამ ფუნდუსთან ერთ-ერთ საუბარში, როცა ცხოვრების გამოცდილებაზე დაყრდნობით მიუთითა, რომ საუღიას მოულოდნელი ავადმყოფობისაგან ვანკურნავდა მხოლოდ ჩვენი ვარემო, მხოლოდ ბავშვობიდანვე ჩანერგილი შრომის სიყვარული. „ნუ გეშინია, ბაბა! — ამშვიდებდა იგი შვილივით საყვარელ ფუნდუსს. — შენ არ იცი, ბაბა, მე რომ აი, ამ რკინიგზას მომამორონ... დემრთმა ნუ ქნას და, ალბათ, ვადავირევი. ისიც ასეა. ერთი მშრომელი ყაძახია და

უყანოდ რა გააძლებინებს? მოითმინე, ბაბა, ცოტაც მოითმინე და... მიწას დიდი ძალა აქვს, შეილო. მიწა გლეხისთვის დიდი რამეა. ერთხელაც იქნება დაუძახებს... და მიწა მოარჩინა“.

აქი მართლაც დაუძახა და მოარჩინა! მოხუცი ოტისა თითქოს წინასწარმეტყველური სიტყვები საოცარი სიზუსტით ახდა. მუდამ შრომასა და გარჯას შეჩვეულ საულის ძლიერ გაუჭირდა უსაქმობა და, თუმცა ოქროს სიყვარულმა ისე შეებოჭა და დაიმორჩილა, როგორც ჯებირმა მდინარე, მაგრამ მისი სული და გული მაინც იქ იყო, ყანაში, სადაც მეზობლები, თანასოფლელები ვაჟკაცურად ებრძოდნენ ბუნებას და თან „ოდოიას“ აგუგუნებდნენ. ეს გუგუნე გარკვევით ესმოდა საკუთარ ეზოში თავისი ნებით გამომწყვდეულ, თავისი მძიმე დარდის ანაბრად მიტოვებულ საულისა და შრომისაკენ მოუხმობდა, მეზობლებთან ძველი, უმჭიდროესი კავშირის აღდგენისაკენ მოუწოდებდა. ოცნებით იგი მათთან იყო, მათთან ერთად ვაჟკონდა სვრელი და უკვე ამან, ოცნებით წარმოდგენილმა შრომამ, „საულის ცოტათი მაინც გულს მიუფონა“. მაგრამ ასეთი „მოფონება“ აშკარად არ ყოფნიდა საულის, გული ნამდვილი შრომისაკენ მიუწევდა და როცა გაიგო, ყანები თითქმის სულ გაუთოხნიათ, და გაუთოხნიათ უმისოდ, სახეზე მიწის ფერმა გადაურბინა: „მერე? — დაჭირდი მხეცივით დაიღრიალა. — მერე მე სად ვარ?“

ეს წამოძახილი, ეს გმინვა მიწის ყივილი, მიწის ძახილი იყო და მოწმობდა, რომ ოტისა სიტყვები ახდა. საულისაში კვლავ გაიღვიძა „ერთმა მშრომელმა ყაახმა“, რომლისთვისაც შრომა სიცოცხლე იყო, რომელიც ისევე ვერ გაძლებდა უმიწოდ და უშრომლად, როგორც თევზი უწყლოდ. მაგრამ საქმე მარტო ის კი არაა, რომ საულისა შრომა მოუწდა, როგორც დაჭირდეს წყალი, არა. მას საშინლად შერცხვა თავისი უმსგავსი საქციელისა, შერცხვა, რომ გამოეთიშა მეზობლებს, რომ უღალატა და ატყუებდა მათ, ავად ვარო, რათა მუშაობისათვის თავი აერიდებინა. მამასადამე, იგი უღირსი ადამიანი ყოფილა, მამასადამე, მას ყველა ჯობდა, ვინც კი ყანაში თოხს ატრიალებდა და სარეველებს სპობდა. რაილა დარჩა საულის ძველი სახელისა და დიდებისაგან? რაილა დარჩა მას თავმოსაწონებელი? ოქროებით სავსე დერგი? და იგი მიხვდა, რომ იმ „მთვარიან კაშკაშა ღამეს ნაღარბაზევის ნაძრახ ადგილას მშრომელი გლეხის სიამაყეს და ღირსებას როგორ გამოეთხოვა“.

ეს სიამაყე, ეს ღირსება ნამდვილი განძი იყო, ჭეშმარიტად თავმოსაწონებელი, მისი ადამიანობის, კაცური კაცობის მაჩვენებელი. და სწორედ იგი დაკარგა საულიამ, სანაცვლოდ კი შეიძინა... ბრძუცვილი ოქრო, ყანები, არაფრის მაქნისი განძი, რომელსაც ვერც გამოაჩენდა და ვერც მოიხმარდა. მან სულიერი სიმშვიდე, მყუდრო ოჯახი და ადამიანური ღირსება წაართვა

საულისა და ერთ დროს მთელ სოფელში მოწინავე, თითოთ საჩვენებელი კოლმეფე არაა. ობად, ყველაზე უქანსაველ კაცად აქცი, განა- და საზოგადო მოღალატედ, რომელიც სწორედ მაშინ გამოეთიშა სოფელს, როცა მისი დახმარება ასე ესაჭიროებოდა — გაგანია მუშაობის დროს. არა, საულია ვერ შეურიგდებოდა თავისი ღირსებისა და სახელის ასეთ შერცხვენას, ლაფში ამოსვრას, ვერ შეურიგდებოდა და თავის მეზობლებს, თავის ძვირფას თანამოსაქმეებს მტკიცედ, გადაჭრით უთხრა:

„გელაღტეთ, ამ გაგანია მუშაობის დროს გივანეთ, გიმტყუნეთ, არა?.. კმარა, მეყოფა, რაც გატყუეთ. ხვალ ყანაში მეც მოვდივარ და აბა ვნახოთ, ვინ მაჯობებს. თქვენ არ იცით... რა ვქნა, არც მე ვიცოდი... ორი კვირაა შინ ვაგდივარ და ახლა მიგხვდი... თუ არ ვიშრომე, ოფლი არ ვღვარე, სული ძალდასავით ამომხდება, ჩემი საშველი არ იქნება...“

თითქოს ყველაფერი გადაწყდა, თითქოს საულისამ საბოლოოდ დაძლია უცერად აფეთქებული კერძომესაკუთრული გრძობები, მაგრამ... ტრაგედია სწორედ მაშინ დატრიალდა, როცა იგი ყველაზე ნაკლებად იყო მოსალოდნელი, როცა ქარიშხალი ჩადგა და ცამ პირი მოიწმინდა. რამდენადაც უჩვეულო არ უნდა იყოს ეს, ტრაგედია უწესადოდ იქცა სიზმარი, რომელიც საულიამ ნახა. სამუშაოდ წასვლის წინ. მას ეზმანა, ვითომც „თავისი“ ოქროები ახალზე გადასახურდავებლად მიუტანა ოქრომჭედელს. „ამ დროს ვილაცამ დაიძახა: „ქურდი, ქურდიო!“ — და ამ ყვირილზე ხალხმა იხუცლა, ქვებით, კეტებით და ღრიანცელით დაედევნა“. როცა გაეღვიძა, სიმწრის ოფლით დაცვარული საულია მიხვდა, რომ მანამ ვერ მოისვენებდა, სულიერ სიმშვიდეს მანამ ვერ პოუვდა, ვიდრე ნაბოვრ განძს მის ნამდვილ პატრონს — სახელმწიფოს არ ჩააბარებდა. „რის ყანა? რა დროს ყანაა“, — ეკამათებოდა თავის თავს იგი. — ახლა მე ვიცი რასაც ვიზამ. დღესვე მოეთხრი და თავის გზას ვუჩვენებ“.

მერე ის იყო, იმის ნაცვლად, რომ სათოხარში წასულიყო, საულიამ „თავის“ ოქროებს მიაკითხა ნაღარბაზევის ნაძრახ ადგილას, რათა სამუდამოდ გამოეთხოვებოდა მათ. მაგრამ ოქროს ბრძუცვილმა კვლავ თვალი მოსჭრა, კვლავ გააღვიძა მასში კერძომესაკუთრული ფსიქოლოგიით გამსჭვალული მხეცი. საულისა საოცრად გაუჭირდა იმ აზრთან შეგუება, რომ ამდენი სიმდიდრე, ამდენი ქონება მისი იყო და არც იყო მისი, რომ იგი თავიდან უნდა მოეცილებინა როგორც უსარგებლო რამ. და როცა მოულოდნელად თავს ფუნდუ წაადგა, საულიამ მიელი ტანით დაფარა ნათხარი ადგილი, რათა არ გეცა საიდუმლო, რასაც ავტო უკვე ორ კვირაზე მეტი იყო საგულდაგულოდ ინახავდა. ბოლოს, საყვარელ მეუღლეს სიტყვა რომ ჩამოართვა, არავის არაფერს ვეტყვიო, ვეება ტანით ერთბა-

შად გადაიწია, ოქროები გამოაჩინა და შემზარავად დაიხრიალა: „აბა დახედე! ხელავ, რა მღერები ვართ?“

ამდენი ოქროს დანახვამ ფუნდლუც შეატეუნა, გაოცო და წონასწორობიდან გამოიყვანა: „ეს რა არის? ნეტავი ვისი უნდა იყოს? უპ, რამდენია!“ მეერ დაიხარა, ოქროებს დააქკერდა და უეცრად ისიც შეიპყრო უცნაურმა გრძნობამ: „უპ, რა კაბებს შევიკერავ, სახლს ავავესებ, რა გინდა, სულო და გულო, რომ ვიყიდი“. საულოა, რომელსაც ისე არაფერი ესაჭიროებოდა, როგორც თანამგრძობი, ზრახვათა თანხიარი, ფუნდლუს ქცევამ და სიტყვებმა აღაფრთოვანა და წარმოუდგენლად გაახარა. საულო უკვე ზეიმობდა გამარჯვებას, გულის ზიარი ვიწოვე, ამიერიდან მარტო არ ვიქნები და ეს ამდენი ოქრო და ქონება სულ ჩემია, ჩემი და ფუნდლუსი. „ჰოდა, იმიტომ გეუბნებოდი, დედოფალსავით გაცხოვრებო“, უსაზღვრო სიხარულითა და კმაყოფილებით უთხრა მან მეუღლეს და ისეთი გამოდლებით, ისეთი თამარწონებით დაუმატა, „აბა რა გეგონათ“, თითქოს ამდენი ოქრო მისი ოფლით ნაშოვარი იყო.

მაგრამ საულოა შეცდა, სასტიკად შეცდა. ფუნდლუ მხოლოდ წამით გაიტაცა უამრავი ოქროს ბრწყვიალმა და ქმრის სიტყვებმა, „დედოფალსავით გაცხოვრებო“ ერთბაშად გონს მოიყვანა. იგი მიხვდა, რომ „ეს სიმდიდრე და ავლადიდება მისი კი არა, საქვეყნო იყო“ და საულოს მასთან ხელი არ ჰქონდა, ანდა რად უნდოდა ამდენი ქონება? და როცა ქმრის სიხარბისაგან მოღრეცილ სახეს შეხედა, როცა მისი სიტყვები მოისმინა: „როგორ თუ ვისი უნდა იყოსო? ვისია და ჩვენია, ჩვენიო!“, ფუნდლუ საბოლოოდ დარწმუნდა, თუ რა მაცდური და ბოროტი გზით სურდა წაეყვანა საულოს არა მარტო საკუთარი, არამედ მისი მომავალი ცხოვრებაც. საულოს უნდოდა მიეთვისებინა საერთო-სახალხო ქონება, რათა იოლად გამდიდრებულიყო, მაგრამ ვინ მისცა მას ამის უფლება? დაისაკუთრო სხვისი ქონება, თუნდაც ნაშოვნი, ეს ხომ იგივე ქურდობაა? ეს ხომ იმას ნიშნავს, რომ უღალატო მშობლიურ ხალხს, რომელმაც ადამიანური ცხოვრების ყველა აუცილებელი პირობა შეგიქმნა და დღენიდაც ზრუნავს შენი კეთილდღეობის შემდგომი გაუმჯობესებისათვის? ეს ხომ იმას ნიშნავს, რომ შენი პიროვნება კოლექტივზე მალა დააყენო, დაადგე იოლი გამდიდრების ბინძურ და ბოროტებით აღსავსე გზას? რად არ იცოდა საულოამ სრულიად უზბარალო რამ: „ნაარმალი ვის შერგებია, რომ მას შერგებოდა?“

და ეს წყნარი, უთქმელი, ჰირთამთმენი ქალი ერთბაშად გარდაიქმნა და მთელი თავისი არსებით აღსდგა საულოს ბოროტი, უგნური განაზრახვის წინააღმდეგ არა, იგი ვერ გაყვებოდა საულოს ამ გზით, ვერ განდებოდა მისი დანა-

შეტლებრივი მოქმედების თანამონაწილე და პირველად თავის სიცოცხლეში უკმეხად მიმართა ქმარს, ბრაზით მიახალა მართალი, მაგრამ მწარე სიტყვები, რომელთა გავრცელებას საულოა სიკვდილს არჩევდა: „მაშ, ამას მთხოვი? შე საცოდავო, ამან შეგშალა? ერთი მითხარი, ეს სხვისი ნაარმალი რა ოხრად გინდა?“ მართლაც, რა ოხრად უნდოდა? და უკვე გულდაჯერებულ, გამარჯვებასთან ასე ახლო მყოფ საულოს საბოლოოდ გადაეჭურა იმედი, დაემსხვრა იოლი გამდიდრების ყველა ოცნება, ყველა ილუზია და ამით გაბოროტებულმა, „მთელ საწუთროზე გაავებულმა“, ასე რად არის, რად არ შემიძლია ნაშოვნი ოქროები გამოაჩინო და მოვიხმარო, ისევე როგორც ოდესღაც კარის მეზობელი ერთი მტკაველა მიწისათვის, სასიკვდილოდ გაიმეტა „თავისი წყნარი, უთქმელი ფუნდლუ“. მარცხითა და მხილების შიშით გამხეცებულმა საულოამ საყვარელ მეუღლეს, რომლის ფასიც ქვეყანაზე არავინ ჰყავდა, მტუცეში წიხლი გამეტებით ჩააზილა და ბელტებში იქვე ჩაანარცხა: „რაო? ოქრო რათ მინდა? შენ ერთი ამას დამიხედე, ოქრო რათ მინდაო?“

აი სანამდე მიიყვანა ოქროს სიყვარულმა საულოა! და როგორც კი გონს მოვიდა, გაცეცხილ შეეკითხა თავის თავს: „ეს რა ჩავიდინე?“ იგი საშინლად შეაძრწუნა თავისმა უღირსმა საქციელმა, რომელიც არათუ საბჭოთა ადამიანს, მოწინავე კოლმეურნეს, არამედ საერთოდ მამაკაცს არ შეეფერებოდა. „სად გავიწილა, უღონო ქალს ვაქყაცი ხელით შეხებოდეს?“, სირცხვილით იწოდა საულოა და შეძრწუნებული გოდებდა: „ვინ დამწყველა? ვინ გამიმეტა?“ ამ კითხვის პასუხი ახლა უკვე სრულიად აშკარა, სავსებით ცხადი იყო. „ამან დამღუპა! ოჯახი ამან ამირია!“, — ეცნესოდა საულოა და ოქროებით სავსე დერგს დასცქეროდა. „ამან დამღუპა, ამან შემშალა!“, — მოთქვამდა იგი და, რაც უფრო ღრმად უკვირდებოდა თავის თავს, მით უფრო აცვიფრებდა როგორც ფუნდლუს წინაშე ჩადენილი დანაშაული, ისე აქამდე მისთვის უცხო და საბჭოთა ადამიანის ღირსების შემლახველი მისწრაფებანი. „ეს რა მომდის? — გაკვირვებით ამბობდა იგი. — ცხოვრება, შრომა, სიყვარული მამ რა ყოფილა? თუ ეს ასეა, მამ კოლექტივში რა უნდოდა? წელანაც აი აქ სიყვარულს ფუნდლუს აბა რისთვის ეფიცებოდა?“ და საულოა საკუთარი გამოცდილებით დარწმუნდა, რომ ოქრო მას სწორი გზიდან აცდენდა, უფსკრულსაკენ უბიძგებდა, დარწმუნდა, რომ ჩვენს ქვეყანაში ქონება და სიმდიდრე კი არა, მხოლოდ პატიოსანი, დაუზარებელი პატრიოტული შრომა ანიჭებს ადამიანს ჭეშმარიტ ბედნიერებას, ნამდვილი განძი ოქრო კი არა, კეთილი სახელი და ხალხის სიყვარულია. ამის შემდეგ მას ისლა დარჩენოდა, რომ ნაშოვნი განძი დაუყოვნებლივ ჩაებარებინა სახელმწიფოსათვის და ასეც მოიქცა — იგი მთლიანად, უღანაკლისოდ

გადასცა ხალხს, ერთი ოქრო რაა, ისიც კი არ ღიბოვია თავისთვის.

აქვე უნდა შევნიშნოთ, რომ სახელმწიფოსათვის განძის ჩაბარების ეპიზოდი ერთი უმშვენიერესია მოთხრობაში და გვაოცებს თავისი ფსიქოლოგიური სიღრმით, უზაღო მხატვრული შესრულებით. იგი ოქროს ჩაბარება-მიღების უბრალო აღწერა კი არა, ბრწყინვალე ფსიქოლოგიური ეტუდია, რომელიც დიდი დამაჯერებლობით ვვიჩვენებს არა მარტო იმას, რასაც საუთლია განიცდიდა ამ მომენტში, არამედ იმასაც ცხადყოფს, რომ საუთლი თავისი კერძომესაკუთრული მისწრაფებებით გამოჩნაკლისა საბჭოთა ადამიანების ერთიან ოჯახში. როცა მან კოლმეურნეობის კანტორაში ჯიბეებიდან ამოიღო და მაგიდაზე მუჭა-მუჭად დაყარა ოქროები, შემდეგ კი თავი ერთად მოუყარა და გორად დააყენა, ყველა ფეხზე წამოიწია, მერე ისევ ერთადვე დაჯდა, თითქოს ტანში ელდენმა დაუარათო. ამდენი ოქრო მათ არასოდეს ენახათ და ყველამ თავისებურად გამოხატა ვაოცება. ამან საუთლის აფიქრებინა, მე გამოჩნაკლისი არ ვყოფილვარ, ოქროს ბრჭყვიალმა თავ-გზა ამათაც აუბნიაო, და კმაყოფილმა იკითხა: „თქვენც, ხომ? თქვენც, არა?“ თავის ვარაუდში რომ დარწმუნებულიყო, საუთლი ყველას თვალეში ჩააცივდა, „მაგრამ ვერაფერი, გარდა ვაოცებისა, ვერც სიხარბე და ვერც ვერავითარი ანგარება ვერ ამოიკითხა“. მას ერთბაშად გული ჩაწყდა: „მაჯობეთ, არა? კაცობაში მაჯობეთ, ხომ? მე კი ჭკუა დავკარგე, თავი დავკარგე“.

ასე დამთავრდა დამაბული ჭიდილი ძველსა და ახალს შორის, დამთავრდა ახლისა და პროგრესულის სრული, განუყოფელი გამარჯვებით. კერძომესაკუთრულმა ფსიქოლოგიამ ვერ შეძლო დაებრუნებინა დაკარგული პოზიციები, პირიქით, თუ განძის პოვნამდე საუთლის შეგნებაში მას რაღაც კუნჭული მაინც ეკავა, ამიერიდან აღარც ეს აღვლი ოქროსა. საუთლი საბოლოოდ განიწმინდა წარსულის ჭუჭყლისაგან და თითქოს ხელახლა დაიბადა. და ეს საცხებით კანონზომიერია, რადგან ჩვენი სოციალისტური სინამდვილე ადამიანებს ზრდის კომუნისტური იდეოლოგიის სტლისკვეთებით, ე. ი. თვით ცხოვრების ტენდენცია ისეთია, რომ კერძომესაკუთრულ ფსიქოლოგიას ჩვენს ქვეყანაში განვითარების არავითარი პერსპექტივა არა აქვს. სხვანაირად რომ ვთქვათ, ძველის, ჩამორჩენილის, დრომოჭმულის ყოველგვარი ცდა ხელახლა იზინოს თავი და აყვავდეს, განდევნოს ახალი და პროგრესული, რომელიც უკვე გაბატონებული გახდა, ისევე უშედეგოა, როგორც იმის მოლოდინი, რომ შეიძლება მზე დასავლეთიდან ამოვიდეს.

რა თქმა უნდა, ეს იმას არ ნიშნავს, რომ ჩვენს სინამდვილეში საცხებით გამორიცხულია კერძომესაკუთრული ფსიქოლოგიით გამსჭვალულ ადამიანთა არსებობა. არ შეიძლება დავივიწყოთ,

რომ ადამიანები საუკუნეთა მანძილზე განიცდიდნენ კერძო საკუთრების გამრყენელ გავლენას და გულუბრყვილობა იქნებოდა გვეფიქრა, ხო-თქოს ამ გავლენის სრული აღმოფხვრა, კერძომესაკუთრული ჩვევებისა და ტრადიციების სრული გაქრობა ერთი ან ორი წლის საქმეა. მეორე მხრივ, არ შეიძლება არც იმის დავიწყება, რომ ფული ჩვენს საზოგადოებაში ჯერ კიდევ ინარჩუნებს რაღაც ძალას, მართალია, უკიდურესად შეზღუდულ, უკიდურესად დასუსტებულ, მაგრამ მაინც რაღაც ძალას, რაც აგრეთვე ხელს უწყობს ძველის წინააღმდეგობას, ცალკეულ ადამიანთა შეგნების დანაგვიანებას კერძომესაკუთრულ-ვეგისტრირებულ მისწრაფებებით. აი რატომ არის, რომ ზოგიერთი დღესაც კი, სოციალიზმის პირობებში, შეცდომით ფიქრობს, თითქოს ადამიანის ძალა კერძო საკუთრებაშია და ცდილობს როგორმე გამიღიდრდეს, თუნდაც ამისათვის დაკარგოს ადამიანური ღირსება და თავმოყვარობა, დაადგეს უპატიოსნო ცხოვრების გზას. როგორც წესი, ესენი არიან ის პირები, რომლებიც ბატონკაცურად ეკიდებიან შრომას და თავს არიდებენ მას, — ყველა ჯურის სპეკულანტები, კომბინატორები, სხვათა ხარჯზე გამიღიდრების, იოლი ცხოვრების სხვა მოყვარულნი. მათი აზრით, ფული ყველგან ფულია და ვერ შეუგნიათ, რომ მისი ძალა სოციალისტურ საზოგადოებაში უკიდურესად შეზღუდულია და არ შეიძლება იქცეს ცალკეულ ადამიანთა პირად ძალად, ვერ შეუგნიათ, რომ ჩვენს ქვეყანაში პატივს სცემენ არა ქონებას, არამედ ადამიანს და პიროვნების ადგილსაც საზოგადოებაში განსაზღვრავს მისი პირადი ღირსებები და არა სიმდიდრე.

მაგრამ ეკუთვნის თუ არა საუთლი იმ კატეგორიის ადამიანებს, რომლებსაც გამიღიდრება ერთადერთი ოცნებად გაუხდიათ და მზად არიან ამისათვის ყოველგვარი სისამაღლე ჩაიდინონ, ხელი აიღონ სინდისსა და პატიოსნებაზე? რასაკვირველია, არა. პირიქით, განძის მოულოდნელი აღმოჩენით გამოწვეული მისი მძიმე სულიერი ტკივილების მთავარი მიზეზი ის გახდა, რომ საუთლიმ არ იცოდა გამიღიდრების სხვა გზა, გარდა კეთილსინდისიერი და დაუზარებელი შრომისა. იგი რომ უპატიოსნო კაცი იყოს, მხოლოდ გამიღიდრებას რომ ესწრაფოდეს და ქონების დაგროვებას მიაჩნდეს ცხოვრების ძირითად მიზნად, განა რაიმე ყოყმანს დაიწყებდა და მაშინვე არ მიითვისებდა ნაბოვნ განძს? მას მუდამ თავისი მარჯვენის, თავისი ალალი შრომის იმედი ჰქონდა და არასოდეს არ უფიქრია უპატიოსნო ცხოვრების გზას დასდგომოდა, მით უმეტეს, რომ შრომამ საცხებით გაუმართლა და არა მარტო მატერიალურად უზრუნველყო, არამედ სოფლის თვალადაც, ერთ-ერთ ყველაზე მოწინავე კაცად აქცია. ეს კანონიერად ეამაყებოდა საუთლის და ფუნდუს ერთგვარი თავმოყვრებით ეუბნებოდა: „აბა მთელ კოლექტივში

საუკეთესო მშრომელი ვინ არის? უკეთესი ანა სხვა ვინ გყავს, წითელ დაფაზე ყველაზე უწინ ანა ვინა გამოკვირებული?"

და მაინც, ფაქტია, რომ საულისა შეგნება დანაგვიანებული აღმოჩნდა კერძომესაკუთრული ფსიქოლოგიის სინიძმურით, მაგრამ ამაში ბრალი მიუძღოდნა მხოლოდ და მხოლოდ ტრადიციას. ნაპოვნი განძის მითვისება საულიამ განიზრახა არა იმიტომ, რომ ცხოვრების პირობები იძულებდა, არამედ იმიტომ, რომ ამდენი სიმდიდრის ერთბაშად ხილვამ თვალი მოსჭრა და აუშალა უკვე თითქოს გამჭრალი კერძომესაკუთრული გრძნობები. ერთი სიტყვით, ცხოვრება, ცოცხალი სინამდვილე აქ არაფერ შეუშინო იყო, კიდევ მეტი, მან არათუ ხელი არ შეუწყო ძველის, დრომოკმულის გავლივებს საულისა შეგნებაში, არამედ, პირიქით, დაეხმარა მის დათრგუნვაში. ხომ სრულიად უშეკვლია, რომ თუ არა საბჭოთა გარემო, საულია ვერ შეძლებდა მარტოდმარტო გამკლავებოდა ეგოისტურ-კერძომესაკუთრულ გრძნობათა უცვარე შემოტევას, თვითონვე მარტოდმარტო ჩამოერეცხა ლაქა და ტალახი, რომელშიც იგი ამოისვარა. საულისა ამ გამარჯვების მნიშვნელობა მით უფრო დიდია, რომ ნაპოვნი განძი მან სახელმწიფოს ჩააბარა არა იძულებით, არამედ თავისი ნებით, ძალდაუტანებლად, საგსებით შეგნებულად.

შეიძლება თქვან, საულია ვერსად გაექცა გარემოს, დროს, ეპოქას და ბოლოს და ბოლოს იძულებული გახდა ხელი აეღო ნაპოვნი განძზე, ე. ი. ხაზი გაუსვან იძულების მომენტს, მაგრამ ასეთი დასკვნა უმართებულ იქნებოდა, რადგან საბჭოთა გარემომ საულისა ხელახალ სულიერ აღორძინებაში აღმინისტრატორის კი არა, აღმზრდელის როლი შეასრულა, ანუ სხვანაირად რომ თქვათ, მან დაარწმუნა იგი და არა იძულებული. ცხოვრების ზეგავლენით საულია თვითონ, საკუთარი შეგნებით მივიდა იმ დასკვნამდე, რომ დაგროვებით გატაცება არცხვენს საბჭოთა ადამიანის ღირსებას. აქ რომ იძულების მომენტი იყოს გადამწყვეტი, მაშინ სახელმწიფოსათვის ნაპოვნი განძის ჩაბარების შემდეგ საულისა მწვევე სინანული უნდა ეგრძნო, ასე რად მოვიქცეთ, მოხდა კი პირიქით. როცა მან კოლმეურნეობის კანტროლაში ხელი მოაწერა სათანადო აქტს, ისეთი შეგნება იგრძნო, „თითქოს რაღაც უსაშველო ჭირი მოიშორაო“. და ასეც იყო. მან ნომ განაახლა დარღვეული კავშირი სოფელთან, საზოგადოებასთან და ამერიკიდან წინანდებულად შეეძლო თამამად გაესწორებინა თვალი ყველა თანასოფელელისათვის, მათ შორის თავი კვლავ ეგრძნო როგორც ღვიძლ შვილს მამის ოჯახში. განა ეს ბედნიერება, დიდი, განუზომელი ბედნიერება არ იყო? მაშინ სანანებელი კი არა, უადრესად სასიხარულო ჰქონდა საულისა და ისიც მთელი სიხარულით მიეცა მას, ამ სიხარულს: ახლა საულისა არაფერ აღარ ეჯავრე-

ბოდა, ყველა ძველებურად უყვარდა, ფუნდუსი მეზობლებიც, ყველაგან და ყველაფერში მხოლოდ სიყვარულს ხედავდა — მიწაზეც, ცამიც, წყალშიც. ჩიტი თავდავიწყებით ჰიკიკებდა და „ალბათ იმასაც თავისი ფუნდუსი გასჩენიაო“, პატარა მდინარეში თევზმა დანის პირივით გაეღვა და „ვინ იცის, იქნებ თავისი ბულის მურაზი იქ. ჯილეში, ჰყავსო“.

ასე ბედნიერი, ასე „სიხარულით გადარეული“ საულია არასოდეს ყოფილა და შინ ისე მისუხაროდა, როგორც ომგადახდილ ღემობილიზებულ ჯარისკაცს. ეგონა იქაც სიხარული და ბედნიერება დახვდებოდა. საულიას, რა თქმა უნდა, კარგად ანსოვდა, როგორ უდიერად მოექცა ფუნდუსი ნადარბავეთან და აწუხებდა თავისი უღირსი საქციელი: „დღეს ისეთი რამ ჩავიდინე, რომ აღარ ვიცი, რა პირით უნდა შევხედო“ ფუნდუსს, მაგრამ მაინც ერთი წუთითაც არ დაუქვებულა, რომ ფუნდუს ყველაფერს აპატიებდა. „მაპატიებს, ანა რას იზამს, — ფიქრობდა შინ მიმავალი საულია. — მივალ, ორივე ხელით გულში ჩავიკრავ და... შევხვებები: გიჟი ვიყავი, მხეცი ვიყავი და მაპატიე-თქო“. საულიას ასეთი შეუვალი რწმენა იმას ემყარებოდა, რომ გაიმარჯვა კერძომესაკუთრულ გრძნობებთან ორთაბრძოლაში და კვლავ ის საულია გახდა, როგორსაც ფუნდუსი და მთელი სოფელი იცნობდა. „ფუნდუს! ფუნდუს, შე კი ქალო, — ოცნებაში ეხვეწებოდა საულია. — შენ ის საულია არ გეგონო, წელან ისე რომ გამამწარო... აი, მოვდივარ, შენთან მოვდივარ და მაპატიე... ვიცი, როგორ არ ვიცი, რომ უსათუოდ მაპატიებ და მერე...“ მერე სიყვარული თავიდან დაიწყება, ცხოვრებას სიამტკბილობაში გაატარებენ, კვლავ თითოთ საჩვენებელი ადამიანები იქნებიან და მეტი რაღა უნდათ?

მკითხველიც მოელის, რომ ასე იქნება, რომ საულია ისევე აღადგენს დარღვეულ კავშირს ოჯახთან, ფუნდუსთან, როგორც საზოგადოებასთან. თუ კი ხალხმა აპატია საულისა, რატომ არ უნდა აპატიოს ფუნდუსი, მით უმეტეს, რომ მიზეზი, რომელმაც ცოლ-ქმრის კონფლიქტი გამოიწვია, უკვე მოისპო და არასოდეს კვლავ აღარ აღმოცენდება? მაგრამ ასე არ ხდება, საულისა იმედი გაუტრუფდება — ფუნდუსი მკვდარი დაუხვდება და ყველა ოცნება ერთბაშად დაემსხვრება.

მოთხრობის ასეთმა ფინალმა, ბუნებრივია, დავა გამოიწვია. მკითხველთა ერთ ნაწილს მიაჩნია, რომ არავითარი აუცილებლობა არ მოითხოვდა ასე სასტიკად დაგვესაჯა საულია, მით უმეტეს ფუნდუსი, და ფიქრობს, თითქოს ამ შემთხვევაში მწერალს ამოძრავებდა მხოლოდ სურვილი — გვერდი აეგლო ე. წ. „ბედნიერი დასასრულისათვის“. და მართლაც, რატომ არ შეიძლებოდა საულისას და ფუნდუსს შერიგება, განა ცხოვრება გამოიციხვას ასეთ შესაძლებლობას?

პირიქით, იგი გაცილებით უფრო შეეფერება ჩვენს სინამდვილეს. მაგრამ ცხოვრება რთული მოვლენაა და ამა თუ იმ მდგომარეობიდან ყოველთვის ერთ გამოსავალს როდი გულისხმობს. აქ მნიშვნელობა აქვს არა მარტო სინამდვილის ტენდენციას, არამედ პიროვნებასაც, პიროვნების ინდივიდუალობასაც, ხასიათის სპეციფიკას, ე. ი. ადამიანის ქცევას ვანაპირობებს როგორც ობიექტური, ისე სუბიექტური მონაცემები. თუ ამ გარემოებას გავითვალისწინებთ, ცხადი გახდება, რომ მოთხრობის ტრაგიკული ფინალი „ბედნიერი დასასრულისათვის“ თავის არიდების შედეგი კი არ არის, არამედ ბუნებრივად გამოძინარეობს თვითონ ნაწარმოების ერთ-ერთი მთავარი პერსონაჟის ფუნდუს ხასიათის თავისებურებებიდან.

ფუნდუს ნამდვილი ქართველი ქალია, გამრჯე, დაუზარებელი მშრომელი, ჰირთამთმენი და უთქმელი, ქმრის, ოჯახის ერთგული და მოყვარული. იგი მუდამ მხარში ედგა ქმარს, ლხინშიც და ჰირშიც მასთან იყო და ღირსეულ მეუღლეობას უწევდა. როცა საულია ავადმყოფობდა, რაღაც აწუხებდა და ტანჯავდა, ფუნდუ კი არ წუწუნებდა, ბედს კი არ უჩიოდა, არამედ გასაციარებოდა მოთმინებით იტანდა ქმრის უხასიათობასა და წრეგადასულ უხეშობას, ცდილობდა კეთილი მოპყრობით, ალერსით, თანაგრძნობით, გულწრფელი რჩევით, რითაც შეეძლო ყველაფრით დახმარებოდა, რათა რაც შეიძლება მალე დაეძლია წუხილი, ავადმყოფობა და კვლავ ოჯახსა და სოფელს დაბრუნებოდა. კიდევ მეტი, ფუნდუ მზად იყო „ეს ვეება კაცი რაღაც დიდი განსაცდელისაგან თავის სიცოცხლის ფასად დაეცვა. მაგრამ რისგან დაეცვა? — თვითონაც არ იცოდა“. მაშინ იგი ფიქრობდა, მამაკაცებს რაღაც თავიანთი სპეციფიკური ცხოვრება აქვთ და არ უნდოდა ქმარს სულში უქმეხად ჩასძრომოდა, მაგრამ მას შემდეგ, რაც ნადარბაზეთან ნახა, ფუნდუსათვის ყველაფერი ნათელი გახდა. „შენ არა ხედე, — გოცლებით ეკითხებოდა თავის თავს ფუნდუ, — თურმე ხელი ამ ოქროებმა მოუთავა და არ იცოდა“.

არ იცოდა და, როცა გაიგო, ბუნებრივია, ფუნდუს მთელი არსებით შეძავდა და შეეზიზნა საულია, მისთვის უკვე საესეებით უცხო მამაკაცი. უცხოობის ეს გრძნობა ფუნდუმ პირველად იმ ღამეს განიცადა, როდესაც საულიამ განძი იპოვა და შინ გაოვნებული დაბრუნდა. მაშინ იგი გამოძვლელად ჩააქცერდა საულის თვალეში და „წუთის რაღაც უმოკლეს დროში უცებ ისეთი რამ ამოიკითხა, რომ ელდანაცემი გაქვავდა, ადგილიდან ფეხი ვერ მოიცივალა, ტანში როგორღაც ცივად გასცრა. არა, არა, ეს მისი საულია არ იყო, ვიღაც სხვა იყო“. მსგავსი გრძნობა დაეუფლა ფუნდუს ნადარბაზევის ნადარბა ადგილზე ქმართან უკანასკნელი შეხვედრისას. სიხარბისაგან მოღრეცილ მის სახეს და გამწვანებულ ჰროლა ავალეებს რომ შეხედა, იგი

კანკალმა აიტანა: „ასე უცხო და საზიზნოვნი და არასოდეს არ ყოფილა“. არასოდეს არ ყოფილა, რადგან ფუნდუ საულის იცნობდა როგორც მოწინავე, დაუზარებელ მშრომელს, პატიოსან ადამიანს, რომელიც საკუთარი მარჯვენით ცხოვრობდა და გულშიც კი არ გაუვლია რაიმე არაკეთილშობილური, ადამიანის ღირსების შემლახველი მისწრაფება. მაგრამ რა გამოირკვა? თურმე საულია სულ სხვა ვინმე იყო, ხარბი, ბოროტი, კერძომესაკუთრული გრძნობებით გამსჭვალული, უპატიოსნო კაცი, რომელიც ვიწრო-პირადულ ინტერესებს ყველაფერზე მაღლა აყენებს.

„ეკ, რა ქმარი ყავდა, რა ბედნიერი ქალი იყო და რას იფიქრებდა, თუ ის ასე გულდრძო და ხარბი იყო, თუ მის სიყვარულს რაღაც ბრჭყვიალა ლითონში ასე დაუნანებლად ვასცვლიდა. რამ ეკითხა, ქვეყნის ვირთ თავის ვირად მიიჩნდა, ოჯახისთვისაც თავს ვადასდებდა და ეს რა არის? შური, ღვარძლი, სიძულვილი... არა, არა, საულია ახლა ის საულია როდი იყო, ვიღაც სხვა იყო“, — ნაღვლიანად ფიქრობდა ნადარბაზევიდან შინ მიმავალი ნაცემი და უკიდურესად შეურაცხყოფილი ფუნდუ. მან ხომ არ იცოდა, თუ როგორ ებრძოდა საულია უეცრად აღორძინებულ კერძომესაკუთრულ-ეგოისტურ გრძნობებს, როგორ თრგუნავდა მათ, როგორი დაჟინებით ეძებდა ცხოვრების სიმართლეს. ამიტომ ფუნდუს სრული საფუძველი ჰქონდა საულია მიეჩნია ისეთ ადამიანად, რომელმაც ოქროს ანაცვალა ყველაფერი, ე. ი. უღალატა ხალხსაც და ოჯახსაც. და მან იგრძნო, რომ ყველაფერი გათავდა, „ყველა სათქმელი ჩამოათავა და ყველაფერმა აზრი დაჰკარგა“. აღარ იყო ცხოვრების დიდი, ძლიერ დიდი სიხარული — უნაგარო და გულწრფელი სიყვარული, მას გამოეცალა ერთადერთი სიმელო საძირკველი — მიზანთა და სულიერ მისწრაფებათა ერთობა. მისი საყვარელი, „სულზე უტკბილესი“ საულია ადამიანი კი არა, „პიროუტყვი, ნამდვილი პიროუტყვი“ ყოფილა და რა სერთო უნდა ჰქონოდა ასეთ კაცთან? ცხადია, არაფერი და ფუნდუს მეტად აღარ სურდა და არც შეეძლო მასთან ერთ ჭერქვეშ ყოფნა. „უცხო კაცთან როგორ ვიცხოვრო?“ ფიქრობდა იგი და სამართლიანადაც. იმ ადამიანთან ცხოვრება, რომელთანაც საერთო არაფერი გაქვს, რა თქმა უნდა, შეუძლებელია.

ამ თვალსაზრისით ფუნდუ საესეებით მართალი იყო, როცა არათუ შეჩერდა, უკანაც კი არ მოიხედა საულისა დახილულ „მოიცაო“. მაგრამ სწორედ აქ შეცდა იგი. ვინ, ვინ, მაგრამ იგი ხომ ყველაზე კარგად იცნობდა საულისა, იცოდა მისი ავ-კარგი, იცოდა ვინ იყო და რას წარმოადგენდა ის. მამასადამე, არა სხვა ვინმეს, არამედ უპირველეს ყოვლისა უთუოდ ფუნდუს მოეთხოვებოდა მეტი ნდობა, მეტი რწმენა და გულისხმიერება გამოეჩინა საულისადმი, ზიზლით კი არ უკუეგდო, არამედ მიეღო მისი მონანიე ხელი და დახმარებოდა იმ წუემყდან

ამოსვლაში, რომელშიაც იგი შემთხვევით მოხვდა. სამწუხაროდ, ფუნდუ ასე ვერ მოიქცა და საბედისწერო შეცდომა ჩაიდინა. იგი რომ გამოხმაურებოდა ქმარს, საჭირო თანაგრძნობა და ნდობა გამოეჩინა, უკან დაბრუნებულყო, უქვევლია, საქმე სხვაგვარად შეტრიალდებოდა და საშინელ ტრაგედიას ორივე თავიდან აიცილებდა.

ფუნდუს მეორე დიდი შეცდომა ის იყო, რომ უშიშროების განსაცდელის ქაშს არა მარტო საულია მიატოვა მარტოლმარტო, არამედ თვითონაც ჩაიკეტა გული და, თუმცა სიკვდილს ხედავდა, შეეწავა არავის სთხოვა. ამ შემთხვევაში გადამწყვეტი როლი შეასრულა მისი ხასიათის ისეთმა თითქოს თანდაყოლილმა თვისებებმა, როგორიც სიკვრპე და სიამაყეა. მას არ ჩვეოდა სასაქარაოზე გამოეტანა წუხილი თუ დარდი და ცდილობდა თვითონ მოეცლო მათთვის. იგი ამყობდა თავისი პატიოსანი ოჯახით, ამყობდა პატიოსანი მშრომელი და მოსიყვარულე ქმრით და სწორედ ეს სიამაყე ნებას არ აძლევდა წუწუნს მოპყოლოდა, სხვისთვის ეთხოვა დახმარება, რა ვქნა დარდი გამიჩნდა და ვერ მოვერიეო. ფუნდუს შეეცდოდა და წარბშუღხრელი შეხვდა საშინელ განსაცდელს, სტოიკურად გადაიტანა ქმრის მხეცური მოპყრობა, კრინტიკი არ დაუძრავს, როცა საულიამ წიხლი ჩააზილა და ბელტებში ჩაანარცხა, მაგრამ იმის გამხელა, საჯაროდ თქმა, წიხლით შემდგნენ დი მიშველეთო, უკვე აღემატებოდა მის ძალას — თავმოყვარეობა არ აძლევდა ამის ნებას. მან მხოლოდ მაშინ სცადა დახმარება ეთხოვა, როცა საშველი არსდა იყო და ისიც კი არ ძალუძდა, მეზობლებისათვის შეეტყობინებინა თავისი ვასაჭირო.

ამრიგად, მოთხრობის ტრაგიკული ფინალი სავსებით ლოგიკურია და ძირითადად ფუნდუს ხასიათიდან გამომდინარეობს. ფუნდუ რომ სხვა ხასიათისა იყოს, მაშინ, უქვევლია, ფინალიც სხვანაირი იქნებოდა, ეს სავსებით ცხადია. მაგრამ როგორღაც ძლიერ ძნელია შეუთრიგდე იმ აზრს, რომ საულიას ხელახალმა სულეირმა აღორძინებამ ესოდენ დიდი მსხვერპლი მოითხოვა და უნებურად გებადება კითხვა: განა აუცილებელი იყო მწერალს მაინცა და მაინც კერპი და ამაყი ხასიათი მოეცა? რატომ მოიქცა იგი ასე და არა სხვაგვარად? როგორც ჩანს, იმიტომ, რომ მოვლენის გამაძფრებით ხაზი გაესვა პატიოსანი შრომითი ცხოვრების ყოველგვარი უარყოფის დიდი საშიშროებისათვის. მწერალი თითქოს ეუბნება მკითხველს: ჩვენი საზოგადოება ყველაზე ჭემაწურია დღემდე არსებულ ყველა საზოგადოებასთან შედარებით და დიდსულოვ-

ნად ეკიდება ამა თუ იმ წევრის შეცდომას. მარება კიდევაც მის გამოსწორებაში, არავინ არ უნდა იქონიოს იმედი, ვითომც ამის გამო ყველაფერი აუცილებლად ბედნიერად და მთავრდება. არა, სრულიადაც არ არის გამორიცხული აჩქარებას, გრძნობის აყოლას, შეცდომებს მოპყვეს უბედურება და მსხვერპლი. მწერლის ამ მისწრაფებას გამოხატავს მოხუცი ოტის ას მამაშვილური დარიგება საულიასადმი: „დინჯად იყავი, ბაბა, არ აჩქარდე. ცხოვრებას კარგად ჩაუკვირი, თორემ გაითვლები“.

დასასრულ ზედმეტი არ იქნება მოვიგონოთ ის ნამდვილი ამბავი, რომელიც მილიციის მეორანგის კომისარმა ბ. გრიშინმა მოკვითხრო სტატიის „გაორგული ცხოვრება“. როგორც სტატიის ავტორი წერს, ერთ დღეს ქალაქ მოსკოვის მილიციაში გამოცხადდა მოქალაქე ა. ბ. ტრუსკოცისი და სახელმწიფოს თავისი ნებით ჩააბარა სპეკულანტობით დაგროვილი ნახევარ მილიონზე მეტი მანეთი ფული და სხვა ფასეულობანი.

ეს კი იმას ნიშნავს, რომ ცხოვრებისა და ხელოვნების სიმართლე ერთმანეთს დაემთხვა, რომ „განძი“ უღარესად ცხოვრებისეული ნაწარმოებია, რომელშიც სავსებით სწორად აისახა ჩვენს საზოგადოებაში მიმდინარე მეტად საყურადღებო პროცესი ადამიანთა სრული და საბოლოო განთავისუფლებისა კერძომესაკუთრული ფსიქოლოგიის ყოველგვარი გაგლენისაგან. თუ ის ადამიანებიც კი, რომლებიც დაგროვების წყურვილმა გაიტაცა, თავიანთი ნებით, ძალდაუტანებლად, რაიმე ადმინისტრაციული ზეგავლენის გარეშე კვლავ უბრუნდებიან პატიოსან შრომას, პატიოსან ცხოვრებას, განა ეს ფაქტი ყველაზე თვალნათლივ არ მოწმობს, რომ ეგოისტურ-კერძომესაკუთრულ ფსიქოლოგიას, ჩვევებსა და ტრადიციებს სავსებით ეცლება ნიადაგი? და რაც უფრო მიეუახლოვდებით კომუნიზმს, მით უფრო გაძლიერდება ეს პროცესი, მით უფრო შემცირდება იმ ადამიანთა რიცხვი, რომლებსაც დაგროვება და ქონების მოხვეჭვა მიაჩნიათ ცხოვრების მთავარ მიზნად. მასასადამე, შორს აღარ არის ის დრო, როცა ეგოისტურ-კერძომესაკუთრული მისწრაფებანი მთლიანად და სავსებით აღმოფხვრება ჩვენი საზოგადოების უკლებლივ ყველა წევრის შეგნებაში. „განძისა“ და მისი მსგავსი ნაწარმოებების იდეურ-აღმზრდელობითი მნიშვნელობაც სწორედ იმით განისაზღვრება, რომ ისინი ხელს უწყობენ და აჩქარებენ ამ დიად პროცესს.

1 გაზეთ „იზვესტიას“ ყოველკვირეული დამატება „ნედელია“, № 21, 1960 წ.



შოთა ნიჟარაძე

ზოგნიერთი შენიშვნა „ჩაისა“ და „მევლუდის“ მხატვრული ენის შესახებ

მხატვრული სიტყვის ოსტატთა ენის შესწავლას ჩვენში დიდი ყურადღება ექცევა. ქვეყნდება მრავალი გამოკვლევა ქართული ლიტერატურის კლასიკოსებისა და თანამედროვე საბჭოთა პროზისა და პოეზიის საუკეთესო წარმომადგენელთა ენის შესახებ. მაგრამ, სამწუხაროდ, დღემდე არავის უცდია აჭარაში მომუშავე რომელიმე მწერლის მხატვრული ენის შესწავლა.

წინამდებარე წერილი ამ ხარეზის ნაწილობრივი შევსების ცდაა. ამჯერად შევეხებით პარმენ ლორიას მხატვრული ენის საკითხს. ლორიას მხატვრული ენის ძირითად თავისებურებათა გასათვალისწინებლად საკმარისად მიგვაჩნია განვიხილოთ ამ მწერლის ორი რომანი „ჩაი“ და „მევლუდი“, რადგან ისინი იდეურ-მხატვრული თვალსაზრისით პ. ლორიას სხვა ნაწარმოებებზე მაღლა დგანან.

დასახელებულ ნაწარმოებებში საკმაოდ წარმოდგენილი მხატვრული სახეები. ბევრ ადგილას ავტორი მოხდენილად იყენებს მხატვრულ-გამომსახველობით საშუალებებს — ეპითეტებს, მეტაფორებს, შედარებებს, მხატვრულ განმეორებებს.

ეპითეტებს განსაკუთრებით ხშირად მიმართავს მწერალი პეიზაჟების ხატვისას: „მოკრიანებულ ცის ქვეშ ვაშლილი ბუნება საამურად სუნთქავდა... აქოჩრილი გორაკები, ამწვანებული მინდორ-ველი, მოჩხრიალენ ნაკადულები, აბინინებული ყანები ერთმანეთს ამშვენებდნენ და ავეკლუებდნენ... (ერთტომეული, „ჩაი“, „მევლუდი“, 1957 წ., გვ. 322. მაგალითებს ყველგან ამ გამოცემის მიხედვით მივუთითებთ. ხაზი ყველგან ჩვენია — შ. ნ.).
ავტორი ხშირად იყენებს აგრეთვე გაშლილ

და შემოკლებულ შედარებებს. ორ განსხვავებულ მოვლენას ერთმანეთს უდარებს არა იდენტურობის მიხედვით, არამედ რომელიმე ნიშნის მიმსგავსების ნიადაგზე: „აგზიზღებულ ცეცხლში ისე გაივლის (ფარცხვანია — შ. ნ.), რომ ბეწვს არ შეირუჯავს“ („მევლუდი“, გვ. 336).

მწერალი იყენებს ჰიპოტაქსური კონსტრუქციის წინადადებას, სადაც კორელატ-საკავშირებლად გამოყენებულია „ისე, რომ“.

შედარებისათვის ზოგჯერ გამოყენებულია „ვით“ თანდებელი, ანდა ვითარების ცნების გადმომცემი სიტყვა ფრაზაში შეტანილია ვითარებითი ბრუნვის ფორმით. „ვერხვის ფოთლივით დაიწყებს ფარფაც“, „ცას თხელი ღრუბელი დაფლეთილი საბანივით გაპკვროდა“ (იქვე, გვ. 547). „დამწუხრებულ ქალაქში ბნელი ღამე ძაძებით შემოსილ დედაკაცივით შემოდიოდა“ (იქვე, გვ. 648).

ასევე არცთუ იშვიათად ოსტატურად იყენებს ავტორი მეტაფორებსაც. ერთ რომელიმე მოვლენას გადმოგვეცემს მასზე მეორე მოვლენის გალატანის გზით: „ათასი თვალი და ყური გქონდეს, მაძებრის ყნოსვა და მწვერის მუხუღები...“ (იქვე, გვ. 517); „ცხენი მოითხოვა, დინჯად შეჯდა და გამარჯვებული სარდლის მედიდურობით გასწია მაზრის ცენტრისაკენ“ (იქვე, გვ. 704); „მაპატიე ღურსუნ. დედის გული ზღვაზე უგანიერესია, ცეცხლზე უფრო მწველი, რკინაზე უფრო მაგარი, თანაც ყველაფერზე უფრო რბილი...“ („ჩაი“, გვ. 265).

მწერალი ცალკეულ სურათებს თითქმის მთლიანად ეპითეტებითა და შედარებებით ხატავს. მეფის რუსეთის საპრობილის ზედამხედველის უბადრუკობა და მევლუდის ვაჟკაცური და პროტესტანტული ბუნება კარგად გამოსტკვივის შემდეგ სურათში:

„— შეგიძლია დაეგდო! — ზიზღით გადახედა ზედამხედველმა მეგლუდს, მიბრუნდა და უნდა გასულიყო (საპატიმროს საკანიდან — შ. 5.), მაგრამ ამ დროს თითქოს ჰერი ჩამოინგრა, მეგლუდი აღვივლზე შეხტა, ჯაჭვით დამიმბებული ხელები მაღლა აღმართა და ისე მაგრად დაუშვა ზედამხედველის თავზე, რომ იმოღენა კაცი მოხეტიალ ხესავით დაეშვა ძირს“ („მეგლუდი“, გვ. 732).

მწერალი ფსიქოლოგიური პორტრეტების ხატვის საკმაო უნარს ამჟღავნებს. იგი მოქმედ პირებს სხვადასხვა კუთხით ხატავს. ცალკეული პერსონაჟების ინდივიდუალურ თვისებებს ამჟღავნებს სხვადასხვა სიტუაციაში, ცხოვრებას ასურათხატებს დინამიკურად. ტიპობრივი ხასიათების ტიპობრივ გარემოში გადმოცემისათვის მწერალი მუდამ იმის ცდაშია, რომ დეტალები გადმოგვცეს სიმართლათა და დამაჯერებლობით.

კავკასიის მთავარმართებელი გოლიცინი, რომელიც შიშის ზარს სცემდა თავის ხელქვეითებს, რომლის ერთ სიტყვასაც იყო დამოკიდებული უდნაშაულო ადამიანის ჩამოხრჩობა ან სიკვდილიმისჯილისათვის განაჩენის შეცვლა, მეგლუდის თვდასხმის შემდეგ შიშით ცახცახებს, მუხლებზე ხოხავს. გოლიცინის ფსიქოლოგიურ პორტრეტს ავტორი ასე ხატავს:

„იატაკზე გართხმული მთავარმართებელი ახლა მიხვდა, რომ ისიც უბრალო მოკვდავი ყოფილა. მოაგონდა, ერთხელ ვიღაც ქართველმა თავადმა „ვეფხისტყაოსნიდან“ აფორიზმი რომ წაუთქოხა: „ვერ დაიჭირავს სიკვდილსა გზა ვეწო, ვერცა ეს კლდოვანი“... მაშინ სისულელედ მოეჩვენა ეს ბოძნული ნათქვამი, მაგრამ ახლა...“

თურმე მართალი ყოფილა... ერთი პატარა ტყვია და ყველაფერი გათავდა, დაიკარგა. იყო და აღარ არის მისი ბოჭყინვალება... სად არის აქ მისი აღმატებულება. ნუთუ ეს არის, იატაკს რომ დაჰკვრიო და ცდილობს, რაც შეიძლება მოიკოს სისქე და განი, რომ როგორმე გადაურჩეს ტყვეებს; ორი საათის წინ, იქ, ოლქის უფროსის კაბინეტში მისი შიშით კრთოდნენ და ცახცახებდნენ. აქ კი თვითონ ცახცახებს უჩინარი ძალის წინაშე. იქ მას თავი ქვეყნის უფროსად მოჰქონდა, აქ კი ყველაზე პატარა მოჩანს“ (იქვე, გვ. 575).

მოქმედი პირის დასახსიათებლად იშვიათად, მაგრამ მაინც მწერალი იყენებს აკვიატებულ სიტყვებსა და გამოთქმებს: „ჰოდა, შენ ხარ ჩემი ბატონი, აბუნტდნენ თურმე ერთ დღეს ფრანკუზებო... ჰოდა, შენ ხარ ჩემი ბატონი, ახლა ქე ცხოვრობენ თავისუფლად“ (იქვე, გვ. 582). ავტორი ამ ე. წ. სიტყვა-პარაზიტით „შენ ხარ ჩემი ბატონი“ ბევრ რამეს ეუბნება მკითხველს მეგლუდის რაზმელის ზარნაძის მეტყველების ინდივიდუალური თვისებების შესახებ.

ხშირად გვხვდება სათანადოდ მიგნებული სიტყვიერი სამკაულები, რომლებსაც ავტორი

ბოულობს ამა თუ იმ პერსონაჟის მეტყველების ლექსიკურ ფონდში.

აი სიკვდილიმისჯილ მეგლუდს საპატიმროში პირველად და უკანასკნელად ნახულობს ცოლი ერთადერთი ბავშვით. ბავშვს არ გაეგება საზოგადოებრივი ცხოვრების უკუღმართობა: „— ბაბაი, ჩემო ბაბაი!.. — იყვირა ბავშვმა, მამასთან მიიჭრა და გულში ჩაიკრა... რად გაქვს ხელზე ასეთი ჯაჭვით, შეეკითხა და თვალბუმი შეაჩერდა“ (იქვე, გვ. 743).

ცხადია, ამ სიტყვებით „ბაბაი, ჩემო ბაბაი!.. რად გაქვს ხელზე ასეთი ჯაჭვით“ — მოცემულ ფსიქოლოგიურ დეტალს უფრო მეტი დამაჯერებლობა ენიჭება.

ორივე თხზულებაში აქა-იქ შეინიშნება მხატვრული განმეორებაანი, რომლებიც აძლიერებენ მკითხველის ყურადღებას ამა თუ იმ საგნისა და მოვლენისადმი.

ეტლი დაიძრა...
ხალხი დაიძრა...

ცხენოსანი ჩაფრები და ქვეითი ჯარისკაცებიც დაიძრნენ“ (იქვე, გვ. 726); „მზე ჩადიოდა... მზე ჩადიოდა მოწყყენილი და დაღვრემილი, ჩადიოდა იმიტომ, რომ მეორე დღეს უფრო ცხოველყოფელი სხივებით ამოსულიყო და ქვეყანა გაეთბო“ (იქვე, გვ. 648).

ზოგჯერ მხატვრული განმეორება სინონიმური სიტყვებითა და ფრაზებითაა წარმოდგენილი:

„— მურად! — და დამუხჯდა, თითქოს ენა გაუეინა. სათქმელი სიტყვა ყელში გაეჩხირა“ („ჩაი“, გვ. 138).

ცნობილია, რომ „ენობრივი დახასიათების გარეშე არ შეიძლება შეიქმნეს ხასიათი და ტიპი, არ შეიძლება ღრმად ვაჩვენოთ ადამიანის შინაგანი სამყარო. ზოგიერთ მწერალთან გმირები აზროვნებენ და მეტყველებენ ისე, როგორც აზროვნებს და მეტყველებს თვით ავტორი“ (შ. ძიძიგური, მწერლის ენა, 1957 წ., გვ. 13). „ჩაისა“ და „მეგლუდის“ გულდასმითმა ანალიზმა გვიჩვენა, რომ პ. ლორის ძალზე ძუნწად, იშვიათად პერსონაჟთა მეტყველებაში შეაქვს სპეციფიკური სიტყვები და გამოთქმები, ტიპური დიალექტიზმები. დიალექტურ სიტყვებსა და გამოთქმებს ზოგჯერ თვით ავტორი ან თანამოსაუბრე მოქმედი პირი უკეთებს კომენტარს, ხსნის მათ და ამით მკითხველს საშუალება აძლევს გაერკვეს სპეციფიკურ სიტყვასა თუ ფრაზაში. მაგალითად: „— რეიზა დაფიქრებულხარ, კოვ? კაცი ხომ არ გინდა? — აჭარულად მოუქცია ზინამ“ („ჩაი“, გვ. 98); როგორც ქვემოთაც აღვნიშნავთ, ზოგჯერ ავტორი სცოდავს დიალექტიზმების შერჩევას, ამა თუ იმ კუთხის მოქმედ პირს თავს ახვევს ისეთ ფორმებს, დიალექტიზმებს, რომლებიც ან ხელოვნურაა ანდა დამახასიათებელი არაა აღებული კუთხისა თუ ეპოქისათვის. ზემოთ მოტანილ ფრაზაში სიტყვა „რეიზა“ აჭარულისათვის არაა სპეციფიკური. იგი ტიპური გურული დიალექტიზმია, რომე-

ლოცე ენაცვლება „რატომ“ და „რისთვის“ კითხვით ზმნიზედებს. „რეიზა“ და ანალოგიურად ნაწარმოები სიტყვები რთული ფონეტიკური სახეცვლილებების შედეგად არის მიღებული: რა-ის-და რე-იზ-და რეიზა.

იმავე ფრაზაში გვხვდება „კაცი“ (კაცი ხომ არ გინდა?). კონტექსტში „კაცი“ შეიძლება „ქმრის“ მნიშვნელობით იყოს წარმოდგენილი. აქვე სწორედ ასეთი ვაგება აქვს მას.

ქვემოთ: „ბეჩი ხარ... — სოცერულით დაპკრა მხარზე ხელი“ („ჩაი“, გვ. 99). „ბეჩი“ აჭარულში ნიშნავს სულელს, უჭკუოს, გამოუცდელს. აღსანიშნავია, რომ ენათმეცნიერულ ლიტერატურაში ამ სიტყვას ორი სხვადასხვაგვარი ეტიმოლოგიური ახსნა აქვს. ზოგი მას „ბედ-შავის-გან“ მიღებულ სახეშეცვლილ სიტყვად სთვლის (შდრ. იმერ. „ბეჩა“), ზოგი კი (სახელდობრ პროფესორი იუსტინე აბულაძე) სპარსულ „ბეჩე“-ს (ყრმა, ჭველი) უკავშირებს. ეს სიტყვა აჭარულისათვის ერთობ დამახასიათებელია.

„— ნუ მორცხვობ, ჭოვ, გაიცანი... ახლა არის ასე დინჯი, თორემ შაითანია, ნამდვილი შაითანი!“ („ჩაი“, გვ. 132). ამ მიმართვით წინადადებაში აჭარული დიალექტური სიტყვაა ჭოვ (← ბჭოვ ← ბიჭოვ ← ბიჭო), რომელიც წინააღმდეგ სალიტერატურო ქართულის ნორმისა, წოდებით ბრუნვაში ვინითაა გაფორმებული (შდრ. გოვ ← გოგოვ ← გოგო).

რაც შეეხება სიტყვას „შაითანი“, ის არაბული წარმოშობის სიტყვაა, რომელიც აჭარულს თავს მოახვია თურქულმა ენამ (გავისხენოთ აკ. წერეთლის „ბაში-აჩუკიდან“: „— შაიტან, შაიტანი — დაიძახეს აქეთ-იქით თათრებმა“).

„მეცლუდში“ პერსონაჟად მწერალს ჩვენი ქვეყნის სხვადასხვა კუთხის მცხოვრებნი ჰყავს გამოყვანილი. აქ ვხვდებით აჭარლებს — მეცლულდ დასამიძეს, თოფან-ბეგ შერვაშიძეს და სხვ; გურულ ერმილე მამალაძეს, ისე ჭანუყვაძეს; იმერელ ზარნაძეს, ქართლელ იოსება გელუაშვილს; ქართული ენის სუსტად მცოდნი სომეხ ყარაყუმბიანს და სხვ. ამიტომ მწერალი ცდლობს ისინი შესაბამის დიალექტზე აემეტყველებინა.

ქართლელი იოსება გელუაშვილი ქართლურად უქცევს: „— მამ, შიმშილით უნდა დავიხოცოთ, თუ რასა ფიქრობენ ი ოხერ-ტიალები!“ („მეცლული“, გვ. 484).

ესე ჭანუყვაძის გურულობას მკითხველი გურული კილოს მიხვედითავე გაიგებს: „ვინ ხარ, ძამია, შენ?!“ (იქვე, გვ. 589); „—რა გქვია კუტა შენ?“ (იქვე, გვ. 600).

ქალაქელ სიბიტო ჩიჩილაძის მეტყველებაში აქა-იქ რუსიციზმები შეიმჩნევა: „ყველაფერზე მე ვიქნები ატვიჩაი“ (იქვე, გვ. 628).

ქართულად მოლაპარაკე სომხის — ყარაყუმბიანის მეტყველებაში უხვად გვხვდება სიტყვები, რომლებსაც ქალაქური მეტყველების იერი გადაკრავს: „გა ბარსაკაჯან, — მიმართა ყარა-

ყუმბიანმა მოწმეს. — თოფი რომ გავარდა, შენ ხომ იმავე ნიუტონი გამოხველ საამაოდან?“ (იქვე, გვ. 658).

ყარაყუმბიანის მეტყველებისათვის არც რუსიციზმებია უცხო: „ვაპ, ვაპ, — წამოვარდა ყარაყუმბიანი. — ასეთი აბინინი კაცზე თქვა, შეიძლება?“ (იქვე, გვ. 664).

ზოგჯერ მკითხველისათვის გაუგებარ სიტყვებს, დიალექტიზმებს ავტორი ხსნის შენიშვნებში, რემარკებში. თუ მკითხველმა ესა თუ ის დიალექტური ფორმა კონტექსტში ვერ გაიგო, მაშინ მის ახსნას იპოვის ავტორისეულ მიმნიშვნებელ რემარკებში. მაგალითად, „— დიდდედე ჩამობრძანებულა, დიდდედე! — გაისმა ხალხში ამ მოხუცის გამოჩენისას“ (იქვე, გვ. 710).

ჩვენ გავკვრით ზემოთაც აღვნიშნეთ, რომ პ. ლორია თავის თხზულებებში დიალექტიზმების გამოყენებისას ყოველთვის ვერ იცავს თანამოდევრობას. პერსონაჟის კუთხურ მეტყველებაში ზოგჯერ შეაქვს ისეთი ფორმა, რომელიც არაა დამახასიათებელი მოქმედი პირის მშობლიური კუთხისათვის. მოვიტანოთ ამის საილუსტრაციოდ ორი მაგალითი.

„— ვისთან მუშაობ? (ეკითხება მოხუცი აჭარელი ქალიშვილს ფერიდე ძირკვაძეს — შ. 5).

— არც არავისთან“ (უბასუხებს ფერიდე — შ. 5. „ჩაი“, გვ. 4).

არც არავისთან არა თუ აჭარულისათვის, არამედ ასეთი გამოთქმა საერთოდ არაა დამახასიათებელი დასავლური დიალექტებისათვის.

„— რა მოგივია? მიმაცილებდი ბარემ სახლამდე...“ („ჩაი“, გვ. 101). აჭარულისა და გურულისათვის სრულიად შეუფერებელია გამოთქმა: „მიმაცილებდი ბარემ“. ამავე რიგისაა: „წამოხვიდოდი მოსასვენებლად“ (იქვე, გვ. 109).

„გეყოფათ ამდენი ცელქობა! დაიშალენით. — გადმოსძახა მან“. როგორც რომანიდანაა ცნობილი, მოხუცი ქალი ქედის რაიონის მკვიდრია — მოედინ ბარაძის ცოლი. „დაიშალენით“ ფორმა კი ქვემოაჭარულისათვის საცხები უცხოა. ეს და მსგავსი ფორმები ზემოაჭარული კილოკავის კუთვნილებაა.

პ. ლორიას რომანებში გარკვეული სტილური ელფერი შეაქვს ხალხურ სასაუბრო ფრაზებს. უნდა შევნიშნოთ, რომ როგორც საერთოდ, ისე ლორიას თხზულებებშიც ხალხური სასაუბრო ფრაზები უპირატესად პერსონაჟთა მეტყველებაში გვხვდება, თუმცა აქა-იქ ავტორის ენაშიც გამოკრთის. ხალხური სასაუბრო ფრაზების გამოყენება მწერალს საშუალებას აძლევს მეტი დამაჯერებლობით დაგვიხატოს პერსონაჟები, სისრულით გადმოგვცეს მათი ხასიათი, განწყობილება, სულიერი განცდები, მისწრაფებანი. საყოველთაოდ ცნობილია, რომ ხალხური სასაუბრო ფრაზების ესთეტიკური ფუნქცია, ექსპრესიული ძალა გაცილებით დიდია მხატვრულ

ნაწარმოებში, ვინემ მწიგნობრულ-ლიტერატურული ენისა.

რა მხატვრულ-ემოციური ძალა ექნებოდა ქვემოთ მოტანილ ფრაზებს, რომ ისინი ხალხურ სასაუბრო სტილზე არ ყოფილიყო აგებული:

— მე რა ვარ! — იყვირა ეოლოკომა. — მოხსენება მოხსენებაა. მე შეციდან ანგელოზებს ხომ ვერ ჩამოუფუფრენ მავათი! („ჩაი“, გვ. 31). „პა, გახედე, რა დაჩიჩქინებული ბიჭებია“ (იქვე, გვ. 132).

— ღირებტორი კი არა, ნახერხით სავსე ტომარა. — იხანდა ერთი ახალგაზრდა („ჩაი“, გვ. 23)... „მთელი ზაფხული გადატვირთული ვართ მუშაობით, თავის მოსაფხანად არ გვცალია და...“ (იქვე, გვ. 189).

„თქვენი დანა და ჩემი კისერი! — წამოხტა თედორე...“ (მეველდი“, გვ. 500).

ბეგრ შემთხვევაში ხალხური სასაუბრო ფრაზებით ავტორი გადმოგვცემს ხალხის ეთნიურ-ყოფით პირობებს, ზენ-ჩვეულებებს. მაგალითად: „ხესა და ქვს ველაპარაკები, შე ამოსაგდების შვილი...“ (იქვე, გვ. 640). „ახალ სახლში პირველი ცეცხლის ანთება შენ გეკუთვნის, მამა ხარ, — უთხრა ცოლმა ქმარს და ასანთი მიაწოდა“ („ჩაი“, გვ. 236). „ხომ არ გგონია, გენერალი დრიაგინი აქ შენ რძის ფაფას დაგახვედრებდა...“ (მეველდი“, გვ. 640); „— დათვი და ა კვალი, ვნახოთ, რა შედეგი მოჰყვება ამ ჩვენს გამოსვლას“ (იქვე, გვ. 641).

ხალხური სასაუბრო გამოთქმები, როგორც ზემოთ აღნიშნეთ, ზოგჯერ ავტორისეულ თხრობაშიც გვხვდება. მაგალითად: „ოთქოს ხსენებაზეო, სწორედ ამ დროს დურსუნიც მოვიდა“ („ჩაი“, გვ. 248); „სათქმელი ყელში გაეჩხირა“ („ჩაი“, გვ. 138); „სამი შვილი დარჩა. ერთმანეთს ვერ აყენებდნენ ისინი“ (იქვე, გვ. 14);

ხალხური სასაუბრო ფრაზებიდან შეიძლება ცალკე გამოიყოს წყევლისა და ლანძღვის გამოხატველი წინადადებანი და ცალკე გამოთქმები. ასეთი წინადადებები, როგორც წესი, გვხვდება პერსონაჟთა მეტყველებაში და წარმოგვანას იძლევა მოქმედი პირის დამოკიდებულებაზე სხვა პირისადმი. ლანძღვა-წყევლის გამომხატველი წინადადებები ჩვეულებრივ მამართვის ფორმით გვხვდება და იგი უარყოფითი პერსონაჟებისათვისაა დამახასიათებელი. ამდენად, ავტორი მამართვის თავისებური ფორმების გამოყენებით არა მარტო მთქმელს, სუბიექტს ახასიათებს, არამედ ობიექტსაც: „— ჭანდაბას, წკვარაშში, ჯოჯოხეთში! — ბრაზობდა და იწყევლებოდა ის. — წადით, გაიქეციეთ, თქვენი რჯული და საღავათი არ იყოს“ („ჩაი“, გვ. 62).

„გაწყდეს თქვენი სინსილა, თქვენ ყაჩაღებო, თქვენა! — ვალოდიას და არჩვამეს ეჩხუბებოდა“ (იქვე, გვ. 174). „იქით გამეცალე, რუსკიპო, ბავშვების კეთება იცი და სხვისი ქონების გარ-

ჩევა არა?“ „თუ შევაკედები, მათ გადასვლდით ჩემი თავი და ფეხები“ (მეველდი“, გვ. 641): „მოდი, შე ჯოჯოხეთის კერძო!“ (იქვე, გვ. 785). ხალხურ ფრაზეოლოგიურ შემადგენლობაში იგულისხმება აგრეთვე იდიომატური თქმები, ხალხური აფორისტული გამოთქმები. მნიშვნელობის მიხედვით, როგორც ცნობილია, იდიომები უცვლელი ფრაზეოლოგიური ერთეულებია, რომელთაც ჩვეულებრივ გადატანითი მნიშვნელობა აქვთ. მაგალითად: „სიყვარული ხათრით არ გაისკვნება...“ („ჩაი“, გვ. 280). „გენაცვალე სულში!“; „გახარე შენი მარჯვენი!“ (იქვე, გვ. 329); „ეპ, რა მოკლე მანძილია ენასა და გულს შორის, მაგრამ რარივ დაშორებული არიან ისინი ერთმანეთს“ („მეველდი“, გვ. 525).

ავტორისტული, ხატოვანი თქმების დიდი ნაწილი, როგორც ცნობილია, დიდაქტიკურ-დამრიგებლობითი ხასიათისაა. მაგალითად, „კატა თავს მაშინ მოიმძინარებს, როცა თავზე თავდასხმა აქვს განზრახული, მტერს მუდამ მომზადებული უნდა ხვდებოდეთ...“ (იქვე, გვ. 365). „ბოძე ჩამოგვიდებენ და მერე უყარე კაკალი“ (იქვე, გვ. 640); „ზოგჯერ ეშმაკის დამოყვრებაც ხელსაყრელიაო“ (იქვე, გვ. 686).

როგორც მოტანილი მაგალითებიდან ჩანს, ბეგრ შემთხვევაში ავტორი ცდილა აფორისტულ-ხატოვანი თქმები გადაკეთებული ფორმით წარმოედგინა, გადაეკეთებინა სიტყვები, რასაც ზოგჯერ მყარ ფრაზეოლოგიურ ერთეულებში შეაქვს განსხვავებული მნიშვნელობა თუ სემანტიკური იერი.

გარდა ხატოვანი გამოთქმებისა და ანდაზებისა, სტილისტიკურ ხერხად პ. ლორია მიმართავს პირდაპირ ან პერიფრაზირებულ ლიტერატურულ გამოთქმებს, ცალკეულ ნაწყვეტებს ქართული მწერლობის ნიმუშებიდან და მორგებულად ჩაურთავს ხოლმე პერსონაჟთა მეტყველებაში. მოგვეყვას ადგილები ორივე თხზულებიდან: „კარგია იმ ადგილებს რომ ნახავ, სდაც შობილხარ, გავრდილხარ და გისროლია ისარი“... („ჩაი“, გვ. 188); „— კი მაგრამ, მაშინ რად გაცვალე სალი კლდებზე სხვა ქვეყნის სამოთხეზედა, თუ ასე ეკვდარა. — ჩაერია ლაპარაკში მშვიდობაქ“ (იქვე).

რაფიელ ერისთავის ლექსიდან („სამშობლო ხევსურისა“) აღებული ეს ადგილები, ბუნებრივია, მეტ მხატვრულ-ესთეტიკურ ძალას ანიჭებს სათანადო ადგილებს და მიმზიდველს ხდის მკითხველისათვის.

„სიყვარულმა კაცი კი არ უნდა დასცეს, არამედ აამაღლოს! — მოხუცმა წუთით იყუჩა“ (იქვე). მწერალმა აქაც ცნობილი აფორიზმი „სიყვარული აღგვამაღლებს“ პერიფრაზირებულად ჩაურთო შესაფერის ადგილას და გააძლიერა მკითხველზე ემოციური ზემოქმედება. „შიში შეიქმს სიყვარულსა“, — ვხვდებით რუსთაველის ცნობილ აფორიზმს „მეველდში“ (გვ. 675). მსგავსი ადგილები მწერალს მომარჯვებულ

აქვს ფოლკლორიდანაც: „ზღრასტი ზნაომ, გა-
გიმარჯოს, კულა ილიოშ, საითყენა?“ — მღერო-
და ფარცხვანია. ამ დროს ყველა მას მისჩერე-
ბოდა. როცა იგი მომდევნო სიტყვებს იტყოდა:
„არსენამ რომ ეს გაიგო, ჩაიციანა ნელა-ნელა,
ნაბადი გვერდზე მოიგდო, თოფი ფეხზე შეაყე-
ნა...“ ხშირად წამოიძახებდნენ: „გენაცვალე
სულში, ვახარე შენი მარჯვენი!“ (იქვე, გვ. 330).

ცნობილია, რომ არ მოიძებნება არც ერთი
ცნობილი თუ ბევრად მნიშვნელოვანი მწერალი,
რომელიც ფართოდ არ იყენებდეს ანდაზებს და
ამით კიდევ უფრო მიმზიდველს არ ხდიდეს
მხატვრულ ნაწარმოებს. ისიც კარგადაა ცნო-
ბილი, რომ ჩვენი ლიტერატურის კორიფეები
არა მარტო იყენებდნენ ხალხურ ანდაზებს,
არამედ, ამასთანავე, თავის მხრივ აწვდიდნენ
ფართო მასებს საკუთარ ანდაზა-სენტენციებს.

პ. ლორიას თხზულებებში უხვად გვხვდება
ხალხური ანდაზები. ისინი ლექსიკურად და
ფორმით მისადაგებულია ამა თუ იმ ამბავთან,
რითაც მწერალი უფრო დამაჯერებელს ხდის
პერსონაჟთა მეტყველებას. ამ მიზნით ზოგჯერ
ანდაზის პერიფრაზირებასაც მიმართავს:
„ზარმაცი კაცის ხელში ბასრი ნამგალიც ცუ-
დად ჭრისო“ („ჩაი,“ გვ. 8); „ხომ გაგიგონიათ,

მარჩიელს ნარჩიელო“ (იქვე, გვ. 130); „მო-
რიელს რომ სიკვდილი მოუხდებო, ხვლედიან
უდროო დროს გამოძვრებო, — ნათქვამია“
(„მეველუდი“, გვ. 395); „ხომ იციო, მორიელის
ნაებნს მორიელის შხამითვე მკურნალობენ“
(იქვე, გვ. 451); „სადაც არა სჯობს, გაცლა სჯო-
ბსო — ამ ხნის კაცს ტყუილიც დაეჯერებო“
(იქვე, გვ. 464).

ადგილების შესაფერისად აქა-იქ ვხვდებით
რუსული სამოხელეო, ჩინოვნიკური ყარგონუ-
ლი მეტყველების ნიმუშებსაც, რომელთაც მო-
ხელეთა თანამდებობრივი რანგების განსახვა-
ვებლად ზოგჯერ შესაფერი იერი გადაჰყარავს.
მაგალითად, „ტაკ ტოჩნო, ვაშე როდიე! — შე-
სძახა მიხეილ ფედოროვიჩმა და სამხედრო წეს-
ზე გამოეკიმა“ („ჩაი“ გვ. 20).

მწერალი, სამწუხაროდ, ზოგჯერ სალიტერა-
ტურო ქართულის ნორმებს არღვევს, რაც ხში-
რად აზრობრივ-ლოგიკურ შეუსაბამობას იწ-
ვევს. მაგალითად: „სოფლებიდან ჩამოტანილ
ფოთლებს აღარ ღებულობდნენ“ (იქვე, გვ. 32;
მდრ. დაფნის ფოთლებს — შ. 5.); „კომკავშირ-
ში რომ მიიღეს, ანკეტა სამჯერ დაწერა...“ (იქ-
ვე, გვ. 67. უნდა იყოს „შეავსო“. — შ. 5.).

ასეთია მოკლედ პარამე ლორიას „ჩაისა“ და
„მეველუდის“ ენობრივი თავისებურებანი.



შინაპისიანად და სინფეხიანად

თბილისის მოზარდ მკურნალებთან კრებული სახელმწიფო დამატებითი თეატრის გახსნის შემთხვევის გამო

ჩვენს დიად ეპოქაში — კომუნისტების გაშლილი მშენებლობის პერიოდში ერთ-ერთი დიდ-მნიშვნელოვანი ამოცანაა ახალგაზრდობის აღზარდა კომუნისტური სულისკეთებით. ამ დიდ სახელმწიფოებრივ საქმეში ძვირფასი წვლილი შეაქვს არა მარტო სკოლას, არამედ თეატრსაც, სადაც მოზარდი თაობა ითვისებს ზნეობრივ საფუძვლებს, რაც იმის საწინდარია, რომ ისინი აღიზრდებიან პატიოსან, უშიშარ, მამაც ადამიანებად, სამშობლოს ერთგულ შვილებად.

ამ კეთილშობილურ ამოცანას სახელდობრ ემსახურება თბილისის მოზარდ მკურნალებთან თეატრი.

ნიჭიერი და უნარიანი შემოქმედი კოლექტივი სექტემბერში ეწვია ბათუმს და ნორჩი და მოზარდი მკურნალები გაახარა საინტერესო სპექტაკლებით.

რეპერტუარში იყო სხვადასხვა ასაკის მკურნალებისათვის გათვალისწინებული 13 სპექტაკლი.

ა. აქსაკოვის „აღმოსავლური ყვავილი“, ა. ვლადიჩინისა და ო. ნეჩაევის „მშვენიერი ვასილისას“, ზ. კოროსტილიოვის „რაზე გვიამბეს ჯადოსნებმა“ და სხვა საბავშვო პიესების გვერდით თეატრმა წარმოადგინა უმცროსი და საშუალო ასაკის მოსწავლეებისათვის განკუთვნილი სპექტაკლებიც — მ. შატროვის „რევოლუციის სახელით“, მაინ რიდის „უთავო მხედარი“, ამავე სახელწოდების რომანის მიხედვით ინსცენირებული; დაბოლოს, უფროსი კლასების მოსწავლეებისა და მოზარდობისათვის — ა. ოსტროვსკის „უღანაშუალო დამნაშავენი“, ი. ჭავჭავაძის მოთხრობის „სარჩობელაზედ“ ინსცენირება სახელწოდებით „რისთვის?“, აგრეთვე ე. რონტის თანამედროვე თემაზე დაწერილი პიესა „უძღები შვილი“, ბერნარდ შოუს „ემშაყის მოწაფე“ და სხვ.

დიდი ინტერესი გამოიწვია მაინ რიდის ცნობილი რომანის „უთავო მხედარის“ ინსცენირებამ.

პირველი მოქმედების სცენა: კაკტუსები, ქვიშა, ალაგ-ალაგ ბალახით მოფენილი პრერიები, რომელთაც დაჰყურებს ახლად ამოსული მეწამული მთვარე. ამ ფონზე თამაშდება ადამიანთა დრამა. ტექსტში (კალიფორნია) ცხოვრება კაპიტალის მგლური კანონის ტყვეობაშია, იტანჯებიან უბრალო და პატიოსანი ადამიანები.

მაინ რიდი თავის რომანში ხაზს უსვამს სიყვარულისა და სამართლიანობის გრძნობას, რომელსაც განსახიერებს ნაწარმოების მთავარი გმირი მორის ჯერალდი. ჯერალდს მეტად დამაჯერებლად წარმოგვიდგენს მსახიობი ი. სუხანოვი. მორისის მეგობარი მონადირე ლ. რომანოვის (საქართველოს სსრ დამსახურებული არტისტი) შესრულებით საუკეთესოა მთელ სპექტაკლში. მისი მშვენიერი ვარგნობა, საუცხოო დიქცია, სცენური სახის არსში ჩაწვდომის უნარი უზრუნველყოფენ წარმატებას. პლანტატორ ბუდლა ჰოიდენსტერის როლის შემსრულებელმა ა. ენგელგარტმა აგრეთვე ნამდვილი ფერები გამოიხატა ჰენრისა და ლუიზას მამის განსახიერებისათვის. კასიო კოლხუანი (ი. ბალა), ვნებიანი ისიდორა კოვარუბიო დე ლოსლანოსი (ე. აგალაროვა), რომანტიკული ლუიზა (ნ. პანინა), პოეტი ლირიკოსი ჰენრი (ლ. სოლცევი), დაბოლოს ფელიო ნილი (კ. ეფიმოვი), ფლორინდა (მ. ბუბუტეიშვილი) და სხვები, ჩანს, მონდომებით ეძებდნენ და უპოვიათ კიდევაც შესატყვისი შტრიხები სცენური სახეების გამოსაკვეთად. მინდა შევნიშნო რეჟისორს და მსახიობებსაც: რა საჭიროა ასე ხშირად ლაპარაკის შეცვლა სიმღერით? სიმღერის დროს ბავშვები მაშინვე ხმაურს იწყებენ, რადგან დრამის მსახიობის ხმა სასიმღეროდ ვერ არის დაყენებული, იგი მკურნალებთან დარბაზში ვერ იჭრება,

მსახიობი იჩრდილება და ვერ ამყვანებს შემსრულებლობითს ოსტატობას. თეატრმა ყველაფერი პროფესიულად უნდა გააკეთოს. ჩანს, რეჟისორს ამით უნდოდა შეეფერადებინა, გაემართა პიესის დრამატულად სუსტი მხარეები, მაგრამ ამას ვერ აღწევს.

განსაკუთრებით იტაცებს მყურებელს უკანასკნელი მოქმედება, სადაც მქვანდება არამზადი კასიო კოლუმბანის მთელი სისაძაგლე და საბოლოოდ იმარჯვებს სათნოება.

ა. აქსაკოვის ზღაპარი „ალისფერი ყვავილი“ (ი. კორნოუხოვასა და ა. ბროსუევიჩის ინსცენირება) განსაკუთრებულ ყურადღებას იმსახურებს. ამბავი მშვენიერ გოგონა ალიონუშკასი, მის მიერ ყვეყჩი დების — მზავრობისა და ბუნების ბნელი ძალების — თილისმის, როკაბის, ჭინკისა და ქაჯის დაძლევა მეტყველებს ცხოვრებაში სიკეთისა და სილამაზის ნათელი საწყისების დამკვიდრებაზე, ბოროტების დამარცხებაზე. რეჟისორმა რ. შაპოტაშვილმა, საქართველოს სსრ ხელოვნების დამსახურებულ მოღვაწე მხატვარ ი. შტენბერგთან და საქართველოს სსრ ხელოვნების დამსახურებულ მოღვაწე კომპოზიტორ ვ. ბაიერთან ერთად, შექმნა ხალისით საესე, ოპტიმისტური და მეტად კოლორიტული სპექტაკლი. მოსაწონია აგრეთვე შემსრულებლები. მსახიობი ნ. პანინა ქმნის ახალგაზრდა გიორი ქალის ალიონუშკას ლირიკულ და ამბლევებელ სახეს. დამაჯერებელი და უშუალოა მამა (პ. შტოგარინი). საქართველოს სსრ დამსახურებული არტისტები ო. ბელენკო („ფისა“), კიროვა („კაბა“), მ. ბუბუტიშვილი (როკაპი), მსახიობი ლ. კუბარევა (კიკიმორა) და მ. მიხაილოვი (ქაჯი) ქმნიან ანსამბლს, რომელიც მკვეთრად გამოყოფია ზღაპარში ვადმოცემულ კეთილ ძალებს. კარგად განხორციელა ი. სუხანოვა ურჩხული. კარგი და მგრძნობიარეა ვადა — ი. ორიოლი. ნორჩი მყურებლები სულგანაბული ადევნებენ თვალყურს პერსონაჟებს და სპექტაკლის დამთავრების შემდეგ კმაყოფილი გამოდიან თეატრიდან.

ამ პატარა მიმოხილვით ძნელია ყველა სპექტაკლო სპექტაკლის დახასიათება. მაგრამ ერთი კი მაინც ცხადია — თბილისის მოზარდ მყურებელთა რუსული თეატრის გასტროლები საინტერესო და სასარგებლო იყო.

ჩვენ შეგვიძლია ამ თეატრის რეპერტუარიდან განვიხილოთ რომელიც გნებავთ სპექტაკლი და დავრწმუნდეთ, რომ თვითეულ მათგანს აქვს თავისი ეთიკური და ღრმა აღმზრდელი მნიშვნელობა. ავიღოთ მ. შატროვის პიესა „რევოლუციის სახელით“. აქ ასახულია სამოქალაქო ომის მძიმე წლები, როცა ვ. ი. ლენინი ფ. ბერენსკისთან ერთად ზრუნავდა ახალგაზრდა რესპუბლიკის ნორჩ მოქალაქეებზე, ოცნებობდა მათ ნათელ მომავალზე (რეჟისორი ვ. ვალგუსტი, საქართველოს სსრ ხელოვნების დამსახურებული მოღვაწე მხატვარი ი. შტენბერგი, კომპოზიტორი კ. ლისტოვი), ანდა ა. გაიდარის ნაწარმოების „რ ს. ს.“ ინსცენირება, რომელიც ასახავს წითელ არმიის ბრძოლებს თეთრ გაიდამკებთან და პეტლიურებთან (რეჟისორი მ. ვახნიანსკი, კომპოზიტორი ვ. ბაიერი). თეატრი მოზარდ მყურებლებში აღვიძებს მოქალაქეობრივ გრძნობებს, სამშობლოს სიყვარულს და ავითარებს მათში საკუთარი მოქმედებისადმი პასუხისმგებლობის შეგნებას.

თეატრი წარმატებით ახორციელებს აგრეთვე კლასიკური დრამატურგიის ნაწარმოებებს. მაგალითად, ა. ოსტროვსკის პიესა „უდნაშაულო დამნაშავენი“ თეატრმა სწორად გაიგო (რეჟისორი მ. ვახნიანსკი, მხატვარი დ. ნოდია, მუსიკა ვ. ბაიერისა).

ბათუმელმა მყურებელმა გულთბილად მიიღო თბილისის მოზარდ მყურებელთა სახელმწიფო თეატრის სპექტაკლები და უსურვა შემდგომი გამარჯვება თავის კეთილშობილურ და უანგარო საქმეში.

მ. კოკინსაროვა,
რუსურ დამსახურებული არტისტი,
თეატრმცოდნე.



სიცოცხლის სიმღერა

ქსენია მყავიას ლექსების პირველი წიგნი ექვსი წლის წინათ გამოვიდა. პოეტმა იმთავითვე მიიპყრო მკითხველთა ყურადღება, მძაფრად გვიჩვენა ლირიკული გმირის სულიერი სიღამაზე და სიმდიდრე, ჯანსაღი ოპტიმიზმი.

გასული წლის ბოლოს გამოვიდა ახალგაზრდა პოეტის მეორე წიგნი „სიცოცხლე მღერის“. პოეტისათვის მრავალი ნიჭიერი ლექსი შთაუგონებია ჩვენი ადამიანების მჩქეფარე, შინაარსიან ცხოვრებას. საბჭოთა ადამიანის, საბჭოთა ქალის ვაჟკაცური გულის ძახილი ისმის სტრიქონებში:

ვინ ბედავს ასეთ სიმშვიდეში,
ამ სიწყნარეში,
ომზე ლაპარაკს!

ავტორს განსაკუთრებით იმიტომ ამაყებს ჩვენი ძლევამოსილი სამშობლოს შვილობა, რომ საბჭოთა ქვეყანა თანმიმდევრულად იცავს მშვიდობას, რომ ჩვენში გაიმარჯვა ყველაზე მოწინავე იდეამ — კომუნისტურმა იდეამ. პოეტი ამას გამოთქვამს არა დეკლარაციული და მშრალი სტრიქონებით, არამედ გულთბილად და შთამბეჭდავად.

კრებული იხსნება ლექსით „სიცოცხლე მღერის“, რომელიც გვხვობავს ლაღი ლირიზმითა და სიცოცხლის უსაზღვრო სიყვარულით. ლირიკული გმირი საბჭოთა ადამიანია, ჩვენი ბუნების სიღამაზე რომ ახარებს, ჩიტის გალობას ჩვილის ტიტინივით რომ ისმენს, მაგრამ საქმე წუთითაც არ ავიწყდება. აქ ყოველი ტაეპი სა-

თანადო მხატვრული სახეებით არის განათებული.

პოეტი ქალი ცხოვრებას არ უყურებს ვარდისფერი სათვალეებით. ბევრი მისი ლექსი აღბეჭდილია შინაგანი დრამატიზმით. იგი გამოხატავს მაღალზნობრივ გულისტკივილებსაც, მაგრამ აქაც ნაჩვენებია საბჭოთა ადამიანის სულის მღელვარება, ადამიანისა, სტოიკურ სიმხნევეს რომ იჩენს ჭირში და მომავალს რომ იმედიანად შეჰყურებს.

ღრმა შთაბეჭდილებას ახდენს ლექსი „მოგონება“. აქ არის მოთხრობილი მშობლის დაკარგვით გამოწვეული განწყობილებანი.

ქსენია მყავიას წიგნში დიდი ადგილი აქვს დათმობილი სატრფიალო ლექსებსაც. ამ ლექსთა ლირიკული გმირი უაღრესად კეთილშობილი, სულიერად მდიდარი ადამიანია. ვის შეეძლო, თუ არა საბჭოთა ადამიანს, ეთქვა: „ჭორი უთქვამთ, სიყვარული ძნელიაო, სიყვარული ტანჯვავაო და წვალება“. პოეტს კარგად ესმის, რომ სიყვარული ადამიანის უღრმესი გრძნობა და პატიოსნებაა. მაგრამ აქვე უნდა ითქვას, რომ ქ. მყავიას ზოგიერთ სატრფიალო ლექსში არ ჩანს ჩვენი დროის ადამიანი. ზოგიერთი სტრიქონი მომეტებულად ნაზი განცდებითაა აღბეჭდილი.

სხვა ლექსებიდან კარგ შთაბეჭდილებას ტოვებენ „დედისადმი“, „დედა“, „მატარებელში“, „ზღვის სიმღერა“, „გამოთხოვება“, „ცხოვრობდა, წერდა, უყვარდა“, „ის გიმღეროდა“ და სხვ.

ნ. თალაკვაძე.

საქართველო-ამიერკავკასიაში კაპიტალიზმის განვითარების შესახებ

გამოქვეყნდა პროფ. პ. გუგუშვილის მონოგრაფიის „საქართველოსა და ამიერკავკასიის ეკონომიკური განვითარება XIX-XX საუკუნე-

ებში“ მესამე ტომი. იგი სოფლის მეურნეობის ტექნიკისადმი მიძღვნილი გამოკვლევით იხსნება. ავტორის მიზანია კაპიტალისტური მეწარ-

მეობის განვითარების შესაბამისად გააშუქოს სამიწათმოქმედო ტექნიკის მდგომარეობა XIX საუკუნის II ნახევარში. მდიდარი ფაქტობრივი მასალის საფუძველზე მკვლევარი დასკვნის, რომ კოლონიური მდგომარეობით გამოწვეული სასოფლო-სამეურნეო ტექნიკის შეზღუდულობა, დაბალი ანაზღაურება და წვრილი მიწათმფლობელობა აფერხებდა „შრომის საზოგადოებრივ მწარმოებელურ ძალთა განვითარებას და მეცნიერების გამოყენებას მიწათმოქმედებაში“ (გვ. 121). ეს კი უარყოფითად მოქმედებდა კაპიტალიზმის განვითარებაზე, რადგან უმცირესობის მიერ შექმნილი წვრილი სამეურნეო ინვენტარი შრომამიგებას მთლიანად ვერ ღებნიდა, შრომის ნაყოფიერებას სწრაფად ვერ ზრდიდა და აფერხებდა გლეხობის დიფერენციაციას. ამის მიუხედავად, სამართლიანად შენიშნავს ავტორი, „კაპიტალისტურმა მეწარმეობამ და ტექნიკამ პირველად მიიტანა იერიში... რეპრესული მიწათმოქმედებით იარაღების კონსტრუქციული უცვლელობისა და საერთოდ შეუცვლელობის წინააღმდეგ და, ცხადყო რა ახალშემონაღებთა ტექნიკურ-ეკონომიური უპირატესობა, მთვე გააადვილა მიწათმოქმედებაში შემდგომ სიახლეთა და გაუმჯობესებათა შეტანა“ (გვ. 121-122).

მონოგრაფიის მეორე ნაწილი მემინდვრეობას ეხება. აქ განხილულია ხორბლის, სიმინდისა და სხვა მარცვლეული კულტურების გავრცელების მდგომარეობა საქართველოსა და ამიერკავკასიაში. დიდძალი სტატისტიკური მასალის გაანგარიშებით ავტორი გვიჩვენებს სასაქონლო ურთიერთობის განვითარების შედეგად ამ დარგში მომხდარ ცვლილებებს, კერძოდ მემინდვრეობაში კაპიტალისტური მეწარმეობის შესვლას და მარცვლეულით ამიერკავკასიის რესპუბლიკების გაჭრობას XIX-XX საუკუნეების მიჯნაზე.

ფულადი ურთიერთობის განვითარების შედეგად მარცვლეულმა სავაჭრო ხასიათი რომ მიიღო, ამის შესახებ ნაშრომში საკმაოდ ფაქტობრივად მოტანილი. მაგრამ საყურადღებო ისაა, რომ ავტორმა გვიჩვენა სასაქონლო მარცვლეულის წარმოებაში მემამულეთა და გლეხურ მეურნეობათა ხევირითი წონა. ნაშრომში სწორადაა აღნიშნული, რომ „საქონლური ხორბლის თითქმის მთელი მოსავალი გლეხურ მეურნეობათა პროდუქტს წარმოადგენდა“ (გვ. 242). ფაქტიურად ეს საკითხის ამოსავალი დებულებაა, რადგან მემამულეების მიერ დამზადებული მარცვლეული ამ მეურნეობათა პროდუქტულობის ზრდის შედეგი კი არ იყო, არამედ ფართოდ გავრცელებული იჯარის ნაყოფს წარმოადგენდა. ამის გამო ეს უკანასკნელი საბატონო მეურნეობიდან კაპიტალისტურზე გარდამავალ ხასიათს ატარებდნენ. განსხვავება მხოლოდ მათ დანიშ-

ნულებაში მდგომარეობდა, რადგანაც ახლა ბაზართან უფრო იყო დაკავშირებული.

ნაშრომში საინტერესოაა წარმოდგენილი მსოფლიო ბაზარზე საქართველო-ამიერკავკასიის მარცვლეულის როლი და მნიშვნელობა, კერძოდ ხორბლის ექსპორტის ზრდა, რაც XIX საუკუნის 60-90-იან წლებში იყო შესამჩნევი. აქვე მკვლევარი დაწვრილებით განიხილავს ამიერკავკასიის მარცვლეულის თვითღირებულების საკითხს, რადგან უამისოდ კონკრეტული იქნებოდა უცხოურ მარცვლეულთან გაწვერენციაში მისი დამარცხების მიზეზი. იგი სწორად მიუთითებს, რომ მსოფლიო ბაზართან დამაკავშირებელი კარგი და მოხერხებული სამომოსვლო გზების უქონლობა ზრდიდა საქართველო-ამიერკავკასიის მარცვლეულის თვითღირებულებას. „ასეთ პირობებში ადგილობრივ ხორბალს ბაზარზე... თანდათანობით გზა უნდა დაეთმო რუსეთიდან მოტანილობათვის“ (გვ. 245).

ნაშრომის მესამე ნაწილი მიძღვნილია მეცხოველეობისადმი.

ფეოდალური და ბურჟუაზიული ხანის იურიდიული ძეგლების შესწავლის საფუძველზე ავტორი ფართოდ აშუქებს საბალახოთა სარგებლობის წესებსა და გადასახადებს, რომლებიც სამეურნეო ყოფაცხოვრების გარდამავალი ფორმების შესაბამისად იცვლებოდნენ, თუმცა არსებითად ინარჩუნებდნენ საკუთარ სახეს, როგორც ექსპლუატაციაზე დამყარებული საზოგადოებრივი ურთიერთობის წარმონაქმნი. მეცხოველეობის განვითარების აუცილებლობით ამ სისტემაში მომხდარი ცვლილება (რაც ხშირად მისი უფარგისობით იყო გამოწვეული) მხოლოდ სახელმწიფო ხაზინისა და პრივილეგიური საზოგადოების ინტერესებს შეესაბამებოდა.

ნაშრომში უძვირფასესი მასალაა წარმოდგენილი მეურნეობრივი სხვადასხვაობის თავისებური პირობების, ბაზრისა და მომთაბარე მოსახლეობის ეკონომიური ურთიერთობის, გლეხობისა და პრივილეგიური წოდების დამოკიდებულების და საზოგადოებრივი ყოფაცხოვრების სხვა ძირითადი ნიშნების შესახებ, ახსნილია მიზეზები (მოსახლეობის ზრდა, საბალახოს შემცირება), რამაც მომთაბარე მესაქონლეობიდან მიწათმოქმედებაზე გადასვლის ტენდენცია გააძლიერა, და სხვ.

დაბოლოს, ნაშრომს ერთვის ცალკეული დარგების მიხედვით შედგენილი მეცხოველეობის სტატისტიკა (თითოეული ადმინისტრაციული ერთეულის მოსახლეობის ოდენობის გათვალისწინებით) 1862 წლიდან 1917 წლამდე.

წიგნი დაწერილია მრავალრიცხოვანი წყაროებისა და დღემდე უცნობი საარქივო მასალების მომარჯვებით,

კ. ღლონტი.



შაღვა შუბღაძე

დისერტანტი კოდალა

დილიდან შეღამებამდე ხეს უკაკუნებს კოდალა,
ვერც ვერაფერი მოკორტნა, ვერც ვერაფერი მოთალა.
შოშიამ ჰკითხა: — ძმობილო, რა თავი გიძღებს, რა გული,
ნუთუ ტვინი არ შეგეგრყა ხეზე ამდენი რახუნით?
კოდალამ უთხრა: — ვერ ხედავ, დისერტაციას ვამზადებ,
ფულუროს წარმოშობისა და შიგ ბარტყების დაზრდაზე.
მაღე დოქტორი გავხდები, დრო დამიდგება ნეტარი!
— კანდიდატიც ხარ? რომელი მეცნიერების ნეტავი?
— რომელი მეცნიერების? (კოდალა მწარედ ფიქრდება),
სოლომონ ბრძენი ხომ არ ვარ, ასეთი კითხვა იქნება!
შოშია ეტყვის: — მითხარი, როგორც ძმასა და მეგობარს,
როდისღა უნდა დაწერო, მარტო რახუნი გეყოფა?
კოდალამ ჩაიხითხითა, თან მეგობრულად გაჰკრა ფრთა:
— აგერ, ჭინჭრაქას თუ ხედავ, კაცი რომ არ თვლის არაფრად,
სულ ტვინად არის ქცეული, არც არის ენა ტარტალა,
ბევრი დიდი თუ პატარა მისი შემყურე გამხდარა.
სულ საქმეშია საწყალი, წამით არაა მოცლილი,
სამაგიეროდ ყელამდე საესეა მისი ცოლ-შვილი.
დღეს ხარისხს ვინც ვერ დაიცავს, ის, აბა, რაღა კაცია
და ჭინჭრაქასაც ყოველთვის მზადა აქვს დისერტაცია.
— ჩანს, მასზე განათლებული ჩვენში არავინ ყოფილა?
— ცხრა კლასი რომ დამთავრა, სიბრძნე ქვეყანას მოჰფინა.
შოშიამ უთხრა: — მრცხვენია, შენს ქცევას როგორ ვუყურო,
სხვა თემას ვერ მიაგენი, ვის რად ჭირდება ფულურო?
— მე კი რაიმედ მჭირდება? მაგის არც მცხელა, არც მცივა.
შენ ხარისხი თქვი, მერე კი ფული ჩეჩქივით დაცვივა!
ბოლოს დაფიქრდა კოდალა, უთხრა:
— რაც აქ ვთქვი, ძმობილო,
თავი არ მომჭრა საქვეყნოდ, არავის შეატყობინო!

ქ უ რ დ ი

ქურდი სახლში შეიპარა,
მაგრამ ყურში სტაცეს ხელი.
— გსურს გაგვძარცვო?
— სულაც არა,
არ გეგონოთ მტაცებელი!
წუხელ გვიან, აქ რომ გახლდით,
დაკეტილი იყო სახლი.
და არ ვიცი, რატომ, თუ რად
კართან მიველ უნებურად.
ყურს ვუგდებ და უცნაური
ხვრინვა მესმის კედელს იქით.
„უპაეროდ ძვრებათ სული!“ —
მომივიდა თავში ფიქრი.
„მიეშველე, ვიდრე ძინავთ!“
ფანჯარაზე შევდგი ფეხი.
ჩამოვხსენი უმალ მინა,

სახლში ჰაერს შევუძეხი.
და გადარჩით, ხედავთ, სიკვდილს,
აწ სიკეთეს ასე მიხდით?
— გვჯერა შენი, — უთხრეს, — მაგრამ
ხელს გაგიკრავთ მაინც მაგრად.
გვეპარება განა ეჭვი,
კარგი კაცი ხარ თუ არა?
რადგან ქურდებს ერთი ზნეც
გჭირთ, —
ყველანი ხართ მატყუარა.

* * *

პაუერსიცი შემოპარვას
ჩვენს ბაღხაში ასე ცდილა,
მაგრამ რაც მას ერგო წილად,
სხვებს ეყოფა გაკვეთილად.



აქედანდრეა სამსონია

სტუდენტობა და სიყვარული

შესავალი

სტუდენტობისა და სიყვარულის საკითხი მე დიდი ხანია მაწვალებს. რომ გითხრათ, ბავშვობიდან მსურდა სტუდენტი კაცის ცხოვრებაზე მოთხრობა დამეწერა-მეთქი, ტყუილი გამომივა. ბავშვობიდან მე უმალესში მოწყობა მსურდა, უფრო სწორად, ჩემი მშობლები გიყვებოდნენ ამაზე. მე ისედაც გიყვით ვიყავი და ბებიაჩემის გარდა არავის ვგონა ინსტიტუტში თუ მოვეწყობოდი.

საყვარელი ბებია, გახსოვს რომ ამბობდი, ჩემი შვილიშვილი გენიოსი თუ არ გამოვა, ქვეყანას მაინც გააკვირვებსო? ავისრულდა ხომ ხედავ სიტყვები!

შენ ისიც გახსოვს, ალბათ, ჩურჩხელებს რომ გბარავდი, მაგრამ არც მე დამეწიყებია თხილის შოლტით აწიოლებული კანკები. რა გაგაკვირდა, კი მირტყამდი ხანდახან, მაგრამ შენზე საყვარელი მაინც არავინ მყავს ამ ქვეყანაზე. ახლა კარგად იყავი, ჩემო ბები, და თუ არ დაგეძინება, იკითხე აგი ნაცოდვილარი. რაო, თვალები გტკივა? მაპატიე, ოქროს სათვალე რომ ვერ გიყიდე ამდენ ხანს!

მკითხველების წინაშე ბოდიშს ვიხდი ამ ლირიკული გადახვევისათვის. ბებიას და ბაბუას მეტს არ შეეაწუხებთ. ისინი ჩვენ აღარ გვეკვირდება, ჩვენ ხომ დიდები ვართ და უმალესი კარგა ხანია დავამთავრეთ.

როგორც უკვე გითხარით, მე დიდი ხანია მიწოდდა სტუდენტობაზე მოთხრობის დაწერა. საერთოდ მე ვალში ვარ ინსტიტუტის წინაშე, რადგან ბიბლიოთეკას დაუეკარგე ორი წიგნი და დოსაფს ერთი თვის საწევრო. ალბათ, შემინდობს ამ ცოდვას ინსტიტუტი. ჩემისთანა ხალხს რომ უმალესს ამთავრებინებდა, აბა რა ეგონა!

მაშასადამე, ეს იქნება მოთხრობა სტუდენტობასა და სიყვარულზე.

სტუდენტობა!
სტუდენტობა, ინსტიტუტი, კრებები, გამოცდები.

სტიპენდიის დაკარგვა და სოფლიდან გამოგზავნილი ფულის მოლოდინი.

ბორში ხორციანი და ბორში უხორციო. ნასესხები სამშაურთანებით ტრამვაში მგზავრობა.

თვალსა და ხელს შუა გაფრენილი ხუთი წელი.

დიბლომი, რომელიც ახლა ბუხარზე დევს, და მამაჩემი სევასტი:

„ამიზა დამიქციე, შვილო, ოჯახი?“
ახლა სიყვარული!

თეთრი ქალიშვილი, ჭადრების ხეივანი, მზე და წვიმა.

პემანი, ჩხუბი, ღვინო.

ბევრი, ბევრი ფული.

„სადაა?“
ხუთი წლის შემდეგ დიბლომის გვერდით ჩოლკიანი გოგოს სურათი.

დედაჩემი სოფიო:

„აღარ მოგყავს, ბიჭო, ვინცხაა აგი თმაგაწეწილი?“

„ვინ გატანს, დედაჩემო, ვინ!“
ყველაფერი ზემოთ თქმული იყო შესავალი.

შესავალი რომ არ დამეწერა, მე გამოსავალი არ მექონდა, რადგან წესია მკითხველებს გააცნონ რაზე იქნება მოთხრობაში ლაპარაკი, როგორ აიგება კომპოზიცია, სად იქნება კულმინაცია, ვინ შეკრავს კვანძს და ვის ჩამოახრჩობენ.

საერთოდ მწერალმა უნდა დაინტერესოს მკითხველი. ნაწარმოებში უნდა იყოს სროლა, ამისათვის საჭიროა ხმაურის ატეხა, მერე ვილაცას უნდა მოეჭრას თავი, თავი შეიძლება ავ-

ტოროსაც მოეპრას, მაგრამ ამას მნიშვნელობა არა აქვს.

წინასწარ უნდა განვაცხადო, რომ ჩვენს მოთხოვნაში სისხლი არ დღივრება. მკითხველის გარდა სასიკვდილოდ ჩვენ არავის გავიმეტებთ.

მე და ჩემი ამხანაგები ვიქნებით ამ მოთხოვნის გმირები. ჩემს ამხანაგებს თავის დროზე მე გავაცნობთ, თქვენ კიდეც მე გამიცნობთ,

31 აზვისტოს დამე

ყოველი პროფესორი თავის დროზე სტუდენტ-ი იყო, მაგრამ ყოველი სტუდენტი პროფესორი არ იქნება. მიუხედავად ამისა, ყველა სტუდენტს შეუძლია თავისი წვლილი შეიტანოს მეცნიერების განვითარებაში.

პირადად მე აღმოვაჩინე, რომ თბილისშიც თურმე ისე ღამდება, როგორც მზიანეთში.

მზიანეთი ჩემი სოფელია გურიაში. მზიანეთში, მართალია, ტრამვაი არ დადის, მაგრამ ზედ რკინიგზის პირას ეცხოვრობთ და თბილისის მატარებელი ჩვენს სადგურზეც ჩერდება.

კარგი სოფელია მზიანეთი! ცუდიც რომ იყოს, მაინც მიყვარს და ყოველთვის გული მიტოვდება მის გახსენებაზე. აი ახლაც, ამ საღამოს, მზიანეთიდან შორს, თბილისში, სტუდენტთა ქალაქის მეოთხე კორპუსის მეხუთე ოთახში მე ჩემს სოფელს ვიგონებ.

ფიქრები ჩქარი მატარებელივით მიყვება რკინიგზის ლიანდაგს. უკან რჩება სადგურები, სოფლები, ქალაქები. წიფის გვირაბს რომ გაცდებდი, თავი უკვე სახლში გვინია, ხოლო სამტრედიოში რომ ჩახვალ, ვინდაც შენს ეზოში წაშლილხარ კონინარზე. სამტრედიოში კაცი აღარ დაიკარგება. რაო, მზიანეთში მივედი თუკვე? ჩამიშვი ერთი, პრაქტიკი, ფული ხომ მოგეცი, კაცო, აღარ გახსოვს?

— გამარჯობა, ალფეზი ბიძია, სიმონი ვარ, რომ მიყურებ. მამაჩემი ხომ არ გინახავს სადმე? აა, ბრიგადაში იქნება? დედა ძროხის მოსადენდაა წასულიო? მაღლობელი ვარ, ბიძია, მაღლობელი!

მზე კარგა ხანია ჩავიდა. უკვე ისე ჩამობნელდა, რომ გოგობიკები ხელჩაიკიდებულნი ბრუნდებიან სამუშაოდან და პლანტაციებში გაკრული ღოჭუნების წაითხვაც შეუძლებელი ხდება. მე მაინც ყველა ზეპირად ვიცი. ა, თუნდაც აგერ, ლელის პირას რომაა: „მზიანეთის მშრომელებო, მიბაძეთ ნათელა ურუშაძეს და მოკრიფეთ 7 ტონა პირველხარისხის ხანი ჩაი. მეორე ხარისხს ფაბრიკა არ მიიღებს“.

ნათელა ურუშაძე ჩემი კბილაა. სკოლაში რომ დავდიოდით, მასწავლებელი მეუბნებოდა ნათელას მიბაძეო. სკოლა რომ დავამთავრე, თავმჯდომარემ მოთხრა ისეც ნათელას უნდა მიბაძო და სოფელში დარჩე სამუშაოდო. მე თავმჯდომარის შვილს მიბაძე და უმაღლესში მოვეწყვე. ნათელა კარგი გოგოა. მე და ნათელა ერთად

როცა საჭირო იქნება, და მივეყვებით მას ნელა.

რომ არ დაგვაიწყდეს, ჩემს სახელს გეტყვი, მე სიმონი მქვია. მანამდე ეს სახელი სიმონა დოლიძეს ერქვა. საერთოდ ძალიან პოპულარული სახელია. თქვენ წარმოიდგინეთ, საფრანგეთშიც კი ჰქვია ხალხს სიმონა და რა გასაკვირია ჩვენც სიმონები ვიყოთ.

ვიზრდებოდით და ჩემზე უკეთესად არავინ იცის მისი ამბავი.

ნათელას მუსიკის ნოტი აქვს, ოლიმპიადის სიმღერები სულ ზეპირად იცის. კოლექტივის მერგოლურო, მზეში დამწვარო, რომ დაიწყებს, მერგოლუროც მორბის მის მოსასმენად და რგოლის წვერებიც. ამ ამბავს რომ დანახავს, ბრიგადირი შორიდან გადმოსძახებს, ქალაუ, გეგმებს თუ ასრულებო. ნათელა გულს დაუწყნარებს, ნუ გეშინია, გეგმებსაც ვასრულებ და პრემიასაც მივიღებო.

მართალია, პირადად მე უნიჭო ვარ და ხეირიანად სიმღერის მოსმენაც არ შემძლია, მაგრამ ის ძაან მოსამოგუნებს, როცა ნათელა „ზამთარია, მათოვს, მაწვიმს“ მღერის. ეს არის და მეტი არაფერი, თქვენ სხვანაირად ნუ იფიქრებთ.

აგერ ჩვენს სახლსაც მივადექით. მამაჩემო, ჭიშკარი რომ დაგრჩენია ღია, ანთიმოზას ღორები თუ შეგაცივდა ეზოში, ნახვც ერთი რას დაეშინავსაც შენი ნაფურები სიმინდი!

დღაჩემი ლაფაროში ძროხას წველის, ქოთანს პირამდეა სავსე. ეტყობა, კარგად უბალახია დღეს ჩვენს ლამაზს. არა, ნენა, რძე არ მინდა, ხბოს დაუტოვე, ცოდვაა. მე კვერს თუ გამომიცხობ, კი შევჭამ, ძაან მომენატრა.

რა იყო, რა გაკვირვებით მიყურებთ, სოფიოვ და სევასტივ? თქვენი ბიჭი ვარ, სიმონი, ხომ მიცანით? რაფერ ვიქნები ახლა, ორი დღეა სახლიდან რომ წამოვედი, წერილი კი გამოგიგზავნეთ გუშინ და ჯერ თუ არ მივიღათ, გეტყვი, რასაც გწერდით.

თბილისი რომ მზიანეთი არაა, მაგი ქე გეცოდინებათ უჩემოდ.

სამტრედიო ხომ დიდი ქალაქია, მაგრამ თბილისის სამტრედიოზე დიდია. როგორ ავიხსნათ ახლა, ქუჩაში რომ მივდივარ, პატარა კიდეც მეშინია არ დავიკარგო ამ ბაზრობა ხალხში, მაგრამ იმდენი ვი ვიცი, პირველი და ორი ნომერი ტრამვაი ვაკეში რომ ჩერდება ჩემი სახლის წინ. ჩაჯდები ლამაზად, გადაიხდი ექვს შაურს და სულ ხრიგინ-ხრიგინით მიგიყვანს სტუდენტ-ქალაქში.

სტუდენტ-ქალაქი რაცაა, კი გექნებათ ვაგონილი, მაგრამ მე უფრო კარგად გეტყვი. თბილისის ქალაქია, მაგრამ რაიონიდან ჩამოსული ხალხისთვის კიდეც ცალკე ქალაქია გაშენებული, ასე

ჩვენი სოფლის ხელა იქნება. ჩემისთანა სიმონი ათასი ცხოვრობს შიგ. ხუთი წელი რომ გავა და უმალესს რომ დამათავრებ, პატარა ჭყუა თუ გეჭნა და პატარა იღბალიც, შეიძლება ბინა მოგცენ და მაშინ ნამდვილ თბილისში იცხოვრებ. აქაურები ამბობენ, ყველა მასე შევბაო. მე პირადად ღმერთმა დამიფაროს, დიბლომი თქვენ თუ არ ჩამოგიტანეთ სოფელში, რად მინდა თავი ცოცხალი!

რავა ხარ, უჩვენოდ რას აკეთებო, რომ მეკითხებით, ჯერჯერობით ჭამის მეტს არაფერს ვაკეთებ. აგი ბორშირ, აგი შნიცელიო, აგი კიდევ სალიანკაო და რა ვიცი კიდევ რამდენ თავს შეჭამს კაცი თუნდად და ორ აბაზად. თქვენ ნუ გეშინიათ, ჭამაზე სტიბენდია მეყოფა. ჩემთვის გამოსაგზავნი ფულით მაგი ჭიშკარი გავაკეთოთ წელს, ისე იხსელა, მანქანა რომ შემოგტოს შიგ. გოგია კოპლატაქეს სამი კლასიც არა აქვს დამათავრებული და ხუთი მანქანა თუ გამოიკვალა, ჩვენ ვითომ რა ღმერთი გაგვიწყრება?!

მეტი რა გითხრათ, თბილისის მაღაზიებში ხანდახან იმისთანა რამეები გამოდის, ჩვენსკენ რომ ნახავ კულაში.

სწავლა ხვალ დიღას მეწყება და ნუ გეშინ-

ნიათ, თქვენ რომ გავიხარდებოთ, ისე ვისწავლა დედაჩემო, აქაური კოვონების ნუ გეშინია ჩემით თუ არ გადავირიე, მაგენი მე ვერ გადამრევენ. ისე, სულო ცოდვილო, იმისთანა ჩაცმულ-დახურულები დადიან რუსთაველის პროსპექტზე, ისე აციცინებენ თვალებს, რომ გული ქი გადაგიტრიალდება ხანდახან, მაგრამ მაგისთანა რამეები ჩემთვის ადრეა, ჯერ უმალესს დავამათავრებ და ცოლს, მე თუ ვერ ვნახავ, თქვენ მაინც კი მიშოვით სადმე.

ახლა დამაძინეთ პატარა, ხვალ ადრე ვარ წასასვლელი ინსტიტუტში. დანარჩენ ამბავს, როცა კიდევ ვნახავთ, მაშინ გეტყვით.

...

— სიმონ, ბიჭო!

— ა?

— ა და წამოდექი ზედ, რა გამოშტერებული გვიყურებ.

— რა იყო, გათენდა უკვე?

— გათენდა კი არა, ახლა დაღამდა.

— თუ დაღამდა, მაცალეთ დაგიძინო.

— ჯერ ტანზე გაიძვრე, ძმაო, და ისე დაიძინე.

თერთმეტს ათი წუთი აკლდა, ჩვენი ბიჭები დაბრუნებულიყვნენ კინოდან.

პირველი სექტემბრის დღი

პირველი სექტემბერი სულ სიხარებაში გამოთენდა. სად არ ვიყავი და რა არ ვნახე. ჯერ ვითომ უმალესი დავამათავრე და ასპირანტურაში დამტოვეს, მერე სოფელში გამგზავნეს სამუშაოდ და ფერმის გამგედ დამნიშნეს. მამაჩემი სიხარულით ცას გამოეკრა, მაღლობა ღმერთს, ძლივს კაცური საქმე იშოვაო. ერთი სიტყვით, ისე ვიყავი გაბრუნებული, რომ კარგა ხანს თავი მზიანეთში მეგონა და შემუშავებული ვუტყდი როდის ამაგდებდა დედაჩემი ძროხის გასადენად, ან კიდევ ბრიგადირი ჩამიკიენებდა ყურში, გეყოფა ძილი, ჩაში წამოდითო.

ბოლოს, როგორც იქნა, ბურანიდან გამოვერკევი და სტუდენტურაში აღმოვჩნდი. მამასადამე, პირველი სექტემბერი დადგა, ისტორიული დღე ჩემს ცხოვრებაში! რამდენი რამ მეღის წინ, რამდენი რამ უნდა მოხდეს. ჯერჯერობით კი არაფერი მომხდარა, ჩვენს ოთახშიც სრული სიწყყნარეა, ბიჭებს ძინავთ და სანამ გაიღვიძებდნენ, მოდიოთ, მათ გავაცნობთ.

აი, ჩემს გვერდით რომ მაღიანად ხერინავს, სიკო ხინდრაავა, ფოთელი. ერთად ვაბარებდით, ერთნაირი ქულები მოვგროვებთ და ახლაც ერთად ვართ. ცუდი ბიჭი არ უნდა ჩანდეს. როგორც კი მოვიდა, გავაფრთხილა, ხერინვა ვიცი და არ შეშინდეთო, პატარა რომ აცივდება, გლანდებს ამოვიჭრი, მეც დავისვენებ და თქვენც დავასვენებთო.

კუთხეში მეოთხეკურსელი ნოდარ გორდაძე წევს. ბიჭია, რომ უნდა ისეთი. ვაკეში კარგი დამრტყმელის სახელით იცნობენ, ჩვენი ინს-

ტიტუტის ჩემპიონია კრივში. მე რომ მაგის ოთახში მოვხვდი, სხვები შურით გულზე სკდებოდნენ, ბედი გაქვს, თბილისში ვეღარავინ გაგლახავსო. მე მოჩხუბარი კაცი არა ვარ, ჩხუბის მარტო ყურება მიყვარს. ნოდართან ცხოვრება იმიტომ მიხარია, რომ ოქრო გული აქვს და კაცურად თუ ეტყვი რამეს, კაცურადვე გაგიკეთებს.

ნოდარს საწოლთან ათასი რკინები და ღვედები უწყვიო. ყოველ დღით იმით ვარჯიშობს. გულში ვთქვი, მოდი ერთი მეც ვნახავ თუ ავწყვე ამ გირებს-მეთქი. მოვიკიდე ხელი. ოპო, კი მძიმე ყოფილა! აბა, დავიწყეთ ვარჯიში. ერთი, ორი, სამი! — შესუნთქვა, ოთხი, ხუთი, ექვსი! — ამოსუნთქვა. პო, მიდი, სიმონ, ნუ გეშინია, თუ დაილაღე, დაისვენე პატარა და მერე გააგარძლე. მამასადამე, ერთი და... ორის თქმა ვედარ მოვასწარი, გირა პერპენდიკულარულად დაეშვა ჩემს მაზოლიან თითებზე.

ხმაურზე სიკოსა და ნოდარს ეღვიძებათ, მე დარცხვენელი და დაყოკლებული ისევ ლოგინში ვწვივები.

კარებზე დააკაკუნეს. ნოდარმა გვანიშნა, ჩემი მალ იყავითო.

კაკუნი ახლა ბრახუნში გადავიდა.

— გააღეთ კარები! — ულტიმატუმს გვიყენებს ვიღაცა გარედან.

— ვინ არის? — ეკითხება ნოდარი.

— სტუდენტთა ქალაქის კომენდანტი! — ისმის ოფიციალური ხმა.

— რა მოგაქვს?

— გირვენებთ რაც მომაქვს, კარი გამოიღეთ, თქვე ციგნებო!

რა გაეწყობა, ვალებთ კარებს. კომენდანტ თადაოზი თვალები პროექტორებად გახდომია და ისე ვეყურებს, თითქოს სისხლის სამართლის დამნაშავეებთან ჰქონდეს საქმე.

— რა ხმაური იყო? — მრისხანედ კითხულობს იგი.

ნოდარს კომენდანტს წინ დაუდგა.

— ხმაური თქვენ ატეხეთ, ამხანაგო თადაოზ.

— რას მითამაშებ მაგ მუსკულებს, — იყვირა კომენდანტმა, — შენი კი არა, სტრატეგიების არ შემშინებია ცხრაას ხუთში, დაიწი უკან, მე შენ გელაპარაკები!

ნოდარს მაგივრად უკან თადაოზი იწევს.

— მაჩვენეთ რა გატეხეთ, არ დამიმალეთ. ოო, კიდეც ეს რკინები! ბურთაობთ, არა? ავი ახალგაზრდომონტებული ოთახი რომ დამინგრიოო, სად მიხვალთ მერე? იცოდეთ, შენ მოგთხოვ პასუხს, გორდაძევე, ჩიტივით გაგაფრენ სტუდენტ-ლაქიდან, კაცი შენს ბურღდას ვერ ნახავს!

ჩვენ ვლუმვართ. თადაოზიც წყნარდება.

— პაპიროსი გექნებათ, მომაწევით ერთი ამ ცხელ გულზე.

ნოდარი აწვდის და თადაოზი მაღიანად აბოლებს.

— გულის მაგივრად თქრო მაქვს საგულეში და იმიტომ მიშვებით ამას ხომ?

ნოდარი ხელს კიდეებს და ჩემს საწოლთან მოყავს.

— ბატონო თადაოზ, ამ კაცს ხომ ხედავთ. მუხლებამდე წვდება საბანი. ცოდვია, მოვუხერხოთ რაღაცა.

თადაოზი გაეკვირებულნი მიყურებს.

— ამის სარგო საბანს ვინ მოძენის, კაცნახევარია ვიდაცაა ეგ, სადაური ხარ, ბიძიკო?

— მზიანეთელი.

— მზიანეთელი?

— ჰო, ბატონო, არის ასეთი სოფელი გური-აში.

— კი მარა, ყველა ამ სიგარძე იზრდებით მზიანეთში? ისე, ჩვენებური თუ იყავი, დროზე ვერ თქვი?

— არ გიციოხავთ და.

— ჰო, კარგი, ახლა, ოღონდ ჰკუთით იყავით და რამეს მოგიხერხებთ.

თადაოზმა ერთ პაპიროსს კიდევ მოუყიდა და წავიდა.

საათის ისრები ცხრის ნახევარს უჩვენებს. მე უკვე დაღუპული მაქვს ჩაი და ტრამვის გაჩერებასთან ვდგევარ. თქვენ თუ ოდესმე სტუდენტი იყავით, გეცოდინებათ რას ნიშნავს ცხრის ნახევრიდან ცხრამდე ტრამვაით მგზავრობა. ამ დროს ყველა სახის ტრანსპორტს ბუზებივით აკრია ხალხი, ყველაფერი გაჭვდილობს, ადგილი არაქვს ყოფნის, მაგრამ მგზავრობას შეგნებულ მოქალაქეთა აბსოლუტური უმრავლესობა ახე-

რჩება. ეს არის სასწაული და ცოტა უფრო მეტიც.

ასეთ საქმეში ნოდარი, ეტყობა, დიდი სპეციალისტია. თვითონ ხომ ავიდა და სიკოც ჩამოიკიდა ქაშარზე, მე ვიდაცას ფეხს წავვეტანე, მაგრამ ამიხსენს, ეს სახელური არ გახლავთო და ბოდიშში მოეუხადე. ამ ახსნა-განმარტებაში ტრამვაი წავიდა და მე ადგილზე დავრჩი.

ლოდინში დრო ისე სწრაფად მიდის, რომ საათზე დახედვისაც მეშინია. აი გამოჩნდა მეორე ტრამვაი. აბა, სიმონ, მოეშადა, — ვუთხარი ჩემს თავს, — უფრო ენერგიული მოძრაობაა საჭირო, ჯერ ამოქმედე ხელები, მერე ფეხებზე იზრუნე, მთავარია დაბლა ფეხსაცმელები არ დაგჩქეს, თორემ ინსტიტუტში ნასკებით მოგიწევს წასვლა.

ტრამვაი დაიძრა.

— გავიწიოთ წინ!

— კარებში ნუ გავჩერდებით!

— შევიძინოთ ბილეთები!

ისერის ლოზუნგებს კონდუქტორი, ხალხი უსმენს და არ მოქმედებს, რადგან თევზებივითაა ჩაწყობილი ვაგონში და ხელები შეკრული აქვს. სქელ მამაკაცს, რომელიც უხერხულად გაჩხერილა ბაქანზე, წურწურით ჩამოსდის ოფლი.

— აღარ შემიძლია, გავთავდი, დამიბერე, გენაცვალე, მაგი ვაზეთი, თორემ გული შემიიწუხდება, — ეხვეწება იგი გვერდით მდგომ ქალს. — ბატონო, ნუ მეხუტები, მე მარტო დამიბერემეთქი გითხარია.

აღშფოთებული ქალი მას გაუთელეს, გაუზრდელსა და ლუღის კასრს უწოდებს.

მე ცდილობ როგორმე სახიფათო ზონიდან გავიდე.

— ვაი ფეხი, მაზოლი! — ღრიალებს სქელი.

— თქვენ აკლდით სწორედ, ყმაწვილო, ხო, ხო რა ხარო ახლანდელი ახალგაზრდები, ფეხით მგზავრობას თქვენ არ კადრულობთ, ყოველთვის სხვისი ფეხით გინდათ სიარული.

დანარჩენი მგზავრები კონფლიქტში არ ერევიან, მათ ნეიტრალური პოზიცია უჭირავთ, კუთხეში მდგომ ქალიშვილს კი ელიძება.

ვაჩერებაზე სქელმა მოახერხა ჩასვლა და იქვე მდგომ კონტროლიორს ჩემზე მიუთითა.

— აგერ, იმ ყმაწვილს, ფიჩორის ყანჩასავით რომ დგას, ბილეთი არ აუღია და ჰკუთასწავლეთ!

ბილეთი მართლაც არა მაქვს, ახლა დაგიჯერებს ვინმე, რომ აღება ვერ მოახერხე?

— ახალგაზრდავ, თქვენი ბილეთი! — ზრდილობის სრული წესების დაცვით მეუბნება ჩემზე უფრო ახალგაზრდა კონტროლიორი.

— ინებეთ! — რაც შეიძლება რიხიანად ვამბობ მე და ჯიბეებში ვიწყებ იმის ძებნას, რაც არ არსებობს. მოულოდნელად ჩემს ხელს ვიდაცას თბილი და ნაზი ხელი ეხება და ბილეთს მაწვდის. მე დაბნეული ვეყურებ ქალიშვილს

ლურჯ თვალეში, რომლებშიც ახლა ოდნავ შესამჩნევი ღიმილი კიაფობს, და მერე კონტროლიორს ვუწვი ბილეთს. იგი დიდხანს უკირკიტებს ამ ექვსშაურიან ქალაღის ნახევს, ბოლოს რწმუნდება, რომ ყველაფერი კანონს შეეფარდება, გახევის და წინ მიიწევს.

ჩემი მსხველი კი ისევ მიყურებს და ეღიმიება, არ ვიცი როგორ გადავუხადო მადლობა.

— მე... — და ენა მებმება.

— თქვენ სიმონი ხართ, არა? — იცინის ქალიშვილი.

— დიახ, მაგრამ... თქვენ ზომ არ შეგეშალათ?

— მგონი არა, ფილოლოგიის ფაკულტეტზე ზომ აბარებდით გამოცდებს?

— კი, სულ ხუთები მქონდა, ოცი ქულა მოვაგროვე.

— ჰოდა, მეც გამოცდებიდან მახსოვხართ.

— ახლა მეც გამახსენდა.

— რა გაგახსენდათ?

— აი, გამოცდებს რომ ვაბარებდით.

ქალიშვილი ხმამაღლა იცინის.

— მე თუ გახსოვართ?

— როგორ არა, თქვენ გქვიათ...

— ნანა.

— ჰო, ნანა, მე კიდევ სიმონი მქვია.

— ძალიან სასიამოვნოა, ახლა ჩავიდეთ, სიმონ, ჩვენი გაჩერებაა.

— მილიციელი დგას, უკნიდან ჩამოსვლისთვის დაგვაჯარიმებს.

— შენ მე მომყევი, — მეუბნება ნანა და პირველი ჩადის. რა გეწყობა, მეც უნდა ჩავიდეთ! მილიციელის სასტვენმა ადგილზე გამაქვავა. ნანა კი ამ დროს სამშვიდობოზეა გასული.

— მოქალაქე, გადაიხადეთ ჯარიმა!

— ბოღში, პატივცემულო, სტუდენტი ვარ.

— მით უარესი, სტუდენტი თუ ხარ.

ჩვენს გარშემო ხალხი მოგროვდა, ნანამაც მოირბინა. მე ჯიბისკენ წავიღე ხელი, მაგრამ შემაჩრია.

— ზომ ხედავთ რამდენი ხალხია, წინიდან როგორ ჩამოვიდოდით, — ეუბნება იგი მილიციელს.

— ეგ მე არ მეხება, გადაიხადეთ ჯარიმა, თორემ განყოფილებაში წაგიყვანთ.

— თუ თქვენ ეს არ გეხებათ, მაშინ არც ჩვენ გეხება ჯარიმის გადახდა, — ეუბნება ნანა, მერე ხელს მკიდებს და თითქმის ძალით მიმარბენინებს.

მილიციელი სტვენით დაგვედევნა, მაგრამ წინ სტუდენტები გადაუდგნენ.

— ამხანაგო უფროსო, ეპატიებათ, დღეს პირველი სექტემბერია.

უფროსმა ხელი ჩაიქნია და წავიდა.

ჩვენ ვესტიბულში შევედით. თვალი ამიჭრელდა, იმდენი ხალხი ირევა. აგერ პირდაპირ ჩემკენ თეთრი ქალიშვილი მოდის, დიახ, თეთრი ქალიშვილი, თეთრ კაბაში, თეთრი სახით და

თეთრი ღიმილით, უფრო სწორად, თეთრი სმელებით. მან შორიდან გაშალა ხელე-ბი და, როცა მე უკვე სასიამოვნო მოლოდინში გავინაბე, ჩემს მაგივრად ნანას გადაეხვია.

— ნანოქა!

— ქეთინო!

ქეთინო თეთრ პეპელასავით უტრიალებს ნანას და თითქოს მღერისო, ისე ამბობს.

— როგორ დამწვარხარ, მე სულ არ მეკიდება მზე. ცურვა ისწავლე? ჰო, მართლა, ეგ ტიპი ვინ არის?

— ეგ სიმონია, ერთ ჯგუფში ვიქნებოთ.

— გამარჯობა, სიმონ! — ძველი ნაცნობივით მიწვდის თეთრ ხელს ქეთინო.

მე ვიცი, რომ ასეთ დროს ზრდილობიანი ლაპარაკია საჭირო.

— გაგიმარჯოთ, როგორ გაატარეთ ზაფხული?

— გადასარევეად. ზღვაზე სულ თქვენისთანა ხალხი იყო.

— მე კიდევ მდინარეში ვბანაობდი და ღორჯოებს ვიჭერდი.

ქეთინო არაფერს ამბობს და მხოლოდ ჩემს შარვლის ტოტებს უყურებს.

წინ მივიწვივთ. კარისკაცის ხმა შორიდან გვაჩერებს.

— აბა, სტუდენტივითები მაამხადეთ. ე, გოგო, სად მიძვრები, დაგინახე, გაჩერდი-მეთქი, გეუბნები!

— ძია მოსე, ბილეთი დამრჩა, გამიშვით რა.

— აბა გვერდზე ჩამოვდგეთ, სხევებს ხელს ნუ ვუშლით.

ძია მოსე დიდხანს უყურებს ჩემს სტუდენტს, მერე მე მიყურებს და მეუბნება:

— ეგ შენი არ არის.

— როგორ თუ არ არის?

— როგორ არ არის და არ არის-მეთქი!

— ჩემია, ბიძია, მამას ვფიცავარ.

— მაგისია ნამდვილად, — არწმუნებს ნანაც, — ოღონდ სურათში თმა აქვს.

ძია მოსე ახლა ნანას უყურებს.

— მამ შენ უდგები თავდებად, რომ ნამდვილად ეგ არის?


— რა თავლები უნდა, — იცინის ნანა, — კარგი, თუ ასეა, — დაევდგები.

— ახლა გავიაროთ, ნუ გავჩერდებით, — ბილეთს მიბრუნებს ძია მოსე, — იცოდე, მეორედ არ გნახბ თმადეაქრევილი.

ზუსტად ცხრა საათზე დაირეკა ნანატრი ზარი ისე, როგორც სკოლაში რეკდნენ ხოლმე. მერე აუდიტორიაში შემოვიდა სათვალეზიანი მოხუცი, მოგვესალმა და კათედრაზე ავიდა ლექციის წასაკითხად.

ჩვენ რეჟულები გავშალეთ.

„პირველი კურსის სტუდენტი სიმონ მდინარაძე, ლექცია ნომერი პირველი“ — მსხვილი ასოებით დავწერე პირველ გვერდზე.



სტუდენტი, რასაკვირველია, მოწინავე უნდა იყოს სწავლასა და საზრგადადობრივ საქმიანობაში, სტუდენტი უნდა ლეზულობდეს ხუთიანებს, სტიპენდიას და სახლიდან გამოგზავნილ ფულს, ინსტიტუტში შესვლისთანავე უნდა იხდიდეს ქუდს და პროფკავშირის საწევროს, ლექციების დროს არ უნდა დადიოდეს კინოში ან არ უნდა იჯდეს ინსტიტუტის ბაღში.

ერთი სიტყვით, სტუდენტს ბევრი რამ ევალება და მათ შორის ლექციებზე დასწრება. თვითეული ლექცია ორი ტაიმა — ორმოცდახუთ-ორმოცდახუთი წუთი. რადგან პირველ კურსზე საგნები ბევრია და დრო ცოტა, დღეში საშუალოდ ოთხი ლექციის მოსმენა გვიხდება. ჩვენ ბეჯითები ვართ და სწავლაზე ძალას არავინ გვატანს, ჩვენ მხოლოდ საკუთარ თავს ვატანთ ძალას, რვა საათს მერხებზე ვსხედვართ და ვუცდით როდის დაირეკება უკანასკნელი ზარი.

საერთოდ ბოლო ლექციას არაფერი ჯობია, რადგან იცი, რომ იმის შემდეგ უფლება გეძლევა სახლში წახვიდე. ბოლო ლექცია რავინდსინტერესო უნდა იყოს და რავინდ მკაცრი ლექტორი კითხულობდეს, მაინც ბოლო ლექციაა და მის მოსასმენად განწყობილი არა ხარ.

ხიდაშელის სიმკაცრეზე ინსტიტუტში ლეგენდებს ყვებიან და ამიტომ გამოცდების დაწყებამდე ჩვენ ისღა დაგვრჩენია, რომ მის ყველა ლექციას და სემინარს დავესწროთ.

ჯგუფში წინა მერხებზე ფანტიკოსები სხედან. ისინი ლექტორის არც ერთ სიტყვას არ ტოვებენ ჩაუწყურვლს. უკანა მერხები ნახევრად-დამოკიდებულებისა და დამოუკიდებლების ტერიტორიაა. ლექციების დროს აქ დასაშვებია ხატვა, წერილების წერა და გარეშე ლიტერატურის კითხვა.

ქეთინო დილიდან რემარკის „სამ ამხანაგს“ გადაყვა. ახლაც მერხში ჩაურგავს თავი და გატაცებით კითხულობს. დროდადრო შუბლზე ჩამოყრილ თმებს ხელით ივარცხნის. როგორ უნდაღება!

ქეთინომ წიგნი დახურა, უცებ მობრუნდა და ჩემს თვალებს წააწყდა. ახლა იფიქრებს, რომ მას ვუცქეროდი. სრულიადაც არა, მე უბრალოდ მიანტერესებდა რა წიგნს კითხულობდა. უკვე სამჯერ ვკითხე? ბოლოში, მაშინ მე ფანჯარაში ვიციქირებოდი.

ქეთინომ კვლავ გადაისვა თმებზე ხელი და მანიშნა რამდენი წუთი დარჩა დარეკამდე. ამ ყურადღებით გახარებულმა ხუთი თითი გავშალე, გავშალე და იმ წუთში ხიდაშელმა ჩამავლო.

— თქვენი საათი, სტუდენტო მდინარაძე, ინსტიტუტის დროს ჩამორჩება, ერთი თითი კიდევ მოუყეცეთ, დარეკამდე ზუსტად ოთხი წუთი დარჩა.

წინა რიგებში გაიცინეს, უკან გაიღიმეს, მე გავწითლდი.

ხიდაშელი კათედრიდან ჩამოვიდა და ნანას წინ გაჩერდა.

— აბა, კახიანი გვეტყვის რაზე ვლაპარაკობდით.

ნანა თავდახრილი წამოდგა.

— ბოლოში, პატივცემულო პროფესორო, მე არ ვისმენდით.

— არ მისმენდით, რატომ?

— დილიდან ეს უკვე მერვე საათია და, დამიჯერეთ, საშინლად დავიღალე.

— პოო... ყოველ შემთხვევაში ჩემზე მეტად არ დაღლილხართ. რა გეწყობა, თუ არ მისმენდით, ცხადია, არც გეცოდინებათ.

ზარი დაირეკა. ხიდაშელმა პორთფელი აიღო და წყნარად გვიოხრა:

— იანვარს ნუ დაივიწყებთ, სტუდენტებო, იანვარს.

ჩვენ ერთბაშად ვიგრძენით სუსხი. დაფიქრებულები გარეთ გამოვედით.

გზადაგზა ჩვენ ერთმანეთს შთაბეჭდილებებს ვუზიარებდით და კმაყოფილებას გამოვტყავდით.

ეზოდან რომ გამოვედით, ნანამ შემაჩერა.

— სიმონ, დაცა, ერთად წავიდეთ.

— სახლში არ მივდივარ, ნანა, ქვემოთ უნდა ჩაუხვიო. — ვთქვი მე და ენაზე ვიკბინე.

— თუ არ მიდიხარ, რა გეწყობა.

ქეთინომ ისე შემხედა, რომ ადგილზე გამაქქავა.

— ქალიშვილი გაცილებას თხოვს და ეს უარს ეუბნება!

მუნჯების ვიდექი და ლამპიონის ბოძად გადაქცევის ენატრობდი. ქეთინომ მიყურა, მიყურა და მხოლოდ ერთი სიტყვა წარმოთქვა:

— სიმონ!

ეს ერთი სიტყვა მთელ წინადადებას უდრიდა.

როცა ჭადრებს ფოთლები ცვივა

ჭადარი თბილისში დიდი პოპულარობით სარგებლობს.

თბილისელებს უყვართ ჭადარი, უფრო სწორად, ჭადრის ქვეშ დგომა.

ჭადართან ეწყობა პემანები და ვარიანტები. ჭადარზე სხდებიან ბელურები.

ჭადარს უმღერიან პოეტები.

მე პირადად ამ ხეში გადასარევეს ვერაფერს ვხედავ. ჩემთვის რომ ეკითხათ, ჭადრის მაგივრად რუსთაველის პროსპექტზე ვაშლებსა და მსხლელებს გავაწინებო და ხალხს ბაზარში წასვლა არ დასჭირდებოდა ხილის საყიდლად.

ეს სხვათაშორის, მთავარი კი ისაა, რომ ჭადრების გარეშე წარმოუდგენელია თბილისი.

ზევით ჭადრები კი წარმოუდგენელია შემოდგომის გარეშე.

შემოდგომაზე თუ რუსთაველის პროსპექტზე გაივლი, პირველად იქ შენიშნავ, რომ ჭადარი მარადმწვანე მცენარე არ არის და ფოთლები ცვივა, თუმცა არც სტუდენტალაქშია ამის დანახვა ძნელი.

ჰოდა, შემოდგომა მოვიდა სტუდენტალაქში, ცეცხლი წაუტიდა ჭადრის ხეებს.

ცვივა ჭადრებს წითელი და ყვითელი ფოთლები და, როცა უყურებ, ისეთ ხასიათზე დგები, რომ არ იცი რა გინდა: დალევაც გინდა, კარგ გოგოსთან სიარულიც და ჯიბეში ასი თუმანიც. ასეთ დროს მხოლოდ სემინარის მომზადება არ გინდა.

და თქვენ წარმოიდგინეთ, რა ბეჯითი უნდა იყოს კაცი, რომელიც შემოდგომის ასეთ საღამოს, როცა ჭადრებს ფოთლები ცვივა და როცა შენს ოთახში ბიჭები მღერიან, სემინარს ამზადებდეს.

ეს კაცი არის სიკო ხინდრავა და კითხულობს ძველი ქართლის ლექციებს.

ბიჭები კი მღერიან:

ოქტომბერში თუ ჩემს მხარეს გავივლია...

სიკოს თავზე საბანი წამოუხურავს, მაგრამ სიმღერა საბანშიც აღწევს.

პაწაწინა მარჯნისფერი ყვავილია,

იმერეთში ეძახიან საპოვნელას.

გაბრაზებული სიკო მონუმენტივით წამოდგა ლოგინზე.

— რასაც თქვენ აკეთებთ, მე არ ვიცი რას ეძახიან იმერეთში, მაგრამ ჩვენებურად მას უსინდისობა ჰქვია.

— ბიჭოს; ეს რა ბრძენი ყოფილა. ბევრია კიდე შენსთანა ჭკვიანი ფოთში? — სიცილით ეკითხება ნოდარი.

— სიკო, ფოთში ტრამვაი დადის?

— ტაქსები რამდენს წერს თქვენთან? — სალაპარაკო იშოვეს ბიჭებმა.

სიკო, როგორც ნამდვილი ფოთელი, თავისი ქალაქის პატრიოტია, კაცს არ შეარჩენს ფოთის ცუდად ხსენებას. მისი მთავარი კოზირი ყველა არაფოთელის წინააღმდეგ არის ფეხბურთი. თუმცა მეტად არასასიამოვნოა, მაგრამ ფაქტია, რომ, როცა თბილისელები კოჭს აგორებდნენ, ფოთში ფეხბურთის თამაში იცოდნენ და რომ ბორის პაიჭაძე საბურთალოზე არ დაბადებულა.

„ფოთის პრობლემა“, როგორც ყოველთვის, ახლაც სიკოს გამარჯვებით მთავრდება, მაგრამ ბიჭები ასე ადვილად არ თმობენ ბრძოლის ველს. საქმეში ახლა მალხაზი გადის, რომელიც იმდენად დაბალია, რომ ზედმეტ სახელად გიგანტს ეძახიან.

აი ეს გიგანტი უახლოვდება სიკოს ლოგინს და იწყებს:

სწავლობს სიკო ფოთელი,

გარეთ ცვივა ფოთოლი...

სიკო მალხაზს წიგნს უჩვენებს.

— გახუმლი, თორემ ამ წიგნს თავში გაძირავს გიჟანბე.

გიგანტი შეუშფოთებლად განაგრძობს:

სიკოს უყვარს მაწონი

და ლოგინში დაწოლა.

იმის მაგივრად, რომ გიგანტს თავში ესროლოს, სიკო წიგნს მაგიდაზე ისვრის.

— არა, აქ მეცადინეობა არ შეიძლება!

— რა გაქვს ამდენი სამეცადინო, ღილიდან რომ გადააკვიდე? — ნოდარი წიგნს ხელში იღებს, — ოო, ხიდაშელის სემინარს ამზადებ?

— ხომ იცი რა მკაცრია.

— ცოდნა თუ გაქვს, არ დაგიკარგავს.

— მე, ჩემო ძმაო, ხიდაშელმა სამჯერ გამომაბრუნა გამოცდიდან, — გულს უქეთებს გიგანტი.

— მერე რა ქენი?

— მეოთხეჯერ გავედი.

სიკო ხელებს უმწეოდ შლის.

— თქვენ რომ გიყუროს, კაცი გავიყვება.

— კარგი რა, სიკო!

— გაიცინე ერთი.

— ნუ ბრაზობ, თორემ უღვაშები ამოგივია.

— სიკო, პაემანზე არ მიდიხარ?

სიკო რწმუნდება, რომ ჩათრევას ისევ ჩაყოლა ჯობს.

— პაემანზე მე რატომ უნდა წავიდე?

— აბა ვინ?

— ვინც შეყვარებულია, ის.

ამ სიტყვებზე რატომღაც ყველა ჩემსკენ იხედება. მე ვგრძნობ, რომ სახეში მაწვება სისხლი და მაქვს უზომოდ გრძელი ხელები და ფეხები.

— ო, სიმონ, ცოცხალი ხარ? — მეკითხება გიგანტი.

— რა მომკლავდა ვითომ?

— კარგი, სიმონ, ნუ ბრაზობ.

— სრულიადაც არ ებრაზობ.

— სიმონ, რატომ ხარ შეყვარებული?

— მე არა ვარ შეყვარებული.

— თქვი ახლა ვაყაყუტრად, ვინ გიყვარს.

— ჩვენი დეკანი.

— კიდევ?

— კომუნდენტი თაღაოზი.

— ამხანაგებო, გთხოვთ მომიხმინოთ, — ხელებს მალა წევს სიკო, — მე ვიტყვი სიმართლეს!

— ჰო, თქვი აბა.

— მიდი, ნუ გეშინია.

— როგორც სარწმუნო წყაროებიდან, ისე პირადი დაკვირვებითაც დადასტურებულია, რომ პირველი კურსის სტუდენტ სიმონ მდინარაძეს უყვარს თეთრი...

რაც კი ძაბვა ჰქონდა ჩემს თვალებს, ყველა სიკოს მივანათე.

— ჰო, თქვი არ შეშინდე, — ამხნეებენ სიკოს, — თეთრი, რა თეთრი?

— თეთრი პური. — იცინის სიკო.

იცინიან ბიჭები. მეც ვიცინი და გაოფლილ

ხელებს ჯიბეებში ვიწმენდ. თურმე ვეღვავდი. თეთრი ქალიშვილიო, უნდოდა ეთქვა სიკოს, ასე ეძახიან ჯგუფში ქეთინოს. პო, კარგი გოგოა ქეთინო, ლამაზი, მაგრამ ნანაც ხომ კარგია? ლაურაც და ნანულიც ლამაზები არიან, ქეთინო მაინც სხვანაირი ლამაზია, რაღაც სხვანაირი ლამაზი იცის. მერე შენ რა, სიმონ, მართლა ხომ არ შეგეყვარდა? ვინა თქვა ეს! მე მხროლდ... არა, ქეთინო კარგი გოგოა, ქეთინო თბილისელია, მე მზიანეთში ვცხოვრობდი და ახლა თბი-

ლისში ვსწავლობ ქეთინოსთან ერთად. ქეთინოს თეთრი კაბა უხდება...

გარეთ ჰადრებს ფოთლები ცვივა და, როცა უყურებ, ისეთ ხასიათზე დგები, რომ დაღვევაც გინდა და გოგოსთან სიარულიც, ოღონდ არც ფული გაქვს ჯიბეში და არც ქალიშვილი გელოდება პაემანზე.

ცვივა ჰადრებს წითელი და ყვითელი ფოთლები...

ბედნიერი დღე

სტუდენტური ცხოვრების დღეები ერთმანეთს მისდევენ.

სხვადასხვანაირია ეს დღეები.

მზიანი და უმზეო.

მხიარული და მოსაწყენი.

და ზოგჯერ ბედნიერი დღეც გამოერევა, როცა სახლიდან სევასტი მდინარაძე შეგახსენებს, ცოცხალი ვარო და ფულს გამოგიგზავნის.

დიდი ხნის ლოდინის შემდეგ ეს ბედნიერი დღეც გამოთენდა. ფოსტალიონზე მზიანეთიდან გამოგზავნილი სამასი მანეთი ჩამითვალა ხელში. ჩვენს ოთახში დღესასწაული იდგა. მე ხომ მიხაროდა, მაგრამ ბიჭებმა კინაღამ დროშები გამოვიდეს.

მიღებისთანავე ხუთი თუმანი ვალებში დაეარიგე, ხუთი კიდევ ჩემვან ისესხეს, დამრჩა ორასი მანეთი და ამ თანხის დახარჯვის ათასი ვარიანტი.

რა ჯობია ფულიან კაცს! იმ დღეს მთელი ქალაქი შენია! გინდა ტრამვაიაში ჩაჯექი, გინდა ტროლეიბუსით ისეირნე, შეგიძლია ქალიშვილებსაც აუღო ბილეთი, ან კიდევ ტაქსით წახვიდე და მტერს გული გაუხეთქო.

კარგია მგზავრობა, მაგრამ როცა ფული გაქვს, ყველა ტრანსპორტს მაინც ფეხით სიარული ჯობია. თამამად გაუვლი რესტორანს, სამწვადეს, სახინკლეს, რისი გეშინია — ჯიბეში ოცი თუმანი გაქვს, თითო ხინკალი კი მანეთი ღირს, ლული — ორი მანეთი და ერთი აბაზი.

ყველაფერი ეს ზოგადი მოსაზრებებია, კონკრეტულად ჩემთვის დღეს დაღვევა არ შეიძლება, რადგან ვარჯიშზე მივდივარ. თქვენ, ალბათ, არ იცით, მე სპორტსმენი ვაგვხვდი, კალათბურთის თამაში დავიწყე. ყველაფერში ჩემი სიმაღლეა დამნაშავე. ვერ იყო და სკოლაში მეუბნებოდნენ, იმისთანა ტანი გაქვს, უმაღლესში აუცილებლად მოეწყობო, მერე უმაღლესში შემიჩნდნენ, აუცილებლად კალათბურთი უნდა ითამაშო. თუმცა მე ბურთის ხელში დაჭერაც არ ვიცოდი, მაგრამ ძალზე მონდომებული ვიყავი და, როცა ისტორიის ფაკულტეტს მოვუვით, ყველა გაკვირვებული დარჩა ჩემი ტალანტით. ისტორიკოსების კაპიტანმა ქართლოსმა ჩემზე სპეციალურად იკითხა, ეს მხეცი სად იზოვებო? პოდა, იმ დღიდან სექციამი ჩავეწერე და ახლაც იქ მივდივარ სავარჯიშოდ.

გვიანი შემოდგომის წყნარი, უღრუბლო და უქარო საღამოა. რუსთაველის პროსპექტზე საოცარი სიმშვიდე სუფევს. არ ისმის სიმღერა და ყვირილი, არც არავინ ჩხუბობს, ურნებიც თავის ადგილზეა, ხოლო ყოველ კუთხეში მორიგე მილიციელი დგას.

ასიოდენ ნაბიჯი ისე გავიარე, არავინ დამჩახები. ის იყო ზევით უნდა ამეხვია, რომ ძახილმა შემაჩერა.

— სიმონ!

მოვიხედე, ქართლოსი იდგა ბიჭებში.

— პრივეტ, ჯიგარო! — ხელი გამომიწოდა.

— პრივეტ!

— საით გავიწვივია?

— ვარჯიშზე მივდივარ.

— კუნთებს ვიმაგრებთ, არა? — გაიცინა ქართლოსმა და ბიჭებს მიუბრუნდა, — გთხოვთ იცნობდეთ, კალათბურთელი სიმონი, ქეთინოსა და ნანას თანაკურსელი.

— ოო, ძალიან სასიამოვნოა!

— სიმონს სიცოცხლე! — სათითოდ გამეცინენ ბიჭები.

— სხვათაშორის, ეს ის სიმონია, ფილოლოგებთან თამაში რომ წავგავებინა.

— ოო! — გაიკვირვეს ბიჭებმა.

მე დავიმორცხვე.

— ხალხს მართალი ეგონება, აბა მე რა მოთამაშე ვარ.

— ნება მომეცი არ დაგეთანხმო! — ხელები გამალა ქართლოსმა.

— ასევე ჩვენც! — დაუმოწმეს ბიჭებმა.

შექება მესიამოვნა და ამაყად გადავხედე ყველას, შემდეგ პირდაპირ გავიხედე და სახინკლე დავინახე. გადაწყვეტილება წამსვე მივიღე.

— ბიჭებო, ხუთი წუთით გთხოვთ. — და სახინკლესკენ მივუთითე.

ქართლოსმა ბეჭებზე ხელი დამარტყა.

— ყოჩად, სიმონ!

— აი გვესმის, ნამდვილი სიმონი ყოფილხარ!

— თქვენს ბიჭებმა.

ერთმა მოთვანმა, გელას რომ ეძახდნენ, სუფრასთან შეწყვეტილი საუბარი განაგრძო.

— იმას გუუბნებოდი, ქართლოს, კარგი ვარიანტი ჩავაწყვეთ იმ დამეს, ოღონდ ფული დავაკვალა და კოტემ საათი დატოვა ზალოგში.

— ახალი ამბავი, — ვაიცინა ქართლოსმა, — შემდეგ?

— შემდეგ გოჩა აუტყდა ვილაყებს და ძლივს გამოვიყვანეთ.

— ცემეთ?

— ლაწირაკები იყვნენ, ხელის გასვრავდაც არ ღირდა.

ოფიციატმა ხინკალი, ლუდი და არაყი მოგვიტანა. ქართლოსმა ჭიქები შეავსო.

— აბა, სიმონ, თქვი ორი სიტყვა.

მე დაგიწყვი:

— ამ პირველი რუმკით გაუმარჯოს ჩვენს სტუდენტობას, რომელიც გულმოდგინედ ეუფლება მეცნიერების საფუძვლებს.

ბიჭებმა ერთმანეთს გადახედეს.

— ეს რა შაყირი გაუშვა. — თქვა გელამ.

ჭიქები ერთმანეთს მივუჭახუნეთ და გადავკაართო.

— ამ მეორე სასმისით ჩვენი პროფესორ-მასწავლებლები ვაღდეგრძელოთ, — განვაგრძე მე, — კარგად ყოფილიყვნენ, თავიანთთვის დისერტაციები ეწეროთ, ჩვენთვის — ხუთიანები.

ქართლოსმა ალტაცებისაგან ხელები გაშალა.

— სიმონ, სად ისწავლე ამისთანა საღდეგრძელოები?

— სოფელში. შენ ჩვენი თავმჯდომარე უნდა ნახო, ქორწილში ისეთ რამეებს გამოიგონებს, რომ სანამ ნეფე-დედოფლის საღდეგრძელოს დაღვედნენ, ხალხი სუფრიდან გასატანი ხდება.

— აბა თუ მასეა, თქვენს თავმჯდომარეს გაუმარჯოს! — თქვა ქართლოსმა.

— გაუმარჯოს!

— ამინ!

არაყი გავვითავდა.

— ბიჭო, აფიცრე, მოგვითანე მეორე ბოთლი, — დავუძახე მე.

— მაგ ოფიციატს სიმონი ჰქვია, — მითხრა ქართლოსმა.

— სიმონი მე მქვია, შენ რა, დათვერი?

— არა, ძმაო, შენც სიმონი ხარ და ის ოფიციატიც, გაიგე ახლა?

— კარგი, თუ მასეა, ახლა ეს ჭიქები ავწიოთ.

— ვისი საღდეგრძელოა? — იკითხა გელამ.

— ამით მანდილოსნები ვაღდეგრძელოთ, — ვთქვი მე, — მოიცათ, პირი ნუ დააღეთ, მოკლედ და კონკრეტულად ჩვენს ნაცნობ ქალიშვილებს გაუმარჯოს, კარგად იყვნენ ნანა, ქეთინო...

— ჰოო, — თქვა ქართლოსმა, — ქეთინო კარგი გოგონა.

— ნანაც კარგია.

— ნანაც კარგია, მაგრამ ქეთინო გადასარევი.

— შენ რა, იქნებ...

— კარგი, ნუ ბრაზობ, სიმონ, — ჭიქა მომიჭახუნა ქართლოსმა, — მე უბრალოდ ვთქვი, რომ ქეთინო კარგი გოგონა.

— თუ კარგია, ქეა მიზდა. ჰოოდა, გაუმარჯოს

ახლა ნანას და ქეთინოს, ნათელაც იყოს!

— ნათელა ვინაა?

— რაო, თქვენ ნათელა ურუმადეს არ იცნობთ? — პირველი ჩაის მკრეფავია ჩვენს სოფელში, ისიც კარგი გოგონა, პირდაპირ დახატული თვალ-წარბი აქვს.

— აბა ნათელასაც გაუმარჯოს! — თქვა ქართლოსმა.

კარგა ხანს შევერჩით. გარეთ რომ გამოვედით, ვარსკვლავებით მოჭედული ცა დაგვეყურებდა. მთვარეც იყო და ლამაზონებიც. ერთო. მე ბიჭებს გამოვემშვიდობე, სეირნობის თავი აღარ მქონდა, თავში მხოლოდ სასიამოვნო ბურუსი სუფევდა. ერთბაშად სიყვარული მომწყურდა და ქეთინო ვინატრე.

ქუჩაში პეპლებივით ირეოდნენ ქალიშვილები, ყველა კარგი და ლამაზი იყო, მაგრამ მე მაინც ქეთინოს ვეძებდი.

— ღმერთო, შენი სახელის ჭირიმე, ოდონდ ახლა ქეთინო მანახვინე და...

— ვთქვით განახვინა, რას იხამ?

— არაფერს, უბრალოდ შევხედავ და გამიხარდება.

და უცებ ზარების რეკვასავით ჩამესმა ყურში ჩემი სახელი.

— სიმონ!

ჯერ არ მოვებრუნებულვარ, მაგრამ ვიცი, რომ ისაა. მოვბრუნდი და ისაა ნამდვილად, სულ მარტო. მაღლობელი ვარ, ღმერთო!

— სიმონ, რა დაგემართა? — გაკვირვებული მეკითხება ქეთინო.

— არაფერი.

— შენ რა, ნასვამი ხარ?

— კი, ნასვამი ვარ, მაგრამ არ დავმთვრალვარ.

— კარგად იყავი, მე აქეთ უნდა ჩავუხვიო.

— მოიცა, მე გავაცილებ, ნუ გეშინია, მთვრალი არა ვარ... მე ძაან ჩვილი გული მაქვს, ქეთინო.

— რა უცნაური ყოფილხარ, სიმონ. — იცინის ქეთინო.

მივდივართ. გაბედულება კი მაქვს, მაგრამ ენა არ მემორჩილება.

— სიმონ, თქვი რამე.

— ქეთინო, მე მთვრალი არ გეგონო.

— ვინ გეუბნება მთვრალი ხარო.

— ქეთინო, მე ჩვილი გული მაქვს.

— კარგად იყავი, სიმონ, აგერ კუთხეში ჩემი სახლია, მაღლობელი ვარ გაცილებსათვის, — მითხრა ქეთინომ.

აბა სიმონ მდინარაძე, ან ახლა, ან არასოდეს!

— ქეთინო, ერთი წუთით მომიცადე.

მობრუნდა და მიყურებს.

— ქეთინო, მე...

— ვიცი, ვიცი, მთვრალი არა ხარ.

— არა... ის მინდოდა მეტქვა, რომ ხვალ... ხვალ კინოში წამოხვალ? დაცა, ნუ იცინი, გუ-

ლით ვთხოვ, ხომ იცი რა ჩველი გული მაქვს.

— უცნაური ხარ, უცნაური.—კვლავ იცინის ქეთინო და მე ჭკუიდან მშლის ეს სიცილი.

— წამოხვალ?

— აბა რა ვიცი.

— ხვალ „სპარტაკში“, მესამე სიანსზე, ცხრა საათზე ვერაზე გიცდი საათთან.

— ერიპაა, შენ უკვე ყველაფერი გადაშე-რი?

— არა, მე მარტო ვთხოვ, ხომ წამოხვალ?

— ვნახოთ. — მეუბნება ქეთინო და მ-დის ვნახოთო! მაშასადამე, უარი არ მითხრა! სიმონ მდინარაძე, შენზე ბედნიერი კაცი ახლა ქვეყანაზე არავინაა, იმდერე, სიმონ, იმდერე!

გოგონა და კისისაო,
აქ ჩამოდი წყლის პირსაო...

ბოდიში, ამხანაგო მილიციელო, ნუ მაჯარი-მებ, ფული მაინც არ მაქვს, ისე კი მქონდა, მაგრამ დავხარჯე. აი სტუპენდიას რომ ავიღებ, მაშინ დამაჯარიმე. არა, შე მთვრალი არა ვარ, ამას სიყვარული მამღერებს. წავალ ახლა, კარგად იყავი, ღმერთმა ჩემზე ფულიანი შეგახვედროს!

სტუდენტობაში სულ პარი-პარალის ძახილით მივედი. ბიჭებს ეძინათ, მე ნოდარის საწოლზე ჩამოვეყეი.

— ნოდარ, გაიღვიძე, ნოდარ! მე ვარ...

— შენ მთვრალი ხარ.

პირველი პაემანი

რას ნატრობს ნამთვრალევი კაცი მეორე დღით? პირველ რიგში ბორჯომს, რასაკვირველია, მაგრამ როცა ბორჯომს დაღვეს, მაშინ ინატრებს, რომ წინა ღამის სცენები სიზმარი იყოს.

გალოთლი ხომ, სიმონა მდინარაძე? — ვეუბნებოდი ჩემს თავს, — მაგი შეგეხვეწენ, სპირტი დაისხი თავზეო? იმდენი ფული რომ დაფშვენი ერთ ღამეში, როგორ ფიქრობ, კიდევ გამოგიგზავნის მამამენი სტუპენდიის აღებად თუ რუსთაველის პროსპექტზე იშოვი ერთბაშად. რომ დალიე და გამოთვერი, კარგი ბატონო, მაგრამ წასულიყავი სახლში და დაგეძინა, ქუჩა-ქუჩა რომ დაიწყე პორწილი. პაემანი დაუნიშნე ქეთინოს, არა? მერე ვინ ხარ ასეთი? — სოფლიდან ჩამოსული სიმონი და მეტი არაფერი! რავა გგონია, შენზე უკეთესი არავინ დადის თბილისში, ეგ ანგელოზივით გოგო რომ ჩამოგეკიდოს კისერზე?!

მთელი კვირადღე ასე გოგნებულ ვიყავი და ფიქრებს ბუზებივით ვიგერიებდი. ბოლოს, როგორც იქნა, დაღამდა და თანდათანობით დამიბრუნდა იმის რწმენა, რომ მე უბედური კი არა, ბედნიერი კაცი ვარ და ცხრა საათისთვის პირველ პაემანზე უნდა წავიდე.

პირველი პაემანი პირველი სიყვარულის გარეშე არ არსებობს. საერთოდ პირველი ყველაფერი კარგია — პირველი კოცნა, პირველი ცოლი, პირველი განქორწინება. რაც შეეხება მეორეს, შეიძლება ისიც კარგი იყოს, მაგრამ რა-

— ჰო, ცოტა დავლიე, მინდოდა და ~~დავმეცადებოდი~~ მაგრამ ცული კაცი არა ვარ.

— ოქრო ხარ, სიმონ, ოღონდ ახლა დაწევი.

ჩვენს ლაპარაკზე სიკომ თავი წამოყო.

— რა მოხდა, რა ხმაური ატეხეთ?

— რაო, ძმაცა, შენ გავგეღვიძა? ბოდიში რა!

— თავი დამანებე, დათვერი, არა?

— კი დავთვერი, ახლა წადი და კომიტეტში უთხარი, მდინარაძემ სტუდენტისათვის შეუფერებელი საქციელი ჩაიდინა-თქვა, თუმცა რატომ, ღვინოს კომიტეტის წევრებიც კი სვამენ, ჩვენი დეკანიც ყოფილა როდესმე მთვრალი.

— კარგი ახლა, თუ ძმა ხარ, თავი დამანებე.

— შენ ძმობას ნუ მაფიცებ.

— მაშ ქეთინოს ვაფიცებ.

— ბიჭოს, ამას რამდენი ცოდნია, თავია, აბა პროტეხი ხომ არაა! — ეთქვი მე და წავუთაქე. სიკო ზეზე წამოვიარდა. ნოდარმა ხელი მომკე-და და ლოგინთან მიმიყვანა.

— დაწევი ახლავე!

უსიტყვოდ დაწევი.

— ვარჯიში რომ გააცდინე, რას ფიქრობ?

— გავაცდინე, თორემ ქორქია არ გამოვიდე ერთბაშად.

ნოდარმა სინათლე ჩააქრო და ჩემს თავში წისქვილის ქვებივით დატრიალდა ყველაფერი.

ტომდაც მეორე სიყვარულსა და მეორე პაემანზე ჯერ არც ერთი ლექსი არ დაწერილა.

ახლა პაემანზე საერთოდ.

პაემანი, როგორც ადამიანთა ურთიერთობის განსაკუთრებული ფორმა, კაცობრიობის უღიღესი მონაპოვარია.

როგორც სიყვარულის გარეშე არ არსებობს პაემანი, ასევე თვით პაემანიც არ არსებობს ტელეფონისა და საათის გარეშე.

წარმოდგენილი მაქვს, რამდენი დაბრკოლება უნდა გადაელახათ ჩვენს წინაპრებს ბნელ შუასაუკუნეებში თავისი მიჯნურის სანახავად და რა ბედნიერები ვართ ჩვენ მათთან შედარებით, როცა ავიღებთ ტელეფონს და:

— ალო, სადა ხარ, თინა, ამდენ ხანს?

— მე, ბატონო, თინას დედა ვარ.

— ბოდიში, თინა რომ მოვიდეს, უთხარით, ზემელზე ველოდები საათთან.

რას იტყვით, ხომ საოცრად იცვლება დრო?!

შვიდი საათი რომ დაიწყო, წვერის პარსვას შეველექე. ჩვენი ოთახი, როგორც წესი, ხალხით იყო გაჭვდილი და ცნობისმოყვარეობით მიცქერდნენ.

— დაისისხლიანა თავი ამ კაცმა, უთხარით რალაო, — ურჩია ბიჭებს ნოდარმა.

— ბედნიერი კაცი ვარო, სიკომ უნდა თქვას, — ჩართო გიგანტმა, — არც პარკიანხერი ქირდება და არც სამართებელი.

სიცილზე მანუჩარმა შემოიხედა.

— რა სულელებივით დაგიღიათ პირი?

— ბიჭოს, ეს ვინ მოსულა!

— მანუჩარ, ახალს რას გვეტყვი?

მანუჩარმა ჰკეა იხმარა და გაჩუმდა.

წვერის პარსვა რომ დაეამთავრე, კოსტუმის წმენდას შევუდექი.

— აბა ვინ გამოიციანობს სად მიდის ჩვენი სიმონი? — იკითხა გიგანტმა.

— მაგას რა ცოდნა უნდა, — საჯარო ბიბლიოთეკაში.

— ოლოლო შენ, მანუჩარ, ვერ გამოიცანი.

— აბა სამეცადინოდ. — დაასკვნა ნოდარმა.

— თქვა რუქამ არაკი.

— მაშ სად?

— თქვენც იტყვიან უმაღლესში ვსწავლობთო, რა! აბა სად უნდა წავიდეს ახალგაზრდა უცოლო კაცი სადამოს, როცა წვერს გაიპარსავს და კოსტუმს გაიწმენდს.

— აა, გასაგებია, — იყვირა მანუჩარმა, — პაემანზე!

მე ხელი ჩავიქნე. — თქვენი შემყურე კაცი გაგიყდება.

— აბა მარტო სიკოს უყურე, ჰკეა მოგემატება, — მითხრა გიგანტმა.

სიკო არც კი იხედება, ეტყობა ძალიანაა გაბრაზებული.

წასვლის წინ ნოდარი დერეფანში გავიხმე.

— ნოდარ, შენი ჰირიმე, ერთი თუმანი გექნება, იქნებ მე ფული არ მეყოს და...

ნოდარმა ოცდახუთიანი ამოიღო.

— ხურდას მოგიტან ამ წუთში. — ვუთხარი მე.

— კარგად შეინახე, არ დაკარგო. ჰო, წადი ახლა არ დაგაგვიანდეს.

დამაგვიანდეს კი არა, იმდენი დრო მაქვს, ფეხით ჩავუყევი სტუდენტალაქიდან. ნახევარი საათით მაინც ადრე მივედი.

არ წვიმდა. არც ქარი ქროდა.

გული მოლოდინით, შიშით და ეჭვით სავსე.

შეიქნა ცხრა საათი.

ქეთინო არ ჩანს.

ტრამეაები დადის. ხალხიც დადის.

ქეთინო მაინც არ ჩანს.

ცხრა საათი და ხუთი წუთი.

„მოვა?“

„რაღა არ მოვა!“

ცხრა საათი და ათი წუთი.

ტრამეაები გაჩერდნენ, ხალხიც გაჩერდა.

ღმერთო, გამოჩნდა, როგორც იქნა! — ქეთინო, სად მიდიხარ, მე აქ ვარ!

მობრუნდა და

— თქვენ, ახალგაზრდავ, გეშლებათ.

— კი, ბატონო, შემეშალა.

ცხრა საათი და ოხუთმეტი წუთი.

„ნამდვილად აღარ მოვა!“

„უნახოთო, რომ თქვა?“

„ზომ ნახე ახლა!“

ცხრა საათი და ოცდაათი წუთი.

„მომატყუა ხომ, ვინ ვგონივარ მაგას!“

ცხრა საათსა და ორმოცდახუთ წუთზე ხელი ჩავიქნე და სტუდენტალაქში წავიდი.

ბიჭები ისევ ოთახში დამხვდნენ.

— რა ზეთი ჩამოვდის სახიდან? — მკითხა გიგანტმა.

— მაცალე კერტი, თუ კაცი ხარ.

— ალბათ, არ მოვიდა. — დაასკვნა ნოდარმა.

— მერე როგორ ემზადებოდა, — ამოიხსრა გიგანტმა, — ხო, ხო, რა არიან ეს ქალები, ეშმაკი ვერ გაუგებს ვერაფერს!

— შენც იმიტომ დაანებე თავი, არა?

— მე ვინც მომეწონა, ყველა ჩემზე მაღალი გამოდგა და რა მექნა?

ბიჭები იცინიან. მე კი ცეცხლი მიკივია გულზე და ქვეყანაზე არავინაა, ეს ხანძარი რომ ჩამიქროს.

(პირველი ნაწილის დასასრული)



- აჭარის სახელმწიფო გამომცემლობამ გამოუშვა ახალი წიგნები:
- აჭარის ასსრ სახელმწიფო მუზეუმის შრომები, ტომი V, რედ. ხ. ახვლედიანი, გვ. 132, ფასი 6 მან. 50 კაპ.
- დ. ნაცვალაძე — ილია ხონელი, რედ. კ. რუსიძე, გვ. 138, ფასი 2 მან. 50 კაპ.
- აჭარის ექიმთა საზოგადოების შრომები, ტომი IV, რედ. ვ. გიორგაძე, გვ. 142, ფასი 5 მან.
- ფ. მახარაძე — აქცზობობდა და მუშაობდა ლენინი, რედ. ვ. ტოშკუა, გვ. 99, ფასი 1 მან.
- ნ. ბარამიძე — სამოქალაქო ომის გმირი ნესტორ კალანდარიშვილი, რედ. ც. წუწუნავა, გვ. 55, ფასი 50 კაპ.
- ხ. ბერიძე — როგორ მივიღე 4405 კილოგრამი რძე თითოეულ ფურზე, რედ. ც. წუწუნავა, გვ. 18, ფასი 25 კაპ.
- აღ. გურგენიძე — ფეხბურთი ბათუმში, რედ. გ. ურუშაძე, გვ. 62, ფასი 1 მან.
- მ. დლონტი — უცნაური ცხოველები, რედ. დ. უჩანეიშვილი, გვ. 134, ფასი 3 მან.
- გ. სანადირაძე — თოლიების ცა, რედ. ნ. ნოღაიდელი, გვ. 96, ფასი 1 მან. 50 კაპ.
- შ. როყვა — მამის ღიმილი, რედ. ნ. მაღაზონია, გვ. 102, ფასი 2 მან.
- პ. ლორია — შეილები (წიგნი მეორე), რედ. ა. შონია, გვ. 352, ფასი 10 მან.
- ა. ართილაყვა — ბავშვის ტემპერამენტი, რედ. ვლ. ნორაკიძე, გვ. 134, ფასი 6 მან.
- ლ. სეიდიშვილი — ლექსები, რედაქტორი ნ. ნოღაიდელი, გვ. 54, ფასი 1 მან.
- კ. დიღუაშვილი, ხ. ახვლედიანი — ისლამი და მისი ზოგიერთი გადმონაშთი, რედ. ც. წუწუნავა, გვ. 72, ფასი 1 მან. 50 კაპ.
- ს. ხელაძე — ეს მოხდა საზღვარზე, რედ. კ. რუსიძე, გვ. 103, ფასი 1 მან.
- ჯ. მესხიძე — საქართველოს შავი ზღვის სანაპიროს კეფალის ბიოლოგიისათვის (რუსულ ენაზე), რედ. ვ. ნიკიტინი, გვ. 84, ფასი 4 მან.
- ი. დიასამიძე, ი. ნორაკიძე, ს. ავალიშვილი — ჰიგიენა ჯანმრთელობის საწინდარია, გვ. 46, ფასი 1 მან.
- შ. იოსელიანი — რჩეული, რედ. გ. სალუქვაძე, გვ. 132, ფასი 4 მან.
- საქართველოს სამეცნიერო-კვლევითი სათევზშეურნეო სადგურის შრომები (რუსულ ენაზე), ტომი V, გვ. 70, ფასი 3 მან.
- ი. ჯიბლაძე — ბათუმის რაიონი (ეკონომიურ-გეოგრაფიული დახასიათება), რედ. ნ. ნიყაძე, გვ. 106, ფასი 2 მან. 50 კაპ.
- მ. ვარშანიძე — ჩემი ტაძარი, რედ. ა. შონია, გვ. 498, ფასი 11 მან.
- ი. ჩულოკი — ბათუმის ბოლშევიკების სამხედრო-საბრძოლო მოქმედება რუსეთის პირველი რევოლუციის წლებში (რუსულ ენაზე), რედ. კ. დოლიძე, გვ. 246, ფასი 11 მან.
- გიორგი ყაზბეგი აჭარის შესახებ (შეაღგინეს მ. სვანიძემ და ნ. ნაჭყებამ), რედ. ი. სიხარულიძე, გვ. 124, ფასი 4 მან.

ხელმოწერილია დასაბეჭდად 18/X* 60 წ., საბეჭდი 6 (პირობითი 8), საგამომცემლო 7 თაბახი. შეკვეთის № 6298, ემ 00668, ქალაქის ზომა 70X108, ტირაჟი 2000.

საქართველოს სსრ კულტურის სამინისტროს
მთავარბოლიგრაფსამმართველოს ბათუმის სტამბა-ლითოგრაფია
(ბათუმი, ლუქსემბურგის, 22).

Батумская типо-литография Главполиграфиздата
Министерства культуры Грузинской ССР
Батуми, ул. Люксембург, 22.

ფანი 4 მან.

6. 70 / 287



ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ

„ლიტერატურული აჯარა“

ОРГАН АДЖАРСКОГО ОТДЕЛЕНИЯ
СОЮЗА ПИСАТЕЛЕЙ ГРУЗИИ